

ИСОҚЖОН НИШОНОВ

7



АФГОН ШАМОЛИ

ҚОРА АФГОН



ИСОҚЖОН НИШОНОВ

АФГОН ШАМОЛІШ

ҚОРА АФГОН

Еттінчи китоб

Тұлдирілған қайта нашри


ЯНГИ АСР АВЛОДИ
ТОШКЕНТ
2016

УЎК: 821.512.133-31

КБК: 84(5Ў)7

Н – 69

Нишонов, Исоқжон

Афғон шамоли: роман. Қора афғон. Еттинчи китоб.
Исоқжон Нишонов. Тўлдирилган қайта нашри. – Тошкент:
Янги аср авлоди, 2016. – 224 б.

ISBN 978-9943-27-825-7

«Афғон шамоли» роман-сериалининг еттинчи қисмида ёритилган воқеа-ҳодисалар асосан Афғонистон ҳудудида рўй беради. Мазкур қисмда ўқувчи толибларнинг қурол-яроғларини йўқ қилишда гумон қилинган Бўроннинг ўз Ватани равнаки, тинчлиги ва афғон халқини террор балосидан қутқариш йўлида учраган оғир синовларни бирга бошдан кечиради, толибларнинг манфур бащараси ва файриинсоний жиноятларига яна бир бор гувоҳ бўлади.

Шунингдек, арзимас бойликни деб ўз юрти, халқи ва динига хиёнат қилган, турли ташқи қучларнинг ногорасига ўйнаб, ўзлигини йўқотган Эргаш, Мирзаҳмад, Faфур ва Башир каби фитнабошиларнинг тақдирни, навбатдаги кирдикорлари билан танишишда давом этади.

УЎК: 821.512.133-31

КБК: 84(5Ў)7

ISBN 978-9943-27-825-7

© Исоқжон Нишонов, «Афғон шамоли». Еттинчи китоб.
«Наманган», 2013 йил.

© Исоқжон Нишонов, «Афғон шамоли». Еттинчи китоб.
«Янги аср авлоди», 2016 йил.

ШОШИЛИНЧ ХАБАРНОМА

19 июнь куни кеч соат 23:30 да Башир Қирғизистон ҳудудига яшириниб олган мулла Абдулло билан алоқа-га чиқади ва ўрнига Маҳдий лақабли ёрдамчисини қолдириб, зудлик билан Қундузга етиб келиши тайинлади. Дала командири Маҳдийга Қирғизистон орқали Ўзбекистоннинг Чимён дам олиш зонасига кириб бор-ши ва бу ердаги одамлари билан бирлашиш вазифаси топширлади.

Маҳдий. 1955 йилда туғилган. Асл исми Убайдулло Хўжаев. 1994 шили Тоҷикистон орқали Афғонистонга ўтган. Қундуз вилоятидаги жангарилар тайёрлаш ла-геридаги Покистонлик йўриқчи Аббос Нур қўлида тай-ёргарликдан ўтган. Бир неча жанговар ҳаракатларда толибонлар сафида иштирок этган.

КОБУЛ

Техрон халқаро аэропортида Хелмарнинг одами Фа-фурни кутиб олди. Ўзини таништиргач, меҳмонни ма-шинасига ўтқазиб, чегара томон жўнашди. Кеч бўлиши-га қарамай, йўлда машиналар қатнаб турарди. Улар тун ярмида чегарага келишди.

– Мана шу сўқмоқдан тўғри пастга тушсанг, қар-шингдан чанглзор чиқади. Уни кесиб ўтасан. Тошлар устидан икки чакирим юрсанг эски машина кўрина-ди. Олдинги фидирлак остида калит бор. Йўл нотекис, эҳтиёт бўлиб, машинанинг изидан юрасан. Довоңдан

ошиб ўтганингдан кейин қора саллали чол қўл кўтари. Ундан керакли топшириқларни оласан. Худо ёр бўлсин! – деди сирли йўл бошловчи у билан хайрлашар экан.

Faфур чангальзор ичига кириб кетди. Осмонда ой кўринмас, чангальзор ичи қоп-қоронги эди. Оёқ излари кўринмасди. Одам бўйидан баланд ўсимликлар орасида юриш азоб эди. Кўп бор адашди, ниҳоят чангальзор тугаб, қаршисидан тошлоқ йўл чиқди. Икки чақирим юргач, ўша айтилган машина кўринди. Айтилган жойдан калитни топди. Моторни ўт олдириб йўлга тушди. Бу пайтда тонг бўзарганди. Ярим чақиримча юргач, йўлнинг ўртасида ўтирган одам кўринди. Faфур сигнал чалди. Бироқ у ўрнидан турмади. «Чол экан, у айтган одам бўлмаса керақ бу» ўйлади Faфур. Тормозни босди.

– Пастга туш! – буюрди чол.

Faфур машинадан тушди. Атрофда тирик жон кўринмасди.

– Менда ишингиз борми, амаки? – Faфур мўйсафида ни ўзини кутаётган одам эканлигига ишонгиси келмади.

– Ишим бордир-ки, тўхтатдим, – кўрслик билан жавоб қайтарди чол. – Тунда қишлоқни толибонлар босди. Ҳамма ёқ алғов-далғов. Кўлга тушган одамнинг кимлигини суриштирмай, бўғизлаб ташлашяпти. Яшашни ис-тасанг, ортимдан юр.

– Машина нима бўлади?

– Анави жарга ташлаб кел!

Faфур топшириқни бажариб, чолнинг олдига қайтди. Иккиси тошлар устидан юриб, юқорига кўтарилишди. Булутлардан тозаланган осмонда офтоб ўзини кўрсатди, даштга нурини тўкиб, жон киргазди. Faфур чолга ўтринча нигоҳ ташлади. Шунда унинг паҳмоқ соқоли ясамалигини билди. Кўзлари, қаддини тутиши, қадам ташлашлари ўрта ёшлардаги одам эканлигини билдиради.

– Шу ерда хайрлашамиз, – деди у. – Мана шу төрдөн ошиб ўтсанг, қишлоқ кўринади. Пастига тушасан, у ерда машиналар бисёр. Юз долларга пойтахтга ташлаб қўйишида.

– Менга яна қандай топшириқ бор?

– Хелмарнинг топшириғи бекор бўлди. Эргашга тегмайсан. Лагерда ўзингга яқин одамлар борми?

– Топса бўлади.

Чол Faургага катта-катта кўзларини тикди.

– Бу нима деганинг?

Унинг важоҳатидан кўрқиб кетган Faур:

– Топилади, – деди

– Уларни ишга сол. Мирзаахмаднинг тириклигини ва айни пайтда Баширнинг паноҳида яшаётганини унинг қулоғига етказишин!

– Мирзаахмад ўлган.

– Тирик!

– Бўлиши мумкин эмас.

– Яқинда кўзинг билан кўриб, тириклигига ишонасан.

– Шу ердами?

– Бошқа қаерга бораради.

– Мен ишонишм мумкин, аммо Эргаш ишонмайди!

Чол қўйнидан сурат олиб, Faургага узатди. Ундан «Калашников»ни елкасига илиб олган, ялпок юзини қора соқол босган Мирзаахмад боқиб турарди.

– Сурат соҳта дейиши мумкин.

Чол ўйланиб турди-да:

– Бўйининг чоп томонида чандифи борлигини айтишсин, – деди.

– Адашмасам, пешонасида нўхатдек холи бўларди.

– Одамларинг албатта Ҳиротга боришин ва ўша ерда кўриб қолишганини айтишсин.

– Яшаётган манзилини айтинг.

Чол Мирзааҳмаднинг қаерда ва кимлар билан туришини маълум қилди.

– Мен лагерда қолишим керакми?

– Одамларингга топшириқни берганингдан кейин Кобулга қайтасан. Келган кунинг телефон орқали тўққизта саккиз рақамини терасан. Жавоб берган одамга қаердалигингни маълум қил. Кейинги топшириқни ундан оласан!

– Мен Венага қайтишим зарур.

Чол хўмрайди:

– Бундан бу ёғига саккизинчининг ихтиёридасан. У нимани айтса, шуни бажарасан!

Faфур ўйланиб қолди, хотинининг сўзига қулоқ солмаганидан илк бор афсусланди.

Чол кўлидаги қопни узатди.

– Ичида пул ва керакли буюмлар бор. Пулни ишончли одамларингга тарқат!

У орқага қайтди.

«Наҳотки Хелмар мени алдаган бўлса? Энди нима қиласман?» деб ўзига-ўзи савол берди Faфур. Қулоқлари остида Пайванинг «Борма, яхшиси бу ердан кетамиз» деган сўзлари жаранглади.

У йўлга тушди. Пешиндан кейин қишлоқقا кириб келди. Уйлар кўп, одамлар кам эди. Машина эгасини амаллаб юз долларга кўндириди. Пойтахтга жўнади. Туни билан йўл юришди. Тонг ёришганда Кобулга келишиди. Faфур чойхонага ўтди, қорни очганди. Овқатланди, егуликлар харид қилиб, бошқа машинага ўтириб, Саманганга жўнади. Ҳали етиб бормасдан юраги қалтирай бошлади. Эргашнинг ишончли одамлари бу шаҳарга тез-тез келиб, егуликлар харид қилиб кетишарди. Faфур уларнинг қаршисидан чиқиб қолишдан чўчириди. Шаҳарга кираверишда машинадан тушди. Танишларининг кўзига ташланиб қолмаслик мақсадида ўзига таниш қир орасидаги йўлдан лагер томон яёв

жүнади. Тезда коронғи тушди. Паст-баланд тепаликлар ой нурида қорайиб күзга ташланарди. Қайсиدير жойларда чиябўрилар ув солишиди. Лагерь ҳали кўринмасди. Оқшомлари дашт тамомила ўзгариб, бошқача тусга киради. Ранг-баранг турланиб турган паст-баланд қирликлар ой нурида ёришиб, кейин қоронғилаша бошлади. Ўт-ўланлар тунги эпкинда чайқаларди. Хозир кетиб бораётган бу сўқмоқни қачонлардир Faфурнинг ўзи очганди. Шу сабабли йўлдан қийналмай бораиди.

Ярим тунда қирни ортда қолдириб, тош босган тепаликларга етиб келди. Шу ердан пастликдаги беш олтига тош фонарлар милтираб турган лагерь кўзга ташланиб туради. Faфур чодирлар атрофида тўп-тўп бўлиб ўтирган жангариларни кузатди. Уларнинг сўзлари қулоқларига чалинмаса-да, бундай кечаларда гулхан атрофида ўтирганларнинг нималар ҳақида сұхбатлашиши унга маълум эди. Faфур бугун бўлмаса эртага улардан бирортаси шу йўлдан ўтишига умид боғлади. Тонг отишига ҳали анча вақт бор эди. У чарчаган бўлишига қарамай, ўзи учун кулба ясашга киришди. Катта-катта тошларни кўтариб келди ва форга ўхшаган уйча тиклади. Икки жойида дарча қолдирди. Бу дарчалардан лагерь ҳам, сўқмоқ йўл ҳам кўриниб туради. У фор уйчага кирди ва бошига халтани кўйиб уйқуга кетди. Кўзини очганды қуёш ботаётган эди. Кўп ухлаганидан кўзлари шишиб кетганди. Ташқарига чиқиб лагерни кузатди. Икки кунни шу сўқмоққа кўз тикиб ўтказди. Бирорта тирик жон ўтмади. Тош кулбада яшаш жонига тегди.

«Нима қилиш керак, – ўйларди Faфур. – Жойни ўзгартирайми? Бошқа йўлдан жангарилар тўп-тўп бўлиб ўтади, ўзимни сездириб кўйиши мумкин».

Faфур узоқ бош қотирди. Шошилмасликка, яна икки кун кутишга, шунда ҳам ҳеч ким ўтмаса, жойни ўзгартиришга қарор қилди.

Тушдан кейин момақалдироқ гумбурлаб, ёмғир ёғди. Жангарилар чодирларига кириб кетишиди. Faфур ҳам уйчасига беркинди. Туйнукдан шитирлаб ёғаётган ёмғирнинг овозига қулоқ тутиб ўтириди. Бир пайт одамнинг қадам товушларини эшитиб қолди. Юраги дукуллаб, ташқарига қаради. Бошига ёмғирпўш ташлаган одам қўлидаги автоматни ҳасса қилиб, тепаликка тирмасиб чиқарди.

«Нега у ёлғиз?»

Faфур ташқарига чиқди ва ўзи учун ҳимоя қалқони деб билган харсанг ортига чўнқайди. Бегона кимса яқин келганида, оёғидан тортди. У йиқилди, «ҳасса» анча нарига бориб тушди. Faфур унинг бошидаги ёмғирпўшини юлиб олди ва ичкарига тортди. Шу пайт мамақолдироқ гумбурлаб, яшин жуда зўр куч билан ярқираб, ичкарини ёритиб юборди. Жангарининг паҳмоқ соқоли, чўяндек қоп-қора юзи, нурсиз қўзлари Faфурга таниш кўринди.

– Саттор!

– Кимсиз? – бўғзига ханжар тираб турган одамни танимаган Саттор ҳам таажжуб, ҳам қўрқув билан сўради.

– Эргаш қаерда?

Саттор қаршилик қўрсатмади, қимиirlаса ханжар бўғзига санчилишидан қўрқди. Faфур унинг жим туришига имкон бермади.

– Гапир!

Сатторнинг қулоғига тепасида бўғзига пичоқ тираб турган одамнинг овози танишдек туюлди.

– Faфур ака, бу сизми?

– Қаёққа кетаётгандинг?

– Пичоғингизни олинг, нафас ололмаяпман.

Faфур пичноқни олди.

– Эргаш қаерда?

– Лагерда...

- Нима қиляпти?
- Ҳаммани қонига ташна қилиб юрибди!
- Қанча одам қолди?
- Юз әлликтача.

Саттор ўрнидан туриб ўтиреди.

- Лагерда нима гаплар?

– Эргаш сизни «Юз әллик килограмм героин билан кенгаш томонидан озиқ-овқат, кийим-кечакка ажратилған уч миллион долларни ўғирлаб қочиб кетди» деб гап тарқатиб юрибди!

- Итнинг боласи, итлигига борибди-да!

– Сиз кетганингиздан кейин лагерга озиқ-овқат келмай қўйди. Йигитлар оч. Ҳамма Эргашдан норози.

- Файбулло нима қиляпти?

- Эргаш унинг бошини дорга илди.

- Дилмурод тирикми?

- Юрибди юрагини ҳовучлаб.

Ташқарида ёмғирнинг ёфиши тезлашган, тошларга урилиб чирсиллаган овози ичкарига эшлитилиб турарди. Олисларда момақалдирок гумбурлаб, чақин чақнади.

- Айт, эртага тунда олдимга келсин!

– Айтишга айтаман, аммо келади деб ваъда беролмайман!

- Келмаса, ўзинг келасан!

- Кетсам бўладими?

– Иккала қулогинг билан эшит, – деди Fafur қўлидаги ханжарга ишора қилиб. – Мана бу қаерга яширинмагин, сени топиб боради ва юрагингга санчилади.

– Бусиз ҳам ортимдан ажал қувиб юрибди. Эргаш аллақачон менга ўлим ҳукмини ўқиган.

Саттор ўрнидан турди.

- Қуролимни беринг!

Fafur автоматни узатди.

- Қаерга кетаётгандинг?

– Ўртоқларимдан бири касал, егулик олиб келиш учун қишлоққа кетаётувдим.

– Шундай ёмғирда-я?

– Очликдан ўлиб қолиши мумкин!

Faфур халтадан икки дона қаттиқ нон олиб узатди. Саттор олтин топган одамдай суюниб кетди.

– Раҳмат, ака!

Икки кун ўтса-да, Дилмуроддан дарак бўлмади. Faфур умидини узди. Учинчи куни ёмғир тинди. Осмон очилди. Қуёш чарақлаб чиқди. Faфур дурбинни олиб, ташқарига чиқди. Пана жойга ўтиб лагерни кузатди. Жангарилар ҳаракатга тушиб қолишганди. Тўда-тўда бўлиб, қаергадир жўнашди. Эргаш кўринмади.

Коронги тушди. Қайтиб келган жангарилар гулхан ёқиши. Яна тўп-тўп бўлиб давра қуришди. Гарчи уларнинг овозлари эшитилмаса-да, ҳаракатларидан мамнунликлари билинарди. Faфур бошига халтани қўйиб, тош устида ётганча ўйга толди. «Дилмурод келмаса, кетаман. Чол айтган одамга телефон қиласман. Танишларимни тополмадим дейман».

Кулоғига чалинган фўнғир-фўнғир овоз Faфурнинг хаёлини тўзитди. Туйнук оғзига борди. Пастдан чиқиб келаётган икки кимсанинг қораси кўринди. Сатторни юришидан таниди. Ёнидаги Дилмурод эди.

Бу йигит муҳтарам ўқувчиларимизнинг ёдига тушган бўлса ажаб эмас. Шундай бўлса-да, бир-икки оғиз унинг яқин ўтмишдаги ишлари хусусида сизларни хабардор этмоқни жоиз топдик.

Дилмурод ит юрмас жойлардан ўтиб, қўшни давлат худудига кириб келди. Бу ердаги танишлари уни Эргашнинг тўдасига келтириб ташлашди. Ўзининг айрим қилиқлари билан тўдабошининг фазабига дучор бўлди. Унинг талончилик йўли билан топган бойликларини ўғирлашда иштирок этиб, ўлимга маҳқум этилди. Тўдабоши икки нафар ўғриларни жазолашнинг янги усу-

лини ўйлаб топди. Уларнинг қўл-оёқларини чилвирда боғлаб, ўттиз метрли чуқурга боши билан ташлашга фармон берди. Соқчилар гунохкорларни жар ёқасига келтиришди. Қирғоқнинг нариги томонидаги тошга арқон илишди. Ўғрилардан бирининг оёғини боғлаб тортишди. Айбдор жар ўртасига келганида арқонни кесишиди. У еру қўкни ларзага келтиргудек бўкириб, пастга шўнғиди. Боши тошларга урилиб, мажақланиб, атроф-теваракка қон аралаш мия суюқлиги сачради. Тушган жойида тошдек қотди. Навбат Дилмуродга келганди. Фарёд кўтариб тавба-тазарру қилиб омон қолол-маслигини, бу билан Эргашнинг юрагида раҳм-шафқат ўйғотолмаслигини тушунди. Ёнида Faфур турганди.

– Хизматингизни қиласман, жонимни сақлаб қолинг,
– деди ёшга тўлган кўзларини унга тикиб.

Faфур у томонга қайрилди. Айбдорнинг тупроқ ёпишган юзига тикилиб, негадир жилмайиб қўйди.

– Бу гапни илгарироқ айтишинг керак эди.

Дилмуроднинг юрагида умид шами лишиллади:

– Сизнинг бир оғиз гапингиз. Йўқ деманг, илтимос.
– Илтимос билан иш битмайди.

– Вақти келиб оғир кунингизга кор келиб қоларман!

Faфур унга қараб турди-да, кейин Эргашнинг ёнига борди. Дилмурод кўз қири билан қузатиб турди. Faфур тўдабошига нималардир деди. Эргаш бош чайқади. Бу орада соқчилар келиб, уни жар ёқасига судрашди. Оёғини боғлашиб, орасидан арқон ўтказишиди. «Faфур тўдабошини кўндиrolмади» деб ўйлади Дилмурод. Уни кўтариб жар ёқасига олиб келишди. Пастда қонига беланиб ётган шеригининг жасадига кўзи тушди-ю, баданини совуқ тер босди. Қўрқиб кетганидан кўзларини юмиб олди. Жангарилар унинг оёқларини боғлашди. Орасидан арқон ўтказиб, арқоннинг нариги томонига ўрнатилган фалтакни ҳаракатга келтиришди. Боши пастга қаратилган Дилмурод силкиниб-силкиниб

борарди. «Хозир арқонни кесишиади» деган фикр ҳар сонияда күнглидан кечди. Жарнинг қок ўртасига етганда бир муддат туриб қолди. Еган овқатлари томогиға тиқилди. Оғзидан суюқлик оқди. Арқон кесилмади. Кейин бирдан уни орқага тортишди...

Дилмурод қўл-оёғидаги чилвир кесиб ташланганидан кейин Faфурнинг олдига борди.

– Бугундан бошлаб туғишган инингизман, – деди бошини эгиб.

Шу воқеадан кейин Дилмурод қандай қилиб бўлмасин, Эргашдан ўч олишни ўйлаб, пайт пойлади. Faфурга эса худди Худога сифингандек сифинди. Куналар, ойлар ўтди. Дилмурод уни кўрганида «Бирор топшириқ берармикин?» деб оғзини пойларди. Лекин халоскори индамасди.

… Саттор «Сени Faфур сўраяпти» деганида қош қайтармай келганининг боиси шунда эди.

– Атрофингга ўзингга яқин одамларни йиф. Яқин кунлар ичида Эргашни тинчтиб, лагерни қўлга оламиз, – деди Faфур Дилмурод билан кўришиб бўлгач.

– Унинг яқинлари қолмади, – деди Дилмурод халоскорининг сўзларидан мамнун бўлиб. – Қочиб кетмоқчи бўлганларнинг бошини ҳар куни дорга иляпти.

– Лаънатининг куни битгани шундан маълум… Хозир уни кимлар ҳимоя қиляпти?

– Нотаниш одамлар…

– Ўзимизникилардан-чи?

– Икки-учта тансоқчилари…

Faфур қўйнидан суратни олиб, Дилмуродга кўрсатди.

– Мана бу йигитни танийсанми?

Дилмурод расмга тикилиб турди-да:

– Кўзимга иссиқ қўриняпти, аммо кимлигини эслабўлмаяпман, – деди.

– Бу Мирзаахмад, Эргашнинг ашаддий рақиби.

– Уни ўлиб кетган деб эшитгандим.

- Мен ҳам шундай ўйда эдим, лекин тирик экан!
- Буни тўдабоши биладими?
- Афсуски, билмайди. Уни сизлар билдиришларинг керак.
- Қандай қилиб?
- Ҳиротга ўтишнинг иложи борми?
- Топса бўлади!
- Ўзингга ишончли одам билан Ҳиротга борасан. Шу ерда Мирзааҳмадни кўриб қолганларингни айтсанлар. Табиийки, у сенларнинг гапингга ишонмайди. Бўйнида чандиги, пешонасида нўхатдек холини кўриб қолганингни айтасан. Кейин қаерда яшашини тушунтирасанлар.
- Биз унинг қаерда яшашидан бехабармиз-ку?
- Фафур Мирзааҳмаднинг манзилини айтди.
- Лекин бу ишга шошилманглар. Қанча вақт бўлса кутинглар.
- Сиз шу ерда бўласизми?
- Кетаман, лекин тез орада қайтиб келаман!
- Фафур қопчадан минг доллар олиб, Дилмуроднинг кўлига топшириди.
- Ўзингга қарашли йигитларга тарқат. Оч юришмасин!
- Бу ишни ўзим қойил қиласман, ака!
- Бўрон нима қиляпти? – кутилмаганда Faфурнинг хаёлига Зори Бозордаги хазинадан хабардор бўлган йигит келди.
- Дилмурод уни Мулла Умарнинг одамлари келиб, олиб кетишганини биларди. Билганларини эшитганлариға қўшиб айтиб берди.
- Ўлдириб юборишмаганида шу пайтгача қайтиб келарди, – деди.
- Чатоқ бўлибди, у Эргаш тўплаган бойликларнинг қаерга кўмилганини биларди.
- Ўзимиз топамиз!

- Бу атрофда эмас у!
- Бир пайтлар қулоғимга чалиниб қолғанди. Астой-дил ҳаракат қылсам топаман!
- Майли, бу ҳақда кейин гаплашамиз. Ҳозир орқага қайтинглар, тонг бўзариб қолди. Ҳадемай қуёш чиқади. Йигитлар ўринларидан туришди.

ОЛТИНТОПАР ҚИШЛОГИ

Баҳодирхон касалхонада узоқ ётмади. Терговчи келганида «Холмат оиласизнинг яқин кишиси, кексайиб қолган. Қамалса одамларнинг қўнгли қолади мендан. Адолат билан айтиш керак-ки, ўзимдан ҳам гуноҳ ўтди. Жаҳл устида уни ҳақоратладим. Бағрикенг раҳбар бўлганим учун кечирдим. Унга нисбатан қўзғатилган жиноят ишини ёпишингизни сўрайман» деб терговчига тушунтириш хати ёзиб берди. Холмат ҳам Баҳодирхоннинг олдига келиб, «Хўжайн, сизга нисбатан ношукурлик қилдим, яхшилигинизни билмадим» деб кўз ёш тўқди. Шундай қилиб Холмат устидан очилган жиноят иши ҳаракатдан тўхтатилди. Бу Баҳодирхоннинг обрўйини оширди. Одамларнинг унга бўлган меҳри товланди.

* * *

199... йилнинг кузида Олтинтопар қишлоғига темир тобут келди. Ўттиз минг аҳоли яшайдиган қишлоқа шу пайтгача аскарнинг жасади солинган бундай тобут келмаганди. Каромат опа билан Баҳодирхоннинг Афғонистонда хизмат бурчини ўтаётган фарзанди дushman билан бўлган жангда нобуд бўлганди. Тобутни олиб келган ҳарбийлар ва туман раҳбарлари ота-онанинг зорларига қулоқ солишмади.

– Тобутни очиш мумкин эмас, буйруқни бузишга ҳеч кимнинг ҳақи йўқ! – деб фарзандларининг дийдорини кўрсатишмади.

Қодирнинг душманлар билан бўлган жангда қаҳрамонлик кўрсатгани бутун вилоятга шов-шув бўлди. Марказий газеталар унинг жасорати ҳақида ёзиши. Туман раҳбарлари, ҳарбий комиссариатдан келганлар Баҳодирхоннинг оиласига ҳурмат кўрсатиши. Марҳум жангчининг қабрига мармардан ёдгорлик қўйилди. Кўп ўтмай «Қизил юлдуз» ордени билан тақдирлашди, маҳаллий ҳокимият мактабга унинг номини берди.

Қаҳрамоннинг отаси раҳбарларнинг эътиборидан четда қолмади. Қишлоқ хўжалиги олийгоҳини амалтақал битириб олган Баҳодирхонни туман партия қўмиғасига чакириши.

— Сиздек қаҳрамон ўғилни тарбиялаган инсонни партия ҳамиша қадрлайди. Сиз кўплаб оталарга ибрат бўлдингиз. Барча сизга ҳавас қилмоқда. Энди қишлоқда таниқли одамга айландингиз. Халқ гапларингизга қулоқ тутади. Биз партия активлари маслаҳатлашиб, сизни колхоз раиси лавозимига лойик топдик.

Котибнинг сўзларидан Баҳодирхон боши осмонга етгудек қувонди. Йигирма йилча оддий ҳисобчи бўлиб ишлаган, шу пайтгача келган-кетган меҳмонларнинг қўлига сув қўйиб, чой ташиб хизмат қилган Баҳодирхон бундай таклифни асло кутмаганди. Раис ҳам, бош ҳисобчи ҳам унинг ишларидан камчилик топиб, йифилишларда дашном эшитар, ишдан ҳайдаб юбормасликлари учун тилини тишлаб ишларди.

Хўжалик раҳбари лавозимига тайинланиши Баҳодирхон учун кутилмаган баҳт эди. Котибнинг қўлидан чой ичиб, у билан юзма-юз суҳбатлашиб ўтирганига ишонгиси келмасди.

Котиб Қодир ҳақида кўп илиқ гапларни айтди. Бироқ отанинг қулоқларига котибнинг сўзлари кирмасди. Ўзини аллақачон хўжалик раҳбарининг бир ойдан бери бўшаб қолган курсисида ўтиргандек ҳис этарди. Кўз олдидан арзимаган камчиликларини топиб, жер-

киб ташлайдиган бош ҳисобчи, иш буюравериб, жонига теккан шериклари ўтар, улардан ўч олиш йўлларини ўйларди.

– Жонажон партиямиз мени шу лавозимга лойик топган экан, албатта унинг топширигини бажонидил бажараман, – деди янги раис. – Ахир биз партиянинг аскарларимиз. Аскар қаерга ва қайси вазифага лойик топилса, лаббай деб бажариши шарт, – деди.

– Партиямиз ўзининг ишонган ва содиқ аскарларини қаерга ишга қўйишини яхши билади, – уни қувватлади котиб, – Сиз албатта ўзингизга топширилган вазифани удалайсиз деган умиддамиз.

Баҳодирхоннинг хўжалик бошқаруви раиси лавозимида тайинлангани ўша куниёқ тумангага овоза бўлди. Та-биатан мақтов ва улфатчиликни хуш қўрадиган янги раис мансаб курсисига ўтиргани хақида таниш-билишларини сим қоқиб хабардор қилди. Ўша пайтнинг ўзидаёқ улар раиснинг хонадонига ёпирилиб келишди. Яқинда майит чиққан ховли тўй кунидагидек ўйин-кулгига тўлди.

Инсоннинг обрўйи, хурмати у эгаллаб турган мансабга боғлик эканлигига ҳамиша ишониб келган Баҳодирхон ўзининг фалсафаси нақадар тўғрилигига бу гал ҳам иқорор бўлди. Фалакнинг гардиши гир айланиб, кечагина унга иш буюрган одамлар эшиги олдида қўл қовшутириб, хизмат буюришини кутиб ўтиришарди.

Аламзада онанинг кўнглига қил сифмасди. Ичи зимистон онанинг юраги айрилик дардидаги қовуриларди. Эрининг янги мансабга кўтарилиганига мутлақо аҳамият бермади. Фарзандининг дарду алами билан яшарди. Назарида, боласи ўлмагандек, эрта-индин остонасидан кириб келадигандек туюлаверарди. Кечалари Худодан ўғлининг дийдорини ҳеч бўлмаса тушида кўрсатишини илтижо қилиб сўрарди.

Ўшанда ўғлининг тобутини очишларини, унинг дийдорини охирги маротаба кўриб қолишини қаттиқ туриб

талаң қылмаганидан энди афсусланарди. Ахир бунга ҳақи бор эди-ку, нега топшириқ шундай деса, осонгина күна қолди? Боласини бир бор құчоқлаб, бағрига босғанида бу қадар алам қылмасди. Юрагини бу қадар айрилиқ оташи күйдирмасди. Майли эди жигаргүшасининг құл оёқлари бўлмаса ҳам, майли эди унинг кўзларини ўйиб олишган бўлса ҳам, майли эди жисми танк фидираклари остида мажақланиб кетган бўлса ҳам, бунга чидарди. Бутунгидек изтиробларда юраги қовурилиб, тақдир бошига солган қаро кунлардан озор чекмасди. Бир бор фарзандининг чириб, кўланса ис анқиб турган, аммо ўзи учун дунёдаги барча хидлардан тотли, ёқимли бўлган исини исқаб, жасади устида фарёд чекиб, ўпкаси тўлгунча йиғлаб, кўнглини бўшатиб оларди-ку. Она уйда танҳо қолган пайтларида шу ҳақда ўйларди ва ўша пайтдаги йўл қўйган хатоларига чидамай, соchlарини юлгудек оҳ урар, баҳтиқаролигидан нолиб, юзларини тирноқлари билан юмдалаб ташлагудек афғон чекарди. «Бу қандай кўргулик, Худойим? Айтчи, бошига мусибат балоси келган онага фарзандининг дийдорини кўрсатишга нечук рухсат беришмади? Ахир уларни ҳам она туқсан, она тарбиялаган, она катта қилган-ку. Нега бундай қилишди? Қайси айбим, қайси гуноҳим учун берилган жазо бу?».

Она бу ҳақда қанчалик ўйламасин, ўйининг туби кўринмасди. У мисоли қуёш нури етиб бормайдиган тубсиз жарга шўнғиб бораётгандек эди. Ўғлиниң жасадини кўзи билан кўрганда балки унинг бағри устида оташлар ёнмасмиди? Тақдирга тан бериб, кета олармиди?

Онанинг ўйлари чек-чегарасиз эди. Аламига чидамай қабристонга чиқар, боласининг ҳали совуб улгурмаган қабрига сийнасини босиб, узоқ вақт юм-юм йифлар, қош қорайганда бир аҳволда уйига кириб келарди. Бошқалар тақдирга тан бериб кетиши мумкин бўлган ҳолга Каромат опа асло кўна олмасди.

Бир ойдаёқ озиб-тўзиб, эти устихонига ёпишиб қолган, ўтган кунлар дардига малҳам босмаган Каромат ўғлини баттар соғинар, расмини рўпарасига қўйиб, унсиз бўзлаётган пайтларда Баходирхон барча фам-ташвишларни эсдан чиқарганди. Мансаб курсисида боласини ўйлашга вақт қаерда эди дейсиз. Зиёфатлар, тадбирлар, турли маросимлар шу даражада кўпайиб кетганидан ҳатто ҳайит кунлари ҳам қабристонга чиқишига фурсат тополмасди. Аёлининг «Болангизнинг қабрига чиқиб қўйинг» деган сўзлари унга оғир ботар, юракларга фам соясини ташлайдиган бундай нохуш сўзларни эшитишни асло истамасди.

– Бас, энди ҳадеб сиқилаверишнинг фойдаси йўқ, бунақада касал бўлиб қолсан, – дерди раис бува насиҳатомуз хотинини юпатиш мақсадида. – Худога шукр қил, фарзандимиз жангда қаҳрамонлик кўрсатиб ўлди. Давлатимиз унинг жасоратини орден билан тақдирлади. Кимсан «Қизил юлдуз» ордени билан мукофотланган қаҳрамоннинг онасисан. Агар ўғлинг жасорат кўрсатмаганида, мен раис бўлармидим? Сен шундай кошона уйларда ўтиармидинг?

– Болам ўлмаган, у тирик. Қачондир «Онажон мен келдим» деб бафримизни тўлдирадигандек. Кечалари тушумда аён бўляяпти, ҳа, менинг болам тирик, у ўлмаган, ўлмайди ҳам, – дея баттар кўз ёш тўкарди Каромат.

– Бундай гапларни тилингга ола кўрма. Мендек раиснинг хотини қаердаги ирим-сиримларга, тушларга ишониши партиямизга нисбатан хурматсизлик. Ўғлинг тирик бўлса, биз хонавайрон бўламиз. Мансабдан олишади мени!

* * *

Бой берилган бойликларни ҳисобга олмаганда раис хотиржам эди. Қандай қилиб бўлмасин ўша бойлик-

ларнинг ўрнини қоплашни ўйларди. «Уйимга келган кимса-ашаддий учига чиққан фирибгар, бойлигимни олиш мақсадида ўғлимнинг суратини қалбакилаштирган. Болам тирик бўлганда, Эргашнинг орқасини ялаб юрганда, аллақачон ҳукуқ-тартибот идоралари ходимлари пайқаган бўларди. Демак, боламнинг жангда қаҳрамонлик кўрсатиб, командирининг ҳаётини сақлаб қолиб жон бергани рост. Давлат бундай аскарнинг жасоратини унутмайди. Унинг соясида мен ҳали баландроқ мансабларга кўтарилишим мумкин».

Орадан кўп ўтмай, Шўро давлати парчаланиб кетди. Бундан Баҳодирхон қаттиқ афсусланди. Шундай бўлса-да, уни қишлоқда барча қаҳрамоннинг отаси деб ҳурмат қиларди. Байрамларда боласининг ҳайкали остига гуллар қўйиларди. Орада колхозлар тутатилиб, ерлар фермер хўжаликларига тақсимлаб берилди. Хўжалик ҳисобидаги мулклар колхозчиларнинг иш ҳақлари ҳисобига ётқизилди. Баҳодирхон «Бунёдкор» фермер хўжалиги уюшмаси раиси лавозимига тайинланди. Каттагина бойлигидан айрилган раиснинг қайтадан бойиш имконияти туғилганди. Хўжалиқда трактор ва техникалар анчагина эди. Раис уларни қўшни тумандан келган харидорларга енг ичида пуллади. Шу йўл билан йўқотган бойлигининг маълум қисмини йиғиб олди. Бу талаб кетилган илгариги бойликларнинг олдида урвоқ бўлмас-да, раис учун юпанч эди.

САМАНГАН

Бошлиғим билан бўладиган учрашув бир ҳафта кейинга қолдирилди. Бунга об-ҳавонинг ўзгариб, узлуксиз ёғаётган ёмғир сабаб деб ўйлагандим. Кунлар совуқ бўлса-да, у келди.

— Кенгаш ўзининг ишончли одамларини йўқотганидан кейин, Башир билан Амирий танг ахволга тушиб

қолди. Россия орқали Европа давлатларига «дори» олиб ўтиладиган йўллар ҳуқук-тартибот идоралари ходимларига аён бўлди. Энди улар «дори»ларини четта олиб чиқишилари учун янги йўлак очишга тўғри келади, – деди Маҳмудов.

– Лагердаги аҳвол кун сайин таранглашиб бормоқда. Тез қунлар ичида ёрдам келмаса, жангарилар ҳар томонга сочилиб кетади.

– Гап-сўзларга қараганда, Усама ўз одамларидан бир қисмини Хаттобнинг ҳузурига жўнатмоқчи. Бироқ русларнинг ҳалқасини ёриб ўтиш йўлини топишомаяпти. Усама Кавказдаги одамларига йўлак очиш вазифасини топширган.

– Бу масала Мулла Умарнинг ҳам бошини қотирган. Дўстумнинг зарбасига учраб, кўп одамларини йўқотди. Бир қатор қишлоқ ва вилоятларни ташлаб чиқиб кетишига мажбур бўлмоқда. Усама «Мен ўтли нигоҳимни Америкага қаратдим» деб жар солмоқда.

– Агар Усаманинг одамлари жангариларни чегарадан ўтказиш мақсадида изғиб юришган бўлса, яқин орада Хаттобга иккинчи мактубни жўнатади. Балки яна сени танлашар? Агар жилд қўлингга тушса, ўша захотиёқ бизни хабардор қил.

– Тушунарли! – дедим.

– Бизга келиб тушган маълумотларга қараганда, яқинда Башир мулла билан алоқага чиқиб, уни Қундузга чақириб олган. У ўрнига Маҳдий лақабли ёрдамчisinи қолдириб, Қундузга қайтган.

– Уни бежиз чақириб олишмаган. Эшитишмга қараганда ҳозир Қундузда бешта лагер бор. Башир Туркияда Эргашга лагерларни бирлаштириш лозимлигини, раҳбарликни унга топширмоқчи бўлганини айтганди.

– Бунинг сира иложи йўқ. Бешта лагернинг тўрттасида Африка давлатларидан келган ашаддий жиноят-

чилар тайёргарликдан ўтишмоқда. Улар Эргашга бўйин эгишмайди. Таъминот Усаманинг чўнтағидан.

– Муллани қандай мақсадда чақириб олишган?

– Жангарилар орасида мулланинг хурмати баланд, буни Башир яхши билади.

– Нега Маҳдийни Қирғизистонда қолдириди?

– Маҳдий давлатимиз чегарасини бузиб ўтиши керак. Отишма чоғида асирга тушса, Башир хеч нарса йўқотмайди. Маълумотларга қараганда, кенгаш раиси Туркияга келиб Чегечининг қизини ўлдирган ва уйидан ҳужжатларни олиб, қаёққадир фойиб бўлган. Тахминларимизга кўра, у Башир билан учрашиб мақсадида Кобулга ташриф буюрган бўлиши мумкин.

– Мулла Умарнинг одамлари Қирғизистон ҳукумати раҳбарларидан иккитасини ушлаб, Хиротга келтирган, кейин қўйиб юборишибди, – дедим янги хабарлардан бошлиғимни хабардор килиш мақсадида.

– Бу қачонги маълумот?

– Икки кун бурун ишончли одамлардан эшитдим.

– Уларни бежиз қўйиб юбормаган. Шу пайтгача толибонлар бирорта хорижлик тутқунни қўйиб юбормаган. Катта маблағ талаб қилган ёки ўлдирган. Бу ерда қандайдир ўйин бор. Ҳозир Қирғизистоннинг жанубида вазият мураккаблашиб бормоқда. Қандайдир қора кучлар миллатлар ўртасида қонли низо чиқариш ҳаркатида.

Маҳмудов кейинги кунларда нима ишлар қилишим кераклиги тўғрисида кўрсатма берди. Ёнидан икки дона сурат олиб:

– Бу одамларни яхшилаб эслаб қол. Улар шу атрофда бўлиши мумкин. Балки Бурҳоннинг одамлари орасидан топилиб қолар, – деди.

Суратларни кўздан кечирдим. Улардан бирини танидим. Бу Бурҳоннинг тўдасидан ўтган Акмал эди. Биз икки-уч бор кўришганмиз. Дардини ҳам айтганди. Хо-

зир бу ҳақда Маҳмудовга айтиб ўтиришни лозим топмадим.

– Булар республика прокуратурасининг айбловига кўра узоқ муддатга қамоқ жазосига ҳукм қилинган, – деди бошлиғим. – Қандай йўл билан бўлса-да, уларни топишимиш ва юртга қайтаришимиз шарт!

– Ватан топшириги албатта бажарилади! – дедим ишонч билан.

– Қодир ҳақида янгилик борми?

– Суриштирдим, афсуски, сиз айтган Бол Зиё Бадабердан қайтмаган. Айрим маълумотларга қараганда, у вафот этган.

– Faфур ҳақида бирор янгилик борми?

– Ҳозирча ҳеч гап йўқ!

– Уни ҳар қандай йўл билан бўлса-да, топишимиш кепрак. Қодирнинг тақдири фақат унга аён.

– Назаримда, у Аффонистондан чиқиб кетган.

– Россиядаги ҳамкасларимиз изига тушишган.

– Маҳдийнинг одамлари орасидан чиқиб қолиши ҳам мумкин.

– Эслатиб яхши қилдинг. Қайтиб боргач, албатта унинг одамлари билан шуғулланаман.

Биз хайрлашдик. Лагерга келиб, Акмалнинг изига тушдим. У ҳамон дум каби Эргашнинг ортидан эргашиб юради...

«Қандай килиб у тўдага кириб қолди? Бу юртга ўтишига кимлар ёрдам берди?»

Бу савол ўқувчиларимизда қизиқиши уйғотиши табиий. Унинг лагердаги ҳаёти тўғрисидаги ҳикоямизни кейинги бобларимизга қолдириб, шу икки саволга жавоб бериб ўтсак...

Приморий ўлкаси ички ишлар бошқармаси томонидан жўнатилган хабарномага кўра, барча вилоят ва шаҳарларда қидирув ишлари бошлаб юборилганди. Кейинги икки йил ичида республика ҳудудига кириб

келган чет эл фуқароларининг қайси шаҳарларда ва кимницида бўлғанлиги ўрганилди. Суриштирув ишлари олиб борилаётган кунларнинг бирида шахар ички ишлар бўлимига трактор таъмирлаш паркидаги ишчилардан бири қўлбола тўппонча тайёрлаганлиги ва бу қурол ҳозирда Ақмал исмли шахснинг уйида сақланадётганлиги тўғрисида хабар келиб тушди.

Автобуснинг ёқиб юборилиши ва унинг ичидаги беш нафар аскарнинг фожиали ўлимида Ақмалнинг одамларининг қўли борлигидан милиция хабар топганди. Бироқ далилий ашёлар ҳамда гувоҳларнинг кўрсатмалари етарли бўлмаганлиги сабабли, милиция уни қўлга олишга шошилмаётганди. Қурол сабабли жиноят қидирув бўлимининг ходимлари ҳамда прокуратура терговчиси унинг уйига кириб боришиди.

– Келиб-келиб мендан шубҳаланяпсизларми? Наҳотки беш вақт намозини канда қилмайдиган, муқаддас жойларни зиёрат қилиб келган одам уйида қурол сақласа? Ё Худойим, қуруқ тухматлардан ўзинг асрагин, – деди Ақмал асабийлашиб. – Ахир мен маҳалланинг имомиман! Устимдаги мана бу муқаддас кийимларнинг ҳурмати йўқми? Ким айтган бўлса ҳам бекорларнинг бештасини айтиби. Чақимчи, иғвогарларнинг гапига учманглар! Одамлар мени кўролмайди!

– Топшириқ шундай, амаки, уйингизни кўздан кечиришимиз керак, – деди изқуварлар бошлифи. – Биз ҳам сиздек обрўли одамнинг уйида қурол сақлашига ишонмаймиз!

– Отангизга раҳмат, мана бу ҳақиқий мард йигитнинг гапи бўлди. Афтидан, китоб кўрган одамнинг фарзандига ўхшайсиз, иним. Борганда бошлифингизга «Хожи бобом маҳалланинг каттаси экан, улардан гумонсирамизиз уят» деб айтинг, хўпми!

– Амаки, бир ўзим бўлганимда, гапингизни икки қилмай қайтиб кетардим, бироқ ёнимда шерикларим

бор. Шунчаки расмиятчилик учун уй ичини кўздан кечириб кўйсак. Хизматчиликда!

– Шунчаки кўздан кечириш бўлса, нима ҳам дердим, марҳамат, киринглар!

Жиноят қидирув бўлими ходимлари аввал ҳовлини, кейин уйни кўздан кечиришди. Негадир улар тўғри Акмалнинг ётоқхонасига киришди. Уй эгасини хавотир босди. Бетоқатланиб, ўзини қўйгани жой тополмай типирчилади. Изқуварлар диванни суришганида, кўрпа орасидан қўлбола тўппонча ерга тушди. Гиламни кўтаришганда эса юмшатилган тупроқ кўринди. Изқуварлар белкурак билан ерни қазишиди. Бу ерда хандақ борлиги тупроқнинг юмшоқ қўчишидан билиниб турарди. Изқуварларнинг бутун эътибори қазилаётган чуқурга қаратилганди. Шу сабабли улар Акмалнинг уйдан чиқиб кетганини пайқашмади. Кўчага чиқиб олган Акмал йўловчи машинани тўхтатиб, шоҳбекатга жўнади. У ердан такси ёллаб, Кўқонга йўл олди. Шаҳарга келганида атрофни шом қоронфилиги босганди. Акмал изқуварлар уйидаги ўрадан олти дона қўлбола тўппонча, ўн бешта қилич ва йигирма олти дона ханжар топишганини, ҳозирда унга нисбатан қидирув эълон қилинганини биларди. Қинғир-қийшиқ йўллар билан яrim тунда чегарага етиб келди. Чегарани кесиб ўтишдан аввал тўхтади. Ерга ўтириб ортидаги зулмат босган йўлга хўрсиниб, кўзлари мўлтираб боқди. Кейин эса худди чегарачилар тутиб оладигандек шоша-пиша йўлида давом этди. Эрталаб Хўжандга кириб келди. Бир кеча тунаб, Душанбега жўнади. Бу ердаги танишларига «мелисаларнинг дастидан» қочиб келганини айтди. Улар Қоратегиндаги жангарилик лагерини кўрсатиб қўйишиди. Шу ерда Бурҳон билан танишди. Унинг қанотида яшай бошлади. Тақдир бу ерга ҳам сифдирмади. Бурҳон ўтда куйиб кетгач, тақдир уни Эргаш билан юзлаштириди. Тўдабошининг пинжига кирди. У Акмални

қози қилиб тайинлади. Лагерда тартиб-интизомни бузганларни, қочмоқчи бўлганларни, юртини соғинганларни «шариат» ҳукми билан жазоларди. Акмалнинг жангарилар тўдасига келиб қўшилишининг қисқача тафсилоти шулардан иборат эди.

* * *

Кунларнинг бирида уни холи жойда учратиб қолдим. Бир пайтлар айтган гапини яна ёдимга солди.

– Бачам, илтимосимиз нима бўлди, эсларидан чиқиб колмадими?

– Хушхабар бор, қози почча, – дедим овозимни пасайтириб.

Акмал тулкидай эшилиб, қулофини оғзимга тақади.

– Хўш, қандай хушхабар экан, бачам? Юрагимни ўйнатмай тезроқ айта қолинг.

– Сиз айтган аёлни топдим.

– О-о-о! Тилларига новвот. Хўш, гаплашдиларми?

Ожиза завжаликка рози бўлдиларми?

– Рози бўлдилар...

– Учраширадиларми?

– Фақат бир шарт билан.

– Бош устига.

– Буни фақат иккимиздан ўзга одам билиши мумкин эмас.

– Шартлари шу холосми, бачам?

– Шу холос.

– Камина рози. Қачон ожизамнинг дийдорини кўрсатадилар?

– Ўзим айтаман.

– Дилемга фулгула ташлаб қўйдингиз-ку, бачам. Шу ондан эътиборан қози поччангиздан ҳаловат қочди.

– Сабр қилинг, сабрнинг таги олтин деганлар. Кампирни кўрсангиз, мени бир умр дую қилиб ўтасиз.

- Ҳай-ҳай, кампир дедиларми?
- У қадар кекса эмас...
- Ёшларини айтинг?
- Ўттизларда!
- Бале! Ҳай майли, бўлади, менбоп эканлар, бачам...
Қози почча қўлларини дуога кўтарди:
- Омин, илоҳо, не ният қилган бўйсангиз муродингизга еting, бачам!

Махмудов билан боғланиб, Акмални топганим, одамларини жўнатадиган қуни уни булоқ бўйига бошлаб боришимни маълум қилдим. Акмал ипсиз боғланиб қолганди менга. Бироқ унинг яқинлашиши хатарли эди. Кузатувчиларда шубҳа уйфотиб қўйишдан чў chirдим.

– Хар қуни ёнимга келаверманг, қози почча, атрофдагилар шубҳланиб қолишли мумкин. Учрашув кунини ўзим маълум қиласман.

– Хўп бўлади, бачам, аммо зориқтирманг, бўладиган ишнинг бўлгани дуруст. Илдамлатинг!

Махмудовнинг одамлари келадиган қуни Акмални холи жойда учратиб, қулоғига пи chirладим.

– Қози почча, янгамиз билан гаплашдим. Кўришмоқчи бўлганингизни айтдим.

– Кўндиларми?

– Зўрға кўндиридим.

– Илоҳим, юзга киринг, бу яхшилигингизни ўла-ўлгунимча унутмайман, бачам! Қачон оразларини кўриш баҳтига мушарраф бўламан?

– Эрталаб ҳов анави қирнинг ортига ўтиб туринг. У ёғига ўзим бошлаб кетаман!

– Маъқул, бачам. Мен рози, айтган жойингизда ҳозир бўламан!

– Бирорга оғиз очманг.

– Хотиржам бўлинг, тилимиз сиз ўйлагандек текинга айланавермайди.

Эртаси куни айтилган пайтда ўзига оро берган Акмал ҳеч кимга сездирмай лагердан чиқиб, мен тайинланган жойда яшириниб турарди. Мени кўриб, беркинган жойидан чиқиб келди.

– Куёвларга ўхшаб кетибсиз-ку, қози почча!

– Энди бачам, аёлларнинг кўнгли нозик бўлади. У ёқ-бу ёғингизга қараб олмасангиз кўнгли қолади-да!

Акмал қишлоққа кетаётганини ҳеч кимга айтмаганига ишондим. Ҳатто соқчилар ҳам кўрмаганди. Биз булоқ томон йўл олдик. Қишлоқдан чиқиб кетаётганимизда қози шубҳалангандек бўлди.

– Бачам, мени қаёққа олиб кетяпсиз, қишлоқ орқада қолди-ку?

– Янгамиз сиз билан қишлоқда, бутун элнинг кўз ўнгидаги учрашмайдилар-ку, қози почча. Сизни булоқ бўйида кутмоқдалар!

– Шундайми? Ундай бўлса қадамингизни илдамлатинг!

Булоққа етиб келдик. Қозининг кўзлари аланг-жаланг, теварак-атрофга боқар, учрашмоқчи бўлган аёлни изларди. Бир оз ўтиб, тошлар ортида турган Маҳмудовнинг одамлари чиқиб келишди. Акмалнинг кўнглига фулгула тушди.

– Анавилар ким?

– Ўзимизникилар!

– Нотаниш одамлар, мен уларни лагерда ҳеч қачон кўрмаганман!

– Хавотир олманг, қози почча, булар ҳақиқатан ҳам ўзимизникилар!

Маҳмудовнинг одамлари яқин келишди.

– Шунча пайт қонундан яшириниб юрганингиз етар,

– деди улардан бири. – Энди юртга қайтамиз. Қилган гуноҳ ва айбларингизни ўз тилингиз билан халқимизга сўзлаб берасиз!

Акмал қўлга тушганини сезди, қаршилик қўрсатиш фойдасизлигини тушунди...

Лагерга қайтганимда соқчилар Баширнинг одами мени сўраётганини айтишди. Бундай ҳолларга кўни-киб, қўркувдан ҳам, ўлимдан ҳам, қийнофу азоблардан ҳам чўчимай қолгандим. Қилаётган ишларим, айниқса, ашаддий ватанфурӯшлардан қасос олаётганим, уларни тутиб, ватанга қайтараётганимдан фахрланиб яшардим.

Эргашнинг хонасига кирдим. Унинг олдида ўтирган дарозгина одамни кўрдим. Бу Баширнинг одами эканлигини афтидан билдим.

– Сени Кобулга олиб кетиш учун келишибди. Тезда ишингни йигитлардан бирортасига топшири, – деди тўдабоши.

– Менга Кобулда нима бор. Шу ерда тинчгина юрибман-ку! – дедим норози бўлган одамдек қовоқ-тумшугимни осилтириб.

– Башир жанобларининг буйруги, гап қайтармай, тезда ишингни топшири!

Мен аравани ўзимга қарашли бўлган йигитлардан бирига топширдим. Эрталаб тонг ёришмай Баширнинг одами билан йўлга чиқдик. Шом қоронғиси тушганда Ҳиротга етиб бордик. Мени Баширнинг олдига олиб киришди. У қўлимга пакет тутқазди.

– Буни ўзинг таниган одамга топшири! У сени аввалги жойда кутмоқда! – деди дилтанг оҳангда. – Пакетни топширишинг билан тезда лагерга қайт. Эргашнинг ишларидан хабардор бўл!

Пакетни олиб, ортимга қайтдим. Учрашадиган жойга бориш учун икки кун йўл босишим керак эди. Кечки пайт Махмудовга хабар жўнатдим.

– Баширдан пакет олдим. Уни аввалги одамнинг қўлига топширишим керак экан.

– Учрашув жойини айт.

– Аввалги жойда.

— Яхши, пакетни топширавер!

У бошқа гап айтмади. Нега бундай қилганини түшүнмадим. Мен не машаққат ва азоблар билан олиб бораётган пакет наҳотки унга аҳамиятсиз бўлса деб аччиқландим. Рухим тушиб кетди. Айтилган жойда мен бир пайтлар учрашган, ўзимга ўхшаган қора одам кутиб турарди. У қўлимдан жилдни олди ва бир сўз айтмай, ўзини тоғлар ичига урди. Мен эса лагерга шошилдим.

ЮРИШ

Илонгордаги қуролларнинг йўқолганидан хабар топган Амирий шу қадар қаттиқ ғазабландики, буни қалам билан тасвирлаб беролмаймиз. Бизга шуниси маълумки, агар ўша пайтда Эргаш қаршисида бўлганда, бўридай ражиб ташлаган бўларди. У Башир билан боғланиб, муллани зудлик билан Қундузга қайтаришни ҳамда ёрдамчиси Маҳдийни жангариларни олиб, илгари ишлаб чиқилган тизимга биноан Қамчик довони орқали Ўзбекистонга кириб боришга топшириқ берди.

Олтмишга яқин жангарилар билан ҳеч нарсага эришиб бўлмаслигини, улар чегарани кесиб ўтса, омон қолмаслигини Башир яхши тушунса-да, эътиroz билдиришга ўзида куч тополмади.

— Ҳазратим, биз олтмиш киши билан ҳеч нарсага эришолмаймиз. Уларни жангга эмас, қурбонликка жўнатмоқдамиз, — эътиroz билдириди Башир. — Назаримда, бу ишни жиддий ўйлаб кўрмогимиз керак!

— Башир жаноблари, Илонфордаги қуроллардан айрилиш менга нақадар оғир мусибат келтирганини тушунарсиз деган умидда эдим. Ахир бу хабар дунёга овоза бўлди. Ганимларим қўллари қолиб, оёқлари билан ча-пак чалишмоқда. «Амирий одамларидан айрилгани етмагандек, катта миқдорда харид қилган қуролларидан ҳам жудо бўлди, унга ҳамдардлик билдириш керак»

деб мазах қилишмоқда. Бунга сиз чидашингиз мумкин, бироқ мен тоқат қилолмайман. Юрагим ўрмонга ўт кетгандек гуриллаб ёнмоқда. Уни ўчиришга уммоннинг суви етмайди.

– Сизни тушунаман, ҳазратим, бироқ...

– Мени тушунсангиз, топшириғимни тезда муллага етказинг. Минглаб чақирип олисда бўлсам-да, чегарада узилган ўқ овозини эшитиб, юрагимни ёндираётган олов босилади. Шунда ўзимни эркин ҳис этаман. Шунда душманларим устидан, ха, мени масхара қилиб, кулаётган душманларим устидан тантана қилган бўламан!

– Ҳазратим...

– Агар мени юпатиш мақсадида ниманидир айтишга чоғланаётган бўлсангиз, яхшиси бунга уринманг. Сиздан «хўп, бажарилади» деган сўзни эшишини истайман, азизим.

Башир тилини тишлаб қолди. Одамларидан бирини мулланинг ҳузурига юборди. Орқага қайтишдан мамнун бўлган мулла жангчиларини Маҳдийнинг ихтиёрига топшириб, Қундузга жўнади.

Жангарилар Чимён дам олиш зонасидаги Чорбоғ қишлоғига жойлашиб олганларидан кейин Маҳдий бошлиқларига хабар юбориши, бошлиқлар эса зудлик билан қўшимча куч жўнатишлари лозим эди. Кейинги топшириқ ким томонидан берилиши эса очиқ қолганди. Жангарилар 20 июль куни эрталаб соат беш яримлар чамасида бир неча ой яшириниб ётган форларини тарк этишди. Уларнинг афтига қараб бўлмасди. Барчалари худди оғир хасталикдан тургандек беҳол ва мадорсиз эди. Озиб-тўзиб кетишганди. Кийимлари йиртилиб, мотор босганди. Ташқарида майдалаб ёмғир ёғар, изғирин шамол эсарди. Жангарилар аввалдан хавфсиз деб топилган йўлдан боришлари лозим эди. Сўқмоқ хатарли бўлиб, чегарачилар уларни пайқаб қолишлари хеч гап эмасди. Бироқ жангарилар чегарачиларга сездир-

май шарпасиз холи зонага чиқиб олишди. Шундай бўлса-да, уларни олдинда хатарли тоғ йўллари кутарди. Ўша йили апрель ойи охиригача тоғларни қалин қор босганди. Кунларнинг бирдан илиб кетиши натижасида чўққиларга қор кўчкилари тушганди. Тубсиз ўр-жарларнинг оғзи беркилиб қолди. Одам бели баробар қор кечиб юришга тўғри келарди. Ўйламай қўйилган қадам учун табиат ҳеч кимни кечириб ва аяб ўтирмасди. Тубсиз жарлар домига тортиб кетиши ҳеч гап эмасди. Жангарилар буни яхши тушунишар ва эҳтиёткорлик билан қадам ташлашарди. Чуқурларга тушиб кетган одамларни арқон ташлаб, қутқаришга имкон ҳам, вакт ҳам йўқ эди. Уларнинг ох-зорларини мангу музликлар эшитарди, холос.

Жангарилар йўлда ўзларининг аввалдан ишлаб чиқилган темир қонунларига риоя қилишди. Дала командири чегарачилар ўқига учса ёки фалокат рўй бериб чуқурга тушиб кетса, ўрнини эгаллайдиган ёрдамчи командирнинг кимлиги олдиндан маълум эди. Абдурашид ва Сайд исмли жангарилар Маҳдийнинг ишончли ўринбосарлари эди.

Бир неча кун тинимсиз йўл юришди. Шом қоронғисида ўзларига таниш бўлган дам олиш зонасига етиб келишди. Бу ерда уларни Маҳдийнинг эски таниши, Гитлер номи билан танилган ашаддий жиноятчи – Равшан исмли кимса кутиб олди. Чарчаб келган жангариларни яхши дам олиб, куч тўплашлари учун барча шароитларни яратиб қўйилганди. Кунига биттадан қўй сўйди, қозонларда шўрва ва ош дамланди. Жароҳат олганларга, совуқ урганларга тиббий ёрдам қўрсатилди. Кийим-кечаклар билан таъминланди.

Бир ҳафта ўтиб, куч тўплаб олган жангарилар яна йўлга чиқишлиди. Энди қаршиларидаги кўкка бўй чўзиб турган Туро довонидан ошиб ўтишлари лозим эди. Йўл хавфли эди. Тепаликларга жойлашиб олган Қирғизистон ҳамда Тожикистон чегарачиларининг нигоҳлари-

га тушиб қолмаслик мақсадида фақат тунда юришди. Кундуз кунлари торларда, тошлар панасида нафасларини ютиб ётишди. Овқат захирасининг таги кўриниб қолганди. Айрим жангарилар очлик азобидан қийнала бошлади. Маҳдий айбни ошпазга юклади ва қўпчилик олдида уни қаттиқ ҳақорат қилиб, дўппослашдан ўзини тия олмади. Ошпаз ҳақоратларга ҳам, калтакларга ҳам чидади. «Шошмай тур, сен билан ўзим ҳисоб-китоб қиласман, унда тавбаларинг сариқ чақага арзимай қолади, айбингни қонинг билан ҳам юволмайсан» деб бармоқларини мушт қилиб тугиб қўйди.

Маҳдий Умматали исмли жангарини озиқ-овқат харид қилиб келиш учун Шайдон қишлоғига жўнатишга мажбур бўлди. У қишлоққа тушда кириб келди. Бегона одам ерликларда шубҳа уйғотди. Уни тутиб қишлоқ участка инспекторига топширишди. Нозир Умматалини туман марказига олиб кетди. Бу ерда бир ой давомида сўроқ қилинди. Бироқ Умматали йўлдан адашиб қолганлигини айтиб, тоғда қолиб кетган шерикларини фош қилмади. Шундан кейин уни Ўзбекистон ҳуқуқ-тартибот идораларига топширишди. Суриштирув жараёнида Умматали 1999 йилда Боткентда қўлга олингани, ёнидан АК-74 автомати, қўплаб миқдорда ўқ-дорилар чиққанлиги, дала командири мулла Абдуллонинг жангчилари сафида Боткенга бостириб киргани ойдинлашди. Ўшанда Кирғизистон ҳукумати жангарилар етакчиси Эргаш билан сулҳ тузиб, жангарилар қўлида сақланаётган Япония фуқаросини Умматалига алмаштирганди.

Маҳдий одамининг қўлга тушганидан хабар топган бўлса-да, уни қутқаришга ҳаракат қилмади. Жангариларни эргаштириб, йўлда давом этди. 5 август куни кеч соат етти яримларда 1000 чақирим масофани яёв босиб ўтган жангарилар Қамчик довонига етиб келишди. Бу белгиланган вақтдан ва кундан анча кеч эди. Маҳдий радиоалоқа ёрдамида бошлиқлари билан боғланиб,

манзилга келганини маълум қилди. Бошлиқлар унга кўшимча куч жўнатиш, унгача яширинча Чимёнга кириб бориб, ўзларига аввалдан таниш бўлган кимсалар билан бирлашиш вазифасини топширди.

КОБУЛ

Лагерга келган беш нафар толибонлар Юнус Холис-нинг ишончли одамлари эканлиги ҳаммага аён бўлди. Улар Эргашни кўпчилик ўртасида сўроқ қилишиди.

– Йигитларингиз ичидаги устара тифи отиш билан ким шуғулланган?

Тўдабошининг кути учиб, рангидан қон қочган бўлса-да, ўзини йўқотиб қўймади. Бундай одам борлигини билса-да, ўзини фош қилишни истамади. Лагерга яқин жойда бўйнига тиф санчилган мурдаларнинг топилиши, курол ортилган машинанинг портлатиб юборилиши уни ваҳимага солиб қўйганди. Агар улар айтган одам йигитлари ичидаги бўлса, бошига қандай савдолар тушишини яхши биларди.

– Сизлар гумон қилаётган кимсани мен ҳам кўпдан бери изламоқдаман! Афсуски, тополмадим.

Эргашнинг сўзига толиблар ишонишмади.

– Бу гапингизга биз ҳам ишонмаймиз!

– Йигитларимнинг ҳар бири менга беш панжамдай аён. Уларнинг ҳаммаси чиририғимдан ўтган!

– Саволимиз жиддий!

– Менинг жавобим ҳам жиддий!

Толиблар бир-бирлари билан кўз уриштириб олишди.

– Афсуски, синоларингизни (аскарларингизни) билмас экансиз, – деди сўроқ қилаётган қора саллали кимса. – Бизга Бўрон билан ўша куни машинага курол юклаган йигитни топиб беринг.

– Улардан ўринсиз шубҳаланяпсизлар. Бўрон шу ерлик, менинг ёрдамчим, Башир жанобларига садоқат билан хизмат қилмоқда!

– Кўлимизда ҳар иккисининг одамларимизни ўлдиришда ва машинани портлатишда иштирок этганлигини тасдиқловчи далиллар бор!

Эргашнинг тили айланмай қолди. Ўртада бўлиб ўтган гап-сўзлардан, айниқса, толиблар томонидан менинг номим тилга олингач, атрофдагилар бир-бирлари билан кўз уриштириб олишди. Очифи, ўзим ҳам уларнинг мендан гумонсирашларини кутмагандим. «Айбдор деб билишларига қандай асос топишидийкин? Кимнинг назари тушган? Юк ортган одамларнинг ҳаммаси ўлиб кетганди-ку?».

Толиблар тўдабошининг қаршилигига қарамай, Мурод иккимизнинг қўлларимизни боғлаб, бир-биримиз билан гаплашмаслигимиз учун тескари ўтқазиб, идораларига олиб кетишли. Хаёлимдан ҳар турли ўйлар кечарди. Гувоҳ билан юзма-юз қилишса, ўзимни қандай оқлайман? Гуноҳим йўқлигини исботлашга бирорта сабаб топа оламанми? Сўроқ тегирмонидан чиқиб кетишим ва уларни ишонтирадиган баҳона хаёлимга келмасди. Толиблар шубҳалангандан одамларини аяб ўтиришмайди. Жазолари Эргашнидан оғир. Аввал қийнешади, кейин қилич солиб, жисмингни нимта-нимта қилиб жонингни олишади. Мен топадиган баҳона Мурод иккимизни ана шу қилич домидан сақлаб қолиши керак. Машинадан ташлаб қочишининг иложи йўқ. Қўлим боғланган, икки ёнимда қуролли навкарлар қимирилашимга имкон бермай ўтириби.

Шаҳарга ярим тунда етиб келдик. Бизни кичкинагина нимқороги уйчага олиб киришли. Деворга осилган тош фонар хонани ёритиб турарди. Бошларига кора салла ўраган, эгниларига кора кийим кийган олти нафар барзанги бизни кўриб жонланди. Уларнинг афт-ангари, важоҳатлари қўрқинчли эди. Айбимизни бўйни мизга олсак ҳам, тонсак ҳам бу одамларнинг қўлидан омон чиқмаслигимизга ақлим етди. Муроднинг ранги оқариб кетганди.

– Қайси бириңг устара тифи отиш билан шуғулланғансан? – савол ташлади ўтирганлардан бири.

– Бундай ишлар бизнинг қўлимииздан келмайди! – деда жавоб бердим. Мен қўпроқ ўзимга ва зехн-идро-кимга умид боғлашим керак. Бунинг учун аввало айтадиган гапларимни пухта ўйлаб олишим лозим эди.

– Ораларингда шундай иш билан шуғулланадиганлар борми?

– Бехабармиз, тақсир.

– Менга қара, қўзларинг ҳамма нарсадан боҳабар-лигинги фош қилиб турибди. Яширяпсан! Бу ердан тирик чиқиб кетишни истасанг, одамларимизни ким ўлдирганини, машинани портлатишга ким топшириқ берганини айтасан!

– Билганимни айтдим, тақсир...

– Ёлғон гапирма, ит! – жеркиди иккинчи толиб.

– Бизнинг гумонимиз икковингдан. Бу ишни сенлар қилғансан! Гапир, одамларимизни қайси бириңг ўлдирдинг? Сенларга топшириқни ким берди?

– Ўлимдан хабарим бор, аммо бу ишлардан бехабарман!

– Айтишни истамадинг, ўзингдан кўр!

Ўтирганлардан бири ўрнидан туриб олдимга келди. Ёнидан ханжарини олди.

– Ростини гапир, итвачча, алдасанг қўзларингни ўйиб оламан!

Пўлат ханжар кўз қорачиқларим олдида ялтираб турарди. У жим қолди, ниманидир кутарди. Вужудимдан совуқ тер чиқди. Юрагим қўкрагимни ёриб чиқиб кетадигандек гурсиллаб уради. Ёнимда турган Мурод хаёлимга келди. «Ҳамма ишни шу қилган» десам бас, омон қоламан. Гранатомётни қаерга яширганини, жангариларни қаерга кўмганини биламан. Бироқ бирорвга қилинган хиёнатнинг азоблари бир умрга виждонимни қийнашидан кўрқардим. Борди-ю бу саволни Муродга бе-

ришганда у қандай жавоб қайтарарди? Мени сотармиди? Сотарди! Ватанни сотган одам тирик қолиш учун ҳамма нарсага тайёр. «Устара тифи отиб, одамларингизни ўлдирган, машинага портлатгич моддани соглан мана шу, истасаларинг буни исботлаб бераман» деса бас, унинг сўзига ишонишади. Шу ондаёқ қаршимда турган хунхўрнинг ханжари бўйнимга эмас, юрагимга санчилади.

Жангари ҳамон қон иси келаётган ханжарни кўзларимга яқинлаштириб, мендан жавоб кутарди. Сукутга чўмиди хато қилганим, атрофимдагиларнинг шубҳасини кучайтираётганимни бирдан тушуниб етдим. Улардан бири жонимга оро кирди ва бир оғиз сўзи ханжар тутган кимсанинг қўлларини пастга туширишга мажбур қилди.

– Агар бу ишни сен қилмаган бўлсанг, унда ким қилганини биларсан? Сени яхши биламиз, бизга хизмат қилияпсан. Лагердаги ишлардан хабардор бўлишинг керак. Бекорга Башир жаноблари сени Эргашбойга ёрдамчи қилиб тайинламаган. Ўша пайтда машина ёнида турганингни кўрган одамларимиздан бири тирик. Афусуски, ҳозир операция столида ётибди. Ўша айтди бизга. Сенларни сўроқ қилиб ўтирумаймиз. Яхшиликча ўз тилинг билан айбингта иқрор бўл. Ким топшириқ берганини айт!

Унинг саволларидан ҳақиқий айбдорнинг ким эканлигини, ҳатто бизни «кўрган» одам ҳам ўша айбдорни билмаслигини, булар шунчаки шубҳаланиб сўроқ қилишашётганини сезиб қолдим.

– Ўша куни машина олдида турганим рост, аммо уни ким портлатганидан бехабарман, – деб жавоб қайтардим.

– Ҳа, ит эмган шайтон, шеригингни сотгинг келмаяптими?

Жангари эшик олдида турган соқчига имо қилди. У бош иргаб, ташқарига чиқиб кетди. Бир оз ўтиб ёшгина чақалоқни кўтариб кирди. Юрагим шув этиб, вужудим-

ни қалтироқ босди. Толибон болани ерга ётқизди. Шунда уни танидим. Бу менинг ўғлим Ёдгор эди.

– Танидингми? – савол ташлади мени сўроқ қилаётган кимса совуқ жилмайиб.

Соқчи боланинг кийимларини ечиб, яланғочлади. Хона бир оз совуқ эди. Ойнаксиз деразадан шамол кириб туради. Ўғлим уйғониб, йиғлай бошлади. У томон талпиндим. Бироқ қўзим аралаш юзимга тушган муштдан ерга йиқилдим. Бир оз ўтиб ўзимга келдим. Бу пайтда бадани қизариб, кейин қўкариб бораётган ўғлим аввалгидан қаттиқроқ додларди.

– Агар болангни яхши кўрсанг бизга ҳақиқатни айт!

Кулоқларимга қўлларини мушт қилиб, оёқлари ни типирчилатиб йиғлаётган жигаримнинг фарёидан бошқа товуш кирмасди. Уни бағримга олишга талпинардим. Толиблар қўлларимни қайириб, мени ерга тиз чўқтиришди. Қимирлашимга имкон беришмади.

– Болангга раҳминг келса, шеригинг кимлигини айт! – бояги талабини такрорлади улардан бири. – Хўш, ким эди улар?

Ўғлим чинқириб йиғларди. Совуқ баданига ўтганди. Териси қўкара бошлаганди.

Бир оғиз сўзим фарзандимни ҳаётини сақлаб қолиш учун кифоя. Муродга қараб қўйсам бас, ўғлим бағримда бўлади. Бағримга олиб иситаман... Толибларнинг қўзи менда эди. Тилимдан чиқадиган сўзни кутиб, қўзларини ўқдек тикиб туришарди. Тилимни тишларим орасига олдим. «Худойим, сотқинликдан ўзинг асрарин, ўзинг куч бергин, чидам бергин!». Шунда болам Ватан бўлиб кўринди қўзимга. Толибонлар сардори жавоб ололмагач, эшик олдида турган соқчига ишора қилди. У маъноли бош ирғаб ташқарига чиқиб кетди ва кўп ўтмай жом кўтариб кирди. Ичи тўла чўғ ловуллаб туради. Иссиқ тафт бир неча қадам нарида бўлсам-да, юзимга урилди. Нима қилмоқчи?! Наҳотки? Ич-ичимдан инграган то-

вуш тишларимнинг орасини ёриб чиқди. Соқчи ўғлимнинг оёғидан ушлаб, калласини пастга қилиб, жомдаги чўғ устига яқинлаштира бошлади. Қайноқ ҳовур шу захотиёқ унга таъсир қилди. Ўғлим чинқириб юборди.

– Нима қилаяпсизлар?!

Болам томон отилдим, бироқ икки соқчи йўғлимни тўсиб, қўлларимни қайриб, девор олдига олиб боришиди.

– Айтмагунингча болангни боши пастга тушаверади. Охир чўғ устига ташлаб юборамиз! Кўз ўнгингда кабоб бўлади.

– Ундан қила кўрманг, болага раҳмингиз келсин!

– Ҳақиқатни айт!

Иссиқ ҳовур бошига урилган ўғлим боягидан баттар чинқириб йиғларди. Сочлари сарфайиб, калласи қип-қизил жишга айланди. Юзи буғриқиб кетганди. Оғзидан суюқлик томарди. Соқчининг кўзи менда бўлса-да, гўдакни аста пастга туширишда давом этарди. Назаримда ўғлимнинг нафаси ичига тушиб ўлиб қоладигандек эди. Ўтирганлар кўзларини ўқдек қадаб, оғзимга тикилиб, нафасларини ичларига ютган кўйи жавоб кутишарди.

Булардан раҳм-шафқат кутиб бўлмайди. Одам ўлдириш, тириклай ўтда ёқиб юбориш булар учун оддий хол. Ўзимни қандай ахволга тушганимни ҳозир эслай олмайман. Қутурган ҳайвондек бўкириб, қўлларимни қайриб, елкамдан босиб турган соқчиларнинг чангалидан чиқиб, икки қадам нарида бигиллаб йиғлаётган боламнинг бошини қайноқ чўққа тутиб турган соқчининг олдига етиб боришга, унинг қўлидан зурриётимни тортиб олиш учун тинмай талпинардим. Улар болани чўғ устига ташлаб юборишади. Уволига қоламан, виждон азобида яшагандан ўлганим афзал. Яхшиси айбни бўйнимга олиб, ўғлимнинг хаётини сақлаб қоламан! Соқчиларни туртиб, ўзимдан нарилатиб, толибонлар бошлиғига юзландим. Бироқ оғзимни очишига улгурмадим.

– Болани қийнаманглар!

Бу Муроднинг овози эди. У мендан аввал тилга кирганди. Унга қарадим. Мурод мен танимайдиган қиёфа-га кирганди. «Сотиб қўйса-я» деган қўрқинчли фикр хаёлимдан ўтди.

– Одамларингни бўйнига устара тифи қадаган, қурол ортган машинани портлатган менман! Бу ярамас ўшанда халақит қилмаганида, иккита минани жойлаган бўлардим.

Ўтирганлар бирдан жонланиб, бир-бирларига қараб қўйишиди.

– Ким топшириқ берганди сенга? – савол берди толиблардан бири.

– Виждоним!

– Шерикларинг кимлар?

– Хеч кимни шерик қилмаганман. Мақсадим манави малайларингни ва ювиндихўр Эргашни ўлдириш эди! Бугун бўлмаса, эртага шерикларим буни ҳам, тўдабошини ҳам ўлдиради!

– Сен кимга қарши курашмоқчисан?

– Сен каби қон сўргувчиларга!

Кўлларимни қайириб турган жангарилаш шеригимга қарашди. Ҳамманинг кўзи Муродда эди. Соқчилар мени қўйиб юбориб, Муродга ташланишиди. У нима деганини, айтган гапи учун соқчилар қандай жазолашини яхши тушунарди. Қийноклардан чўчимай, боламнинг ҳаётини сақлаб қолиш мақсадида бутун айбни гарданига олди. Мен бифиллаб йиғлаётган, чўғдан бадани жиши бўлиб, қизариб кетган боламни соқчининг қўлидан юлиб олдим. Унинг қайнок танасини бафримга босдим. Муродга қарашни унутган эканман. Болам билан овуниб турганимда, у ёғим остига йиқилди. Қўксига қадалган ханжарга кўзим тушди. Мурод соқчининг қўлидаги ханжарни олиб, ўз юрагига санчганди...

* * *

Башир соқчилар ҳамроҳлигидаги Юнус Холиснинг қа-
роргоҳига келди. Баширнинг келишини у хаёлига келти-
маганди. Турқини кўрганда юраги орқага тортиб кетди.

– Бўрондан шубҳаланганингизнинг сабабини менга
тушунтириб берсангиз? – деди фазабини ичига ютиб. – У
икки йилдан бери менинг назоратимда. Шу пайтгача би-
рорта ножӯя ҳаракат қилганини пайқамагандим.

– Каминани маъзур тутинг, Башир жаноблари. Анг-
лашилмовчилик бўлди. Бизга гувоҳлик берган жангчи-
нинг маълум қилишича, қурол юклаган машинанинг ёни-
да Бўрон бўлган экан.

– Унинг бўлиши табиий. У қуролларни манзилга беха-
тар етиб бориши учун қайғурган.

– Биз ўтказган терговдан кейин фикрингиз асосли
эканлигига ишонч ҳосил қилдик.

– Хўш, машинага портловчи мосламани ким қўйган
екан?

– Мурод!

– Мурод?

– Шундай!

– Ким у? Бўронга нима алоқаси бор?

– У Эргашнинг одами.

– Айбига иқрор бўлдими?

– Ҳа, тан олди.

– Уни кўришим керак!

– Бахтга қарши, ўлди.

– Нега ўлдирдингиз?

– Юрагига ўзи пичоқ санҷди!

– Тушунмадим.

– Кутилмаганда соқчининг ханжарини олиб қўксига
урди.

– Бўрон қаерда?

– Боласининг олдида. Энди у бизга ишлашдан бўйин товласа керак.

– Сабаб?

– Одамларим уни керагидан ортиқроқ жазолашди. Келмаганингизда боласига қўшиб гумдан қиласардик!

– Уни ўлдирганингизда шахар ўртасидан ўзингизга дор ўрнатишингизга тўғри келарди.

– Бўронни бу қадар ҳурмат қилишингизнинг боисини билсан бўладими?

Башир Юнус Холиснинг маккарона кулиб турган кўзларига тикилиб:

– Яхши кўришимнинг сабабини билишни хоҳласангиз, марҳамат, хабардор бўлинг. Усама жаноблари Мулла Умар ҳазратларига муҳим топшириқ берганлар. Мана шу нозик топшириқни сиз жонини олмоқчи бўлган йигит баҗариши керак!

Бин Ладеннинг номини эшитган Юнус Холиснинг юраги товонига тушиб, оёқлари қалтираб кетди.

– Уни ва боласини азоблаганингиз ҳазратимнинг қулогига етиб боргудек бўлса, билмадим сизни қандай «мукофот»лашаркин!

Ранги қўкариб кетган Юнус Холис олов устида турган одамдек типирчилаб қолди.

– Мен хозироқ Бўрондан кечирим сўрайман...

– Кечирим сўраш билан иш битмайди... У энди бизнинг топшириқларимизни бажармаслиги мумкин.

Юнус Холис Баширнинг сўзидан коса тагида ним коса борлигини тушунди. Ҳамёнини кавлади. Қўлига ёнроқдан каттароқ олтин илинди.

– Тақсир, сиз билан эски қадрдонмиз. Бу ишлардан ҳазратимнинг бехабар бўлганлари дуруст...

Холис олтинни Баширнинг чўнтағига солиб қўйди.

* * *

Ўғлимнинг соchlари иссиқдан қўйиб, териси қиза-
риб, айрим жойлари шилиниб кетганди. Қип-қизил эт-
дан қон аралаш сарғиши суюқлик томарди. У бағримда
бўлса-да, оғриқдан бифиллаб йигларди. Кўрқувдан
кatta-кatta бўлиб кетган кўзларидан қийналаётганини
билиб, юрагим сим-сим оғрирди. Боламни қандай юпа-
тишни билмай нуқул баданини силардим. Унинг жони-
га фақат доктор оро кириши мумкин эди. Зудлик билан
касалхонага жўнатиш, жароҳатларига малҳам суртиш
ва оғриқ қолдирадиган дориларни бериш керак. Акс
холда жароҳат жиддий асоратлар қолдириши мумкин.

Ёдгорни бағримга босиб, ташқарига чиқдим. Эшик
олдида Башир билан тўқнашдим. Унинг башарасига ту-
пургим келди. Важоҳатимни кўриб:

- Юнус Холис сендан кечирим сўради, – деди шо-
ша-пиша.
- Одамларингизни мендан шубҳаланишларини бил-
маган эканман, оға! – дедим нафрат ила.
- Бу шунчаки англашилмовчилик, – дудукланди Ба-
шир.

– Англашилмовчилик бўлса, гўдакда не гунох?

Башир яқин келиб бағримдаги гўдакка қаради. Бо-
шига мато ташлаб қўйгандим. У матони кўтарди ва бо-
ланинг жиши бўлиб қизариб кетган бошига қаради. Юзи
бирданига ўзгарди.

– Ортимдан юр! – Башир мени ташқарига бошлади.
Изидан эргашдим. Ташқарида машина турарди.

– Ўтир! – деди Башир орқа эшикни очиб. Мени қа-
ёққа олиб боришини тушундим. Ўғлим ҳали ҳамон
бифиллаб йигларди.

– Касалхонага! – Башир ҳайдовчисига шундай топ-
шириқ берди Башир.

Болам юпанмасди.

Касалхонага келдик. Шифокорлар ўғлимни олиб, ичкарига кириб кетишиди. Башир уларнинг ортидан эргашди. Мени қўйишмади. Эшик олдида оёфи куйган товукдек икки қадам жойни айланавердим.

Ёдгорнинг овози қулогимга чалиниб турарди. Бир оздан кейин Башир чиқди.

– Ўғлинг тузалгунча шу ерда қоласан! – деди. – Докторлар сенга жой қилиб беришади.

– Ахволи оғир эмасми? – сўрадим.

– Беш-ён кун ичида териси аввалги ҳолига қайтади дейишди...

Баширга миннатдорчилик изҳор қилдим. У жаҳлдан тушганимни сезди.

– Боланг тузалгач унга энагалар тайинлайман, парвариш қилишади.

– Уни олиб кетаман, – эътиroz билдиридим.

– Биламан, ҳозир қўнглингга қил сифмайди. Аммо айтишга мажбурман. Ҳазратим сенга муҳим топшириқ бермоқчилар.

Бугундан бошлаб Баширга ҳам, Мулла Умарга ҳам хизмат қилишдан воз кечмоқчилигимни айтмоқчи эдим, бироқ бу харакатим ўзимга зиён келтиришини ўйлаб, тилимни тишларим орасида маҳкам тутдим.

– Қандай топшириқ экан?

– Бу ҳақда кейин гаплашамиз!

– Рухсат берсангиз, ўғлим тузалгач, уйимга олиб кетаман!

Башир кўзларимга тикилди. У нигоҳларимдан қаттиқ хафа эканлигимни уқиб олганига аминман. Шу сабабли дилимни ранжитишни истамади.

– Ўғлингга ким қарайди?

– Тоғаси!

Башир бир зум жим турди-да, деди:

– Буни ўйлаб кўрамиз!

У ташқарига чиқиб, машинасига ўтираётуб:

– Ҳозир ёрдамчиларим янги кийим олиб келишади,
– деди.

Кийимларимга қон сачраганини, енглари йиртилиб кетганини шунда билдим.

Ўғлимнинг аҳволи кун сайин яхшиланиб борарди. Лекин аввалгидек қувноқ ҳамда ўйинқароқ эмасди. Кўзларига қўрқувнинг шарпаси муҳрланиб қолганди. Бағримдан чиқишини истамасди. Митти қўлчалари билан мени қуҷоқлаб ухларди. Тушларига юзини соқол босган, қўлларида олов тутган кимсалар кирса керак баъзида алаҳсиради, айрим пайтлар чўчиб тушар ва чинқириб йигларди. Бундан юрагим баттар эзиларди. Гўдакни азоблаган кимсаларга нисбатан нафратим ку чаядри.

«Сенлардан қасос олмай, юртимга кетмайман» дердим ўзимга-ўзим.

Бир неча кун ўтиб Башир келди.

– Докторлар билан гаплашдим, – деди у ўғлима қараб. – Болангнинг аҳволи яхши экан. Бемалол уйга олиб кетишинг мумкин.

– Қачон жавоб беришар экан?

– Бугун.

– Ҳозироқ жўнайман!

– Ташқарида сени машина кутиб турибди. Ўғлингни тоғасига топшириб, тезда Кобулга қайтасан!

– Нега?

– Топшириқ шундай!

– Мен...

Башир боламга маъноли кўз ташлаб қўйди.

– Кенгашда ичган қасамингни унутма!

Ўйланиб қолдим. Таклифни рад этсам, бошимга бундан баттар мусибатларни солишга тайёр. Фарзандимни нақадар яхши кўришимни билади.

– Тўдабошига учрайми?

– Ҳожати йўқ, ўзим у билан гаплашаман!

Ноилож машинага ўтирдим. Калламда биргина са-
вол айланарди: «Мулла Умар менга қандай топшириқ
бермоқчи?»

Оёфим Афғонистон тупроғида турғанлиги боис, Ба-
шир томонидан бериладиган хар қандай топшириқни
бирорта баҳонаю сабаб ишлатмасдан бажаришга маж-
бур эдим. Модомики унинг сўзини рад этиб, лагерга
қайтадиган бўлсам, Эргаш мени қандай кутиб олиши-
ни яхши билардим. Мулла Умардек одамга қарашли
бўлган қурол-аслаҳа ортилган машинани портлатиб
юборища айбланган гумондорни улар қучоқ очиб
қарши олмасликлари беш кўлдек аён. Баширнинг
топшириғига кўниш мен учун лагерь дарвозасини
очиш, аввалгидек ўз обрўим билан яшаш имконият-
ларини яратарди.

Таклифни қабул қилган бўлишимга қарамай, Ба-
шир мени «Қочиб кетади» деган шубҳада ўзининг
соқчиларидан бирини кўшиб, Саманганга жўнатди.
Йўлда хаёлимдан турли-туман ўйлар ўтди. Ёдгор-
ни эртароқ ватанимга жўнатиб юбормаганимдан аф-
сусландим. Энди имконият бой берилганди. Алоқа
воситаларим лагерда – тошлар орасида қолиб кет-
ганди. Икки ҳафтадан буён Махмудов билан алоқа-
га чиқмаганим учун қандай хаёлларга бордийкин?
Нима қилиб бўлмасин, тириклигимни билдириб қў-
йишим керак.

Қишлоққа кириб келганимизда, оқшом қоронғилиги
тушганди. Валий уйда экан.

– Мен зарур иш билан Кобулга кетяпман. Қачон қай-
тишимни билмайман. Ўғлимни сенга, сени Худога топ-
ширдим, – дедим.

– Хавотир олманг, келгунингизча жиянимни кўз қо-
рачиғимдек асрайман!

Ёдгорнинг боши бинт билан ўраб қўйилганидан Ва-
лий ташвишланди.

– Чўф атрофида ўйнаётиб, йиқилиб тушибди. Ҳар куни мана бу маздан куйган жойига суртаб турасан, – деб халтамдаги малҳамни унинг қўлига тутқаздим.

Ўғлим бағримни тарк этгиси келмай, кўйлагимдан маҳкам чанглаб олганди. Ортимга қайрилдиму, кўча томон чопдим. Машинага ўтираётганимда ҳам боламнинг овози қулоғимга эшитилиб турди.

– Тезроқ хайда! – дея ҳайдовчига буюрдим.

У машинасини шамол каби елдириб кетди. Ортимиздан чанг қувди. Ана шу фубор ортида ўғлим чопқиллаб келаётгандек туюларди.

Эрталаб Баширнинг қароргоҳига етиб келдик. Ичкарига кирдим. Хонада нотаниш одамлар ўтиради. Мени кўриб ўринларидан туришди.

– Бу киши Усама бин Ладен жанобларининг ёрдамчилари – Носир ал-Бахрий бўладилар, – Башир ёнида ўтирган ўзи тенги одамга ишора қилди. Кейин қуироқдаги икки йигитга ишора қилди. Улар нари борса мендан икки-уч ёш катта эди. – Булар сенинг ёрдамчиларинг!

Мен бош ирғаб қўйдим. Йигитларнинг гавдасидан, пайларининг таранглигидан ҳамда қоматларини тик тутишларидан уларни узоқ муддат жисмоний тайёргарликдан ўтганини билиш мумкин эди. Башир уларга қарата:

– Энди сизларга рухсат, эрталаб шу ерда кўришамиз! – деди.

Йигитлар ўринларидан туришди. Хонада уч киши қолдик.

– Яқинда Зелимхон жаноблари Бин Ладен ҳазратларидан жуда катта микдорда маблағ сўради. Ҳазратим унинг талабини қондириб, юз миллион доллар ажратдилар. Жаноблари Мулла Умарга «Чеченистонга маблағни бизнинг ишончли одамимиз олиб борсин, нима мақсадда сарф қилинаётганидан бизни хабардор қилиб

туради» деб тайинлабдилар. Биз узоқ муддат бош қотириб, сенинг номзодингни маъқулладик.

Бош ирғаш билан унинг сўзини маъқуллаган бўлдим.

– Яндарбиев илгари ҳам жанобларидан катта миқдорда қарз олганди. Бироқ одамларимизнинг маълум қилишича, пулларни бошқа ишларга сарф қилиб юборган. Сенинг вазифанг Зелимхон пулларни қандай ишларга сарф қилаётганини аниқлаш эмас, балки унинг ишончига кириш, атрофида бўлаётган ишлардан бизни хабардор қилиб туриш. Зелимхон Мулла Умар жаноблари билан бўлиб ўтган учрашувда рус давлатнинг раҳбари Борис Ельцин билан юзма-юз мулоқот ўтказиб, уни Чеченистон давлати ҳудудидан аскарларини олиб чиқиб кетиш ва янги давлатнинг ички ишларига аралашмаслик, унинг мустақиллигини тан олишга рози қилишга ваъда берганди. Афсуски, шу пайтгacha ваъдасининг уддасидан чиқмади. Зелимхоннинг Борис Ельцин билан бўладиган учрашуви нима сабабдан кечикирилмоқда? Нима тўққинлик қилмоқда бунга? Чеченларнинг Зелимхонга бўлган муносабати қандай? Мана шу нарсаларни аниқлаш – сенинг вазифанг!

– Борган кунинггоқ қўл телефони сотиб оласан. Жўнашинг олдидан биз сенга ишончли одамимизнинг телефон рақамларини берамиз. Зелимхон қачон Ельцин билан учрашади? Бу учрашув қаерда бўлади? Кимлар иштирок этади? Қандай масалалар кўрилади? Ҳар якшанба куни бизнинг одамимизни бу янгиликлардан огоҳ қилиб турасан.

– Демак, асосий вазифа пулнинг қандай мақсадга ишлатилаётганини назорат қилиш эмас!

– Мени тўғри тушунибсан. Лекин улар сенинг хатти-ҳаракатларингдан «Пул билан қизмқаяпти» деб ўйлашсин!

– Зелимхон мени яқинига йўлатмаслиги мумкин...

– Йўқ, биз у билан тузган шартномамизда сени ҳамиша ёнида олиб юришга вайда берган! Бундай имко-ният шу пайтгача бирорта одамимизга насиб қилмаган!

Чеченистондаги вазият бу ердагидан оғир эканлиги-ни билардим. У ерга борадиган бўлсам, Афлонистонга соғ-омон қайтиб келишимга буларнинг бирортаси кафо-лат бера олмайди.

– Бояги йигитлар сенинг ёрдамчиларинг. Уларнинг вазифаси сени чегарадан ўтказиб қўйиш, – Баширнинг сўзи хаёлимни бўлди. – Бироқ биз уларга сенга айтган гапларни айтмадик. Пулни шахсан ўзинг Яндарбиев-нинг кўлига топширасан!

– Шунча пулни бир ўзим олиб кетолмайман, – дедим хавотирланиб.

Носир ал-Баҳрий олдимга яқин келди.

– Биз сенга нақд пул бермаймиз. Юз купюралик тамфани олиб кетасан.

– Қачон йўлга чиқамиз? – сўрадим.

– Эртага Туркияга жўнайсизлар. Одамимиз сизларни Озарбайжонга кузатиб қўяди. У ерда ҳам одамла-римиздан бирининг ҳамроҳлигига Грузия чегарасидан Чеченистонга ўтасизлар.

– Мен у ерда узоқ қолиб кетаманми?

Саволим ёқмади чофи, Носир ал-Баҳрийнинг қошли-ри чимирилди.

– Қайтишга топшириқ бўлмагунча Яндарбиев билан бирга бўласан!

– Шерикларингга ҳушёр бўл. Ножӯя қадам ташлай-диган бўлишса, йўлдаёқ қолдир! – деди Башир.

Мен зиммамга оғир вазифа юклангандигини тушун-дим.

* * *

Амирийни ёлғиз қолдириб ташқарига чиққан Башир соқчиларига Қундуз шахрига жүнаш зарурлигини маълум қилди. Кутимаган сафардан соқчилар ҳайрон бўлишмади, ўз хўжайнларининг вақт-бевақт фикрини ўзгартириб туришини яхши билишарди ва бунга кўни-киб ҳам қолишганди. Улар бошлиқларининг машинасини ўртага олиб йўлга тушишди.

Хужжатларнинг сирли ғойиб бўлиши қўпорувчилик ишлари бошлигининг амалга ошироқчи бўлган барча мақсадларини остин-устун қилиб ташлаш билан бир қаторда бунинг ортида турган одамларнинг кимлигини билиш истаги ҳам безовта қиласиди. Гўзал хужжатларни қайсиdir махфий хизмат идорасига топшироқчи бўлган. «Улар қизга хужжатлардан нусха кўчиришни ўргатишибди-ю, бироқ «БармоНгни бўёқ суртилган лабингга текиза кўрмагин» дей маслаҳат беришмабди-да» деб ўзича фикр юритарди.

Гўзалга топшириқни ким берган? Кенгашнинг узоқ йиллар давомида ишлаб чиқилган махфий режаларидан ва булар Чегечининг қўлида сақлананаётганидан ким огоҳ эди? Бу руслар билан ўзбекларнинг иши эмасми?

«Ахир ягона мақсад Россия ва Ўрта Осиё Республикаларига қарши қаратилган-ку. Россиядаги стратегик аҳамиятга эга бўлган муҳим обьектларнинг кулини кўкка совуриш, Чеченистонни ишғол қилиш, жангариларнинг чегарани кесиб ўтадиган яширин йўллари чизмаси, мамлакат ичига ташланадиган кучларнинг қаерларда, нима ишлар қилиши, миллатлар ўртасида диний ва миллий можароларни келтириб чиқаришга мўлжалланган дастур албатта уларни мунтазам қизқитириб келган. Қолаверса, Россияда ҳам, Ўрта Осиё Республикаларида ҳам қўлга тушган кимсалар кимлардан топшириқ олишганини сайрашган. Чуваланиб кет-

ган ипнинг учи Амирий томонидан тузилган кенгашга келиб тақалган. Балки унинг изига тушган айғоқчилар чолни изма-из кузатиб, бу ерга келишгандир ҳам. Ҳужжатларга эгалик қилмоқчи бўлганлар Гўзални узоқ ўрганишган ва ниҳоят ишга солишган. Бунда ўзини по-кистонликман деб таништирган йигитнинг қўли бўлса ажаб эмас» деб ўйларди Башир...

Ҳужжатдаги маълумотларнинг ошкор бўлиши Амирий каби Баширни ҳам дунё аҳлига қонхўр қилиб кўрсатишга етарли далил бўла олади. Бундай режаларни ишлаб чиқсан лойихачилар охир-оқибат ўз ажаллари билан бу дунёни ташлаб кетишмайди.

У аста-секин коронфилик чўкаётган, йўл четида ма-жақланиб кетган танклар, замбараклар, снаряд ва бомбалар тушиб, хандақлар ҳосил қилган паст-баландликларга боқиб борар экан, хаёлидан шуларни ўтказарди. Тоғлар орасидаги лагерга етиб келганида тун ярим бўлганди. Уни ўёрикчилар кутиб олишди. Башир чарчаган бўлишига қарамай, зудлик билан орқага қайтиши лозим эди. Чодирга киргач, бир пиёла қаҳва келтиришларини сўради. Лагерь бошлиғи билан амалга оширилиши лозим бўлган операция тўғрисида сухбатлашди.

– Йигитларингдан йигирма бир нафарини ажратасан, – деди у бошлиқقا.

– Муҳим топшириқ чиқиб қолдими?

– Ҳа, ўта муҳим топшириқ бор.

– Қаерга ташламоқчисиз уларни?

– Ўшга!

– Ўшга?

– Шундай.

– Йигитларимни Қирғизистонда қиласиган ишлари йўқ эди-ку.

– Аввал йўқ эди, энди бор.

– Қачон жўнашади? – сўради Баширнинг мақсадини тушунмаган лагерь бошлиғи.

– Икки қундан кейин. Ҳозироқ абжир ва чаққон йиғитлардан йигирма бир нафарини танла!

– Хизмат ҳақларини ким түлайди?

– Мен! Фақат топшириқни бажариш шарти билан!

– Бу томонидан хотиржам бўлинг, Башир жанобла-ри, одамларим сизни хурсанд қиласиган даражада ишлашади. Фақат ҳақларини олдиндан тўласангиз бас!

– Йўлга чиқаётганларида ярмини тўлайман, топшириқни бажариб қайтганларидан сўнг қолганини олишади!

Хонага хизматкор кирди. Суҳбатга берилиб кетган Башир ва лагерь бошлиғи унга аҳамият беришмади.

– Улар бир неча соат ичида топшириқни бажариб, орқага қайтишади. Бу ердан жўнаб кетаётганларини ҳеч ким билмаслиги шарт.

– Топшириқни айтмадингиз?

– Йўлга чиқишаётганда одамларим маълум қиласиди.

Улар автоматлар билан эмас, ханжар билан ишлашади.

– Тушунарли!

– Унутма, одамларингни бирортаси қўлга тушиши мумкин эмас. Ҳатто ўлганлар ҳам.

– Буни «Соқов» операцияси деб номлар эканмизда.

Хизматкор қаҳвани стол устига қўйгандагина Башир хонада бегона одам борлигини сезди. Унга ўқрайиб қаради. Хизматкор унинг кўзларига лоқайд одамдек кўринди. Қаҳвани ичиб бўлишгач Башир ёнидан харитани олиб, курси устига ёйди.

– Қизил ҳалқа ичидаги белги одамларинг ҳаракат қиласиган жой. Қора чизиқлар эса улар бажарадиган ишлар.

– Тушунарли! – лагер бошлиғи қофозларни олиб пўлат сандиққа солди.

– Яна бир бор огоҳлантираман. Одамларингни Қирғизистонга жўнашаётганини ҳеч ким билмаслиги шарт. Сир фош бўлгудек бўлса, бошинг кетади!

Башир ўрнидан турди. Жўнайдиган пайт бўлганди. Ташқарига чиқди. Тонг ёришиб қолганди.

У тушга яқин Кобулга кириб келди. Ёрдамчининг кўзларидан қандайdir ноxушлик бўлганини ва буни айтишига ийманиб турганини сезди.

– Нима гап?

– Хозиргина Маҳдийдан хабар олдик. У белгиланган жойга етиб борибди. Ёрдамчи куч жўнатишимиznи сўрамоқда.

Башир бир оз шошганини, одамларнинг йўлини ўзгартириш кераклигини тушунди.

– Мени Орифзода билан боғла.

Ёрдамчи телефон рақамларини терди.

– Эшитаман! – Орифзоданинг ингичка овози эшилди.

Башир телефонни қўлига олди.

– Меҳмоналаримиз тунда йўлга чиқишиади. Манзиллари ўзгарган. Уларни дала ҳовлида яхшилаб меҳмон қилиб, дўстимизнинг қароргоҳига жўнатасиз деган умиддаман. Хизмат ҳақингизни ўзингиз белгилайсиз.

Орифзода тагдор сўзларнинг маъносини тушунди.

– Яна нима гап? – гўшакни ёрдамчининг қўлига топшираётиб сўради Башир.

– Бугун тунда ҳазратни ўғирлаб кетишибди, – деди ёрдамчи.

Баширнинг рангида қон қолмади.

– Ким?

– Хозирча аниқлолмаяпмиз, одамларимиз суриштиришмоқда.

– Соқчиларнинг қўзи қаерда эди?

– Улар хонага киришганида кийим-кечаклари сочилиб ётган экан. Ҳатто оёқ кийимини ҳам қолдириб кетиби!

Башир яраланган одамдай ингради.

– Уни юртимиздан тириклай олиб чиқиб кетишолмайди. Чегарадаги, Эрон ва Покистондаги одамларимизга хабар жўнатинг. Йўлларни назоратга олишсин!

Ичкаридан чиқиб келган соқчи Баширга Мулла Умарнинг мудофаа ишлари бўйича вазири чақираётганини маълум қилди. У машинаси томон борар экан, бир неча қадам нарида зимдан тикилиб турган одамни кўриб қолди. Унинг қора соқоли, чўзинчоқ юзи, салласининг остидан кўриниб турган оппоқ пешонаси ва маҳаллий одамларникига мутлақо ўхшамайдиган кўзлари танишдек туюлди, аммо тўхташга, нотаниш кимсага қайтадан нигоҳ ташлашга фурсат йўқ эди. Машинага ўтириши биланоқ хайдовчига вазирнинг қароргоҳига хайдашни буюрди. «Тойота» жойидан жилганда Башир ихтиёrsиз холда тагин ортига ўтирилди ва қорайтирилган ойнадан ўша нотаниш одамнинг ҳамон тикилиб турганини кўрди. Бирдан уни таниди ва хайдовчига қаратса қичқирди.

– Тўхта!!

Хайдовчи тармозни босишга улгурмади. Баширнинг қулоғи гумбурлаган овоздан битиб қолаёзди. У ўзини машина билан бирга осмонга кўтарилаётганини, кейин машина гир айланиб бўлакларга бўлиниб, ҳар томонга сочилиб, ўзи ҳам ўтирган ўринидиги билан айланиб бораётганини, чараклаб турган қуёш қора тутун ичидаги қолганини ва ниҳоят кўзига қип-қизил олов кўринганини эслаб қолди.

* * *

Кўкка учиб, тўнтирилиб, парча-парча бўлиб кетган машинани кўрганлар унинг ичидаги одам тирик қолиши мумкин эмас деб ўйлашига шубҳамиз йўқ. Аммо Баширга жиддий жароҳат етмаганди. Юзи шилиниб, бир оёғи лат еб, хушини йўқотганди. Шифохонада ўзига келди. Оёфини гипслаб, тош осиб ётқизиб қўйишиди. Соқчилар касалхонани ўраб олишди. Ичкарига бегона одамни қўйишмади. Жон Дэвид ўша пайтнинг ўзидаёқ воқеадан хабар топиб, касалхонага етиб келди.

– Дардингизга шерикман, – деди Баширнинг ёнига ўтирар экан. – Бу ишда кимларнинг қўли бўлиши мумкин?

– Гумоним инглизлардан, – деди Башир.

– Наҳотки?!

Жон Дэвид бу саволни шунчаки Баширнинг қалбидаги инглизларга бўлган муносабатнинг қай даражадалигини билиш мақсадида берди.

– Машинамга ўтираётганимда ўн беш қадамлар нарида турган одам диққатимни тортиб қолди. Унинг чехраси, айниқса мовий кўзлари Чарльзни эслатганди менга.

Жон Дэвид Башир айтган кимсани яхши танир, бироқ унинг Афғонистондан чиқиб кетганини кўзи билан кўрмаган бўлса-да, ёрдамчиларидан эшитганди.

– Афсуски, сиз айтган одам ҳозир бу ерда эмас, – деди бошини чайқаб.

– Гарчи ҳушимни йўқотган бўлсам-да, ўша ярамаснинг қиёфаси хозиргача кўз ўнгимда турибди.

Жон Дэвид табиатан тортишиб ўтиришни ёқтирумасди.

– Эшлишимга қараганда Амирий шу ердамиш? – деда гапни бошқа мавзуга бурди.

– Кечаки эрталаб учрашгандик. Унинг бошига тушган ташвиш меникидан аянчли. Чегечи ўлим тўшагида ётганда кимдир қизи билан тил бириктириб, ҳужжатлардан нусха кўчириб олиди.

Бу хабар шу пайтгача инглизлардан шубҳаланиб юрган Жон Дэвидни кучли зарба еган боксчидек гангитиб қўйди. Лекин қалтис вазиятларда ўзини қандай тутишни яхши билгани боис, қиёфасида ҳам, сўзларида ҳам сухбатдошида шубҳа уйғотмади.

– Демак, тизим фош бўлибди-да, – деди бошини чайқаб.

– Минг афсуски, ўн йиллар давомида ишлаб чиқкан режаларимиз фанимларимизнинг қўлида.

– Ҳужжатни Чегечининг хонадонидан олиб чиқиб кетилишида сизни ҳеч ким айблай олмайди.

– Шундай-ку, бироқ йиллар давомида азоб чекиб қилган меҳнатларим, саралаб топган ишончли одамларим, уларга берилган махфий топширикларим, Марказий Осиё давлатларида амалга оширилиши кўзда тутилган режаларнинг барбод бўлишини эсласам ичим ёниб кетади. Уни ким қўлга киритса ҳам бизни дунёга шарманда қилишга, бузғунчиликда айблашта етарли асос топган бўлади.

– Кўп диққат бўлманд, дунё азалдан шундай яралган. Сизу бизнинг вазифамиз шундай бўлгач, нолишнинг не ҳожати бор? Сиз ўн йил муқаддам ишлаб чиқсан режалар бугунги кунда ўзининг кучини йўқотган деб ҳисобланг. Марказий Осиё давлатларига жўнатган одамларимизнинг кўпи қўлга тушди. Энди янги лойиҳалар, янги режалар устида бош қотириш фурсати келди. Амирий ҳам бизга дўст бўлмайди. У бизни узоқ вақт лақиллатиб юрди. Ким билсин, балки кенгаш аъзоларининг сирли ўлимидаги қўли бордир.

– Сиз ҳали ҳам Амирий жанобларини инглизларга сотилган деган шубҳадамисиз?

– Иложисизки, мен ўз одамларимнинг сўзларига ишонаман.

– Бирор далил келтиринг?

– Вақти келса, исбот ҳам топилиб қолади.

– Ҳазратим ҳақида бундай фикрда бўлишингиз менинг қалбимга санчилган тикан азобидан кучлироқдир!

– Мен ўз фикримда қолишга одатланганман, Башир жаноблари. Маслаҳатим, сиз ҳам у ҳақдаги фикрингизни ўзгартирсангиз ёмон бўлмасди. Акс ҳолда, тушунганингизда қалбингизни виждан азоби ва сирли равишда ўлиб кетган сафдошларингизнинг рухлари тинч қўймайди..

Баширнинг соқол босган юзидағи ўзгаришларни сезган Жон Дэвид ортиқча эҳтиросларга берилиб кетгани-

ни тушунди. Унинг сўзлари тўшакда ётган Баширнинг хаёлини олисларга олиб кетганди. Кўнглидан кечётган хар бир воқеа уни мушоҳада қилишга даъват этарди. Шу кунга қадар Жон Дэвид айтган сўзларни нега ўзи ўйлаб, муҳокама қилиб кўрмаганидан афсуслангандек бўлди. У Амирий ҳақида қанчалик кўп ўй сурмасин, унинг яхши-ёмон томонларини кўз олдига келтирмасин, бари бир ҳазратнинг пичоқقا илинадиган нуқсонларини тополмади.

– Кимки бизнинг жонимизни олмоқчи бўлса, биз уларнинг жонини аввалроқ оламиз! – деди паст овозда.

Башир бу гапни нима мақсадда ва кимларни назарда тутиб айтганини Жон Дэвид тушунолмади. У вазиятни юмшатиш ва сухбатдошининг кўнглига тасалли бериш мақсадида сўради:

– Амирийни ўғирлаб кетишган деб ўйлайсизми?

Башир бир оз жимликдан сўнг:

– Шундай, – деб жавоб қайтарди.

– Соқчилар қўйилмаганмиди?

– Уларни ўлдиришган.

– Сизнингча, бу ким томонидан амалга оширилган?

– Назаримда, хужжатларнинг изига тушган учинчи гурухнинг қўли борга ўхшайди.

Дэвид ўйга толди. Ҳар қалай Башир айтган учинчи тўданинг қўли бўлиши эҳтимолдан узоқ эмас. Наҳотки ингизларнинг иши бўлса? Агар ўйлаганидек бўлиб чиқса, Баширнинг олдида ўзининг ҳақлигини бир карра исботлаган ва қалбида Амирийга бўлган меҳр ва ихлос чўфини сўндирган бўлади.

Жон Дэвид телефон орқали Покистондаги ёрдамчи-си билан боғланди. Гўшакдаги овоз Баширнинг қулоғига чалиниб турарди.

– Дубайга самолёт қачон учади?

– Учиб кетганига ярим соат бўлди.

– Амирийнинг самолётда бор-йўқлигини аниқланг!

– Тушунарли, ўн дақиқадан сўнг сиз билан боғланаман.

Дэвид кўл телефонини филофга солиб, Баширга юзланди. Улар шунчаки гаплашиб ўтиришди. Яна телефон жиринглади. Дэвид четроққа чиқди ва қўнфироқ қилган одам билан гаплашди. Гўшақдан сўзлар эшитилиб турарди.

– Ҳазрат 85-ўриндиқда. Уни қўриқлаб кетишмоқда.

– Кўздан қочирманг, кейинги топшириқни кутинг!

Юзларига кулги ёйилган Жон Дэвид Баширга юзланди.

– Тахминингиз ўз исботини топди, муҳтарам Башир жаноблари. Амирийни ҳақиқатан ҳам ўғирлашган. Уни Покистон орқали ўз ватанига жўнатиб юборишгани маълум бўлди. Мени кечиринг, азизим, «ўғирлашган» деган сўзим бир оз ўринсиз, ўйлашимча, унинг ўзи қочган.

– Кимлар ёрдам берган бўлиши мумкин? – Баширнинг ранги оқариб кетди.

– Буни албатта аниқлаймиз! Лекин тахминим бор.

– Айтинг?

– Унинг қочишига сизнинг машинангизга бомба қўйган одам ёрдам берган!

– Нималар деяпсиз, Дэвид. Бундай бўлиши мумкин эмас. Амирий менинг олдимга нажот излаб келган. Ҳамиша мен билан ҳамкорликда ишлаш истагида бўлган.

– Бу гапларни у ўзининг тили билан айтган, шундайми? Аслида сизни хужжатларнинг фойиб бўлишидан огоҳ этиш мақсадида келган. Мени кечиринг, Башир жаноблари, шу жойда сизга берадиган саволим бор. Айтингчи, хайрлашишдан олдин Амирийга сиз эрталаб учрашамиз деб айтганмидингиз?

– Йўқ, зарур иш билан бандлигимни айтгандим.

– Ўрталарингда биз тўғримизда гап-сўз бўлиб ўтганиди?

- Шубҳасиз.
- Мана, кўрдингизми, Амирий барча сирларингиздан воқиф бўлган. Жўнаб кетишингиз биланоқ Чарльз ёки унинг одамлари билан алоқага чиққан. Сизни ўз томонларига оғдириб олишга кўзлари етмагач, машинанинг остига бомба жайлаштиришган. Бундан ортиқ яна қандай исбот ва далил керак?

Жон Дэвиднинг сўзларини эшитиб, Баширнинг юрагидаги Амирийга бўлган меҳр ўрнини адоксиз нафрат эгаллади. Дэвид буни сухбатдошининг кўзларидан уқиб турарди.

- Хўш, Амирий билан алоқани давом эттирасизми? – сўради у Баширдан.

– Афтини кўришни истамайман!

- Демак, ҳамкорликдан юз ўғирдингиз? – аниқлик киритиш мақсадида сўради ҳамон кўзлари ялтираб турган Дэвид.

– Ҳатто нариги дунёда ҳам!

- Сизнинг ҳукмингизни ижро этишга буйруқ берсам бўладими?

– Кечиктирманг!

Жон Дэвид жилмайди. Бу барча гина-кудуратлар ва кесатиқлардан холи бўлган табассум эди.

У телефон рақамларини терди.

– Эшитаман, жаноб.

- Карачи – Дубай йўналиши бўйича парвоз қилаётган «Боинг – 775» самолётида ҳазрат кетмоқда. Тўрт соатдан сўнг уйида бўлади. Уни ўз хонасида кутиб олинг!

– Сизни тушундим, жаноб!

Телефонини ўчириб, филофига колаётган Дэвиднинг беморга айтадиган гаплари бисёр бўлса-да, у билан хайрлашиш фурсати келганди. Баширдан эшитганларини зудлик билан бошлиqlарига етказиш мақсадида хонадан шошиб чиқиб кетди.

* * *

Жон Дэвиднинг касалхонага жўнагани ва Башир билан қилган мулоқоти инглиз разведкасининг Афғонистондаги ходими Вейвсернинг эътиборидан четда қолди деб бўлмасди. Гарчи ичкарида бўлиб ўтган сухбатни қулоги билан эшитишнинг иложи бўлмаса-да, Жон Дэвид шу ердан туриб ўзининг одамларига топшириқ бериши мумкинлигини ва албатта бунда телефондан фойдаланишини биларди. Жон Дэвид ичкарига кириб кетиши биланоқ бошлиқларини бундан огоҳ қилиб қўйишни унутмади. Барча маҳфий хизмат идораларининг телефондаги мулоқотларни «илиб» оладиган маҳсус ускуналарлари бўлгани каби Афғонистон осмонида сузиг юрган юзлаб йўлдошлардан бири инглиз разведкасига қарашли эди. Фақат заминда бўлаётган воқеаларни суратга туширибгина қолмай, балки муҳим сухбатларни ёзиб олишда ҳам улардан фойдаланиларди.

Вейвсер керакли одамлар билан боғланди. Унинг ускуналарини йўлдошдаги маҳсус кодлаштирилган рақамларга улаб беришди. Орадан ўн дақиқа ўтиб, Жон Дэвиднинг телефони жиринглаганида Вейвсернинг телефонидаги яшил чироқ ёнди.

Ўртада бўлиб ўтган сухбатлар ўша пайтнинг ўзидаёқ Вейвсерга маълум бўлди. Амирийнинг ҳаёти хавф остида эканлигидан у қаттиқ ташвишланди. Вейвсер шошилинч равишда Дубайдаги резидентни огоҳлантириди.

– Дўстимизнинг ҳаётига сўнгги нуқтани қўйишмоқчи. Шошилинч чора кўр. У биз учун керакли одам.

– Унинг изига тушишган бўлишса, ҳаётини сақлаб қолишининг иложини қилолмаслигим мумкин. Қолаверса, Дубай гавжум шаҳар. Топиб олишнинг ўзи азоб.

– Йўқотиб қўйисак, ишларимиз барбод бўлади.

– Ҳаракат қилиб кўраман!

Резидент Амирий самолётдан тушиши биланоқ, ўзига сездирмаган ҳолда уни назоратига олди. Бундан бир соат муқаддам, ҳали самолётнинг фиддираклари ерга тегмасдан Жон Дэвиднинг одамларидан бири Амирийнинг хонасига яширинча жойлашиб олишга муваффақ бўлганди. Вейвсернинг одами ҳазратни изма-из уйигача кузатиб келди. Бироқ уни ёлғиз ташлаб кетиб бўлмасди. Ҳеч бўлмаганда эҳтиёт бўлиш лозимлигини айтиб қўйди.

ДУБАЙ

Баширни кузатиб қўйган Амирийнинг хаёлига ҳар турли ўйлар келди. Аввало, бу ерга келганидан дили қаттиқ оғриди. Башир ҳеч қачон америкаликлардан воз кечолмаслиги сухбат жараёнида аён бўлди. Икковла-рининг ўрталарида бўлиб ўтган мулокот қачондир инглизларнинг қулоғига етиб борса, улар Амирийни бир умрга кечирмасликларини биларди. Энди чолнинг бу юртда қолиши мумкин бўлмаганидек, Башир билан аввалги муносабатни давом эттиришга ҳам қўзи етмасди. Зудлик билан Кобулни тарк этиши, келган йўли орқали юртига равона бўлиши даркор. Шундай қилгандагина қисмати шериклариники каби фожиа билан тугамаслиги мумкин. Юрагини ҳар турли ваҳималар чулғаб олган Амирий Эдмонга қўнғироқ қилди.

– Салом, азизим! Бу менман!

– Танидим, ҳазрат!

– Сиз билан муҳим иш юзасидан маслаҳатлашмоқчи-ман!

– Қаердасиз?

– Кобулдаман!

– Кобулда?

– Шундай!

- Нега менга айтмай у ерга бордингиз?
 - Кечириң мени, Эдмон, вазият шуни тақозо қилғанди. Учрашганимизда батафсил тушунтириб бераман!
 - Хозир турган жойингизни маълум қилинг?
 - Пойтахтнинг ўзидаги «Ором» меҳмонхонаси ёнидаги уйда турибман.
 - Ярим соатдан сўнг олдингизга одамларимиздан бири боради.
 - Уни қандай топаман?
 - Сизга қўнфироқ қилади...
- Ярим соат Амирийга йилдек туюлди. Бетоқатланиб, ҳаво етишмаётгандек телефон атрофида айланиб юрди. Алалоқибат телефон жиринглади.
- Мен Эдмоннинг ёрдамчисиман. Ўн дақиқадан сўнг ташқарига чиқсангиз.
 - Ташқарига?! Ахир кўчада одамлар гавжум, сизни қандай топаман?
 - Хавотир олманг, ўзим сизни топиб оламан! Фақат эгнингиздаги кўйлагингизнинг рангини айтсангиз бас.
 - Ҳаворанг.
 - Чап қўлингизда тасбех бўлсин!

Топшириқни олган Амирий зудлик билан кийимларини алмаштириб, кўчага чиқди. Кўча у ўйлаганчалик гавжум эмасди. Қария қаёққа юришни билмай туриб қолди. Эдмоннинг ёрдамчисини йўқотиб қўйишни истамасди. Қўлидаги тасбехни кўкраги баробар кўтариб олганди. Қария бомбалар остида қолиб вайрон бўлган уйларга боққач, ўқлар тешиб ташлаган девор ёқалаб кўнгли тортган томонга юрди. У бирдан ўйлади. Башир «Хавфсизлигингизни таъминлайман, атрофга соқчилаrimни қўяман» деб айтганди. Соқчилар ортидан кузатиб юришмаяптимикин? Эдмон билан учрашганини кўриб қолишса, ўша заҳотиёқ Баширнинг қулогига етказишиади. У ортга қайтмоқчи, хонасига кириб, эшикни ичкарисидан беркитиб ётмоқчи бўлди. Шунда орқадан

келаётган одамга ўзини уриб олди. Бу қирқ ёшлардаги йигит эди. Амирийнинг кўзига Баширнинг соқчиларидан бири бўлиб кўринди.

– Ҳазратим, ортимдан юринг!

Бегона йигитнинг паст овозда айтган сўзи Амирийнинг қулоқларига бемалол эшишилди ва олдинда кетиб бораётган йигитнинг изидан худди ипга боғлангандек эргашди. Улар олдинма-кейин кетиб боришарди. «Бу ким? Баширнинг одамими ёки Эдмоннинг ёрдамчисими? Қаёқقا олиб кетаяпти мени?», Амирий хаёлидан ўтаётган саволларга жавоб тополмай боши қотарди. Улар бир чақиримдан мўлроқ масофани ортда қолдиришди. Нотаниш кимса бирор маротаба ортига қайрилиб, изидан эргашиб келаётган Амирийга қарамади. Гўё орқасида қўзи бордай, унинг келаётганига ишонч ҳосил қилиб, дадил одимлаб борарди. Йигит эпчил ҳаракатлар билан одамлар оқимидан чиқиб, чап томондаги очиқ турган эшикка ўзини урди. Буни зўрға илғаб қолган Амирий ҳам унинг кетидан кирди. Бу шу қадар тез содир бўлдики, уларнинг оломон оқимидан ажраб чиққанини ҳеч ким пайқамади.

Ичкарида одам кўринмасди. Нотаниш кимса ўзини Эдмоннинг ёрдамчиси эканлигини айтгандан кейингина Амирийнинг бетартиб тепаётган юрагидаги ҳаяжон бир оз босилди.

Амирий Башир билан бўлиб ўтган сухбатни ипидан игнасигача сўзлаб берди.

– Сиз зудлик билан Дубайга қайтишингиз керак! – деди унинг сўзларини диққат билан тинглаган ёрдамчи.

– Бу ерда қолишингиз хатарли!

– Бу ердан Дубайга самолёт учмайди-ку?

– Одамларимиз сизни Покистонгача кузатиб боришиади.

– Қачон жўнашим керак?

— Одамларимиздан бири тунда эшигингизни икки маротаба тақиллатади. Шунда қўрқмай ташқарига чиқасиз. Кўк саллали, эгнига узун кўйлак кийган одам сизни кўриб ортига қайтади. Унинг изидан эргашасиз. Эллик қадам юрганингиздан кейин «Тойота»га кўзингиз тушади. Кўк саллали одам машинага ўтиrmайди. Сиз эса ўша машинага чиқасиз!

Амирий бош ирғаб, розилигини изҳор қилди.

— Бугун тунда ухламай сергак ётишингизни маслаҳат бераман! Хозироқ ўзингизга янги уст-бош ва пойабзал сотиб олинг. Хонани тарк этаётганингизда тўшакни йифиштирманг, эски кийимларингизни, юкларингизни қолдиринг, ҳеч нарсага тегманг!

Амирий тунни ухламай ваҳима ва қўрқинч ила ўтказди. Назарида, Башир Эдмоннинг одами билан учрашганидан огоҳ бўлгандай, ҳали замон кириб, уни сўроқ қиладигандек туловерди. Яrim тунда, шундоққина ён-атрофда одамларнинг бақиргани ва милтиқларнинг овози эшитилди. Бу ҳар тунда бўлиб турадиган одатий ҳол эди. Амирийни баттар ваҳима босди. Деразадан бир неча бор ташқарига боқди. Кўзи автоматлардан отилаётган ўқларнинг тун қаърини ёриб, ўзидан пушти ранг из қолдириб номаълум томонларга учаётганини кўрди. Тонг ёришиб, муazzин аzon чақиргандан сўнг теварак-атрофга сирли сукунат чўкди. Бироқ Эдмоннинг одамидан дарак йўқ эди. Амирий эшитмай қолмай деб эшик олдига яқин ўтириб олганди. Узоқ кутди. «Нима бало, унутишдими? Ёки аҳдларидан қайтишдими?». Чолни ваҳима гирдоби комига тортиб борарди. У бу ердан соғ-омон юртига кетолмаслигидан ва қисмати шериклариники сингари фожиа билан тугашидан ёмон чўчирди. Тонг ёришмоқда, ҳали замон Башир кириб келади. «Нега Эдмонга қўнфироқ қилдим» дея афсусланаётган Амирий ҳар иккиси учун кечирилмас гуноҳга қўл урганидан пушаймон бўла бошлади. Шунда... эшик

тақиллади. Паст овозда чертилган бўлсада, Амирий бу овозни аниқ эшитди. Юраги энтикиб, шошиб ўрнидан турди. Оёқ кийимини кийишни ҳам унутиб эшикни очди. Кўк саллали одам унга тикилиб турарди. Кўзлари учрашгач, у ортига бурилди. Тун пардаси қўтарилиб бораётган паллада Амирий нотаниш одамнинг ортидан эргашди. Эллик қадам юргач, кўзи «Тойота»га тушди. Орқа эшик хиёл очиб қўйилганди. Чол ўзини ичкарига урди. Машина жилди. Ўриндиқларда ўтирган икки йигитнинг ҳеч бири Қандахорга етиб келгунча Амирийга бирор оғиз гап айтишмади. Каракига кириб келишганида улардан бири:

– Самолёт ярим соатдан сўнг парвоз қиласди, ҳозироқ чиптани рўйхатдан ўтказиб, жойингизни эгалланг!
– деди чолнинг қўлига авиаҷиптани тутқазиб.

Амирий уни олди. Аэропортга кирганида яна оёғи қалтирай бошлади. Унтилган қўрқув вужудига ёйилди. «Башир мени ўғирлаб кетишган деб гумон қиласа, балки одамлари қидираётгандир? Бу томонлардаги танишларига қўнфироқ қилган бўлса-я» деган кечинмалар хаёлидан ўтарди. Бу ерда ҳам Эдмоннинг одамлари чолни назорат қилишаётганини у хаёлига келтирмасди. Улар маълум дақиқалардан сўнг чолни сўзсиз, факат имо-ишоралар ёрдамида бир-бирларига топширишарди. Самолётда ҳам Эдмоннинг қўриқчиси билан ёнма-ён ўтириб кетаётганини билмасди.

Амирий аэропортдан таксига ўтириб, ўз уйи томон йўлга чиққанда Эдмон унга қўнфироқ қилди.

– Ҳазратим, яхши етиб олдингизми?
– Ҳаммаси жойида, азизим. Яхшилигиниз бир умр ёдимда қолади.
– Сизнинг идорамизга бераётган ёрдамингиз олдида булар сариқ чақалик қийматга эга эмас.
– Мени ортиқча талтайтириб юбордингиз, азизим!
– Янгиликдан хабарингиз борми?

- Қандай хабар экан?
- Баширнинг машинасига кимдир бомба қўйган экан, портлаб кетибди!
- Ўлибдими?
- Бу хали аниқланганича йўқ, аммо машина ёниб кетган!
- Худо бир фалокатдан асрабди мени, Эдмон. Яхши-ямки жонимга сиз оро кирдингиз.
- Сизнинг жонингиз биз учун ҳаводек зарур, ҳазратим.

Амирий бу ишлар шунчаки тасодиф эмаслигини, кимнингдир қўли борлигини билди.

Машина қариянинг уйи олдида тўхтади. У машинадан тушиб, ичкарига кириб келганида қаршисидан хизматкор чиқди:

- Сизни йўқлаб меҳмон келди, ҳазратим, – деди Амирийга қўзи тушган заҳотиёқ.
- Ким экан?
- Кимлигини айтмади...

Амирий бир оз ўйга толди. Уни йўқлаб келадиган одамларнинг кўпини хизматкорлари яхши танирди.

– Айт, бугун ҳеч кимни қабул қилолмайман. Чарчаганман. Бошқа куни келсин!

– Шундай дедим, ҳазратим. Бироқ ўта муҳим иш билан келганмиш.

Амирийнинг хаёлига «Олдимга келадиганларнинг ҳаммаси муҳим иш билан келади» деган фикр келди. Негадир меҳмонни қайтаргиси келмади.

– Яхши, айт, хонамда қутаман!

Хизматкор бош эгиб, ташқарига чиқиб кетди. Амирий хонасига қўтарилди. Ичкарига кирди-ю, димогига сигарета иси урилди. Одатда унинг хонасида ҳеч ким чекмасди. Яқин орада бу ерда кимдир бўлган? Амирий хизматкорни беижозат одам қўйгани учун жазолашни дилига туғиб қўйди. Шу пайт дераза пардаси кўтари-

либ, узун бўйли, озфиндан келган, сарфимтири юзини сепкил босган кимса чиқиб келди. Унинг совуқ башараси Амирийга нотаниш эмасди.

– Вальтер!

– Беижозат хонангизда чекканим учун узр, ҳазратим!

Амирий уни нима мақсадда бу ерда пайдо бўлганини тушунмади.

– Бу ерга қачон келдингиз? Ахир мен...

– Беадаблик қилганим учун кечиринг, ҳазратим. Шароит шуни тақазо қилди.

«Башир ҳамма гапдан огоҳ бўлган» деган совуқ фикр чолнинг хаёлидан ўтди.

Вальтердан кечирим сўраш, тавба-тазаррулар қилиб ялиниб-ёлворишлар беҳуда эканлигини биларди. Вальтернинг бу ерга нима мақсадда кирганини кўқимтири кўзлари сотиб қўйганди. Биргина нарса жонига оро кириши ва боши узра айланиб турган ўлим шабадасидан халос этиши мумкин эди. Бунинг учун икки қадам наридаги иш столига этиб бориши ва тортмадан ҳамиша отишга шай турадиган тўппончасини олиши даркор. Бироқ масофани босиб ўтишга Амирий чорасиз эди. Стол унинг қўрқув акс этиб турган кўзларига жуда ҳам олисда тургандек кўринди ва бу чексизликни босиб ўтиш учун Вальтернинг таъқиб қилиб турган ўткир нигоҳлари тўсиқ бўлиб турганини тушунди. Амирий хизматкор айтган одамнинг тезроқ хонага кириб келишини истарди. «Унга нима бўлди? Нега шу пайтгача дараги йўқ. Ортига қайтиб кетдимикин?».

Амирий боши узра айланиб юрган ўлим шарпасини ўзидан четлатиш, сўроқлаб келган одамнинг тезроқ киришини истаб, маълум дақиқаларни ютиш илинжида Вальтерни гапга солишга қарор қилди.

– Мени йўқлаб келганингиздан бошим осмонга етди... Сизни узоқ куттириб қўймадимми? Хабарингиз

бўлса керак, мен сафарда эдим... – қария пойинтар-со-йинтар сўзлари билан қаттиқ ҳаяжонланаётганини сездириб қўйди.

Вальтернинг юпқа лаблари икки томонга тортилиб, оппоқ тишлари кўринди.

– Ҳаммасидан хабардорман, ҳазратим. Жон Дэвид сизни кутиб олишни каминанинг ихтиёрига топширганди, – деди босиқлик билан. Унинг юзидан кутилиши мумкин бўлган ҳар қандай хавф-хатардан ҳимояланишга шай турганини билиш мумкин эди.

Чол адашмаганини, барча тахминлари тўғри чиққанини тушунди. «Мен ўлимга маҳкум қилинганман. Ох, нега анави сўроқлаб келган одам кириб келмаяпти?». Қариянинг вужуди қулоққа айланди. Бироқ интиқлик билан кутаётган оёқ товушлари ҳамон эшитилмас, аксинча, Вальтернинг бир-бирига ишқалаётган бармоқла-рининг товуши худди ўлим онлари яқинлашиб келаётганидан дарак бераётгандай асабини бузарди.

Амирий икки одамнинг қотили сифатида содир этган жиноятдан қутилиб, Башир ва Дэвиднинг чангалидан қочиб, Ватанига – ўз уйига етиб келганида жон беришни асло истамасди. Вақтни чўзиш мақсадида қилаётган ҳаракатлари самарасиз эканлигини тушунди. Демак, бари тамом, шунча уринишлар зое кетди. Деворга осилган соатнинг чиққиллаши яшаш истагида типирчилаб турган юрагини Вальтернинг ихтиёрига топширишдан ўзга чораси қолмаганлигини эслатиб турарди.

– Ўзингизга берилган топшириқни бажаришингиз мумкин, – деди Амирий тақдирга тан бериб.

– Мени тўғри тушунганингиз учун минатдорман, ҳазратим! Бироқ қўлимни сиздек олийжаноб инсоннинг қонига бўяшни истамайман. Бу ишни ўз гарданингизга олсангиз, мени бир умрлик виждан азобидан қутқариб қолган бўлардингиз.

– Шуни истар экансиз, начора, розиман! Қуролингизни беринг!

– Афсуски, мен қуролсиз келганман!

– Сиздай одамнинг қуролсиз хонамга ташриф буюришига мутлақо ишонмайман!

– Бу гал ишонсангиз бўлади. Мен ҳақиқатни гапирмоқдаман.

– Унда қандай қилиб жонимни қўлингизга топширай? Осонроқ йўлини кўрсатинг.

– Ҳаёт нақадар ширин!

Вальтер шундай деб ёнидан заҳарли ампулани олиб, Амирийнинг олдига ташлади.

– Оғзингизга солсангиз кифоя, ҳазратим.

– Жонимни олишнинг осон йўлини топганингиздан мамнунман!

Тақдирга тан беришдан ўзга чораси қолмаган қария иккиланиб ўтиrmади. Қалтираётган қўлини ампулага чўзди.

– Балки ўлимингиз олдидан бизга айтадиган васиятингиз бордир?

Амирийнинг назарида жосус уни масхара қилаётгандай туюлди ва оғзига олиб борган заҳар тутган қўлини пастга туширди.

– Афсуски, васиятларимни айтиб бўлганман!

– Кимга?

– Буни сизга қизифи йўқ!

– Унда мени айтадиган муҳим гапим бор, – сўз бошлиди Вальтер. – Биринчидан: сиз Гўзалдан ноўрин шубҳаланиб, уни ўлдирдингиз! Чегечининг сандидаги маълумотлар ўзбек разведкаси ходимининг қўлига тушганди! Иккинчидан: Кобулдаги ётоқхонангизда бизни чалғитиш мақсадида эски буюмларингизни қолдиришини унутмабсиз-у, бироқ Гўзалнинг хонасидан олиб чиққан ҳужжатларни эсдан чиқарибсиз!

Амирийнинг соchlари орасидан иссиқ ҳовур чиқиб кетди. Агар Вальтер хужжатлар русларнинг ёки қозоқларнинг қўлига тушган деганда ҳам бу қадар ваҳимага тушмаган бўларди. Ўзбекларнинг қўлидалигига асло тоқат қилолмади. Кўксига ўқ қадалган одамдай инграб юборди.

– Гапларим сизга бу қадар оғир ботишини билганимда индамасдим, ҳазратим. Яна бир гап ёдимдан кўтарилий дебди: сиз бошига тўппонча қўндоғи билан урган Ҳасан тирик қолган. У покистонлик эмас экан. Полиция уни қайси мамлакат фуқароси эканлигини аниқлаётган пайтда бечора йигит ўз жонига қасд қилган. Агар қўлингиздаги дорини ичиб юборсангиз, ўша мархумларнинг руҳларини шод қилган бўлардингиз!

Амирий адойи тамом бўлди. У кўзларини бақрайтириб турган жосуснинг қаршисида ўзининг ўлимдан қўрқаётганини сездиришни истамасди. Дорини оғзига солиб ютиб юбориши биланоқ жонига озор бераётган ва кейин бунданда баттар қийноқлардан қутулишини биларди. Чол «Ҳақ гапни айтдингиз» дея қўлидаги дорини оғзига олиб борди. Қалтираётган бармоқлари лабига етиб бормасидан қулоқларининг пардасини тешиб юборгудек қарсиллаган овоз эштилди. Дори ерга тушиб кетди. Бу овоз қайси томондан келганини анголмаган қария кўзларини юмиб олди ва шу кўйи бир неча дақиқа турди. Кўзларини очганда кўкрагини чанглаб, оёғи остида ётган Вальтерни кўрди. Қария кўркув ила ортига ўтирилди ва эшик олдида турган одамга тикилиб қолди. Башараси танишдек туюлди ва бир оз ўтиб эслади.

«Хавотир олманг, афандим, бу парвоз олдидан бўладиган ҳолат» дея полициячилардан қутқариб қолган йигит эди.

– Менга иккинчи бор ҳаёт ато этдингиз, азизим. Бироқ ўз халоскоримнинг кимлигини билмаганимдан афсусдаман.

– Бунинг аҳамияти йўқ, ҳазратим.

– Камтарлик қилманг. Марҳамат қилиб ўзингизни танишитиринг...

Нотаниш кимса ҳозиргина ўқ узилган ва оғзидан пороҳ ҳиди анқиётган тўппончасини қўлтифи остидаги филофга жойлар экан, хотиржам сўзлай бошлади.

– Мени жўнайдиган вақтим бўлди, ҳазратим. Хонадонингизда ортиқ қололмайман. Мурдани ўзингиз бир ёқлик қиласиз. – У шу сўзларни айтиб ортига бурилди ва эшик олдига етганда тўхтаб ҳазратга шу сўзларни қўшимча қилди.

– Ўзингизни эҳтиёт қилинг! Бизга ҳали керак бўласиз!

– Хавотир олманг, энди мен ўз уйимдаман!

– Ҳар қалай, маслаҳатимни инобатга олсангиз ёмон бўлмасди!

У бошқа гапирмай хонани тарк этди.

* * *

Вальтер топшириқни бажарган заҳотиёқ бошлиқларига хабар жўнатиши лозим эди. Орадан тўрт соат ўтса-да, телефон жирингламасди. Бошлиқлар у билан боғлиқ қўнгилсиз воқеа рўй берган бўлиши мумкин дея ташвишга тушишди. Вальтернинг телефонига қўнгироқ қилиш мумкин эмасди. Ўйлаганлариdek, ноҳушилик рўй берган бўлса, гўшакни Амирий ёки унинг одамларидан бири қўтариши мумкин деб чўчишарди. Бошлиқлар Туркиядаги резидент билан боғланиб, Вальтернинг қаердалигини аниқлаш вазифасини унга топширишди. Резидент тўрт соат ичидаги турли хил нотаниш рақамлардан олти маротаба Амирийнинг ўй ва қўл телефонига қўнгироқ қилди аммо гўшакни ҳеч ким

құттармади. Бошлиқлар «Вальтернинг сирли равищаға ғойиб бўлишида Амирийнинг кўли бор» деган қарорга келишди. Қора ишларининг фош бўлиб қолишининг олдини олиш мақсадида кекса жосусни зудлик билан йўқотиш керак деган хулосада тўхташди. Амирийнинг уйига одам киритиб бўлмасди. Соқчилар баланд девор билан ўралган дарвоза ёнида кечау кундуз ҳушёр туришарди. Бунинг устига камдан-кам ҳоллардагина кўчага чиқарди. Нима қилиш керак? Қариянинг ҳаётига оид барча маълумотлар қайтадан текширилди. Бошлиқлар чол кейинги пайтда юрак хасталигига чалингандиги-дан ва қайси пайларда дори қабул қилишидан хабар топдилар. Зудлик билан Амирий ўтирадиган хонанинг чизмаларини топишиди. Эшик ва деразалар ўрнатилган жойлар ўрганилди. Ҳавонинг қайси пайтда, қайси томондан ичкари оқиб киришининг ҳам ҳисобини олишиди. Шундан кейин раҳбарлар Истанбулдаги одамлари билан яна алоқага чиқишиди, режалаштиришган тадбирни бажаришни резидентнинг зиммасига юклашди.

Амирий дори қабул қилишига саноқли дақиқалар қолганда телефони жиринглади.

– Жаноб, мен сизни қимматбаҳо маълумотдан огоҳ қилмоқчиман... Ҳа, у сиз учун ўта қимматли ва муҳим, – деди. Унинг сўзлари пала-партиш эди.

Амирийнинг юраги ҳаяжондан дукиллади. Томоғига нимадир қадалгандек бўлди.

– Қулоғим сизда, қимматли маълумотингизни эшишишга тайёрман!

– Бироқ мен айтмоқчи бўлган хабарнинг қийматини тўлашингиз керак. Тағин эслатаман, у ҳаёtingиз учун ўта муҳим.

Бу гапдан кейин қариянинг вужудига ҳаяжон ва қўрқув ҳисси ёйилди. Лаблари қуруқшаб қолди.

– Мен учун муҳим бўлган хабарни сиз кимдан олдингиз?

– Жаноб, ҳозир хабарни кимдан олганим у қадар аҳамиятли эмас, мухими мен айтмоқчи бўлган хабар кил устида турган хаётингизни сақлаб қолиши мумкин.

Амирийнинг нафаси қисилди. Худди хонада ҳаво йўқдек оғзини катта-катта очиб нафас симиради.

– Айта қолинг тезроқ.

– Аввал пулини келишайлик, жаноб! Айтдим-ку, бу сиз учун ўта мухим масала деб...

– Қанча сўрасангиз тўлайман, фақат тезроқ айтинг!

– Бундай хабарни телефонда айтиш, бунинг устига ҳақини келишмасдан қандоқ бўларкин, жаноб!

– Агар вақтингиз бўлса уйимга келинг!

– Ўйлашимча, мен етказмоқчи бўлган маълумотнинг нақадар қимматлилигини, хаётингиз учун ҳар қандай бойлиқдан устунлигини тушунмаётган кўринасиз...

Амирий қаттиқ ҳаяжонга тушди ва бақириб юборди.

– Юрагимни бетоқат қилмай айта қолсангизчи!

– Албатта айтаман, фақат... мен сизни узоқ йиллар яшашингизни, қандайдир бетайин одамнинг қўлида жон беришингизни мутлақо, ҳа, мутлақо истамайман...

Амирийнинг бардоши тугаб, қаттиқ асабийлашди. Энди унинг юраги атрофида оғриқ турганди. Нафас олиши қийинлашарди. Томонига суюк қадалгандек овозди узук-юлук чиқарди.

Қўнфироқ қилаётган кимса соатига қаради. Амирийнинг асабига қаттиқ таъсир қиласидиган сўз айтиш учун яна бир дақиқа шундай ҳолатни ушлаб туриши лозим эди. Айни пайтда Амирий турган хонанинг олдига ахлат ташувчи машина келиб тўхтади ва устма-уст сигнал чалди. Қия очиқ қолган деразадан қандайдир ёқимсиз ҳаво ичкарига оқиб кирди. Қариянинг нафас олиши баттар оғирлашди. У деразани ёпмоқчи бўлди. Бу орада қўнфироқ қилаётган кимсанинг сўнгти сўзлари қулогига чалинди.

– Мен ҳозироқ уйиингизга етиб бораман, аммо сизни тирик кўришга сира ақлим етмаяпти, жаноб!

- Нима, сиз мени ўлиб қолади деб ўйлаяпсизми?
- Бу хабар сиз учун нақадар оғир бўлса-да, айтишга мажбурман, жаноб.
- Менга қаранг, тоқатимни тоқ қилиб юбордингиз-ку, қанақа одамсиз ўзи! Мен...

Нотаниш кимса тўшакни жойига қўйиб қўйди. Унинг сўзлари Амирийга қаттиқ таъсир қилганди. Баданини муздай тер босиб, оёқларидан дармон кетиб қалтирай бошлади. Ҳолсизланиб қолган чол қалқиди. Дераза томон юрди-ю, бироқ етиб боролмади. «Қаердан ҳам гўшакни кўтара қолдим? Боя жонимга оро кирган одамнинг сўзига хиёнат қилдим» ўйлади Амирий.

Унинг қучсиз юраги тобора тезлашар, бўғилар, юзлари кўкарап, белидан пастки қисмидан жон йўқдек совуқ тер чиқарди. Юрагини бирор мижхалаётгандек оғриди. Қария йиқилиб тушмаслик мақсадида қўлларини деворга тиради ва суюнганча кўзларини юмди. Боши узра ўлим шарпаси кезиб юргандек туюлди. Кўзларини очди, хонасига кириб диванга чўзилмоқчи бўлди. Бир қадам босди. Иккинчи қадамни босишга оёғини кўтаратолмади. Йиқилиб тушди...

ЮРТДА

Алоканинг узилиб қолиши Маҳмудовни ташвишга соларди. Икки ҳафтаки, Бўрондан сигнал келмасди. Берилган топшириқлар ҳақида ҳафтанинг сешанба ва шанба кунлари хабар жўнатиши лозим эди. «Нима бўлди? Кўлга тушиб қолдими ёки отишма чоғида дайди ўқ тегдими? Жангарилар шубҳаланиб қолган бўлса, Эргаш ўлимга маҳкум қилдими?» Ҳар қалай жангарилар ичида юрган ходимнинг кўнгилсиз воқеаларга рўпара келиши табиий.

Хаёлига ёмон ўйлар келган Маҳмудовнинг боши қотди. Йиғилиб қолган маълумотларни жилдга солиб, бошлигининг ҳузурига кирди.

– Аскарларимиз чегара чизифида аёл кишининг бошсиз жасадни топишибди. Афтидан, у биз томонга ўтмоқчи бўлган, – бошлиқ тортмадан икки дона сурат олиб Маҳмудовнинг олдига ташлади.

– Бу Червон хоним-ку, Рауф Ботирович! – деди расмдан кўзини узмай.

– Уни нега чегара яқинида ўлдиришгани бизни қизиқтироқда.

– Бўрон жўнатган хабарномага кўра, хоним Эргашдан юртга қайтишни кўп бор илтимос қилган. Бироқ тўдабоши бунга розилик бермаган. Менимча, хоним қочган. Эргашнинг одамлари уни қувиб келишган ва чегарада ўлдиришган.

– Гапингиз ҳақиқатга яқин.

– Ҳозир лагердаги вазият мураккаблашган. Кўпчилик жангариларнинг ўзларининг алданганини тушуниб, юртга талпинишаётгани Эргашга ёқмаяпти.

– Қодир ҳақида хабар борми?

– Одамимизнинг маълум қилишича, Бол Зиё лагердан қайтиб келгач, толибонлар сафида хизматни давом эттирган. Унга полковник унвони берилган. Бироқ Кобул яқинидаги жанглардан бирида вафот этган. Тўпланган маълумотлар Қодирнинг ҳақиқатан ҳам отишма чофида вафот этганини тасдиқламоқда. Бирга хизмат қилган йигитлар, харбий комиссариатдан берилган маълумотлар бизни шундай фикрга келтирди.

– Юсуф Аҳмад ҳақида маълумот келдими?

– Ҳозирча ололмадик.

– «Ал-Ҳаққоний» мадрасасидаги йўриқчиларнинг шахси ўрганилдими?

– Ўрганилди, бироқ Қодир исмли шахс у ерда бўлмаган.

– Балки унинг исми шарифи ўзгартирилгандир?

– Бўлиши мумкин.

– Қодир топилмаса, ишни ёпишимиз керак.

- Ягона умидимиз Faфурдан. У топилмагунча суриштирув ишларини давом эттиришга рухсат берсангиз.
- Faфурнинг тириклигига ҳали ҳам ишонмоқдамисиз?
- Шундай! У Қодир билан ёнма-ён туриб мужоҳидларга қарши жанг қилган. Унинг тақдири ҳақида фақат Faфурдан ишончли маълумот олишимиз мумкин!
- Руслардан хабар борми?
- Ҳозирча жимлик. Мафия отаси Вадим Вольфовичнинг одамлари Faфурнинг изига тушган. Маълумотларга қараганда, Faфур руснинг катта микдордаги бойлигини ўмариб қочган.
- Шундай бўлса, мафия отаси уни ернинг остига кирса ҳам топади. Бироқ мен унинг Россияга ўтишига ишонгим келмайди, — деди бошлиқ.
- Ҳамдўстлик мамлакатларида ҳам яшай олмайди.
- Қайси давлатга чиқиб кетиши мумкин? Вариантлар борми?
- Европага. Кўлида катта микдорда маблағ бўлса, Мальта оролларидан ўзи учун бошпана сотиб олиши мумкин.
- Европага ҳам сифмайди.
- Балки Эргашга қарши тайёрлаш мақсадида қабул қилишар.
- Вадим Вольфовичнинг ишонган тоғи у ерда...
- Менда иккита тахмин бор. Биринчиси: мафия отаси уни топиб йўқ қилган, иккинчиси: оролларга қочиб кетган ва ҳозирда ўша ерда яшяпти.
- Бошлиқ ўрнидан туриб дераза олдига келди. Тикка-га келган қуёш нурлари полковникнинг юзига тушиб турарди.
- Бишкеқдаги вазият мураккаблашиб бормоқда, — деди Рауф Ботирович ташқарига тикилганча, — Олингандан маълумотларга қараганда, Башир Маҳдийга қўшимча куч жўнатишга қарор қилган. Қундуз вилоятига бориб, жангарилар тайёрлайдиган лагерь бошлифи би-

лан учрашиб, яқин кунлар ичидә йигирма бир нафар жангарини Қирғизистонга ташлашни режалаштирган. Ҳозир унинг ишончли одамлари Қирғизистонда миллат ва элатларни бир-бирига қарши қўйиш мақсадида тарғибот ва ташвиқот ишларини олиб бормоқда. Одамлар ўртасида саросима ва тушкунлик вужудга келган. Биз қирғиз ҳамкасларимизни огоҳлантиридик, афсуски, улар томонидан кескин чоралар кўрилмаяпти. Бу масала ўз ҳолига ташлаб қўйилса, кўплаб одамларнинг қони тўкилади.

– Хуқуқ-тартибот идоралари ходимларининг бу қадар сусткашлигининг сабабини тушунмаяпман.

– «Аждар фор»дан ўғирлаб кетилган икки нафар генераллардан бири толибонлар билан ишлашга розилик берган. Унга катта миқдорда маблағ ваъда қилишган. Генерал наркотик моддаларни Қирғизистон орқали Россияга ва ундан чет мамлакатларга чиқариш учун имконият яратиб беришга ваъда берган. Толибонлар ўз юртларида етиштирилган героинларни хорижий мамлакатларда пуллашлари ва ундан келадиган катта фойда эвазига одамларини боқишилари ва қуроллантиришлари керак.

– Қирғизистон наркокуръерлар ўчогига айланиб бўлди.

– Жангариларнинг мақсади ҳам шу!

– Қандай килиб бўлмасин, Бўрон билан алокага чиқиб, ундан Қундуздан келадиган жангариларнинг қайси йўналиш бўйича ҳаракат қилишларини, сони ва режаси ҳақидаги аниқ маълумотларни олишимиз керак.

– Жангариларнинг ўтиш вақти маълумми?

– Юборилган хабарномага қараганда, Баширнинг Тожикистондаги одами Орифзода уларни кутиб олади. Бироқ бизга айнан ўша жангариларнинг қайси координат бўйича ҳаракатланишлари номаълум.

Рауф Ботирович девордаги харита олдига келди.

— Улар ҳам Тожикистон орқали ҳаракат қилишадиган бўлишса, албатта бизнинг ҳудудимизни кесиб ўтишади, — деди харитадан кўз олмай. — Мақсадимиз — уларни бирлаштирмаслик. Бу кўп жиҳатдан Тожикистон чегарачиларига боғлиқ. Афғонистондаги ходими-миз кўпроқ ишлиши, вазиятдан бизни вақтида огоҳ қилиб туриши лозим. Яқин орада Бўрон билан алоқага чиқдингизми? — сўради Рауф Ботирович.

— Шу масалада олдингизга киргандим, — деди Махмудов.

— Нима гап? — сергак тортди полковник.

— Бўронни алоқага чиқмай қўйганига икки ҳафта бўлди. Жиддий сабаб бўлмаганда узоқ вақт жим қолиши мумкин эмасди.

— Нима сабабдан бедарак кетиши мумкин, ўргандингизми?

— Кейинги пайтда жўннатган маълумотларини кўтариб, қайтадан танишиб чиқдим. Ҳаммаси жойида. Эргаш ва унинг одамларида шубҳа уйғотадиган ҳаракатлар содир этмаган. Тўдабоши билан муносабати ҳам яхши. Толиблар томонидан хавф туғилиши мумкин эмас.

— Лагердагилар билан муносабати-чи?

— Ёмон эмасди.

— Балки Эргаш одамларини толиблар ичига ташлангандир?

— Бўлиши мумкин.

— Бўрон ёрдамчи топғанмиди?

— Мурод исмли йигитга ишониб юрганди.

— Очиб қўйиши мумкинми?

— Бўроннинг айтишича у анчадан бери Эргашдан ўч олиш мақсадида юрган экан.

— Билиб бўлмайди, хорижликлар жосусларни тайёрлашда ҳар хил усулларни қўллашади. Бўроннинг тирик ёки ўликлигини зудлик билан аниқланг.

— Тушунарли!

— Мирзаахмад хақида марказ тўлиқ маълумот сўрапти.

– Рауф Ботирович, Кобулда бизнинг Бўрондан бошқа одамимиз йўқ.

– Йигитларингиздан бирини тезда Афғонистонга ташланг. Бўроннинг тақдири ҳақида бизга шошилинч хабар йўлласин. Мирзаҳмад билан Эргашнинг олаётган нафасидан ҳар соатда огоҳ бўйлмоғимиз керак. Ҳарбий разведка бошқармасининг маълумотига қараганда, Амирий Туркиядан Покистонга келган. Орадан уч кун ўтиб разведка ходими уни яна Покистон аэропортида кўрган. Англия разведкаси агентининг кузатувида самолётга ўтирган. Унинг Покистонга нима мақсадда ташриф буюргани ва кимлар билан учрашгани ҳозирча бизга қоронфи. Аммо ишончим комил-ки, у Эргаш ёки Башир билан учрашган. Янги режалар ишлаб чиқишиган. Улар истаган пайтда мамлакатимизга таҳдид солишлари эҳтимолдан йироқ эмас. Бундан ташқари алоқа бўлими Амирий айнан Покистонда бўлган куни Петрсон ўзининг Истанбулдаги бошлиғига қандайдир маълумотларни етказганлиги тўғрисидаги сухбатни ёзис олган. Афсуски, сухбат матнини ҳозиргача тўлиқ ойдинлаштира олганимиз йўқ. Янги жўнатиладиган ходим Бўроннинг тақдирини билсин, мабода уни йўқотган бўлсақ Мирзаҳмад жойлашган шаҳарга ўтиб, тўданинг ичига кирсин, қўлидаги одамлари ва уларнинг мақсадлари ҳақида бизни хабардор қиласин. Кейин Самангангга жўнасин, жангариilar орасидан Муродни топиб, у билан алоқага чиқсин! Лагерда ўз одамимиз бўлиши керак. Йигитларингиз ичидан шундай ходим топилади деган умиддаман!

Махмудов номзодни топиб қўйганди.

– Сиз айтган ходим бор, ўртоқ полковник.

– Ким?

– Капитан Қўлдошли Жайронов.

– Афғонистонда бўлганми?

– Совет қўшинлари таркибида хизмат бурчини айнан Афғонистонда ўтаган.

- Қайси қўшин таркибида?
- Десантчилар қисмида.
- Махаллий халқ тили, урф-одатидан хабардорми?
- Шарқшунослик факультетини томомлаган.
- Афғонистоннинг қайси шаҳарларида бўлган?
- Ҳирот, Жалолобод, Қундуз, Қандаҳорда.
- Яхши, Мирзааҳмад турган жой унга таниш экан.

Ўзи билан гаплашдингизми?

- Жўнаш ҳакида буйруқни кутмоқда!
- Ўн кун тайёргарликдан ўтиши керак. Тилмочлар билан ишласин!
- Тушунарли!

КОБУЛ

Қўлдошли берилган топшириқقا биноан учта ўйналиш бўйича ҳаракат қилиши лозим эди. Биринчи навбатда Самангандга ўтиши, Муродни топиб, ундан Бўроннинг тақдирини суриштириши, тирик бўлса учрашиб, керакли топшириқларни бериб ортга қайтиши, мабода ўртадан олиб ташланган бўлса, ўрнига Муроднинг ўзини қолдириб, керакли топшириқларни бергач, Мирзааҳмад турган жойни аниқлаши керак эди. Амрийнинг Покистонга қандай юмуш билан келгани, кимлар билан учрашгани тўғрисидаги маълумотларни жамлаш эса учинчи вариантга тааллуқли эди.

Махфий зобит бир ҳафталик тайёргарликдан ўтгач, Афғонистонга жўнади. Белгиланган ўйналишлар бўйича ҳаракат қилиб, Самангандга етиб келди. Эргашнинг одамларидан бири булоқдан сув ташиш учун келиб-кечиши унга маълум қилинганди. Булоқ атрофида сувчи ни кутишга қарор қилди. Бироқ у эртаси қуни келди. Аравакаш ёшгина йигит эди. Қўлдошлини «Шу ерлик одамлардан бўлса керак» деб ўйлади. У аравакашга ёрдамлашди.

– Бу ерга илгари сендан бошқа йигит келиб туарди, – деди у ғапни олисдан бошлаб. – Кейинги пайтда кўринмай қолди?

– Мен янгиман, – деди аравакаш. – Испанинг айтинг?

– Ўрта бўйли, қораҷадан келган.

Аравакаш ўйланиб турди.

– Лагердагиларнинг ҳаммаси қораҷадан келганди, хозир қоп-қора бўлиб кетган.

– Адашмасам Баҳромми, Бўронми, ҳар қалай шу исмларга яқин эди.

– Бўрон! Танийман уни!

– Юрибдими? Нега сув ташигани келмай қўйди?

– Уни Эргашбойга ёрдамчи қилиб тайинлаши...

– Э, кўтарилиб кетибди-да! – Қўлдошли ичидা Бўроннинг тириклигидан қувонди.

– Лекин яқинда бошига мусибат тушди, – деди аравакаш пақирдаги сувни бочкага қуяр экан.

– Қандай мусибат?

– Лагердаги қуролларни олиб кетаётган машина йўлда портлаб кетди...

– Нима, сизларнинг қуролларингизни олиб қўйишибдими?

– Йўқ, кимдир уни портлатиб юборган.

– Бунга Бўроннинг нима алоқаси бор?

– Ҳамма гап шунда-да, – ўзи билмаган ҳолда сирни оча бошлади аравакаш. – Қуролларни юклашаётганда Бўрон машина олдида турган экан. Толиблардан бирининг кўзи тушиб қолганмиш. Аксига олгандек, машина портлаганда айнан ўша толиб тирик қолибди. Бошлиқлари сўроқ қилса, «Машина олдида Бўрон турган, бомбани у жойлаган бўлиши мумкин» деб айтибди. Орадан икки кун ўтмай беш нафар толиб келиб, Бўрон билан Мурод исмли йигитни ушлаб кетишиди. Эшитишмча иккисини ҳам дорга осишганмиш...

– Шундай де...

– Шунаقا гаплар, ака.

Кўлдошалининг руҳи тушди. Аравакаш идишни сувга тўлдириб, лагерга қайтди. Зобит Бўрон ва Мурод билан боғлиқ воқеани марказга маълум қилди. Марказ ходимига қўйидаги топшириқни берди:

– Иккинчи вариант бўйича ишланг. Мирзаахмад яшаётган жойни аниқланг. Сўнг Саманганга қайтинг. Аравакаш билан алоқага чиқинг. Шахсини, яшаган жойини, қандай мақсад билан Эргашнинг тўдасига кириб қолганлигини ўрганинг. Сизда унга нисбатан ишонч уйғонса, алоқачи сифатида фойдаланинг!

Кўлдошли Жалолободга жўнади. Мирзаахмад яшаётган жойни топиш учун бир ҳафта вақт сарфлади. Лашкарбошининг қароргоҳи бозорнинг орқа томонида жойлашганди. Кўлдошли йўл ёқасида косибчилик дўкончасини очди. Ўтган-кетганларнинг оёқ кийимларига ямоқ солиб ўтириди. Бир куни жангарилардан бири ундан шубҳаланиб қолди:

– Кўзимга иссиқ кўриняпсан, – деди у косибнинг юзига тикилиб. – Сен бу ерда бежиз пайдо бўлиб қолмадинг!

Кўлдошли ўзи тенги бу одамнинг юзига тикилди, башараси нотанишдек туюлди.

– Мен қишлоқда косибчилик қилардим. Балки ўша ерда кўргандирсан. – деди форс тилида.

– Алдама, кўзларинг менга таниш. Сени бу ерда эмас, Ўзбекистонда кўрганман!

– Кимгадир ўхшатяпсан мени...

– Сезиб турибман, ўзингни этикдўз қилиб кўрсатиб, бизни кузатаётган жосуссан!

– Адашдинг биродар, агар менинг кўзларимга жиддийроқ разм соганингда кўпдан бери овқатга тўймаганимни, қашшоқлигимни, қийналиб яшаётганимни сезган бўлардинг!

Жангари унинг юзига қараб-қараб кетди. Қўлдошали асбоб-ускуналарини йиғиштириб жилворгиси келди, аммо ишлаб чиқилган режа барбод бўлишини ўйлаб, ишини давом эттиришга қарор қилди. Бир оз ўтиб жангари иккита шеригини эргаштириб келди. Бири қуролини Қўлдошалининг елкасига тираб, иккинчиси қўлидан ушлаб уни маҳкамага олиб кетишиди. Кичкинагина хонага қамаб қўйишиди. Мирзааҳмад унга рўпара бўлишини истамади. «Таниб қолса, ўлтганимга шубҳа қиласи» деб ўйлади. Баширга сим қоқди.

– Биз айғоқчини тутдик. Кўринишидан бизнинг юртимиздан ўтганга ўхшайди!

– Жосуслигини исботлайдиган далил топдингизми? Ёнидан бирорта хужжат чиқдими?

– У билан гаплашмадим, аммо кўринишидан изимга тушган жосуслардан эканлигини сездим.

– Яхши, унга кўринманг. Мен одамларимни жўнатаман. Уни бу ерга олиб келиб, ўзимиз тергов қиласиз. Бундай одамнинг қўлга туширишни кўпдан бери кутаётгандик!

Башир ўша куниёқ соқчиларини жўнатди. Келиб Қўлдошалини Кобулга олиб кетишиди.

Жосуслар етакчиси уни кўргандаёқ Мирзааҳмаднинг шубҳаси ҳақ эканлигига икрор бўлди. Бу ҳақда Жон Дэвидни огохлантириди. Эргашнинг лагерида бўлган кўплаб кўнгилсизликларнинг бош сабабчисини излаб юрган Жон Дэвид учун маҳфий хизматчининг қўлга олиниши айни муддао эди. У бу янгиликни бoshлиfiga etkazdi.

– Унинг қўлга олиниши биз учун ҳозиргача мавхум бўлган кўплаб муаммолар эшигини очиб беради. Ахир Эргашнинг лагеридан ўнлаб одамлар қочди. Қуроллар юклаган машина портлатилди. Юртидаги алоқачиларнинг барчаси қўлга олинди. Чеченистонга ташлаган ажнабийларни чегарада руслар тутиб олди. Москва-

да вагонга яширилган юз килограммдан ортиқ героин фош бўлди. Кенгашнинг аъзолари ўлдирилди. Булар ким томонидан амалга оширилганини асирга олинган жосусдан билиб олишимиз шарт. Жосусни сўроқ қилишда ўзингиз иштирок этинг. Баширнинг одамлари асиirlарга ҳайвонларча муносабатда бўлишади. Қийнаб ўлдириб қўйишлари мумкин. Пул, бойлик, уй-жой, дала ҳовли, қўйингки нимани хоҳласа ваъда қилинг! Агар унинг мақсадини била олсак, биз жуда катта маълумотларни қўлга киритибгина қолмай, балки Мулла Умарнинг бизга бўлган совуқ муносабатини қайтадан тиклаймиз. Унутманг, Дэвид, ҳар икки тўдада жосуснинг содик алоқачилари бор. Буни кўнглим сезиб турибди. Унинг шахсини билишимиз керак. Мени тушундингизми? У биз учун ўта муҳим.

– Тушундим, сэр!

– Яна бир гап, агар сиз алоқачиларнинг кимлигини аниқлай олсангиз, Чегечининг уйидаги маҳфий маълумотларни ўfirлаб кетган одамни ҳам топамиз.

– Ишончингизни оқлашга ҳаракат қиласман, сэр!

– Умидим сиздан. Бошингизга қўнган баҳт ва омад қушини учириб юборманг. Икки миллионлик чекни муддатидан олдин олишингиз учун сизда имконият туғилган. Мабода ўзингиз удда қилолмасангиз, олдига Fafurni кириting! Умид қиласманки, у буни қойиллатади.

– Ҳозироқ ишга киришаман!

– Дарвоқе, тутқун қаерда?

– Тошли турмада.

– Яхши, у ердан қочиб кета олмайди.

– Сиз қамоқхонани кўрганмисиз, сэр?

– Унинг қурилганига юз йилдан ошган, шу кунгача бирорта маҳбус ўз оёфи билан чиқиб кетганини эшитмаганман. Яна бир гап, анча олдин мен турма нозирига немис овчаркаларини совфа қилгандим. Борганингизда итларнинг тақдири билан қизиқиб қўйсангиз.

– Топширигим бажарилди деб хисобланг, сэр!

Кечки пайт Жон Дэвид қамоқхонага келди. Башир унинг келишини ва қўлга олинган кимса билан учрашишини турма нозирига тайинлаганди. Нозир уни ертўла-да ётган тутқуннинг олдига бошлаб кирмади.

– Сассик ва бадбўй ис кайфиятингизни тушуриб юбо-риши мумкин. Яхшиси шу ерга олиб чиқаман уни, – деди.

– Овора бўлманг, тақсир. Мен уни қандай дам олаёт-ганини кўришим керак! – жавоб қилди Жон Дэвид.

Нозир имкон қадар хорижликни пастга олиб тушиши истамасди. Тўғрироғи ер остидаги хоналарда очлик, калтак азобларидан қийналиб ўломмай жон талашиб ётган маҳбусларнинг аянчли аҳволини кўрсатишни ис-тамади.

– Хоналар қоронги, бундан ташқари у ерда бит ва ка-налар бўлиши мумкин.

– Ҳечқиси йўқ! – эътиroz билдириди Дэвид.

– Шифокорларнинг айтишича, тутқунларнинг айрим-лари тиф билан касалланган. Юқиб қолиши мумкин.

Жон Дэвид ўйланиб турди-да, «майли, олиб чиқинг» деб розилик билдириди.

Нозир ертўлага тушиб кетди. Бир оз ўтиб эти суягига ёпишиб қолган маҳбусни олдига солиб кирди.

Дэвид бир оз қисилган кўзлари билан унга назар ташлади.

– Қўлга тушганингни раҳбарларинг билиб бўлди, – деди худди унинг қисматига ачинган одамдек. – Энди сенга ишонишмайди. Маслаҳатим, бизнинг сўzlаримизга қулоқ сол. Айтганимизни қил, ёмон бўлмайсан!

– Нима истайсиз?

– Сени қандай мақсадда ўтказишган бу ерга? Тўғри жавоб берсанг, хозироқ дарвозани очиб қўяман. Хоҳла-ган томонингга кетишинг мумкин.

– Мени ким деб ўйляяпсан? – эътиroz билдириди тутқун. – Мен оддий этикдўзман.

– Сен этикдўз қиёфасидаги жосуссан! Мирзааҳмаднинг йигитлари ичидан ўзингга ёрдамчи топиш мақсадида келгансан. Эргашнинг тўдасида ҳам шундай алоқачинг борлиги, ундан маҳфий маълумотларни олиб туришинг бизга маълум.

– Маълум бўлса айбимни исботла, ким билан учрашибман? Юзлаштири!

– Даилим бўлганда сўроқ қилиб ўтирмасдим.

– Мақсадинг нима?

– Алоқачининг исмини айт!

– Танишларингдан бирортасига ўхшатяпсан!

– Сен ўзбексан!

– Афғонистонда уч миллион нафар ўзбек яшайди.

Мен ўшаларнинг бириман!

– Гапни айлантирма, саволимга тўғри ва аниқ жавоб қайтар!

– Сен кимсан ўзи?

– Биз Афғонистоннинг хавфсизлигини ўйлаймиз. Четдан кириб келган ҳар қандай одам унинг хавфсизлигига, амалдаги раҳбарларининг ҳаётига таҳдид солиши мумкин!

– Афғонистоннинг хавфсизлигига таҳдид солиши менинг қўлимдан келмайди!

– Сен разведка ходимисан. Эргаш билан лашкарбоши эса сенинг юртингдан қочиб ўтган. Мақсадинг унинг одамларининг қўли билан лашкарбошини ҳам, тўдабошини ҳам йўқ қилиш бўлган!

– Мен ўзбекларни яхши биламан, улар шу пайтгача Афғонистонга бирорта қурол-яроғ олиб кирмаган. Аксинча, йигирма беш йилдан бери уруш жафосидан азоб чекиб, қийналган халқни кийим-кечак, озиқ-овқат ва дори-дармон билан мунтазам таъминлаб келмоқда. Қани, менга айтчи, Афғонистонга бундай бегараз ёрдамни қайси давлат бермоқда? Мақсадинг бу ерда тинч-

лик ва барқарорликни юзага келтириш экан, нега оч ва қашшоқ халқнинг қўлига қурол тутқазасан?

Жон Дэвиднинг юзида захарханда кулги ўйнади. У лабини тишлади. Нима дейишни билмай ўйланиб қолди. Хаёлига келган гаплар билан унинг тилини қисмоқчи бўлди.

– Бир пайтлар бу ерларни сен улуғлаётган юртнинг эгалари Темур, Бобурлар босиб олишганини биласан. Халқининг бошига оғир мусибатларни согланини китобларда ўқигансан. Одамларнинг қони ариқларда оққанини-чи? Бу тарих сахифаларига битилган ҳақиқат!

– Одамларнинг қўлига қурол тутқазиб, уларни бир-бирига гиж-гижлаётган кимсалар, наҳотки сени мамлакатнинг тарихи билан чуқурроқ таништиришмаган бўлишса? Сен босқинчи деб билган одамлар бу юртда бунёдкорлик ишларини олиб боришган. Афғонлар билан ҳамжиҳат яшашган. Амур Темур, Ҳусайн Бойқаро, Навоий, Бобур Мирзо, Шоҳруҳ Мирзолар илм-фани, маданиятни, маънавиятни ривожлантиришган. Мактаблар, касалхоналар, етимхонлар, сув иншоотлари қуришган, ерларни ўзлаштириб, боғ-роғлар барпо этишган. Навоий форс ва ўзбек тилларида ижод қилиб, икки миллатнинг манавиятини, адабиётини юқсалтирган. Мустақил Афғонистон давлати 1747 йилда ташкил топган. Ўшанда Аҳмад Шоҳ Дурдоний биринчи шоҳ бўлган эди. Афғон амири Темуршоҳ билан Бухоро амири Амир Шоҳмурод ўртасидаги шартномага асосан Бухоро амирлигига қарашли бўлган Амударёнинг жаңубидаги ерлар Афғонистонга берилганди. Шундан бери Ўзбекистон бу ўлкага фақат тинчлик тилайди.

– Ўзбеклар бундан манфаатдор бўлган-да!

– Манфаатдорлиги юртнинг тинчлиги, афғон халқининг осойишта турмуши, аҳолисининг фаравонлигига. Бундан-да буюк яна қандай манфаат бўлиши мумкин?! «Қўшнинг тинч – сен тинч» деган мақол айнан ўзбек-

нинг мақоли эмасми?! Улар бу юртда тинчлик ҳамда барқарорликнинг ўрнатилишини, дунё харитасида мустақил ва озод Афғонистоннинг пайдо бўлишини истайди. Яқин йиллар ичida Европанинг манаман деган мамлакатларидан колишмайдиган янги Афғонистон дунё харитасида пайдо бўлади. Яна шуни унутмагинки, бу мамлакатдаги тинчлик ва барқарорликни қурол билан ҳал этиб бўлмайди. Кимки қурол кўтариб кирибдими, демак, унинг нияти ёмон. Бу юртда деярли уч миллион ўзбек яшайди. Хориждаги ўзбекларни этник тараққиёти, маданияти бевосита Ўзбекистон билан боғлиқ... Сўзларингга қулоқ солсам, четдан қарагандা, бизнинг ҳалқларимиз тарихини чуқур биладиган инсонга ўхшайсан. Сен тан олишни хоҳламаган жиҳатларни айтиб ўтмоқчиман. Биргина мисол: мўғуллар дунёни забт этиш учун жуда кўп ҳалқлар билан қирғинбарот урушларни олиб боришиди. Очиқ майдонда жанг қилган ҳолатда мағлубиятга учрадилар ҳам. Шулардан бири айнан афғон ҳудудида бўлган. Фазна шахри яқинидаги Парвона жангиде Султон Жалолиддин қўшинлари мўғулларни мағлуб этади. Жангда айнан афғонлар ва мовароуннаҳриклар елкама-елка туриб, босқинчиларга қарши курашишгани учун ҳам ғалабага эришадилар. Бу икки ҳалқнинг тарихи ва тақдири азалдан бир эканлигидан далолат бермайдими? Нима учун бу жиҳатларни айтиб ўтмадинг? Буларни сен ҳам яхши биласан-ку? Сабаби аниқ, сен билан бизнинг манфаатларимиз, қарашларимиз турлича. Чунки бу жиҳатлар сенинг манфаатларингга мос тушмайди. 1838 йилда бошланган инглиз – афғон урушидан бўён бу мамлакатда тинчлик мустаҳкам қарор топгани йўқ. Ҳалқ йиллар давомида ўзининг кўплаб жигарларидан, яқинларидан, фарзандларидан жудо бўлди. Уларнинг юрак-бағри эзилиб тутдай тўкилиб кетган. Элнинг ягона мақсади, орзуси – тинчлик, осойишталик, барқарорлик. Лекин жаҳонни

ўз измига бўйсундирмоқчи бўлган сендай корчалонлар учун бу ўлкани хотиржамлик ўрнатишдан кўра қурол-яроғ синовларини ўтказадиган, жаҳон халқларининг тинчлигига раҳна соладиган маконга айлантириш муҳимроқдир. Ё менинг гапларим нотўғрими?

Жон Дэвид чуқур ўйга толди. Йигитнинг гапларини инкор қилишга асос топа олмади. Шу тобда кўкрагининг остидаги ўлиб бораётган виждони ўйфона бошлаган ва ўзининг тириклигини билдириш мақсадида юрагининг бир четида оғриқ қўзғотганди. Аслида бутун дунё халқлари каби ўзининг халқи ҳам Афғонистонда тинчлик ва барқарорлик ўрнатилишининг тарафдори эканлигини яхши тушунарди. Жон Дэвид кимларнингдир сиёсати қурбонига айланётганини англаб етди. Афсусларки, ҳақиқатни тан олиб, сухбатдоши қархисида бўйин эккиси келса-да, бунга фурури йўл қўймади.

– Менинг мақсадимни билдинг, хўш, ўзингнинг ниятинг нима? – сўради саволига жавоб ололмаган Кўлдошли суҳбатдошининг фикрини билиш мақсадида.
– Сен ўзингга-ўзинг савол бериб кўрчи? Нима учун бу юртга келдинг? Бу юртда нима ишларни қиляпсан, мақсадинг нима? Фаолиятингнинг қанча қисми афғон халқининг манфаати учун мос келади. Ва қанчаси унинг зарарига ишлайди? Одиллик билан ҳукм чиқар. Бир нарса аниқ-ки, инсон ҳеч қачон ўзини ўзи алдаёлмайди. Виждони олдида барча ишларига иқрор бўлади. Хулоса қилиш эса сенинг ҳукмининг ҳавола.

Юрагида оғриқ турган Жон Дэвид маҳбуснинг олдида қололмаслигини ҳамда у билан баҳсни давом эттирилмаслигини тушунди. Бу билими етмаганидан эмас, Кўлдошли томонидан айтилган ҳақ сўзларнинг ростлиги ва қудратидан эди. Тангадек нур зулмат пардасини парчалаб ташлаганидек, адолат уни тезроқ ташқарига чиқишига ундади. Ўйинни бой берганини тан олди. Аммо қаҳрамонимизнинг юраги қанчалик эзилмасин,

хақиқат устун келмасин, барι бир ўзининг келажагини кўз олдидан кетказолмасди. Топшириқни бажармай-диган бўлса, бошлиқлари унга ваъда қилинган пуллар-нинг ярмини ҳам бермайди.

– Мен сен билан узоқ гаплашмоқчи эдим, афсуски, вақтим тифиз. Албатта яна кўришамиз деган умиддаман! – Жон Дэвид шу сўзларни айтиб хонадан чиқиб кетди. Уни панжара ортида нозир кутиб туради.

– Рухсат берсангиз, бугун тунда йигитларим уни мулла минган эшакдай қилиб қўйишади, – деди у Дэвиднинг ортидан эргашиб борар экан.

– Кераги йўқ. Мен бошқа усул қўллайман! Ўзи оғзи-дан гуллаб қўйганини билмай қолади.

Дэвид машинасига ўтираётганда бошлигининг сўзи ёдига тушди.

– Сизга совфа қилинган итлар юрибдими?

– Улар қарамоғимизда, – деди нозир. – Кунига тўрт маҳал гўшт ейишади.

– Жуда яхши, жониворларни оч қолдирманг!

Дэвид машинасини ўт олдириб жўнаб кетди. Нозир темир дарвозага қулф солди. Қамоқхона ортидан итларнинг безовта ҳургани эшитилди.

ЮРТДА

Бир қозонда икки қўчкорнинг боши қайнамас де-гандарилик, Мирзааҳмад Эргашни кўрарга кўзи йўқ эди. Қалбини қасос оташи ёндирарди. Йўлини топиб, душманининг оёғига болта уришни пойларди. Одамла-ри кунора у ҳақда ёлғон-яшиқ гап-сўзларни келтириб туришарди. Орада ҳукуқ-тартибот идораларининг хо-димлари ҳам усталик билан икки «қўчкор» ўртасидаги зиддиятни кучайтирган кичкинагина хўракни ташлаб қўйишиди. Баданига игнадек санчилаётган гаплар охир-оқибат Мирзааҳмаднинг сабр косасини тўлдирди.

«Хунаса билан ҳисоб-китобни жойига қўймасам бўлмайди» деди. Ишончли одамларини хонасига тўплади.

– Эргаш менинг ўрнимга кўз тикаётганмиш. Уни тутиб келасанлар! Осмонга чиқсан бўлса оёғидан тортинглар, ерга кирган бўлса қулоғидан тортинглар! Эрталаб олдимда бўлиши шарт!

Эргаш бу топширикдан бехабар бўлса-да, «Ўрнимни олмоқчи эмиш» деган гап қулоғига етиб, асаблари қақшаганди. Одамларига уни обрўсизлантиришга ва яширинча ўч олишга топшириқ берганди.

Топширикни олган Мирзаҳмаднинг йигитлари қоронги тушганда тўртта гурухга бўлиниб, Эргашнинг изига тушишди. Одамларининг қаерда бўлишини билишарди-ю, аммо ўзининг қаердалигини билишмасди. Бир нечта тахминлари бор эди. Ўзларига маълум бўлган жойларга жўнашди. Йигитлардан бири уни қаерда бўлишини биларди. Шерикларини бошлаб ўша томонга жўнади. Шаҳардан ўн чакиримча олисдаги Соҳилбод шаҳарчасига тушишди. Янги қурилаётган уйлардан бирининг олдида тўхташди.

– Сизлар шу ерда туринглар, мен девор ошиб ичкарига кирай, Эргаш бўлса, хабар бераман, одамларимизни бошлаб келасизлар, – аскарлардан бири шерикларига шундай деб, ўзи девор ошди. Ҳовлида ҳеч ким кўринмас эди, аммо ичкаридаги уйнинг чироғи ёниқ бўлиб, тортилган пардадан унинг ёруғи ташқарига кўриниб турарди. Ичкарида одамлар борлигини шундан билса бўларди. Аскар оёқ учida юриб, дераза ёнига келди. Ойнага қулоғини қадади. Фўнфир-ғўнфир овоз эшитилди. Эргашни товушини ажратиб ҳам олди. Кейин эшикни оҳистагина чертди. Елкасига чопон ташлаган уй эгаси чиқди. Остонада турган бегона одамни кўриб, рангидан қон қочди.

– Кимсан? Нега келдинг?

– Эргашбой шу ердами?

- Нима ишинг бор?
 - Мен одамиман, гаплашишим керак!
 - Гапинг бўлса менга айт! У банд!
 - Ўзига айтишим зарур!
- Уй эгаси унинг бошидан оёғигача кўз югуртириб чиқди. Кейин деди:
- Кир!
- Аскар остонани босиб ўтди.
- Эргаш йигитни таниди. Бу Мирзааҳмаднинг одамлари орасига киритган айгоқчиларидан бири эди. Кўзлари бежолигидан қандайдир нохушлик бўлганини пайқади.
- Нима гап, Арслон?
 - Муҳим гап бор, хўжайин.
- Улар қўшни хонага чиқишиди.
- Мирзааҳмад одамларига сизни эрталабгача тутиб келишни буюрди. Ҳозир аскарлар шаҳарда сизни излаб юришибди.
 - Мени нима қилмоқчи экан?
 - Унга бошингиз керак!
 - Бошим?! Лаънати қутириб кетибди-да!
- Эргаш бир зум ўйланиб турди-да, айгоқчисидан сўради:
- Уйига қачон қайтади?
 - Ярим тунда.
 - Шотирлари кузатиб қўядими?
 - Ўзи кетади.
 - Яхши, бориб ишингни давом эттиравер.
- Эргаш лашкарбоши билан учрашгиси келди.
- Мирзааҳмад хунаса одамларига мени тутишни бурибди, – деди ичкарида ўтирган шерикларига. – Ҳозир аскарлар шаҳарда мени излаб юришганмиш.
 - Мушукни ўлгиси келса, бўри билан ўйнашади, хўжайин, – кулди ўтирганлардан бири.
 - Ҳозир унинг уйига борамиз. Ўша ерда ҳисоб-китоб қиламиз.

– Маъқул гап, танобини тортиб қўймасак, у баттар қутуради!

Эргаш шотирларини эргаштириб, шаҳарга жўнади. Бу пайтда Мирзааҳмад қароргоҳидан қайтадиган пайт бўлганди. Эргаш бошчилик тўрт йигит девор ошиб, ичкарига киришди. Гаражда уй эгасининг машинаси кўринмасди. Демак, у ҳали қайтмаган. Қасоскорлар гуллар орасига яшириниб, лашкарбошининг ичкарига кириб келишини кутишди. Ярим соатлар ўтиб, кўча эшик олдида машина тўхтади. Лашкарбоши дарвозани очиб, ичкарига кирди ва яна дарвозага қулф солиб, ёзилгани ҳожатхонага ўтди. Эргаш шуни кутганди. Одамларига имо қилди. Улар Мирзааҳмадни оғзига ифлос латтани тиқиб, оғилга олиб киришди. У Эргашни таниди:

– Думларинг етказибди-да! – деди оёғи остига туриби.

– Ёмон хабарнинг қаноти бўлади! – деди Эргаш. – Мен сенга нима ёмонлик қилдим-ки, тутишга буюрибсан? Қасдинг бўлса, ўзим борардим ўша исқирт хонангта!

– Шаҳарда иккимиздан биримиз қолишимиз керак!

– Демак, менинг қолишим аниқроқ!..

Мирзааҳмад Эргашнинг аҳдидан қайтмаслигини билди:

– Одамларинг билан мен томонга ўтсанг, сени ментларнинг чангалидан қутқариб қолишим мумкин, лекин бир шарт билан! – деди муроса йўлини танлаб.

Эргашнинг қизиқиши ортди.

– Қандай шарт экан?

– Одамларингдан иккитаси менинг йигитларим томонидан содир этилган учта қотилликни гарданларига олишади.

– О-о, жуда катта кетдинг-ку! Балки мен ҳам бирорта қотилликни бўйнимга олишим керакдир? Бугун одамларимни қаматсанг, эртага албатта ўзимни турмага тиқасан. Сендан ҳар қандай абллаҳликни кутиш мумкин!

– Бу сенга берилган имконият. Ихтиёр ўзингда. Ментлар одамларингта қўшиб ўзингни ҳам қамашганда кўзинг очилади.

– Қамашмасидан аввал сен билан ҳисоб-китоб қилиб олсам, армоним қолмасди.

– Сен билан нариги дунёда ҳам келишолмаймиз!

– Мени кечир, ҳадемай тонг ёришади. Хотининг уйғонмай, бажаридиган ишимни бажариб олишим керак!

Эргаш йигитларига қаради ва бармоғи билан тўсинни кўрсатди. Унинг ишорасини тушунган йигитлар тўсинга арқон осишиди. Мирзаахмад шунда қўрқувни ҳис этди. Кўзлари чаногидан иргиб чикаёзди. Қочиб кетмоқчи бўлди, қароқчилар йўлинни тўсишди. Мирзаахмад уларни туртиб юборди. Эргашнинг одамларидан бири қорнига мушт туширди. Кейин кўлини қайиришди.

– Бундай қилма... мен сенга ва одамларингта тегмайман. Шаҳарни сенга топшираман. Айтган гапимни қайтиб олдим, ўлдирма! Истаган пулингни оласан! Бугундан бошлаб йигитларим измингда бўлишади!

– Эргаш шу пайтгача қароридан қайтмаган! Кейин сенинг орқаси шилта лашкарларингни менга кераги йўқ! – деди тўдабоши.

Йигитлардан бири уни сандал устига чиқарди ва бўйнига арқон солди. Иккинчиси сандални олди. Мирзаахмад типирчилаб, осилиб, соатнинг капгиридай тебраниб қолди. Эргаш ёрдамчиларини эргаштириб, оғилдан чиқиб кетар экан, гурсиллаган товушни эшилтмади. Арқон узилганди. Мирзаахмад ерга тушганида ўпкасидаги димиқкан ҳаво ҳуштак мисоли чийиллаб, бўғзини ёриб чиқди. Боши сандалнинг қиррасига тегиб, ҳушидан кетди. Бир соат ўтиб қўзини очди, лекин ўрнидан туролмади. Боши оғрирди. Ташқарида оёқ товуши эшилтилди. Эшик қия очик турарди. Тонг ёришганди. Мирзаахмад йўлақдан ўтиб бораётган аёлинни кўрди.

– Ке... – овози зўрга чиқди.

Аёл чўчинқиради, атрофга аланглади. Кўзи оғилда бувланиб ётган эрига тушди:

- Войдод!!
- Овозингни ўчир, – ингради Мирзааҳмад қўлини силтаб.
- Нима бўлди сизга, ким калтаклади? – аёл кўйлагининг этаги билан эрининг юзидаги қонни артди.
- Овозингни ўчир дедим, палакат...
- Нега мени чақирмадингиз?
- Чақирсам қутқариб қолармидинг? Менга қўшиб сени ҳам осиб кетишарди.
- Қайси уйингга ўт тушгур шу ахволга солди сизни?
- Мирзааҳмад бошини сиртмоққа илганларнинг кимлигини айтмади.
- Коронфида танимадим, – дея минфириллади.
- Лашкарбоши бўйнидан арқонни олиб, аёлига узатди:
- Эҳтиётлаб қўй. Сўраганимда берасан. Уларнинг бошини шунга илмасам, энамнинг сути харом бўлсин!
- Мирзааҳмад аёлининг қўлидан ушлаб ўрнидан турди, оғилдан чиқиб ётоқхонасига кирди. Бир пиёла чой ичиб, ўзига келди.
- Самадга тилпон қил, тезда кесин!
- Яrim соат ўтиб, Самад келди. Мирзааҳмаднинг ахволини кўриб:
- Нима бўлди, хўжайин, ким калтаклади? – деб сўради.
- Падарингга лаънат Эргаш кечаси келишимни пойлаб ичкарида яшириниб турган экан. Одамлари оғилга олиб кириб, осиб кетишиди. Бахтимга арқон узилиб, омон қолдим.
- Худо сизни асрабди, хўжайин. Йигитларга айтайми, тутиб келишади.
- Товуқ мия, уни тутиб бўлганда аллақачон гўштини гўштга, суюгини суюкка ажратардим.
- Қонга – қон, жонга – жон хўжайин!
- Идорада нима гаплар?

– Бугун тунда хунук иш бўлди, хўжайин. Қўшни мамлакатдан келаётган одамимизни мелиса тутиб олибди. Машинасининг орқасидан иккита ботинка кутида автоматнинг ўқини топиб олибди.

– Наҳс босмай ўлсин, пес, келиб-келиб ўзимизда қўлга тушадими?

– Нимасини айтасиз, хўжайин, қанча постлардан ўтган одам ўзимизда тумшуғидан илиниб турса-я!

– Ўзи қаерда?

– Қамаб қўйишган бўлса керак.

– Беш-ён сўм бериб чиқиб кетса ўлармиди?

– Ҳаракат қилибди, бир лимон ташлайман деса ҳам қўйвормабди.

– Ўқни топиб олишган бўлса, сўроқ қилишади. Қаердан, кимга олиб келаётгандинг деб қистовга олишади. Энди мени Худо урди, Самад. У хунаса сотади. Мирзаахмад айтганди дейди. Бошимга бало бўлди. Ўзи шу етмай турувди.

Лашкарбошининг мақсади беш-ён кун уйида яшириниб ётиш, кейин Эргашнинг изига одам қўйиб, қўлга тушириб, боя аёлининг қўлига тутқазган арқонга бошини илиш эди. Одами икки қути ўқ билан қўлга тушган бўлса, албатта мелиса бугуноқ уни сўроқлайди. Мирзахмаднинг фикри ўзгарди. У яна Самадга қаради:

– Савдогарнинг боласи ётибдими?

Самад хўжайин нимага ишора қилганини тушунди. Икки кун бурун ёшгина йигитни кўчада бегона қиз билан қўл ушлашиб кетаётганда тутиб олишганди. Қизни яланғочлаб, чинорга боғлашди, йигитни эса қароргоҳга олиб келиб, оёғидан осиб, отасини чақиртиришди. Унинг савдогарлигини билишгач, ўлпон солишиди.

– Ўғлингнинг айби учун беш миллион тўлайсан. Бир кун муҳлат, топиб келмасанг, ҳар соатда бошидан бир чеҳакдан совуқ сув қуямиз! – деб дўқ уришди.

– Ахир у қиз ўғлимга унаштириб қўйилган, бузук эмасди, қолаверса, ўғлим ёмон йўлга юрмайди, – ўзича тушунтиришга уринди савдогар.

– Суриштиридик, улар шаърий никоҳдан ўтишмаган. Шундай бўлгач, шариат қонуни бўйича бир-бирларига номаҳрамдурлар! – тушунтириди жангарилаудан бири.

– Яхшиси тезроқ уйинга чоп, айтган тавон пулини то-пиб ке! Йўқса, боя айтганимдек ҳар соатда бошидан бир пақирдан совуқ сув қуямиз!

Савдогар уйига чопди, қариндош-уруғларидан пул сўради. Бироқ айтилган пулнинг барини тополмади. Кечки пайт қароргоҳга келди. Ертўлага тушганида иккита жангари ярим ялонғоч йигитнинг бошидан сув қуяётганди. Совуқдан бадани кўкариб кетган, жиққа ҳўл бўлган боши қўкрагига осилиб тушган йигитнинг икки кўзидан ёш оқиб тушарди.

– Ота, мени бу ердан олиб чиқиб кетинг, – зўрға гапирди бола.

Савдогар ўғлининг аҳволини кўриб додлаб юборди.

– Барака топгурлар, раҳм қилинглар, болам ўлиб қолади!..

– Бола керак бўлса, пулни топиб кел! – кулди жангари.

– Топиб келаман! Фақат уни қийнаманглар! У менинг ёлғиз фарзандим. Ўлиб қолса мен ҳам тириклай қабрга кираман! – ялинди ота жангарининг оёғига йиқилиб.

– Муддат тугади, боланг жазосини олиши керак! – Лашкар пақирдаги совуқ сувни йигитнинг бошидан қўйди. Йигит ҳеч нарсани ҳис этмасди. Фақат бадани титрарди.

Савдогар ўғлининг олдига келди. Уни бафрига босги-си, қалбининг ҳарорати билан танасини илитгиси келди. Жангарилауда савдогарни судрашди.

– Яқинлашма!

– Эй Худо, бу не кўргилик!

Ота йиғларди. Бола инграрди.

– Эрталабгача кутинглар, уйимни сотиб, пулни то-
пип келаман! Фақат бир илтимосим, боламни қийна-
манглар! Бошидан сув қуйманглар! – ялинди савдогар.

Жангарилар бош иргашди. Ота икки күзини ёшлаб,
юрак-бағрини доғлаб чиқиб кетди.

Хозир Мирзааҳмаднинг эсига ўша йигит тушганди.

– Ўлиб қолди, – бепарволик билан қўл силтади Самад.

– Нега ўлади? Урдиларингми?

– Бошига ўн пақир яхна сув қуйгандик, шу таъсир
қилган бўлса керак. Тунда кирсам, осилган жойида та-
рашадек қотиб қолибди.

– Мелиса биздан юз ўтириди. Прокурор ишимиздан
кир қидирмоқда. Одамимиз ўқ билан қўлга тушди. Бир
ой ичида идорамиздан тўртта одамнинг жасади чиқди!

– Ҳаммасининг айби бор-да, хўжайин!

– Айби ўлимга яраша эмасди, нодон! Сенлар бегона-
ларнинг гуноҳини бўйнига қўяман деб уларни уриб ўл-
дирдиларинг!

Мирзааҳмад бошини чангаллади. Бир фурсат ўйла-
ниб, Самаддан сўради:

– Ўлиги ертўладами?

– Осилиб турибди.

– Бирорвга билдирамай, жасадини бу ерга олиб ке!
Отаси сўраса, боланг қочиб кетди де!

– Нимага?

– Тушларим булғаняпти, бир томондан мелиса
изимга тушган, иккинчи томондан Эргашнинг одамла-
ри осиб кетишиди. Тирик қолганимни билишса, яна ке-
лишади. Қамалсам, турмада ҳам соғ қўйишмайди.

– Нафасингизни иссиқ қилинг, хўжайин...

– Гап қайтарма, ҳазилнинг мавриди эмас, айтганим-
ни бажар!

Шу пайт телефон жиринглаб қолди. Мирзааҳмад
Самадга юзланди. «Ол» дегандек ишора қилди.

- Эшитаман! – деди у овозини ўзгартириб.
Гўшакдан таниш овоз эшитилди.
- Хўжайин уйдамилар?
- Нима гап, тинчликми?
- Прокурор сўраяпти...
- Ҳозир борарканлар де!
- Самад гўшакни жойига қўйди.
- Идорага борасизми, хўжайин?
- Прокурор мени бекордан-бекорга йўқламаган.
Борсам тумшуғимдан илинаман. Бу ердан тезроқ жилишим керак...
- Қаерга борасиз, хўжайин?
- Қаерга борсам ҳам сенга маълум қиласман, изимдан етиб борасан, яна бирга бўламиз. Унгача бировга тишингнинг оқини кўрсатма!
- Самад эшик олдига етганида, Мирзаахмад уни тўхтатди.
- Янгангга айт, олдимга кирсин.
- Самад чиқиб кетди. Уй бекаси кирди.
- Мағфират, кетмасам бўлмайди. Тилингга эҳтиёт бўл. Нима қилиш кераклигини Самадга тушунтиридим. Мен бу ишни яхши ниятда бошлигандим. Одамларга фойдам тегармикин, жиноятчилик камаярмикин деб ўйловдим. Ёмонлар, нияти бузуклар илакишиди, илондай қўйнимга киришиди. Йўлдан уришиди. Пулга ўргатишиди. Мендан берухсат одамларни қийнашиди, қўйдай оёқларидан осиб ўлдиришиди.
- Балки ҳукуматдан кечирим сўрасиз? – Ҳиқиллаб йиглаётган Мағфират кўзёшларини енгига артди.
- Қўлим қўплаб бегуноҳ одамларнинг қонига бўялган. Кон кўрмасам қалтирайдиган бўлиб қолдим. Қонунда мени жазодан асраб қоладиган бирорта модда йўқ. Ҳукумат гуноҳимни кечирмайди. Бир эмас, беш-олти бор огоҳлантиришган, ҳаволаниб, уларнинг айтганини қилмаганман...

Ярим соат ўтиб, Самад «Москвич»нинг орқа юхонасида ўликни олиб келди.

– Хеч ким кўрмадими? – сўради Мирзаахмад.

– Ўзимизникилардан бошқанинг кўзи тушмади, хўжайин.

– Ўзимизникиларга ҳам кўрсатмаслигинг керак эди, тўнғиз!

– Кўпчиликдан яшириб бўлармиди, хўжайин!

Мирзаахмад чўнтағидан бир боғлам долларни олиб, Самадга узатди.

– Манави билан дўхтирнинг оғзини юм. Юраги ёмон эди, тунда ушлаб қолибди деб қоғоз ол. Шу бўлмаса, имом жаноза ўқимайди. Кейин жасадни ўзинг ювиб, кафандла!

– Янгам-чи?

– Унинг тили кесилган, уйдаги гапни қўчага ташимайди. Энди мен кетдим!

Мирзаахмад пулларни йиғиштириб, сумкага жойлаб қўйганди.

– Сенинг улушкинг хонамда! – деди темир сандиқнинг калитини топшириб. – Эртага шаҳарда ҳидинг ҳам қолмасин. Фрунзега уч. (Фрунзе – Қирғизистоннинг пойтахти Бишкек шаҳрининг илгариги номи.) «Манас» меҳмонхонасининг 104-хонасига жойлаш. Одамларим сени ўша ердан топишади...

– Тушундим!

Мирзаахмад Самадни бағрига босиб, уйдан чиқаётганди унга яна бир гапни айтди.

– Анави домланинг қизи бор-ку, оти Кароматмиди? Ўшани ўзинг билан бирга олиб кет. Биз борадиган юртда керак бўлиб қолиши мумкин!

– Тушундим, ака!

Мирзаахмад ташқарига чиққанда тонг ёришганди.

У шу куни ўзига маълум бўлган яширин йўллар орқали Ўзбекистон чегарасини бузиб ўтди ва Қирғизистонда

пайдо бўлди. У ерда узоқ қололмади. Танишлари уни Баширнинг одамлари билан учраштириди. Лашкарбоши бошига тушган савдоларни уларга айтиб берди.

– Биз сизни қанотимизга оламиз. Эртагаёқ Афғонистонга жўнайсиз...

ШОҲИМАРДОН

Башир Эргашнинг ёрдамидан юз ўтириб, Орифзодага умид боғлаганди. Одамлари у билан боғланиб, Панж дарёсини кечиб ўтадиган йигирма бир нафар йигитни Шоҳимардон орқали Қамчик довонига кузатиб қўйишга ёрдам беришини илтимос қилди. Каттагина маблағнинг ҳидини олган Орифзода бу илтимосни бажонидил қабул қилди. Келишилган куни «Жангарилар тунда дарё бўйига етиб келишди. Улар йўриқчиларнинг маслаҳатига биноан кичик-кичик гуруҳларга бўлиниб, чегарани кесиб ўтишди. Совқотган бўлишларига қарамай, тўхташ мумкин эмаслиги қаттиқ тайинланганди. Тонг ёришаётган паллада тоғ ичкарисидаги қишлоқлардан бирига кириб келишди.

Башир одам танлашда бир оз янгишганди. Йигирма бир нафар жангарилардан ўн нафари африкалик бўлиб, қолганлари покистонлик ва афғонистонликлар эди. Улардан утаси қирғиз, тожик ва рус тилларини мукаммал билишар, шу сабабли майдада гуруҳларга бошлиқ этиб тайинланганди. Гуруҳ бошлиқларидан бири ўз шерикларини тошлар ортида қолдириб, йўл бошловчини топиш мақсадида қишлоққа кирди. У вақтлироқ келганди. Дўконча ҳали очилмаганди. Кутишга тўғри келди. Ярим соатлар ўтиб, ёшгина бола эшикни очди. Жангари ундан тожик тилида сўради:

– Даданг қаерда?

Болага нотаниш одам келиши ва унга айнан шундай савол бериши олдиндан маълум эди.

– Дадам уйдалар. Нима ишингиз бор?

– Бориб, ўртоғингиз Ямин амаки келдилар дегин.

Бола ортига қайтиб кетди. Кўп ўтмай дадасини бошлаб келди. Бу Баширнинг таниши Орифзода эди. Унга одамларни айтилган манзилгача кузатиш ва ҳар бир жангарини иссиқ кийим билан таъминлаш вазифаси юклатилганди. Орифзода қалин пўстин тополмай, тия жунидан тўқилган чакмон сотиб олганди. Уларни жангариларга тақсимлаб берди. Ҳаммалари қуролларини елкаларига осиб, устидан чакмон кийишиди. Бир оз нокулай бўлса-да, баданлари иссиқдан яйраб кетди. Чакмонлар узун эди, қолаверса, африкаликлар бундай кийим кийишига одатланишмагани сабабли юрганларида оёқлари билан чакмоннинг етагини босиб олиб, қоқи-либ кетишарди.

– Мунча ношуд бўлмасларинг! – олдинда бораётган Орифзода уларни койиб қўярди. – Қўлларинг билан этагини кўтариб олинглар! Бу юришларингда бир ҳафтада ҳам манзилга етиб боролмайсизлар!

Кор тошлар устини оппоқ тўшак мисоли қопла-
ганди. Ҳаво очиқ бўлгани сабабли, ёруғлик кўзни қа-
маштиради. Жангарилар саллалари билан юзларини
ўраб олишган, фақат кўзларигина кўриниб турарди.
Навбатдаги довонга кўтарилишаётганда ҳавонинг тузи
ўзгарди. Изгирин сабаб учайдиган кор учқунлари жангарила-
ринг юз-кўзларига уриб, кўз очишига имкон бер-
масди. Улар жонларини сақлайдиган бошпана йўқлиги
боис юришга мажбур эдилар. Тўхтайдиган бўлишса,
совуқда қотиб қолишлари мумкин эди. Ҳамманинг оёғи
музлаб қолганди. Африкаликлар тоғ йўлларида узоқ
вакт машқ қилган бўлишса-да, совуққа чидашмади.
Қалтираб, оёқларига тош боғлангандек қимирлатишга
мадорлари қолмади. Орифзода шерикларини тезроқ
юришга ундарди. У кор остида қолиб кетган сўқмоқни
адашмасдан топиб борарди.

– Ҳа, бўш келманглар! Ҷаққонроқ ҳаракат қилинглар! – дерди гоҳ тожик, гоҳ рус тилида. – Икки соатдан кейин қоронги тушади. Йўлни тополмай қоламиз!

– Ҳолимиз қолмади, – дерди унинг тилига тушунгандар. – Шу ерда бир озгина дам ола қолайлик. Қорнимиз ҳам очди.

– Қояларда тўхтаб бўлмайди! Озгина ҳаракатсиз қолсаларинг қотиб қоласизлар! Тепадаги қорлар кўчиб тушиши ва ҳаммамиз кўчкilar остида қолиб кетишимиз мумкин. Қани, бўлинглар, бу ёғи оз қолди.

Жангарилар худди йиқилиб тушадигандек бир-бирларининг қўлларидан ушлаб, тиззаларигача қорга ботган оёқларини базёр кўтариб, йўл бошловчининг изидан эргашишга мажбур бўлишарди. Ҳаммалари ипга тизилгандек тепаликка кўтарилишарди. Иккинчи довоннинг қоқ белига келишди. Шунда тўхташди. Кўпчилик ҳаво етишмаётганидан бўғила бошлаганди. Бир иккитаси юришга ҳоли қолмай, қор устига ётиб олди. Оппоқ туман на олд ва на орқа томонни кўришга имкон бермади. Изфирин кучайганди. Бир жойда туриш хатарли эди. Жангарилар тезда дилдираб, караҳт бўлиб қолишли.

– Қани йигитлар, олға! – деди Орифзода. Унинг қўлида қорбобонинг ҳассасидек узун таёғи бор эди. Жангарилар бўйинларидан боғланган итдек чўққи сари тирмаша бошлишди. Бироқ боя қор устига ётиб олган уч африкаликнинг ўрнидан туришга ҳоли ҳам, мадори ҳам қолмаганди. Шерилари уларни қўлтиқларидан олиб, ўринларидан турғазишли. Бироқ ҳеч қанча юрмай яна ётиб олишди. Бу гал ҳеч ким ёрдамга келмади. Ҳабашлар ётган жойларида абадий қолиб кетди. Орифзода ортидагиларни илдамроқ юришга ундан бораради.

– Биродарлар, яна бир ҳаракат қилсак, довонни забт этамиш ва форга етиб борамиз! Ўша ерда эрталабгача дам оламиз! Тўйиб овқатланамиз!

Бир чақиримча юришгач яна иккитаси йиқилди.

– Турларинг! – қор устида ўликтай чузилиб ётган шерикларини турғазишга уринишиди жангарилар. Бирор үлар кимирлашмади...

Хамма ўзи билан ўзи овора эди, сўқмоқдан чиқиб кетмаслик, ҳолдан тойиб йиқилиб тушмаслик мақсадиди да бутун куч ва иродасини тўплаб, қор устида чўзилиб ётган шерикларини ташлаб кетиб боришаётганда ўлик сукунат чўккан тоғларни ларзага келтириб, автоматдан отилган ўқлар овози қулоқларига чалинди, турган жойларида қотиб қолишиди. Айниқса, қўллари билан совуқ корларни чангаллаб, ортида бир чангал фижимланган қорни колдириб, тепага тирмашиб чиқаётган Орифзоданинг йиқилиб тушишига бир баҳя қолди. «Ўқ қаёқдан келди? Кимга қаратса отилди? Нахотки чегарачиларнинг қархисидан чиқиб қолган бўлсак?. Барчанинг хаёлига шу фикр келди ва теварак-атрофга қарашди. Одам зоти кўринмади. Фақат анча нарида қолиб кетган икки жангари оппок қорни қип-қизил қонга белаб, жон беролмай типирчилаб, қор кўрпасини тўзитиб ётарди. Улар совуққа ҳамда йўл азобига чидамай, ўзларини ўз кўллари билан отиб ташлашга мажбур бўлишганди. Типирчилаб, ўлим билан олишиб ётганларга ҳеч ким эътибор бермади. Бир зумгина жон таслим қилишларини кузатиб туришиди-да, кейин йўлда давом этишиди.

Совуқ тобора забтига оларди. Кўз очиргани қўймасди. Чакмон ҳам уларнинг жонига оро кирмади. Баданларининг очиқ жойларини изғирин чаёндай чақиб оларди. Африкаликлардан яна бири ҳолдан кетиб, ўзини қор устига ташлади. Ҳеч ким унга аҳамият бермади. Ёфаётган қор унинг устига оппок кўрпа тўшаб, бир неча дақиқада кўздан яширди...

Ўн тўрт жангари ва бир йўл бошловчи энди пастлик сари юришиди. Қор тинди, изғирин тўхтади, булутлар ёйилиб кетди. Аста-секин юлдузлар чақнаб чиқаётган осмон кўринди. Илиқ ҳаво жангариларнинг руҳини

кўтарди. Пастликка илдам тушиб келишди. Орифзода айтган форни топишиди. Унинг оғзи майда тошлар билан тўсиб қўйилганди. Тошларни жойидан кўчиришди. Қаршиларида улкан маҳлукнинг оғзи каби қорайиб турган фор кўзга ташланди. Йўл бошловчи фонарни ёқди ва ортидан шерикларини эргаштириб ичкарига кириб борди. Фор оғзи ўта тор бўлиб, бир одам зўрға сифар, аммо беш-олти қадам юрилгач, кенгайиб бораради. Ичкари ташқарига қараганда иссиқ эди. Бошқа жангарилар ҳам қўлларидағи фонарларини ёқишиди. Ичкаридаги нарсалар кўзга бемалол ташланиб турарди. Орифзода тўхтади. Деворларга зайдун дарахти шохидан ясалган ёритгичлар ўрнатилганди. Уни ёқди. Йигирма чоғли одам ўтирадиган кенглиқда тошдан ясалган курсилар кўринди.

– Эрталабгача шу ерда дам оламиз, – деди Орифзода шерикларига юзланиб. Кейин ўзи фамлаб қўйган ўтинни олиб келиб, гулхан ёқди. Барчалари олов атрофига жамланишиди. Каракт бўлган баданлари аста-секин қизий бошлади. Жангариларнинг айримлари оч бўлишига қарамай, тошлар устига чўзилиб, устиларига чакмонларни ташлаб уйқуга кетишиди.

Орифзоданинг назарида улар бир ярим кунлик масофани бир кунда босиб ўтишганди. Шу сабабли шерикларини тонгда уйғотмади. Мириқиб дам олишсин деб қўйиб берди. Жангарилар тушга яқин кўзларини очишиди. Орифзода уларга овқат тайёрлаб қўйганди, тамадди қилиб, йўлга чиқишиди. Шомга қадар йўл босишиди. Алалоқибат, олислардан Шоҳимардон қишлоғи кўзга ташланди. Совуқ синганди. Изфирин тўхтаганди. Қор у қадар қалин эмасди.

Эртаси куни эрталаб қишлоққа яқин келишиди. Африкаликларнинг юз териси совуқдан шилиниб, арчилиб кетганди. Бу билан одамлар орасига кириб бўлмасди. Улар бир ҳафта форда яшашга мажбур бўлишиди.

Шохимардонда уларни бошқа йўл бошловчи кутиб турарди. Унинг вазифаси жангариларни довонга бошлаб бориш эди. Орифзода ўзига тегиши мумкин бўлган катта миқдордаги пулни айнан унинг қўлидан олди ва орқага қайтди...

* * *

Тимофеј Андреевич билан Шодмон Бердиевлар тоғ ёнбағридаги ўрмонга чиқиши, дам олиб келишни анчадан бери режалаштириб юришганди. Бироқ вақт топишолмасди. Нихоят якшанба куни жўнашга қарор қилишди. Бир ҳафталик егуликларни юк халталари га жойлаб, йўлга чиқишиди. Машинани тоғ ёнбағридаги таниш чўпоннинг чодирида қолдириб, баландликка яёв кўтарилишди. Шундоқ кўз ўнгиларида шовуллаб турган ўрмонзор ястаниб ётарди. Кўм-кўк лиbosга бурканган арчазорлар, қайнзорлар тўлқиндек чайқалиб турарди. Енгил соғ ҳаво юракка қувонч, дилга сурур баҳш этарди. Бу ерларнинг табиати ҳар қандай одамни ўзига маҳлиёй айларди, асабларини тинчлантирас, шу сабаб икки дўст олти йилдан бери вақт топиб, ўрмонзорга келиб дам олиб кетишини одат қилишганди.

Тўрт соат йўл босиб, нихоят ўзларига қулай жойда чодир тикиб, шу ерда тунашга қарор қилишди.

– Чарчаганман, овқат егим йўқ, яхшиси эрталаб ноңушта қиласиз! – деди Тимофеј Андреевич.

– Майли, бир оз мизғиб ола қол, мен овқат тайёрлайман, пишганда уйғотаман!

Күёш ўрмонзор узра ёйган қизғиш нурларини йифиб олаётган палла эди.

Эрталаб иккиси ҳам барвақт уйғонишли. Дараҳт шохларида бири олиб, бири қўйиб сайраётган қушларнинг хониши авжига чиққанди. Дўустлар қумfonда чой қайнатишли. Нонуштадан кейин милтиқларини елкага

илиб, тепалик томон күтарилишди. Анча вактдан буён Тимофейнинг кўзи дарахтларнинг шохida эди. Хеч бўлмаса кечки овқатга бирорта қирғовулми, тустовуқми отиб қайтишни ўйларди. Бундай қушлар одатда сайрашмайди. Шохларга кўниб, жимгина ўтиришади. Одамни кўришганида ҳатто нафасларини ютишади. Яхши овчи уларни қулоқлари билан топади. Анчагина юришгач, Шодмон тошлар ортидан келаётган товушни эшитиб қолди. Тўхтаб атрофга қаради. Бироқ ҳеч ким кўринмади. У Тимофейнинг енгидан тортиб тўхтатди.

– Эшитяпсанми? – деди Шодмон қўли билан овоз келган томонни кўрсатиб. – Ҳов анави жойда кимлардир бор!

Тимофейнинг қулоғига ҳам одам овози чалинди. Улар ўзларини дарахтлар панасиға олиб, товуш келган томонга оёқ учида юришди. Йигирма-ўттиз қадам нарида доира қуриб ўтирган одамларда кўзлари тўхтади.

– Ким булар, овчиларми ёки ўрмон ходимларими? – паст овозда сўради Тимофей шеригидан.

– Ўрмонбегилар бўлса керак, – тахмин қилди Шодмон. – Қўлимиздаги милтиқни кўриб, жарима соламан деб пўписа қилишмаса бўлди. Юр, қайтдик.

– Ахир ҳозир ов мавсуми-ку. Рухсат берилган.

– Сен шундай дейсан. Улар буни тушунишни исташмайди. Ўзларининг қонунлари бор. Яхиси ортга қайтайлик.

Улар ортга бурилишди. Шунда Тимофей эҳтиётсизлик қилиб қуриган ходани босиб олди. Карсиллаган товуш тошлар ортида ўтирган бегоналарнинг қулоғига етиб борди. Шу заҳотиёқ ўринларидан сапчиб туришди ва дарахтлар орасида кетиб бораётган кимсаларни кўришди. Бир зумгина бир-бирларига қараб, нима қилишни билмай қолишли. Кейин худди унугиб қўйган буюмлари эсларига тушгандек, қочоқларнинг изидан чопишли. Етиб олишга кўзлари етмай, изларидан ўқ

узишди. Тимофей билан Шодмон қўрқиб, боягидан ҳам илдамроқ чопишиди. Изларидан ўқлар қуввар, дараҳтларнинг танасига ботар, тошларнинг юзига урилиб, чийиллаб қайтарди.

Икки дўст анча жойгача чопиб боришиди. Ўрмон ичидага югуришнинг ўзи азоб. Гоҳ шох-шаббаларга қоқилишар, гоҳ қалин дараҳтлар ичидан йўл тополмай қолишарди. Чарчашиди. Юришга ҳам ҳоллари қолмади. Нотаниш кимсалар уларнинг изидан ҳамон қувлаб келишарди. Ортларидан ўқ отишарди. Ниҳоят ўқлардан бири Шодмонни қуллатди. Кўрғошин орқа миясидан кириб, пешонасини ёриб чиққанди. Йиқилгандаёқ жони чиққанди. Ёрдам кўрсатишга ҳожат қолмаганди. Тимофей қувиб келаётганларнинг қўлига тушмасликка, тутиб олишгудек бўлишса, уни ҳам отиб ташлашлари мумкинлигини тушуниб, ўзини чангалзор ичига урди. Қувлаб келаётганлар шу тариқа уни йўқотишиди.

Тимофей Жониши чўпоннинг чодирига ўпкаси оғзига тикилган ҳолда етиб келди. Машинасига ўтириб, зудлик билан шаҳарга жўнади. Кўйлаклари йиртилган, оёғининг тиззасигача лой саҷраган, юзларини шоҳлар тилиб ташлаган ва қон доғлари қотиб қолган ҳолда ички ишлар бўлими идорасига кириб борди. Леонид Аркадьевич Сидоровга бўлиб ўтган воқеани батафсил гапириб берди.

– Ўрмон ходимлари шеригимни отиб ўлдиришиди. Мен зўрға қочиб қутулдим, – деди ҳансираб.

– Қайси жойда? – сўради полковник.

– Кон тепасидаги ўрмонда.

– Нимага боргандиларинг?

– Дам олгани.

– Куролларинг бормиди?

– Биз ўқ отмадик!

Полковник жиноят қидирув бўлими бошлиғи билан тезкор ходимлардан бирини ёнига олиб йўлга

чиқди. Улар «Үрмөнбегилар браконьерларни эхтиёт-сизлик туфайли отиб қўйишган бўлса керак» деб ўйлашганди.

Тимофеј уларни воќеа жойига бошлаб борди. Шодмон қонга беланган ҳолда шохлар устида ётарди. Милиция ходимлари сал наридан одам изларини топишиди. Ўқлар жанговар қуроллардан отилганидан далолат берарди. Сидоров Тимофејни жасад олдида қолдириб, ходимларини ёнига олиб, атрофни кўздан кечирди. Излар изқуварларни тоғ томон бошлади. Ўрмонадан чиқишилари билан форга дуч келишди. Яқин боришиді-ю, лекин ичкарига киришга улгуришмади. Бир пайтнинг ўзида икки автоматдан отилган ўқлар полковник билан жиноят қидириув бўлими бошлигини тошлар орасига яширинишга мажбур қилди. Сидоров булар жангари-лар эканлигини тушунди.

– Ўқ отишни бас қилинглар! – қичқирди Сидоров. – Биз милицияданмиз!

Ичкаридагилар жавоб қайтаришмади. Аксинча, автоматлардан яна ўқ отишди. Полковник нима қилишни билмади. Тошлар панасидан чиқса, ўққа ўзини тутиб бериши мумкин. Жиноят қидириув бўлими бошлиғи қўлига тўп-пончасини олиб, полковникнинг «Қайт, Гриша» деганига қулоқ солмай, фор томон эмаклаб кетди. Бошлиқ қуролсиз эди. Жангариларни чалғитиши керак деган фикр хаёлига келди. Лекин қуруқ гап билан қандай чалғитсин? Қолаверса, улар полковникнинг гапини эшитиши эмас, уни тезроқ бир ёқлик қилишни ўйлашарди.

Сидоров тезкор гурух ходимига юзланди.

– Зудлик билан идорага хабар бер, ходимларни жанговар ҳолда бу ерга жўнатишисин.

Ходим орқага қайтди. Шу пайт яна автоматлар тилга кирди. Гриша фор оғзига яқин бориб қолганди. Автоматлар унга қаратилганди. Гриша ётган жойида бир

сапчиб, кейин тўнтирилиб тушди. Ўқлар илма-тешик қилиб ташлаган қўйлаги қип-қизил қонга бўялганди.

Полковник ўзининг ёлғиз ва қуролсиз қолганини билдирамаслик мақсадида овозининг борича атрофга қараб қичқирди:

– Саша! Тоҳир! йўз одамларинг билан тепага чиқинглар, қолганлар ён томондан келинглар! Менинг буйруғимсиз ўқ отилмасин. Улар тириклай қўлга олинсин!!

Леонид Аркадьевич ўзи ўйлаб топган бу ҳийла билан жангариларни узоқ ушлаб туролмаслигини биларди. Орадан ярим соат ўтиб, улар полковникнинг ёлғизлигини сезиб қолишиди. Жангарилардан бири фор оғзига келиб, атрофни кузатди ва ҳеч ким йўқлигини билди. Шунда ҳаммалари бир вақтнинг ўзида ичкаридан чиқиб келишиди. Леонид Аркадьевич қийин ахволда қолса-да, ўзини йўқотиб қўймади. Қуролларнинг учини тўғрилаб, важоҳат билан келаётган жангариларга қарата шундай деди:

– Таслим бўлинглар! Қуролларни ташланглар! Қонун сизларга енгиллик беради!

Жангарилар полковникка яқин келиб қолишиганди.

– Юрагингга балли, бошлиқ! Бизни ярим соатдан кўпроқ бир ўзинг лақиллатиб, фор ичида ушлаб туринг. Мукофотга лойиқсан. Биламиз, бу қахрамонлигингни бошлиқларинг тақдирламайди, аммо биз тақдирлаймиз!

Бошига рўмол ўраган жангари шундай деди-да, полковникнинг кўкрагига автоматнинг учини тираб, тепкини босди. Тириллаган овоз тоғу тошлар, ўрмонзорлар ичра таралиб кетди. Ўндан ортиқ кўрғошинни қўксига жойлаган Леонид Аркадьевич «их» деган овоз чиқармади. Бир муддат кўзларини жангарига тикканча тик турди, унинг оёғи йиқилишни истамай, бутун кучини жамлаб, металлургия заводи тепасида она юрт байроғи ҳилпираб турган томонга қараб йиқилди.

Бу пайтда тезкор вакил машинага ўтириб, идорага жүнаганди. Навбатчига форга қуролланган жангарилар жойлашиб олганини маълум қилди. Шахар ички ишлар бўлимининг ходимлари оёққа туришди. Ярим соатга қолмай, улар форга етиб келишди ва атрофни ўраб олишди. Полковник билан Гришанинг жасади ёнма-ён ётарди. Жангарилар эса кўринмасди.

ЧЕГАРАДА

Ниҳоят йўлга чиқишига топшириқ бўлди. Биз учкиши эдик. Шерикларим ажнабий эдилар. Қайси давлатдан Афғонистонга ўтишганини билмасдим. Мен тушунмайдиган тилда гаплашишарди улар. Ичи қора, раҳм-шафқатсиз ҳамда ниятлари ёмонлигини бир оз қисилган кўзлари сотиб туради. Уларда шубҳа уйғотмаслик кераклигини ўйладим. Биз билан яна бир нотаниш киши келарди. У йўл бошловчи эди . Башир учаламизнинг ихтиёrimизни унга топширганди. Унинг тулкидек муғомбирлигини чўзинчоқ юзи, ич-ичига ботиб кетган нурсиз, хеч ҳаракатдан тўхтамайдиган кўкимтирик кўзларидан билиш мумкин эди. У биз билан гаплашмасди. Соқов одамдек имо-ишоралар орқали нима демоқчилигини билдиради.

Биз Туркияга етиб келдик. Йўл бошловчи бизларни ўзига ўхшаган бир кимсанинг қўлига топшириди. Кейин иккиси ўзларининг тилида узоқ сухбатлашди. Гап оҳангидан ва важоҳатларидан ниманидир келишолмаётгандикларини сездим. Тортишувдан кейин нотаниш одам қўлимизга Озарбайжонга учадиган самолётта чипта тутқазди.

– Аэропортда сизларни ўзимизнинг одамимиз кутиб олади, – деди у биз билан хайрлашаётиб. – Унинг рухатисиз ҳаракат қила кўрманглар!

– Биз уни танимаймиз-ку, – дедим.

— Сен танимасанг, у сенларни танийди. Аэропорт эшигининг олдида турасанлар. Олдиларингта келган одам «Яшар оғаникига меҳмонга келдиларингми» деб сўрайди. «Ҳа» деб жавоб қайтарасанлар. Шу сўз билан бир-бирларингни таниб оласизлар. У сенларни ўзи билан олиб кетади. Ортиқча савол бермаларинг. Сўрамаган нарсалари ҳакида валдираб юрманглар. Тилингни калта қилсанглар хавф-хатар яқинлашмайди. Тушунарлимис?

Бош иргадим.

Самолёт аэропортга кечаси қўнди. Майдалаб ёмғир ёғарди. Эшик олдига келдик. Олтмиш ёшлардаги паст бўйли, чўқки соқол одам олдимишга келди. Бизни узоқдан кузатиб турган бўлса керак форс тилида «Яшар оғаникига меҳмонга келдиларингми» деб сўради. Бош иргишим билан у «Ортимдан юринглар» деди. Йўлнинг нариги четига ўтдик. Эски машинага ўтириб, но маълум томон жўнадик. Йўл бошловчи телефонда ким биландир боғланди. Машина тоғларга туташ адир олдида тўхтаганда тонг ёришганди.

Тоғлар бизни хўмрайиб қарши олди. Қўрғошин тусли булутлар чўққиларга бошини уриб сузарди. Теварак-атроф кўзга чиммат ортида қолгандек кўринарди.

— Шу тоғдан ошибб ўтишимиз керак! — деди йўл бошловчи.

Ҳаммамиз худди байрамга бораётган йигитлардек кийиниб олгандик. Оёғимизда туфли. Бунинг устига кийимимиз юпқа. Тоғнинг совуғи этимизни жунжиктирарди. Қорларни, тошларни чанглаб тепаликка тирмашдик. Изгирин эсарди. Ҳаммамиз дилдиардик, юзимиз кўкариб борарди. Йўл бошловчи биздан олдинда борарди. Тўхтамасди. Туман қуюқлашарди. Кўқдан совуқ томчилар томарди.

Юз метрча юқорига кўтарилганимиздан кейин йўл бошловчи тўхтади. Толиққан ва совуқдан тарашадек қотган қўл-оёқларимизга дам бермоқчи деб ўйлаган-

дим. Бошимни күтариб қарасам қаршимиизда тўсиқ турарди. Олга юришнинг иложи йўқ. Йўлда давом этиш учун тўсиқдан ошиб ўтиш даркор. Барчамизнинг ўйимиздан «Адашиб қолдикмикин» деган фикр ўтди. Йўл бошловчи қўлини курак қилиб деворга ёпишиб қолган корни туширди. Қизғиши харсанглар кўринди, битталаб кўчирди. Одам сифадиган ўра очилиб, ёруғлик кўзга ташланди. Қалбимиз шу ёруғлик янглиғ ёришди. Ёнбошлаб ичкариладик. Ичкари қоронфи, иссиқ, аммо ёқимсиз ҳаво айланарди. Ортимга қарадим. Туман қуюқлашганди. Олисда қорайиб турган ўнлаб шарпаларда кўзим тўхтади. Улар тирик жон каби ҳаракатланарди. Одамларми ёки тошларми – билолмадим...

Биз ипга тизилгандек йўлакдан кетиб бораардик. Анчагина йўл босдик. Одам гавдасини тўғри тутиб, бемалол юриши мумкин бўлган кенглилкка чиқиб олдик. Ҳавода кўнгилни ағдаргудек сассиқ ҳид аниқирди. Йўл бошловчи боши узра кўтариб олган фонардан тараалаётган нур оёқларимиз остини фира-шира ёритиб бораарди. Йўлак бир оз кенгайди. Йўл бошловчи тўхтаб, бизларга қаради. Фонар шуъласи тушиб турган ялпоқ юзи қизғиши тусга кирганди.

– Бу ёғига ўзларинг кетаверасизлар, – деди менга юзланиб. – Икки чақиримдан кейин қаршиларингдан девор чиқади. Тошларни эҳтиётлаб кўчирасизлар. Ташқарида сизларни менинг танишим кутиб олади. У учовларингни Зелимхоннинг ҳузурига бошлаб боради. Эсларингда бўлсин, йўлда тўхтаманглар! Орқага қайтишини хаёлларингга келтирманглар. Худо ёр бўлсин!

У фонарни кўлимга тутқазди.

Йўлда давом этдик. Ташқарига чиқишга шошилардим. Дим ҳаводан нафас ололмай бўғилардим. Шерикларим бурнини кафти билан тўсиб олганди. Кўзимиз ёшланганди. Тинимсиз ўталаардик.

Оёқларимиз остида майда-чуйда тошлар думалаб ётарди. Яқин орада бу ердан бирорта тирик жон ўтмагани билиниб туарди. Уч-түрт чақирик масофа оптимизда қолганидан кейин кўндаланг ётган одамнинг чириб кетган суюкларига дуч келдик. Афтидан, унинг ўлганига эллик йилдан ошган бўлса керак.

Нихоят қаршимиздан ўша тошли девор чиқди. Манзилга етиб келганимизни билдиравди бу. Девор шуваб кўйилгандек текис эди. Тошларни кўчиришга киришдик. Ярим соатдан кўпроқ уриндик. Нихоят туйнук очилди. Ташқи дунё ярқ этиб кўзга ташланди. Тошларни жойига тахлаб кўймоқчи бўлдик. Бироқ «Тегманглар» деган овоз келди.

Ўн қадамча нарида айиқ терисидан чопон кийган, елкасига милтиқ осган, кўксини соқол қоплаган хумкалла одам туарди. Унинг юмолоқ кўзлари оддий одамнинг кўзларига ўхшамасди. Қошлари ўрнида ўт униб чиқкандек эди. Гавдали, бўйи узун. Важоҳати бир пайтлар газеталарда шов-шув бўлган «кор одам»га ўхшарди. У ер остидан чиқдими, осмондан тушдими, билмасдик. Учаламиз ҳам уни кўриб ҳайратдан қотиб қолдик. «Кор одам» ҳар биримизнинг бошимиздан оёғимизгача кўз ташлаб:

– Оптимдан юринглар! – деб буюрди. Унга эргашиб, кор остидан чикиб турган тошлар устидан пастлик сари эниб кетдик. Форнинг оғзини очиқ қолдирганимизнинг сабабини тушунмадим. Одатда маҳфий сақланадиган бундай жойлар дарҳол асл ҳолига келтириларди.

Фордан узоқлашганимиздан кейин йўл бошловчи тўхтади ва менга тикилиб турди-да, сўради:

– Исминг нима?

– Бўрон! – дедим.

У маъносиз жилмайди.

– Қани йўл бошлачи, «Кора афон».

Нима сабабдан мени олдинга ўтказди – тушунмадим. Оптимда келаётган ҳар бир шарпага, ҳатто шерикла-

римнинг қадам ташлашларидан ҳосил бўлган товушга аҳамият бериб кетдим.

Хаммамиз чарчагандик. Оёқларимизни судраб бо-сардик. Бунинг устига оч эдик. Қанча юрганимизни билмайман, қарсиллаган овоз хаёлимни тўзитди. Бизни кимдир тепадан туриб нишонга олган деган фикр хаё-лимга келди ва ўзимни ерга отдим. Бу орада иккиси олдимга йиқилди. Ўқ кўкракларига келиб текканди. Иссик қон отилиб чиқарди. Мен учинчи ўқнинг отилишини кутдим. Бироқ кутганим содир бўлмади. Бошимни кўтариб атрофга қарадим. Йўл бошловчи тепада тик турарди. Кўлида-ги порох хиди анқиб турган автоматнинг учидан иссиқ ховур чиқарди. «Нега бундай қилди, нима сабабдан шерикларимни отиб, мени тирик қолдирди» деб ўйла-дим.

– Ўрнингдан тур! – буюрди йўл бошловчи. Кўзларидан мени ўлдириш мақсади йўқлигини сездим. Ўрним-дан турдим.

– Исмим Латиф! – деди у.

– Нега уларни ўлдиридинг? – сўрадим овозим титраб.

– Булар бизга дўст бўлмайди, – жавоб қилди Латиф.

У автоматни ерга қўйди. Кейин қонга беланиб ётган мурдаларнинг чўнтакларини титди. Пул ахтараётган бўлса керак деб ўйладим. Мурдаларнинг ҳамёнидан бир чангаль пул, ханжар ва қандайдир буюмларни олди. У яна титкилашда давом этди. Ниҳоят бир парча қофозни топди. Уни кўздан кечириб, менга узатди.

– Ўқи!

Араб имлосидаги форча сўзларни овоз чиқариб ўқидим.

«Мұхтарам Хаттоб жаноблари!

Сиз кўпдан буён кутаётган икки нафар жангчим ниҳоят йўлга отланди. Улар сизнинг хизматингизни садоқат билан адо этишига ишонч билдираман. Иккиси ҳам бу дунёдаги барча амалларни бажариб, охиратдаги қарз-

ларини адо этиш мақсадида хузурингизга йўл олишди. Маломатлар бўлсинким, жаннатнинг сўлим гўшаларига талпинаётган йигитларимга қўшилиб «Қора афон» ҳам эргашиб бораётир. Огоҳ бўлишингизни истардим, Мулла Умар уни Зелимхонга бериладиган маблағларни назорат қилиш мақсадида юбормоқда. Назаримда ҳазратнинг чеченга бўлган ишончи сусайган кўринади. «Қора афон»ни сизнинг атрофингизда пайдо бўлиши бизнинг молиявий ишларимизга эмас, балки амалга оширмоқчи бўлган режаларимизга ҳам жиддий халақит бериши мумкин. Бундан ташқари Мулла Умар ўзига қарашли героинларини Зелимхонга мажбуран соттиришни режалаштирган. У наркотик моддаларни сотишдан бош тортгудек бўлса, одамларига қурол-аслаҳаларни етказиб бермайди. Шу сабабли Зелимхон унинг шартига кўнишга мажбур бўлган. Мулла Умарнинг даромадга бизни шерик қиласлиги эсаadolatsizlikdir. Мактубни олган заҳоти йигитларимга ишора қилсангиз бас, улар «Қора афон»ни шарпасиз йўқотишади. Сизга чексиз ҳурмат ила Мансур ал – Носир».

Вужудим қалтираб кетди.

- Мактуб олиб келишаётганини сен қаердан билдинг? – сўрадим Латифдан.
- Буни менга топшириқ берганлар билишади, – жавоб қилди шеригим.

Мендан шубҳаланишларининг боисини шунда билдим.

Латиф ерда ётган автоматини олди. Йўлда давом этдик.

- Хатнинг мазмунига тушундингми, «Қора афон?» – сўради шеригим.
- Мени ўлдиришдан мақсадларини тушунмадим, – дедим гўё юқоридаги гаплар мен учун аҳамиятсиздек.
- Ахир уларга сидқидилдан хизмат қиласяпман! Менга ишониб бу ерга юбордилар!

– Сенга ўхшаган содик хизматкорларни юборишади бу юртга!

– Анави сен отиб ташлаганлар нима мақсадда ўтишган?

Латиф бошини кўтарди. Кўксини тўлдириб тоғ ҳавосидан нафас олди. Кейин кўзларини қаршимизда ясатаниб ётган кенгликларга, тоғларга тикиб, ички бир дард билан гапида давом этди:

– Биз озодлик ва мустакиллик йўлида жанг қилмоқдамиз. Хеч кимни чақириб олганимиз ҳам йўқ четдан. Лекин Хаттобга ўхшаган ваҳший кимсалар ичимизга суқилиб кириб олган. Юртимизда жангарилар тайёрлайдиган ўнлаб лагерларни ташкил этишди. Катта микдорда қурол-яроғ киритмоқда. Одамлари турли шаҳарларда қўпорувчилик ишларини амалга ошироқда ва бу ишларни бизга тўнкашмоқда. Нотингчлик ва бузғунчиликдан кўнгиллари ҳузурланиб, ҳаловат топадиган хорижлик миллиардерлар Хаттобга ҳомийлик қилишмоқда. У эса ўзи амалга ошираётган ишлари билан ана шу бойларни, катта-катта компания бошлиқларини қўрқитиш йўлини ўйлаб топган. Мақсади – ўзини реклама қилиш, бойлик жамғариш. Бояги йигитлар эса жонларини пулга сотган. Россиянинг қайси-дир шаҳарларига бориб, белига бомба боғлаб, одамлар гавжум жойларда ўзларини портлатиб юбориш мақсадида келаётганди.

Илон изи йўлдан қор кечиб борардик. Туман босган қорли чўққилар ортда қолганди. Қаршимизда кенг яйловлар ястаниб ётарди.

– Ёт!!

Шеригимнинг овозидан чўчиб тушдим. Қулоғимга гуриллаган овоз чалинди. Ўзимни ерга отдим ва тошлар орасига яшириндим. Осмонда иккита вертолёт пайдо бўлганди. Улар боя биз чиққан фор тепасидан учиб ўтарди. Вертолётлар фор устига бир нечта бомбани ташлади. Гумбурлаган даҳшатли овоз заминни ларзага келтирди.

Қорлар күчди. Тошларнинг қарсилаган овози бизнинг қулоқларимизга етиб келди. Қора тутун ва қуюқ чанг ичида қолган фор яксон бўлганди. Вертолётлар ўз ишини бажариб орқага қайтганди...

– Хаммаси тамом! – деди Латиф ўрнидан туриб тош устига чўнқайиб ўтиаркан.

– Нимаси тамом? – унинг гапидан ҳайрон бўлдим. – Бизга ҳеч қандай зиён етмади-ку. Яхшиям ташқарига чиқиб олганимиз.

– Сени нимага ҳам ақлинг етарди, – деди бош чайқаб.

– Бу фор йўли икки юз йил муқаддам очилган. Айтишларича, юзлаб қуллар кечаю кундуз ишлашган экан. Савдо-гарлар қўшни давлатларга шу йўлдан қатнашган. Инқиlobдан сўнг транспортлар кўпайиб, ҳеч ким қатнамай қўйган ва кейинги авлод эсдан чиқариб юборган. Кексалардан бири икки йил бурун шу йўлни кўрсатиб қўйганди бизга. Курол-яроғлар айнан шу йўлдан олиб ўтиларди...

– Ҳарбийлар хабар топишибди-да...

– Руслар ер тубида чувалчанг қимирласа хабар топади. Афтидан, улар Афғонистондан қурол олиб ўтадиган одамларнинг келишдан хабар топишган.

Бундан хабардор эдим. Бироқ уларнинг изма-из келишаётганини хаёлимга ҳам келтирмагандим. Горнинг оғзи не сабабдан беркитилмаганигини шунда тушундим.

Йўлда давом этдик. Латиф хомуш тортиб қолганди. Афтидан, уни бошлиқларига қурол олиб ўтадиган одамларнинг тақдири ҳақида гапириб беришазоби қийнарди. Биз яна тепаликка тирмашдик. Шеригим чукур ўйга толганники, бошини эгиб, олдинга қарамас, ҳатто ортида келаётганимни унугандек эди. Мен ундан бир неча қадам нарида келардим. Қийин ахволга тушиб қолгандим. Бошлиқларимга мени Чеченистонга жўнатишаётганини маълум қилолмадим. Улар мени излашашётган бўлиши мумкин. Толиблар қўлимни боғлаб олиб кетишганини эшитишган бўлишса, ўлдириб юборишган

деб ўйлашгандир. Қандай қилиб бўлмасин тириклигимни маълум қилишим керак уларга...

– Ааа!

Қичқириқ юрагимни товонимга тушириб юборди. Кўрққанимдан кўзларимни юмиб олдим. Очганимда олдинда бораётган Латиф кўринмасди. Гўё ер ютгандек фойиб бўлганди. У кетаётган жойда пардек тўзиб ётган қор қўчкилари кўринарди холос. На олдинга, на ортга юришни билмай турган жойимда ҳайкалдек қотиб қолгандим.

– Латиф, – деб қичқириб юбордим.

Жавоб бўлмади.

Беш дақиқалар жойимдан жилолмай турдим. Ердан оёғимни узсан ўзим ҳам ўрага тушиб кетадигандек эдим.

Чуқур тубидан одамнинг инграган овози қулоғимга етиб келди. Ўзимга келдим. Шеригим ўрага тушиб кетганини билдим. Ҳушёрлик билан ўра тепасига келдим. Ҳозир бир қарич масофа ҳам менинг ҳаётимни ҳал қилиши мумкин эди. Оёғимни эхтиёткорлик билан босдим. Бир оз энкайиб чуқурга назар ташладим. Тўрт метрча пастда Латиф буқчайганча ўтиради. Ёмон тушгани афтидан билинарди. Кўллари билан сонини силарди. «Тирик экан» деган фикр кўнглимдан кечди. Суюниб кетдим.

– Латиф, тирикмисан! Сабр қил, ҳозир тортиб оламан!

– Яқинлашма, тушиб кетсанг, иккимиз ҳам бу ердан чиқолмай музлаб қоламиз, – унинг заиф овози эшитилди.

Бундай пайтда арқон керак бўлади. Аммо у на менда, на Латифда бор эди. Атрофга боқдим. Биргина нажот дарахтларнинг шохи ва илдизида эди. Чўққининг тепасидаги кекса арчага кўзим тушди. Бироқ у ерга чиқиши ўлимдек азоб эди. Нишаблик. Қор ва тошларни чангальлаб юқорига кўтарилдим. Оёғим тойиб, кўп бор сирпаниб, ағдарилиб пастга юмлаб тушдим. Яна ва яна тирмашдим. Нихоят бир амаллаб арчага етиб бордим. Узун

шохни синдириб пастга олиб тушдим. Латиф ҳамон ўра ичиди инграб ётарди. Шохни пастга ташладим.

– Ушла, Латиф, маҳкамроқ ушла!

У шохнинг учидан ушлади. Жон-жаҳдим билан тортдим. Иккимизнинг қўлларимиз шилиниб, қон оқди. Тиканли зирачалар этимизга игнадек санчиларди. Оғриқни ўйлайдиган пайт эмасди. Шох ўртасидан узилиб кетди. Энди нима қиласми? Нимадир ўйлаб тошиш керак. Хаёлимга келган фикрни Латифга айтдим.

– Қайишингни олиб, шохга қўшиб оёғингдан боғла!

– Оёғим музлаб қолган, ҳеч нарсани ҳис этмаяпти, – жавоб қилди шеригим.

Кун қайтиб, қўрқинчли қоронфилик тушиб борарди. Совуқ забтига оларди. Изгирин турганди. Қор учқунлари юз-кўзимга тикандек санчиларди. Бир оздан сўнг Латиф музлаб қолиши мумкин. Қайишими, жемферимни ечдим, уларни бир-бирига улаб, катта харсангга учини боғлаб иккинчи томонини пастга ташладим. Ўзим ҳам унга осилиб Латифнинг олдига тушдим.

– Нима қиласяпсан, жинни? Бунақада иккимиз ҳам шу ерда ўлиб кетамиз-ку.

– Сени ёлғиз ташлаб кетгандан кўра, иккимиз шу чукурда ўлганимиз яхши! – дедим.

– Мен икки-уч ўйларди ичидан юзлаб афонларни кўрдим, бирга жанг қилдим. Яраланганимда ташлаб қочишиди. Бироқ сенга ўхшаган инсонпарварини учратмадим...

Латифнинг мақтоворларига аҳамият бермадим.

Унинг бадани музлаганди. Кўкарған лабларигига титрарди. Оғзидан чиқаётган ҳовур ҳам совуқ эди. Зўрға гапираварди.

– Яхиси, ўзинг жўнайвер. Сўқмоқдан тўғри борсанг, овулга чиқасан. У ерда Рамазон исмли чол сени кутиб олади. Менинг номимни айтсанг, сени кутаётган одамларнинг олдига бошлаб боради.

Қайишни унинг белига боғладим. Ўзим ясама арқонга осилиб юқорига тирмашдим. Бир амаллаб чиқиб олдим. Кейин арқонни торта бошладим. Латиф мурда каби оғир ва ҳаракатлана олмасди. Оғриққа чидамай бўкирарди. Оғзига келган шалоқ сўзлар билан мени ҳақорат қиласарди. Ўзига қўшиб мени пастга судрарди. Кўп бор хандақ оғзига бориб қолдим. Қучим етмади. Латифни қайтариб жойига туширдим. Нафасимни ростлаб олмоқчи бўлиб тош устига ўтирдим. Қош қорайганди. Тун чимматга кирганди. Олисдан қарсиллаган овоз келди. Изфирин кучайганди. Баданим музлаб борарди. Шу ҳолда тураверсам музлаб қолишим тайин. Латифнинг ҳам овози чиқмай қолганди. «Хушдан кетган бўлса керак» деб ўйладим. «Нима қилсан бўлади. Наҳотки бир одамни тортиб олишга кучим етмаса? Йўқ, тортиб олишим керак!».

Юрагимнинг тубидан шундай садо келди. Ҳаракатга тушдим. Арқонни тортдим. Овозимнинг борича қичкирдим:

– Латиф!

Мана шу овоз менга файритабиий қуч ато этганди. Шеригимнинг номини айтиб, кучимнинг борича арқонни тортардим. Бундай телба қувват қайдан пайдо бўлди билмадим. Боши елкасига осилиб қолган Латиф ўра оғзига келиб қолганди. Уни тортиб олдим. Бағримга олдим. Бадани тарашадек котиб қолганди. Қор билан юзларини ишқаладим. Юрагини уқаладим. Лекин ўзига келмади. Уни тезроқ иссиқ жойига олиб бориш зарур.

Қўтариб йўлга чиқдим. Паст-баланд тепаликларга чиқиб тушиш мени ҳолдан тойдирди. Шундай бўлса-да, елкамда ўлим ва ҳаёт остонасида турган инсоннинг тақдидири мени тезроқ ҳаракатланишга ошиқтиради.

Довондан ошиб ўтганимда чироқлар кўзимга ташланди. Бу Латиф айтган Рамазон бобонинг уйими?

Бизни шу кулбада кутмоқдами у? Итларнинг ҳургани қулоқларимга чалинди. Азоб-уқубатларни ҳис эта бошладим. Кўзларимдан ёш оқиб тушарди. Ўпкам бўғзимга тиқилиб қолгандек ҳарсиллаб нафас олардим. Эшикни тақиллатдим. Узун бўйли, бошидаги рўмолининг учни иягига боғлаб олган аёл чиқди. Елкамдаги одамни кўриб, ўзининг тилида нималардир деди. Сўзларига тушунмадим. У йўл бўшатди. Ичкарига кирдим. Латифни ерга ётқиздим-у деворга суюнганимча ўтириб қолдим.

Уй эгаси Латифнинг юзларини силади. Кейин нимадир деди менга. Мовий кўзларидан «Шеригинг ўлиб қолибди» деган маънони уқдим. Кўркиб кетдим. Аёл унинг кийимларини ечиб ташлади. Кўкрагига қулоқ тутди. Баданини ишқалади. Иссиқ чой ичирди. Ярим соатлар ўтиб Латиф кўзини очди...

— Сен мени ўлимдан кутқариб қолдинг. Энди биз туғишган оға-инимиз, — деди Латиф эртаси куни эрталаб белидаги ханжарни қинидан суғириб. — Бу бобомдан қолган. Юз эллик йиллик тарихга эга, лекин инсон қонини тўқмаган. Ҳақиқий чечен ханжарини бегона одамга бермайди. Фарзандига, туғишганларига хадя қилиши мумкин. Сен энди менинг туғишган оғамсан. Эсадалик сифатида қабул қил. Худо ажалга омонлик берса, дунёнинг қайси бурчагида бошингга савдо тушса етиб бораман! — Латиф мени бағрига босди. — Яхшилигингни унутмайман, дўстим!

Ханжар жуда ажойиб эди. Узоқ ўтмишда ишланганиги билиниб турарди. Сопи архарнинг шохидан нақш солиб ишланганди. Уни қўлимга олиб, чеченларнинг тамойилига биноан лабимга босдим:

— Ўлгунимча ёнимда олиб юраман!

Биз бир-биримизни қучоқлаб, юзларимизни юзларимизга босиб, юракларимизнинг дўстлигимизга гувоҳлик бераётгандек гурсиллаб уришини тинглаганча бир муддат қучоқлашиб ўтиридик.

– Сени кутишмоқда, тезда кетишинг керак, – деди Латиф мени бағридан бўшатар экан.

– Бундай аҳволда сени ташлаб кетолмайман!

– Чечен мақсадига етмагунча ўлмайди. Умид қила-ман, сен билан яна кўришамиз.

Латиф уй эгасини чакирди. Ўзининг тилида нималариидир тушунтириди. Аёл менга қараб қўйди-да, қўшини хонага бурилди. Қўлида тугун кўтариб чиқди. Унда чеченларнинг устибошлари бор эди.

– Кийиб ол! – деди Латиф. – Бундай аҳволда кўчага чиқсанг руслар ҳам, ўзимизниклар ҳам тутиб олишади.

Кийиндим.

– Ўғлингни чақир! – деди Латиф аёлга.

– Нима ишинг бор унда!

– Буни Гроздийга бошлаб бориши керак. Бир ўзи йўлда адашиб ёки қўлга тушиб қолиши мумкин.

– Ўйлаб гапиряпсанми? Расул ёш бола. Отасини яқинда отиб ўлдиришди. Энди ўғлимдан жудо қилмоқчилисиз? Уни ҳеч қаёққа жўнатмайман!

– «Қора аффон»ни шаҳарда одамларимиз кутишмоқда. У бориб қурол олиб ўтаётганларнинг фор ичида қолиб кетишганини маълум қилиши керак.

– Бу билан менинг нима ишим бор, – аёл йиғлади. – Уруш қилаётган сенлар, унинг жафосини нега мен тортишим керак. Менга фарзандимнинг бахти керак!

– Агар топшириқни бажармасанг, билиб қўй, сен миллатингга хиёнат қилган бўласан! Боланг ҳеч қачон ўз юртини севадиган, миллатнинг озодлиги учун курашадиган ҳақиқий чечен бўлиб етишолмайди.

Йиғлаётган аёл нихоят ўрнидан турди. Кўз ёшларини артиб ташқарига чиқиб кетди. Бир оз ўтиб ўн ёшлардаги йигитчани бошлаб кирди.

– Бу боланинг исми Расул. Сени Гроздийга бошлаб боради, Рамазон оғанинг қўлига топширади. Унга қурол-яроғ олиб келаётган одамларимиз фор ичида нобуд бўлишганини маълум қил. Русларнинг иккита верто-

лёти форнинг оғзини порлатиб ташлашганини, уларнинг барчаси фор ичида мангу қолиб кетганини айт. Йўлда рус аскарларига дуч келиб қолишларинг мумкин. Ўзингни соқов қилиб кўрсатасан! Ҳаётингни сақлаб қолишнинг ягона йўли шу. Тушундингми?

Бош ирфадим.

– Энди кетавер! Худо ёр бўлсин!

Биз хайрлашдик...

ЧЕЧЕНИСТОН

Кобулдан қайтган Зелимхон кенгаш аъзоларини йиғилишга чақирди. Улар ўн киши эди. Барчаси дала қўмондонлари эди. Анжуманга иккитаси қатнашмади. Улар ўтган кунги отишма пайтида ўққа учиб ҳалок бўлишганди. Кенгаш аъзолари Зелимхонни Кобулдан куруқ қўл билан қайтмаганини билишарди. Тушкун кайфиятда кўриб ҳайрон бўлишди. Яндарбиев шерикларига Мулла Умар қўйган таклифларни айтмади. Унинг шартларидан хабардор қилса, албатта ёрдамидан қўл силташлари тайин эди.

– Биз Мулла Умар билан батафсил келишиб олдик. Сизларнинг таклифларингизни унга етказдим. Қийинлик билан бўлса-да, юз дона «Зенит» ракетаси ва қуролларни етказиб берадиган бўлди.

– Қачон келади ўша қуроллар? – савол ташлади кимдир.

– Ҳозир одамларимиз йўлда! Руслар чегарани қаттиқ қўриқлашмоқда. Кириш ва чиқиши йўлаклари тўсилган. Аэропорт уларнинг измида. Ягона йўл – бу аждодларимиздан қолган фор. Чегарачилар бу йўлни ҳозирча билишмайди. Сизларга очиғини айтишим керак, Мулла Умар қуролларга қўшимча ўн фоиз устама қўйди. Танг аҳволга тушиб қолганимизни ҳисобга олиб унинг талабини қабул қилдим.

– Ҳаддидан ошибди-да! – ўтирганлардан яна бири луқма ташлади.

– Ватан тақдирини қурол билан ҳал этиб бўлмайди!

– Уруш бизнинг ҳам жонимизга тегди, Зелимхон. Ҳар куни ўнлаб қариндошларимизни, яқинларимизни йўқотмоқдамиз!

– Ягона йўл – рус хукумати билан битим тузиш. Шу бизнинг жонимизга оро кириши мумкин. Бундан ўзга йўл йўқ! – деди Зелимхон.

– Биз бундай таклифни уларнинг олдига илгари ҳам ташлаганмиз. Ўтказилган музокаралардан натижа чиқмаган, – фикр билдириди четда ўтирган ҳарбий кийимдаги одам.

– Тўғри, Қосим оға, улар таклифларимизни қабул қилган бўлишса-да, кейин бузишди, – деди Зелимхон ҳарбий кийимдаги одамга юzlаниб.

– Ҳозир қўлимда русларнинг икки юзга яқин ҳарбий тутқунлари бор. Соқчиларни кучайтирганман. Асиrlарнинг бирортаси қочиб кета олмайди. Москвага буни маълум қиласиз. Бошлиқлар биз билан музокара ўтказишдан бош тортадиган бўлишса, асиrlарни аяб ўтираймиз.

Ўтирганлар қичқиришди:

– Мақсадимиз – фалаба!

– Мақсадимиз – озодлик!

– Биз шахсан Ельцин билан юзма-юз ўтириб мустақиллигимизни тан олишини талаб қиласиз, – деди Қосим оға ўтирганларга қарата. – Талабларимизни иnobatga олгандан кейин асиrlарни озод қиласиз. У бизларнинг арзимизни эшитмайдиган бўлса, Россиянинг катта-катта шаҳарларида унинг хотирасидан ўчмайдиган воқеаларни ёдига солиб қўямиз.

– Халқининг тинчлигини, иморатларининг вайрон бўлишлигини истамаса, албатта бизни қабул қилишга рози бўлади, – деди яна бири кимса.

– Кўшимча қандай таклифлар бор? – сўради Яндарбиев.

– Москванинг қоқ марказидаги күп қаватли иншооттардан бирини портлатиш!

– Бу билан Ельцинни фазаблантириб қўямиз. Менимча, музокаралар бир ёқли бўлмагунча қон тўкишларга барҳам бериш керак.

– Хўш, биз унинг олдига қандай масалаларни қўйишимиз мумкин?

– Кўриладиган масала битта, – деди Яндарбиев. – Чеченистоннинг мустақиллигини тан олдириш, ҳарбий қисмларни бир ой муддат ичида мамлакатимиз худудидан олиб чиқиб кетиш.

– Асирга олинган аскарлар номидан мудофаа вазирiga ва думага мактуб битиш, – деди Қосим оға бир оз бетоқатланиб. – Ўйлайманки, уларнинг тақдири Ельчинни жиҳдий ташвишга солади.

– Унутманглар, русларнинг қўлида ҳам бизнинг юзлаб асиrlаримиз бор. Улар ҳозир қамоқхоналарда ётиби. Уларнинг тақдирини ҳам ўйлашимиз керак.

– Давлат раҳбари билан бўладиган музокарада бу масала ўртага ташланади.

– Асиrlарни алмашадиган бўлсак ютқазамиз!

– Аэропортни, темир йўл вокзалини, телекоммуникацияларни ихтиёrimизга қайтарсин!

– Яхши, мен сизлар томонингиздан билдирилган таклифларни ўрганиб, Москвага хат тайёрлайман! – деди Яндарбиев тортишувга якун ясаш мақсадида.

У ҳамманинг кўз ўнгидаги Ельчиннинг номига кенгаш аъзолари томонидан билдирилган талабларни ёзишга киришди.

КОБУЛ

Faфур пойтахтга қайтди. У топшириқни бажарганидан эмас, кўпроқ Эргашнинг қўлига тушиб қолмаганидан мамнун бўлди. Дилмурод унинг қулоғини Мирза-

аҳмаднинг шу ердалиги ҳақидаги хабар билан қизитиб қўйса, иккисининг ўртасида жанг бошланади. Табиийки, тўдабоши душманини қанотига олиб, шу кунгача ундан яшириб юргани учун Баширни аямайди. Унга нисбатан юрагида адоват ўти аланга олади. Бироқ ўзи нима қилади? Эргашнинг кўзига чалинмагани билан бу юртда узоқ қололмайди. Бугун бўлмаса эртага албатта тўдабошининг одамларидан бирортаси кўриб қолиши мумкин. Қолаверса, теварак-атрофда Мулла Умарнинг жангчилари уяси бузилган арилардек тўзғиб юришибди. Уларнинг қўлига тушса фош бўлади ёки ўлдириб юборишади. Қайси тарафга боқса кўзига хатар кўринади. Тезроқ бу ердан силжиши керак. Пойтахтга бориб Петрсоннинг одамига қўнғироқ қилса, Венага жўнатиб юборар ёки бошқа топшириқ берар...

Faфур ўй-хаёллари билан вайронага айланган пойтахтга кириб келди. Ёдида қолган рақамларни терди. Бироқ қўнғирофига ҳеч ким жавоб бермади. У бетоқатланди. Вақт пешин бўлганди. Ҳали замон қоронғи тушади. Кўчада қолиб кетса, ўлдириб кетиши мумкин. Бунинг устига қорни очганди...

У карвонсаройга кириб овқатланди. Кейин бояги рақамларни қайтадан терди. Бу гал ҳам жавоб бўлмади. Нима бало, Петрсон унга ишламайдиган телефон рақамларини бериб қўйганми?

Faфур вақт ўтказиш мақсадида бозор айланди. Оёқлари чарчади. Яна қўлига телефонни олди. Бу гал ҳам жимлик. Faфурнинг боши қотди. Ўйлаб-ўйлаб кеччани карвонсаройда ўтказишга аҳд қилди. Тунаш учун эллик долларга хона сотиб олди. Туни билан ухламади. Автоматлар сайраб уйқусини қочирди. Одамларнинг бақир-чақирлари тинчини бузди. Тонг ёришди. Отишмалар барҳам топди. Faфур пастга тушди. Нонуштадан кейин яна рақамларни терди.

— Каердасан? — сўради гўшакни кўтарган одам.
Унинг овозидан ўзи тенги йигит эканлигини билди.

— Карвонсаройдаман.

— Сени кутаётгандим, ярим соатда етиб бораман!

Айтилган вақтда Петрсоннинг одами келди. У ўттиз беш ёшлардаги чуваккина йигит эди. Устида афгонларнинг кийими, оқиши юзини узун соқол қоплаганди.

— Ортимдан юр, — буюрдиFaфур билан саломлашиб бўлгач.

Карвонсарой ортига ўтишди. Кўчалар одамлар билан гавжумлаша бошлаганди. Улар бозорга келган савдогарларга ўхшамасди. Кўпчиликнинг елкасида милтиқ, автомат осилган бўлиб, худди жангга кириб бораётган жангчиларни эслатарди.

Катта йўлга чиқишиди. Faфурнинг кўзи йўлак четида ётган мурдага тушди. Биқинидан сизиб чиқсан қон анча жойни эгаллаганди. Тунда чавақлаб кетишганми ёки отишганми — билиб бўлмасди. Юзига ташланган бир парча матони шабада учирив, учини қайирган ва шу жойдан пастга осилган жағи ҳамда сарғайиб кетган тишлари кўриниб туради. Нарироқда бир филдираги чуқурга тушган «Тойото» туради. Тепа қисми олиб ташланганми ёки снаряд учирив ташлаганми, хар ҳолда очиқ эди. Орқа капоти ўқлардан илма-тешик бўлиб кетганди. Улар машинага ўтиришиди.

— Исмим Жон Дэвид, — ўзини таништирди йигит машинани ўт олдиришдан аввал. — Самангандан қачон қайтдинг?

— Икки кун бўлди.

— Топшириқ нима бўлди?

— Одамларимнинг қулоғини қизитиб қўйдим. Бугун эрта Мирзааҳмаднинг тириклигини Эргаш билади.

— Яхши. У сендан шубҳаланмайдими?

— Одамларим мени сотиб қўймайди.

– Ўйлайманки, улар энди бир-бирларининг гўшини ейишади.

– Сизларга ким керак? Мирзаҳмадми ёки Эргашми?

– Кучлилар керак. Бу юртда фақат зўравонлар яшайди.

– Венага қайтишим мумкинми?

– Шошилма.

– Аёлим ҳомиладор. Фарзанд кутяпти.

– Дарвоқе, кеча Петрсон телефон қилиб, Пайванинг фарзанд кўрганини айтди.

Faфурнинг юзига табассум ёйилди.

– Ростданми?

– Ўғилли бўлдинг! Энди сени икки кишилашиб кутишади.

– Мен тезроқ унинг олдига қайтишим керак.

– Кетишингни мен ҳам истайман, лекин бошлиқлар муҳим топшириқ беришди.

– Буни менга нима алоқаси бор?

– Топшириқни сендан бошқа одам уddeалолмайди.

– Қандай топшириқ экан?

Жон Дэвид шошилмади. Машина шаҳар чети томон кетиб бораиди. Одамлар сийраклашганди. Гоҳи-гоҳида йўлдан қуролли аскарларга тўлган юқ машиналари ўтиб турарди. Булар толиблар эканлигини Faфур яхши биларди. «Тойота» муюлишдан ўтганда Faфур уйнинг харисига осиб қўйилган яна бир жасадни кўрди. Осилаганига икки-уч кун бўлган бўлса керак, шишиб кетганди. Жон Дэвид бундай манзараларга кўп дуч келган бўлса керак, аҳамият бермади.

– Яқинда толиблар биз tengи йигитни қўлга олишибди. Мутахассисларимиз унинг бу ерлик эмаслигини аниқлашди, – деди у билан гаплашганини яшириб.

– Ҳозир қаерда?

– Тошли қамоқхонада.

– Мен нима қилишим керак?

– Сени толибларга қарши қурашган исёнкор сифатида унинг олдига киритамиз. У билан бир-икки кун ётасан. Гапга соласан. Мақсадини аниқлайсан. Бизнинг фикримизча, унинг бу ерда иккита алоқачиси бор. Бири Эргашнинг лагерида, иккинчиси лашкарларнинг ичидан. Қандай қилиб бўлмасин биз уларнинг кимлигиги билишимиз керак. Бу Петрсоннинг топшириги!

– Бу шубҳами?

– Аниқ. Улар ойда бир-икки учрашиб турган. Муҳим маълумотларни қўлга тушган йигитга бериб туришган. Мирзааҳмаднинг шу ердалигини ҳам ана шу айғоқчилар маълум қилган.

– Бу хабарни ўша алоқачи жўнатган демоқчимисиз?

– Бундай қарорга келишга у қадар шошилаётганимиз йўқ. Агар ҳақиқатан ҳам биз шубҳа қилаётган кимса бу хабарни қўлимиздаги разведка ходимига берган бўлганда, Эргаш аллақачон Мирзааҳмаднинг тириклигидан огоҳ бўлган бўлур эди. Назаримда унинг яна бир одами бор. У лашкарбошининг тўдаси ичидан...

– Ўзбеклар Мирзааҳмадни аллақачон ўлганлар рўйхатига тиркаб қўйишган...

– Биз ҳам шундай фикрда эдик, афсуски, икки ой давомида у билан боғлиқ кўп ишлар очилди. Кимдир унинг Афғонистонда яшаётганини ҳарбий разведка бошқармасига етказган. Шундан кейин Мирзааҳмаднинг қабри очилиб, жасади эксгумация қилинган. Экспертиза мурда бошқа одамники эканлиги тўғрисида хулоса берган. Ўзбеклар бундан қаттиқ ташвишга тушиб қолган.

– Демак, қўлга тушган жосус буларнинг барчасидан хабардор.

– Лекин алоқачининг кимлигини фош қилмаяпти. Унинг шахсини аниқласак кўп нарсаларни очган бўлардик.

– Ўша одам оддий жангариладан бўлиши мумкин эмас. Бундай кимсани Эргашнинг яқинлари орасидан излаш керак.

– Ҳақиқатга яқин фикр. Оддий одамлар лагердаги сирлардан бу қадар воқиға бўла олмайди.

– Балки ўша яқин кишисининг кимлигини суриштириш, уларнинг изига тушиш керакдир.

– Бизда вақт етишмайди. Айғоқчини қўлга олганимизга ҳам бир ҳафтадан ўтиб қолди. Анча вақтни бой бердик. Қанчалик уринмайлик, уни гапиртира олмайдик. Назаримда айғоқчини маълумот билан таъминлаб турган одам учрашувга чиқиш вақтини кутаётган.

– Сиз қўлга олган йигит разведкага алоқадор эканлиги аниқми?

– Мутахассисларимиз у билан икки кун тинимсиз ишлашди. Рус ва ўзбек тилларини мукаммал билишини аниқлашди. Ўзбек тилидаги айрим сўзларнинг кўп ишлатиши, шевалар, талаффуз оҳанглари бу йигитнинг Фаргона водийсидан келганлигини фош қилди. Унинг суратини водийдаги одамларимизга юбордик ва бир ҳафтадан кейин жавоб олдик. Айғоқчининг исми Қўлдошли экан. 1983 – 1985 йиллар давомида Шўро қўшинлари таркибида Афғонистонда хизмат қилган. Генерал Громовнинг адютанти бўлган. 1992 йилдан бошлаб махсус хизмат бўлимида ишлайди.

– Яхшигина маълумот тўплабсиз, Жон Дэвид. Мен у билан нима ҳақида гаплашишим керак?

– Бизни қизиқтирган нарса битта. Бу ердаги одамининг кимлигини аниқлаш.

– Уни гапиртиришнинг бошқа йўли топилмадими?

– Биз қўлимиздан келган барча чораларни ишга солдик. Афсуски, ўзимиз кутган жавобни ололмадик. Сўнгги имконият қолди.

– Яъни?

– Биринчиси – сени киритиб, сирини олиш. Шунда ҳам айтмаса, жасадини турмадаги итларга едириш!

– Мени унинг олдига киритиш сизни ташвишга солмайдими?

— Сен бизнинг ишончли одамимизсан. Кейин сен ҳеч қачон юртингга қайтиб бормайсан. У бизга ўзи билган барча хақиқатларни гапириб берган чофида ҳам тошли турмадан тирик чиқолмайди. Мени тушунгандирсан?

— Тушунарли.

Машина йўлда бир меъёрда кетиб борарди. Шаҳар анча ортда қолганди. Сувсизликдан қақраб ётган кенгликлар бошланди. Гоҳи-гоҳида снаряд ва бомбалар тушиб хандаққа айланган чукурлар, ёниб кетган танклар, бўлакларга ажралган БТРлар ва вайронга уйлар кўрина бошлади. Йироқдаги тошли турма худди кора мато ёпиб қўйилгандек кўзга совук ташланарди. Бир тўда одамлар йўлни кесиб ўтишди. Улар иккита майитни елкаларида кўтариб олишганди. Жон Дэвид машинани тўхтатди. Одамлар ўтиб кетгач йўлда давом этишди.

Машинани темир дарвозага етмасдан тўхтатди. Жон Дэвид «Етиб келдик» дея минифирлаб қўйди. Бу шаҳар турмаси эди. Курилганига юз йилдан ўтиб қолган. Омониллохон давлат тепасига келганда шу бинони қурдирган ва ўлимга маҳкум этилган маҳбусларни шу ерда сақларди. Унинг анъанасини кейинги даврларда ҳукмронлик қилган давлат бошликлари ҳам давом эттиришди. Жумладан, Мулла Умарнинг ашаддий душманлари шу ерга келтириб ташланарди. Унинг деворлари одамнинг қулочига сифмайдиган тошлар билан тикланганди. Бино олд томонга оғиб қолгандек, салгина ер силкинса қулаб тушадигандек кўринса-да, аслида уни ҳеч қандай зилзила вайрон қилолмасди. Шу пайтгача маҳбусларнинг бирортаси деворни тешиб ёки ер остини кавлаб қочиб кетмаганди.

— Мен шу ерда қоламан, — деди Дэвид дарвозадан ўтганда сўнг. — Бу ёғига сенга турма нозири ҳамроҳлик қиласди. Эсингда бўлсин, бизни фақат Қўлдошалининг одами қизиқтиради. Исмини билиб берсанг бас. Истаганча пул, бойлик, дунёнинг хоҳлаган мамлакатидан

уй-жой ваъда қилавер. Сенинг хизматинг ҳам тақдирланади.

Жон Дэвид ён чўнтагидан бир парча қофоз олиб Faфурнинг қўлига тутқазди.

– Бу чек, пулинин ёзиш ҳуқуқини ўзига бер.

– Талтайтириб юбормаймизми?

– У айтадиган маълумотнинг баҳоси ҳар қандай бойликтан қиммат.

Ичкаридан чиқиб келган турма нозири уларнинг олдига етиб келди. Афтидан, у Жон Дэвиднинг бу ерга келишидан хабардор бўлса керак, у билан қуюқ саломлашди.

– Мехмонни қабул қилинг! – деди Дэвид. – Мен икки кундан кейин келаман. Агар бирор янгилик бўлса, чақиринг!

– Тушундим, сэр!

Жон Дэвид нозирга инглиз тилида нималарнидир тушунтириди. Кейин Faфурга фалати қараш қилди-да, бошини иргади. У машинаси томон юрди ва «Тойота»га ўтириб, келган томонига қайтиб кетди.

Нозир дарвозани очди.

– Кир!

Faфур ичкарига кирди. Улар тош йўлакдан юриб боришиди. Итларнинг овози эшитилди. Афтидан, улар очга ўхшарди. Бўйнига солинган темир занжирлар шарақларди. Назоратчи одамнинг билагидек келадиган темир панжарали эшикнинг қулфиғига калит солди. Темир эшик оғир фийқиллаб очилди. Эшик ортида ер остига олиб тушадиган йўлакча бор эди. Faфурнинг димоги бадбўй ва сассик исдан ёрилиб кетаёзди. Ертўла коронфи эди. Деворларга ўрнатилган маёқлар ўзларидан тутун аралаш қизғиши шуъла сочарди. Тошлар кон рангидаги жилваланаарди. Кора саллали ва қора кийим кийган соқчилар деворлар олдида худди қоп-кора мумдек қотиб туришарди. Яна бир панжарали эшикка

дуч келишди. Улар энсиз, аммо поёни қорайиб турган йўлакдан ичкарига қараб юришди. Тошларга ўрнашиб қолган бадбўй исдан нафас олиш оғирлашарди.Faфур қусиб юбормаслик учун оғзига кафтини босди. Темир панжара ортида ўтирган маҳбуслар одам шарпасини сезишлари биланоқ ўрниларидан туриб, гимирлаб қолишиди. Эшиклар олдига келиб, озиб-тўзиб суюкларигина қолган кўллари билан панжараларни маҳкам чанглаб олишиди. Булар сиёсий маҳбуслар эди. Хукумат тепасига келган толибларнинг адолатсизлигидан азоб чекиб ётишарди. Биринчи хонада қўлларига ва оёқларига кишан солинган тутқунлар ўтиришарди. Ҳаётдан умидларини узишганини кўзларидан билса бўларди. Назоратчини fazab ва нафратга тўла кўзлари билан таъкиб қилишарди. Иккинчи хонадаги маҳбусларнинг ҳолати янада аянчли эди. Бир қарашда хонада одам йўқдек кўринарди. Диққат билан қаралгандагина ердан чикиб турган беш олтита бошни кўриш мумкин эди. Улар гўё танасидан узиб ташланган каллаларга ўхшарди. Аслида бўйинларидан пасти ерга кўмиб ташланганди. Маҳкумларнинг ёниб турган кўзлари, хиёл қимирлаётган лаблари орасидаги тишларинигина кўриш мумкин эди. Хонага вақти-вақти билан оч қолдирилган каламушлар қўйиб юборилар, улар одамнинг бурни, қулоқларига чанг солишар, ўткир тишлари билан узиб олиш учун тишлашар, чийиллаб бир-бирлари билан ўлжа талашишарди. Учинчи хонада очлик, калтак ва зулмдан азоб чекиб, ҳолдан тойган тутқунлар сақланарди. Уларнинг бадани устиларидаги кийимлари каби дабдала бўлиб кетганди. Юпқа қўйлак ортидан суюкларигина кўринарди. Бу ердаги ҳаёт жонига теккан айрим маҳбуслар қадам товушлари қулоқларига чалиниши биланоқ эшик олдига келиб, чўпдек қўллари билан панжараларни ушлаб бақиришарди.

– Отиб ташла!!

– Ўлдир!!

Улар қанчалик баланд овозда бақиришмасин товушлари худди қудук тубидан чиқаётгандек бўғиқ ва кучсиз эди. Назоратчи уларнинг ёнидан безътибор ўтиб кетмасди. «От!», «Ўлдир!» дея бақираётган тутқунларнинг қаршиисига келганда худди томоша кўрсатгиси келгандек аввал Faфурга қаради, кейин ҳамёнидан уқаланиб данакдек бўлиб кетган бир ҳовуч қотган нон бўлакларини олиб ичкарига ташлади. Тутқунлар шу заҳотиёқ ўзларини ерга ташлашди. Назоратчи эса йўлида давом этди.

Назоратчининг қўлидаги резина таёқ қадамига ҳамоҳанг равишда ҳаракатланарди. Гоҳида жазо қуроли борлиги эсига тушгандек, боши баробар кўтариб, темир панжараларни чанглаб нон ва сув сўраётган маҳбусларнинг қўлларига уриб ҳам қўярди. Хоналардан бирининг эшиги очилди ва ичкаридан замбил кўтарган иккита турма ходими чиқиб келди. Замбилда юзини соқол босган, кийимлари илма-тешик бўлиб кетган, ёввойи қиёфага кириб қолган, факат суяги қолган одамнинг жасадини кўтариб чиқишиди. Нозир унинг ўлган ёки ўлмаганлигини билиш мақсадида қўлидаги таёқ билан пешонасига бир-икки уриб қўйди.

- Қачон ўлибди? – сўради у ходимлардан.
 - Шерикларининг айтишича, тунда қазо қилганмиш.
 - жавоб қилди ходимлардан бири.
 - Оёғига мих қоқиб кейин кўминглар.
- Нозоратчи топшириқни бериб йўлда давом этди.
- Бу одамлар анчадан бүён ётганга ўхшайди? – сўради зўрға нафас олиб келаётган Faфур панжара ортида гиларга ишора қилиб.
 - Кимгадир бир йил, кимгадир беш йил бўлган, айримлар қамоқхонага қачон тушишганини ҳам унутишган, – беписандалик билан жавоб қилди назоратчи.
 - Суд қилишмайдими?
 - Бу юртда маҳбуслар кўп, судьялар эса йўқ. Ҳаммаси шариат ҳукмини кутиб ётишибди.

– Буларнинг гуноҳи оғирми?

– Ҳаммаси Мулла Умар жанобларининг сиёсатига қарши чиқишиганд. Айримлари толибларга қўшилишдан бош тортишган, манави хонадагилар эса ҳазратимнинг буйруғи билан дорга осилган бузфунчиларнинг жасадидни олиб ташлашган.

Ўн қадам юришга улгуришмасдан, йўлакда икки кишининг шарпаси кўринди. Улар очлик ва қийноқ азобидан кутилган яна бир маҳбуснинг жасадини олиб келишарди.

– Ҳали қамоқхонанинг адогига етмасимиздан икки бандининг мурдасини олиб чиқиб кетишид. Бу ер қамоқхона эмас, мурдахонага ўхшайди. Кунига иккитадан одам ўлаверса қамоқхонада ҳеч ким қолмайди-ку?

– Ахамият берма. Бугун иккитаси ўлса, эртага тўртасини олиб киришади. Кўриб турганингдек, бўш хонанинг ўзи йўқ.

Нихоят қамоқхонанинг охирги бўлимига етиб келишид. Faфур мен учрашмоқчи бўлган маҳбус шу ерда бўлса керак деб ўйлади. Аммо нозоратчи ўнгга бурилди ва одам чидаб бўлмайдиган даражада сассиқ, ифлос ва нам зинадан пастга туша бошлади.

Улар биринчи темир эшик қархисида тўхташди. Назоратчи белига боғланган калитлардан бирини танлаб қулфга солди. Уни эринмасдан айлантириб қулфни очди. Хона қоронги эмасди.

Туйнукдан бир чимдим қуёш нури тушиб турарди. Бурчакдаги тош супа устида соchlари ўсиб, кийимларини могоғ босган маҳбус чўнқайиб ўтиради. Қоматини тик тутишидан у қадар қари эмаслигини билиш қийин эмасди. Faфур ичкарига киришдан олдин маҳбусга диққат билан тикилди. Унинг олдида қолишни ўйлаб юраги сесканди.

– Кир! – буюрди назоратчи ашаддий жиноятчини олиб келгандек Faфурнинг елкасидан ушлаб ичкарига итараар экан.

Faфур иккилагандек ичкарига оёқ босди. Нозир эшикни қулфлади, бироқ ортга қайтишга шошилмади. Бир фурсат кичкинагина тешикчадан уларга қараб турди-да, кейин йўлида давом этди. Белидаги тасмага боғланган қалитларнинг шарақлаган овози, оғир лўқ-қидоннинг ва занг босган ошиқ-мошиқларнинг фичирлаган овози Faфурнинг қулоқларига чалиниб турди. Бу пайтда хона эгаси бошини буриб, ичига ботиб кетган қўзларини янги меҳмонга тикди. Faфурнинг юрагида пичноқ санчилгандек оғриқ турди...

* * *

Турмада ҳамманинг ёдидан кўтарилиб, якка қолиб кетган маҳбус қандай оғир-азоб уқубатларни бошидан кечирса, шуларнинг ҳаммасини Қўлдошли ҳам бошидан кечирди. Ертўлага олиб тушишганига бир неча кун бўйсана-да, дастлабки куниёқ бу ердан қочиб кетишнинг мутлақо иложи йўқлигини тушуниб етди. У қамоқхонадаги юзлаб одамларнинг аянчли аҳволига гувоҳ бўлди. Булар қандай гуноҳлари учун қуёш нури тушмайдиган нимқоронги хоналарда ўлимини кутиб ётишибди? Ҳар куни битта-иккита маҳбус калтаклар азобидан, очликдан қийналиб ҳаётдан кўз юммоқда. Яна қанчалари саноқли соатлардан кейин содир бўлиши кутилаётган ажални кутмоқда. Ҳар куни ўнлаб маҳбуслар сўроқ қилинади. Калтакларга бардош беролмай, қамоқхонани бошларига кўтариб дод солишади. Улар мамлакат тепасига келган кимсаларнинг қурбонига айланмаяптими? Уларнинг бу ерга келтириб ташланишига, очлик азобига гирифтор бўлишига, каламушларга таланиб, ўлим шарпаси кезиб, мөғор ҳиди анқиб турган хоналарда бир тутам қуёш нурига термулиб ўтиришларига фаровон кунларга бўлган ишончу умид сабаб бўлмадимикин?

Қўлдошли ҳар куни шу ҳақда ўйлар ва ипдекчувалашиб кетган ўйларининг адодини кўрмай хуноб бўларди. Қачондир терговчилар уни яна чақириб, ўзларининг қон иси анқиб турган сўроқ тегирмонидан ўтказишларини кутарди.

Хона эшиги зинага яқин бўлгани учун тепадан чиқаётган ва пастга тушаётган одамларнинг оёқ товушлари эшитилиб турарди. Хаёлларга чўмиб ўтирган бир пайтда эшик очилди. Остонда назоратчининг бесёнақай ва хунук башараси кўринди. У эргаштириб келган маҳбусни елкасидан итариб ичкарига киритди ва бир сўз айтмай яна эшикка кулф солди. Эшикни ёпаётганда унинг юзи яна ҳам хунуклашиб, кўрқинчли тус олди.

Faфур юракка кўркув соладиган ва бадбўй ис уфуриб турган ифлос хонага олиб киришларини хаёлига келтирмаганди. У шинам хонада ўтириб берилган топшириққа асосан маҳбус билан ишлашни ўйлаганди. Ичкарига кириб хонадаги манзарани кўрганда талмовсираб, ақлидан айрилган телбадек ҳайрону лол қолди. Кўзлари коронфиликка ўргангунча шу алфозда қотиб турди.

– Исминг нима? – Қўлдошли «мехмон»ни шундай савол ила қарши олди.

Faфур ўзининг ҳақиқий исмини яшириди. Жон Дэвид йўлда буни унга уқтириб кўйганди.

– Фолиб. Ўзинг кимсан? – деди.

– Бахтсиз бир маҳбусман, – жавоб қилди Қўлдошли.

– Ҳамма маҳбуслар ҳам бахтсиз, – жавоб қилди янги «мехмон». – Қайси миллатдансан?

Қўлдошли маҳбуснинг юзига тикилиб турди. Одатда қамоқхонага келтирилган тутқунлар тергов хонасида сўроқ килиниб, юзларида, баданларида қонли муҳрлар босилган, айримлари эса хушдан кетган ҳолда назоратчиларнинг ўзлари мурдани судрагандек судраб олиб киришарди. Бироқ янги маҳқумнинг на юзида, на баданида улар қолдирган белги кўринмади. Қолаверса, у ўз

оёғи билан юриб келганлиги, устидаги кийимларининг бутунлиги уни озгина бўлса-да ҳайрон қолдирди. «Бу кимсани менинг сиримни олиш мақсадида киритишмадимикин» деган хаёлга борди. Саволларга шубҳага ўрин қолдирмай жавоб қайташга қарор қилди.

- Ўзбекман!
- Исминг?
- Қўлдошли.
- Сени нега қамашди?
- Жосусликда айблашмоқда. Сени-чи?
- Толибларга қарши исён қўтарганим учун.
- Наҳотки шундай гуноҳ иш билан шуғулланган бўлсанг? Қисматинг меникидан оғир экан.
- Янглишдинг, жосусларнинг қисмати меникидан беш баттар.
- Мендек оғир жиноятчининг олдига сени қўйишганини тушунмадим.
- Афтидан, бўш хона қолмаган бўлса керак. Мени бу ерда узоқ қолиб кетади деб ўйлаяпсанми?
- Мен бу хонада ёлғиз ётиб кўп нарсалардан хабардор бўлдим. Толибларга қарши исён қўтаргандарни меҳмондек иззат-икром билан қабул қилишмайди.
- Нега бундай деяпсан?
- Билишимча, исёнчиларни аввал сўроқ қилишади, кейин дўппослашади, ҳушдан кетказиб ёки баданларини қонга белаб, кейин олиб киришади. Шу пайтгача ўз оёғи билан кириб келган маҳбусни учратмагандим. Афтидан, қамоқхона ходимлари сени қўлларида гул билан кутиб олишганга ўхшайди!
- «Фолиб» довдираб қолди. Жон Дэвид ҳам, турма нозоратчиси ҳам бу ҳақда уни огоҳлантиришмаган, айниқса, исёнчиларни қандай аҳволда қамоқхонага ташлашларини ҳеч бўлмаганда тушунтириб ҳам қўйишмаганди. Лекин маҳбус тезда ўзини ўнглаб олди.

— Мени сўроқ қилишди, чин кўнгилдан икрор бўл, толиблар сафига қўшил, шунда сени озод қиласиз, — дейишди.

— Хўш, сен қандай жавоб қилдинг?

— Мен уларга имкон беринглар, бир-икки кун ўйлаб кўраман дедим.

«Фолиб» бу сўзлар билан юзидағи қалин ниқобнинг бир қаватини йиртиб ташлаганди.

— Демак, озодликка чиқиб кетар экансан-да?

— Сени озодликка чиқиш ниятинг йўқми?

— Назаримда, бу ният мен учун орзуга айланиб қоладиганга ўхшайди.

— Озодликка бирга чиқамиз!

— Сўзларингга ишонсам бўладими? — хайратлангандек жавоб қилди Кўлдошли. У ўзининг ҳар бир сўзи билан шеригининг ниқобини йиртиб ташлашга ҳамда унинг асл башарасини кўришга ҳаракат қиласди. «Фолиб»нинг юрагида умид шами ёнгандек бўлди. У маҳбуснинг олдига келиб ўтиреди. Улар бир-бирларининг юзларига қараб туришарди.

— Бунинг учун менинг маслаҳатимга қулоқ солишинингга тўғри келади.

— Шундайми? Унда қулогим сенда.

Faфур ўзининг ҳар бир сўзи билан мақсади сари интилаётганди. Сассиқ бу хона ҳозирданоқ унинг жонига текканди. Бу ерда бир неча кун эмас, балки бир соат ҳам ўтиргиси келмай қолганди.

— Афтидан, яхши йигитга ўхшайсан. — «Фолиб» шундай деди-да, гапни нимадан бошлаш кераклигини билмай ўйланиб қолди.

— Дўстлар маслаҳати олтиндан қиммат дейишади. Тортинмай айтаверинг! — Кўлдошли унинг хаёлини тўзитиб юборди.

Faфур шеригининг юз-кўзларидан эмас, балки ҳозиргина оғзидан чиққан сўзидан ўз ўйлига солишига ишонди.

– Одам дунёга бир маротаба келади, – деди худди буюк орзулари ушалаётган одамдек энтикиб. – Бу дунё-нинг барча нозу неъматларидан баҳраманд бўлмасдан қандайдир фаламис кимсаларнинг қабиҳ мақсадлари ва топшириқларини бажараман деб ўз жонини қийноқ ва азобларга қўйиш фирт жинниликтинг ўзи.

– Нега буни аввалроқ ўйлаб кўрмадинг?

– Ҳақсан, гапларингга эътирозим йўқ, аммо мен турманинг қандай бўлишини унинг ичига кирганимда ва йўлакдан олиб чиқиб кетилаётган мурдаларга дуч келганимда, очлик ва қийноқлардан эзилиб кетган маҳбусларнинг оху зорларини эшитганимдагина хис қилдим. «Мен ким учун исён кўтардим, ким учун курашдим? Бунинг кимга ва нимага кераги бор эди. Ўлиб кетсам ким ачинади? Яхшиси толибларнинг сиёсатини қўллаб озодликда юрганим, улар тарафида туриб жанг қилганим маъқул эмасми» деб ўйладим. Ахир дунёнинг ҳамма бурчагида ҳам уруш бўлавермайди. Одамлар жаннатмакон жойларда айшу ишратларини қилиб, давру даврон суриб, шоҳона ҳаёт кечиришмоқда. Нега мен ўлиб кетишим керак? Бу юртнинг сиёсатини ёқтирамасам, бошқа юртга кетишим ва у ерда фаравон ҳаёт кечиришим мумкин-ку. Шундай эмасми?

Қўлдошли ҳамхонасининг юзидағи ниқобнинг яна бир чоки сўклиби, башараси қўрина бошлаганини хис этди. Қулоғи «Фолиб» айтаяётган сўзларда бўлса-да, ҳаёли унинг кимлигини билишга кетганди. «Бу нусха ким? Юртимиздан ўтган Эргашнинг шотирларидан эмасмикин? Уни бежиз олдимга киритишмаган. Авра, алда, сирини бил дейишган».

Қўлдошли шеригининг юз-кўзларига тикилди. Бироқ ҳадеганда унинг кимлигини билолмади.

– Бундай ажойиб фикр каллангизга энди келганидан афсусдаман. Ярим соатлик қимматли умрингизни шу сассиқ хонада ўтказганингизга ачиняпман. Ижозат бер-

сангиз, ҳозироқ турма назоратчисини чақираман, сиз унга таслим бўлганингизни айтасиз...

– Шошилманг, – овози қалтираб чиқкан «Голиб»-нинг ранги ўзгариб кетди. – Эрталабгача сабр қилайлик. Ахир сиздек яхши дўстни бу ерда танҳо қолдириб чиқиб кетишим фирт аҳмоқликнинг ўзи-ку! Биргаликда лаънати бу хонани тарқ этамиз.

– Сизни тушуняпман, – деди Кўлдошли кулгисини зўрга яшириб. – Бироқ мени ниманинг эвазига бу ердан олиб чиқиб кетмоқчисиз? Аниқроғи, мени олиб чиқиб кетиш сизга нима учун керак бўлиб қолди? Жосусликда айбланаётган мендек кимса билан мулоқат қилганингиз учун сизнинг бир айбингиз икки бўлиб, жазолашла-ри мумкин-ку!

– Ажал шарпаси кезиб юрган бу хонада ёлғизлиқда ўлиб кетманг деб ачиняпман. Агар рози бўлсангиз, бу ердан чиқибоқ Покистон орқали Европадаги мамлакатлардан бирига кетамиз. У ерда беклардек яшаймиз... Хўш, таклифим маъқулми?

– Қамоқхонадан сизни чиқариб юборишлари мумкин, аммо мени чиқаришмайди. Гуноҳим оғир.

– Бу дунёда ҳаммамизнинг гуноҳимиз оғир. Аммо мен йўлини топаман!

Ташқарида қадам товушлари эшитилди. Тепадан кимлардир тушиб келарди. Махбуслар нигоҳларини эшик томон қаратишиди. Бирортасини олиб келишган бўлса керак деб ўйлади Кўлдошли. Булар ҳакиқатан ҳам турма назоратчилари эди. Улар қўлларидағи машъала билан қоронфи йўлакни ёритиб ўтиб кетишиди. Кўшни хона эшигини очишиди. Қаттиқ-қаттиқ гапирғанлари эшитилди. Махбуслардан бирини оғизларига келган сўзлар билан ҳақоратлашади. Кейин қум тўлдирилган резина таёқнинг гурсиллаб урилгани-ю, маҳбуснинг жон ҳолатда қичқиргани эшитилди. Назоратчилар уни

узоқ савалашди. Махбус дод солди, бақирди ва ниҳоят ҳушдан кетган бўлса керак-ки, жим бўлиб қолди. Шундан кейин яна эшикнинг ёпилгани эшитилди. Назоратчилар тепага қўтарилишиди.

Бу пайтда кун кеч бўлганди. Сим тўр ортидан юлдузларга тўлган осмон кўриниб турарди. Итлар безовтавланиб ҳуришарди. Афтидан, олиб келган ўлжани олдиларига ташлашган бўлишса керак, жимиб қолишиди. Туйнукдан бадбўй ис ичкарига кирди.

«Голиб» узилиб қолган сухбатни давом эттиришга баҳона излади. Бироқ Кўлдошли «Қаттиқ чарчадим» деб тош супа устига чўзилди. «Голиб» нима қилишни билмай, зерика бошлаганди. Баданига тошлар орасидан ўрмалаб чиқсан битлар тирмашарди. У тинимсиз қашланар, фаши келиб минғирлаб сўкинарди.

ЮРТДА

Шарифнинг фермасида бўладиган семинарга республиканинг барча вилоятларидан фермерлар, чорвадорлар билан бирга олимлар, мутахассислар, раҳбарлар келишганди. Фермер хўжалигида олиб борилаётган ишлар барчани қойил қолдирди. Наслдор молларни кўпайтириш тажрибаси ҳатто олимларда ҳам қизиқиш уйғотганди. Соғин сигирлар парвариш қилинаётган бўлим замон андозаларига тўлиқ жавоб берарди. Хориждан келтирилган ускуналар ёрдамида сут соғиб олинар, шиша қувурлар орқали сут қайта ишлаб чиқариш цехига ўтар, бу ердан эса қаймок, пишлоқ ва бошқа тайёр маҳсулотларга айлантирилиб, шаҳардаги савдо расталарига, болалар боғчаларига, касалхоналарга жўнатиларди. Швейцариядан келтирилган компьютер орқали сигирларнинг организмида етишмаётган моддалар аниқланар, танқис моддалар ўша заҳотиёқ маҳсус ленталар орқали юбориларди. Соғин сигирларнинг ҳар

биридан ўртача эллик литрдан сут соғиб олинаётганлигини семинарга ташриф буюрган чорвадорлар ўз кўзла-ри билан кўришди. Хўжалиқдаги минг бош қора мол-нинг барчаси зотли ва наслдор эди. Гўштга боқилаётган новвосларнинг ўртача тирик вазни беш юз килограмм-дан ошиб кетганди. Улар ҳам шу ернинг ўзида сўйилиб, гўштлари олдиндан буюртма берилган шаҳобчаларга жўнатиларди. Янги қурилган колбаса цехида бир кунда ярим тонна маҳсулот ишлаб чиқариларди. Даладан ўриб келинган беда ва маккажўхори маҳсус ҳовузларга бостирилган, дағал хашак эса маҳсус тегирмонларда майдаланиб, механизмлар орқали ҳайвонларга етказиб бериларди.

Йифилишда Шарифга сўз бериши. У бу ютуқларга қандай эришганини гапириб бериши лозим эди. Шариф минбарга кўтарилиганида ўзига бир саволни берди. «Мен ким эдим?».

У ўз иш тажрибаси тўғрисида гапиришдан олдин мана шу саволга жавоб беришни лозим топди.

– Мен ким эдим? – бу сўзни у паст овозда айтган бўлса-да, ҳамма эшитди. Йифилганлар фермер йигитнинг нима демоқчилигини тушунолмай, ҳайратла унинг оғзига тикилиб қолиши. – Ишларим тўғрисида гапиришдан аввал ўзим ҳақимда икки оғиз тўхталиб ўтсан. Мен адашган ва алданган инсон эдим. Ўз ватанига ва халқига хиёнат қилиш, мустақил диёrimизнинг конституцион тузимини афдариб, ўзларининг янги давлатларини барпо қилиш мақсадида чет эллик ғаламисларнинг қўлидаги қўғирчоққа айланиб қолган, бугунги кунда Афғонистоннинг тоғу тошлари орасида бир тишлам нонга зор бўлиб, юракларини она юрт соғинчи азоблаётган Эргашнинг думини тутган, унинг қўлида хизмат қилган одам эдим. Мен қўплаб ёшлар қатори алдовлар ва ёлғон ваъдаларга ишониб, унинг сафига қўшилиб қолгандим. Унинг топширифи билан бойвач-

ча бир одамни қўрқитиб, бойликларини олиб, Эргашнинг қўлига элтиб беришим лозим эди. Лекин мен бу қароримдан қайтдим. Юртдан олисда ватангадо бўлиб яшашдан ўз юртимда қолишни, унга сидқидилдан хизмат қилишни, элимизда бўлаётган оламшумул бунёдкорлик ишларига ўз ҳиссамни қўшишни, шу йўл билан хатойимни тузатишни лозим топдим. Ўлсан ҳам она замин тупроғида ўлай дедим. Давлатимиз раҳбарининг «Қўли қонга беланмаган, жангарилар сафига алданиб кириб қолганларни афв этиш тўғрисида»ги амнистияси менинг ҳаётимда кескин бурилиш ясади, янги ҳаёт остонасига олиб кирди. Элим гуноҳимни кечган экан, бундан кейин ўзимнинг бутун умримни, кучимни, билимимни, иқтидоримни мустақил юртнинг тинчлиги, фаровонлиги йўлига сарф қиласман деб онт ичдим. Ҷўлга келиб, қум барханлари ўрнида, одам юрса оёғи куядиган сахрода икки юз гектар ерни ўзлаштиришга, боғу бўstonга айлантиришга аҳд қилдим. Қилган хатоларимни ювишим, ўзимни оқлашим, юрт тараққиётига ҳиссамни қўшишим, Ўзбекистон деган мамлакатнинг довруғини дунёга танитишда оз бўлса-да улушимни қўшишни ҳис этиб яшадим. Ҳукумат менга ишонди, энг оз фоизда қарз берди. Чорва ҳайвонларини сотиб олдим. Атрофимга қишлоқ ёшларини тўплаб, кечаю кундуз тиним билмай меҳнат қилдим. Қўриб турганларингдек, бугунги кунда шу даражага етиб келдим.

Аввало гуноҳларимни афв этган давлатимиз раҳбарига, биз ёшларга имконият яратиб берган ҳукуматимизга, мен билан ёнма-ён туриб меҳнат қилаётган қишлоқ одамларига таъзим қиласман. Мен эришаётган ютуқлар мана шу ёшлариникидир.

Ҳамма қарсак чалиб юборди. Шариф ҳаяжонини босолмади. Унинг юзларини кўз ёшлари ювиб тушарди.

КОБУЛ

Ўзини «Голиб» деб таништирган қаҳрамонимиз турмадаги даствабки кечанинг бу қадар узун ва зерикарли эканлигини ҳаётида илк бор хис этиши эди. У туни бўйи ухламади. Кўшни хонадаги назоратчилар калтаклаган маҳбус инграйвериб, кўзидан уйқуни қочирди. Қолганлар ҳам жим ётишмади. Кўпчиликнинг ўпкаси тугаган бўлса керак, тун ярмига келганда йўталган, хириллаган овоз авжига миниб, қамоқхонани тутиб кетди. Ташқаридаги итлар ҳам нимадандир безовта бўлиб, тонг ёришгунча хуришди. Бунинг устига бургалар тинчлик бермади. Баданини қашлайвериб терисини шилиб олаёзди. Кеча қизишиб кўп гапларни ўйламасдан гапириб, ўзини-ўзи ошкор қилиб қўйганини ўйлади. Бир кунда Қўлдошли билан яқинлашиб олишни хаёлига келтирмаганди. Маълумот бериб турадиган одамнинг кимлигини айтса борми, Жон Дэвиднинг ишончини оқлаб, юзи ёруф бўлади. Анчагина пул ундириб олиш имконияти туғилади. Ҳатто хотининг олдига жўнаб кетишга рухсат бериши мумкин. Эҳ, қани энди ҳаммаси тезроқ ҳал бўлса, сассиқ хонани тарк этса. Ташқаридаги ҳаёт бағрига қайтса.

Хорижга учиб кетиши ҳақидаги гапларни эшитганда Қўлдошининг кўзларидан чўғ ялтирагандек бўлди. Ахир яхши ҳаёт, фаровон турмуш кимга ёқмайди? Барча гапларни айтди, мақсадини яшириб ўтиришнинг ҳожати қолмади.

«Ниятимни билгани билан исмимни билмайди-ку, таклифларимни айтаман, гапларимга ишонмаса, чекни кўрсатаман. Пулнинг исини олса, рози бўлади. Биргина сўзни айтгани билан осмон узилиб ерга тушармиди?».

Кўшни хонадаги маҳбус қулоқни қоматга келтиргудек қичқирди. Унинг овози худди жон бераётган одамникдек аянчли эди. Ҳатто Қўлдошли уйғониб кетди. Кейин овоз бирдан сўнди.

Қўлдошли бошини кўтарди, юзини сим тўрдан эндиғина уйғониб келаётган қўёшнинг олтин ранг нурла-ри ёритиб юборди.

– Тонг отдими? – сўради у тиззаларини қучоқлаб ўтирган шеригидан.

– Умримизнинг бебаҳо бир қуни ертўлада ўтганидан пушаймонман, – деди «Фолиб». Кейин ўзига-ўзи гапиргандек давом этди. – Инсонга ҳаёт бир маротаба берилади. Яшаб қолиш, ўйнаб-кулиш имкониятларидан фойдалана олмай қафас ичидаги ўтирганимга тоқат қилолмаяпман. Озодлик қадрини бугун тунда ҳис этдим. Ўйлаб боқсам, қилган ишларим ўтакеттган ахмоқлик экан. Менга нима эди. Бир ўзим қуролланган минглаб одамларга қарши чиқиб, уларни енга олармишим? Оломонга қаратса: «Ҳой, мўминлар, толибларга эргашманг, улар келажагимиз душманлари» деб бақирганим билан гапимга ким қулоқ соларди.

– Афсусланяпсанми? – сўради Кўлдошли.

– Шундай, биродар. Аслида уларнинг чалган чилдирмасига ўйнаб, «Мулла Умар ҳазратлари бизни адолатли йўл сари бошламоқда» деб бақириб-чақирганимда бошимга бу мусибатлар тушмасди. Ҳали ҳам кеч эмас, бугунок турма нозирини чақиртираман. Хато қилибман деб ялининб-ёлвораман.

– У кечиради деб ўйлайсанми?

– Бўлмасам-чи! Шундай қилсан нозир мени бошқа маҳбусларга ўрнак қилиб кўрсатади.

– Йигирма икки миллионли халқнинг барчаси Мулла Умарнинг этагини тутмас? Уларнинг орасида сен каби юрт тақдирини ўйлайдиган, халқни озодлик сари бошлайдиган, Афғонистоннинг баҳтли келажаги учун курашадиган мардлар ҳам топилар?

«Фолиб»нинг тили курмакланиб қолди. Ўйламай айтган гаплари билан юзидағи ниқобнинг яна бир пардасини йиртиб ташлаганди. Энди унинг башараси худ-

ди дока ортида тургандек Кўлдошалининг кўзларига аниқ-тиниқ кўрина бошлади.

– Истасанг сенга ҳам ёрдам бераман. Тезроқ бу ердан чиқиб кетасан, – деди овози қалтираб.

– Ёрдам бериш кўлингдан келармикин?

Бир оз ташвишга тушган «Фолиб»нинг кўнглига маҳбуснинг кейинги сўзлари ёруғлик олиб кирди.

– Кафолат бераман!

– Унда мендан нима истайсан?

«Фолиб» ҳамхонасининг кўнглига йўл топгандек бўлди ва бундан қувониб ҳам кетди. Унга яқин борди:

– Кўп нарса керак эмас. Мен сендан биргина нарсани сўраб билмоқчиман. Агар саволимга тўғри жавоб берсанг, ҳозирнинг ўзидаёқ сени бу исқирт хонадан олиб чиқиб кетаман.

– Гапингга ишонсам бўладими?

– Худони ўртага қўйиб қасам ичаман!

– Худони бизнинг ишимизга аралаштирма.

– Нима, сен Худога ишонмайсанми?

– Ишонаман, аммо у...

– Ҳаммамиз Аллоҳнинг қулимиз... – шеригининг мақсадини тушуниб, тезгина сўзини бўлди «Фолиб». У шошганидан дилидаги гапларни тилига чиқариб юборди.

– Истагингни айта қол!

– Аввал ҳаммасини рўй-рост гапираман деб ваъда бер!

– Ҳаммасини рўй-рост гапираман!

«Фолиб» гапни нимадан бошлашни билмай ўйланиб қолди. Кейин ўзи орзу қилган юртлар ҳақида оғиз очди.

– Менинг биргина саволимга тўғри жавоб берсанг, Швейцария, Австрия, Пальма оролларидағи шоҳона хаёт сенга ўз қучофини очади.

– Ажойиб, худди жанатдагидек хаёт кечирар эканман-да. Мендан сўрайдиганингни тезроқ сўрай қол.

– Сендан терговчилар нимани сўраганди?

- Улар мени жосусликда айблаб, бу ерда кимлар билан учрашиб турасан деб сўраганди.
- Жуда яхши, сен учрашиб турадиган одамларинг-нинг кимлигини айт!
- Буни сенга нима қизифи бор?
- Тезроқ бу мөгор ҳиди келиб турган хонадан бирга чиқиб кетишимиш керак-да.
- Менинг олдимга бежиз киритишмаган эканда сени?
- «Голиб» қизишиб кетганидан афсусланди. Саволни жавобсиз қолдирди. Энди у ошкора ўйинга ўтди:
- Хўш, розимисан?
- Сен айтган мамлакатлардаги қасрларда шохона ҳаёт кечиришнинг ўзи билан кун кечириб бўлмайди, – синашда давом этди Қўлдошли.
- Агар таклифимни қабул қилсанг сенга бошқа ҳадяларим ҳам бор.
- Ҳадя дедингми?
- Ҳа, жуда катта ҳадя!
- Назаримда мен «Граф Монти Кристо» романидаги қамоққа умрбод ҳукм қилинган чолга рўпара келиб қолгандайман.
- Унинг хазинаси оролда бўлса, менини шу ерда, чўнтағимда!
- «Голиб» ҳамёнидан чек олди ва уни тутқунга узатди.
- Бу нима? – сўради Қўлдошли.
- Коронги хонада ўтиравериб, кўзинг хира тортиб қолган кўринади, биродар. Ахир бу чек-ку, истаган пуллингни ёзиб олишинг мумкин.
- Истаган пуллимни? – ҳайрон бўлди тутқин.
- Албаттада.
- Юз минг доллар ёzsам бўладими?
- Ёз!
- «Голиб» мақсадига эришишнинг осон ўйлини топганидан баҳтиёр эди. Кўзлари чақнаб кетди.

– Лекин юз минг менинг қамоқхонада чеккан азоблатимни қопламайди деб ўйлайман! – деди Қўлдошли ўртага чўккан жимликни бузиб.

– Унда икки юз минг ёз!

– Бунинг эвасига сен сўраган бояги гапни айтишим керакми?

– У одам Эргашнинг тўдасидан, шундайми? Номини айтсанг бас, ҳозироқ иккимизга турманинг эшиклари ланг очилади. Тоза нафас олиш учун ташқарига чиқамиз. Мен ўз йўлимга, сен эса хоҳлаган тарафингта равона бўлишинг мумкин.

– Йўқ, мен чекка бир миллион ёзаман! – унинг сўзларини эшитмагандек деди Қўлдошли. – Ахир пул дунё эшикларини очадиган калит-ку! Хоҳлаган жойингда фарофатда яшайсан. Шундай эмасми?.

– Баракалла, энди ўзингта келдинг! Ёз!

Қўлдошининг юзи жиддийлашиб борарди. Шеригининг юпқа лабларида совуқ табассум ўйнади. «Қоғозни қўлига олдими, демак, таклифга рози. Мен уни осонгина кўндиридим. Ахир бу тирранча умри бино бўлиб қўлига минг доллар ушлабдими? Миллион уни ақлдан оздириб қўяёзди».

– Нега ўйланиб қолдинг, тезроқ бўла қол? Мен бу ерда узоқ қололмайман. Нафасим қисаяпти. Ошқозоним касал. Кечадан бери туз totтганим йўқ. Сенинг бир оғиз розилигингни ололсам мени уйимга жўнатишади. Хотиним яқинда ўғил туғиби. Ҳозир улар Австриянинг ажойиб шахри Зальсбургда мени кутишмоқда. Сени ҳам ўзим билан олиб кетишим мумкин.

– Мен нимада ёзаман, ахир ручкам йўқ-ку! – «Фолиб»нинг сўзини кесди Қўлдошли.

– Ҳа-я, эсим қурсин. Ручка олиб киришни унутибман! Майли, ҳечқиси йўқ, ташқарига чиққанимизда ёзиб олаверасан. Энди чек сеники, ҳеч ким тортиб олмайди.

– Наҳотки бир оғиз сўзим учун миллиардерга айланаб кетсам. Дунёнинг хоҳлаган томонига кетишим мумкин бўлса!

«Голиб» шеригининг елкасига қўлини ташлади:

– Бугун Парижда бўлсанг, эртага Токиода, ундан кейин сеҳрли Америкада... Олдингда буюк имкониятлар турибди. Бунақаси ҳаммага ҳам насиб қиласавермайди!

– Менга айтчи шу пул билан мен юртимга қайтиб боришим мумкинми?

«Голиб»нинг ичидаги қувончни юзига олиб чиқкан табассум бирдан сўнди ва унинг ўрнини қаҳр эгаллади. У ўзини зўрга босиб деди:

– Истасанг юртингга кетишинг мумкин... Лекин шуни унутмагинки, бошлиқларинг сени қўлга тушганингдан ҳабар топишган. Асир тушган одамга улар ишонишмайди. Ишга қайтиб олишмайди ҳам. Балки қайтиб борганингдан кейин биз билан алоқада бўлганинг учун қамаб қўйишар. Маслаҳатим, қўлингдаги чекка истаган пулингни ёзгина, мен айтган мамлакатлардан бирига жўнавор...

– Агар мени ушлашибди деб эшитсалар, билгинки, сен тириксан!

– Сенга гап уқтириб бўлмаяпти. Ё бу ерда ётавериб ақлдан озгансан ёки ўтакетган аҳмоқсан! Билиб қўй, мени бу ерга олиб киришаётганда нозир шу пайтгача бирорта маҳбус озод этилган эмас деб айтганди. Бу ердан чиқиб кетишининг иккита йўли бор. Бири ўлим, иккинчиси айбни тан олиш!

– Мен бу пуллар билан дунёнинг истаган мамлакатида шоҳона ҳаёт кечиришим мумкиндири. Балки эртаклардагидек қасрларни сотиб ҳам оларман, бироқ киндиқ қоним томган она-юртнинг биттагина фуборини харид қилишга бу пуллар етармикин?

– Биз кўриб, хис этиб турган дунё барчамиз учун ўткинчидир. Одамнинг юрти бу жасади қўйилган замин хисобланади. Агар ўша жасад қўйиладиган жой топилса!

– Бу сени менинг олдимга кирилган даҳоларнинг тоясими? Улар ҳақиқатни билиш мақсадида шу гапларни сенга ўргатишдими? Ҳақиқатни билиш истагида кирган одам юзига ниқоб тақиб кирмайди. Ҳақиқатни билиш истагида кирган одамнинг юраги тоза бўлади.

Кўлдошли қўлидаги қофозни чўпга айланиб қолган панжалари билан фижимлаб ташлади. Буни кўриб «Фолиб»нинг капалаги учиб кетди.

– Нима қиласаяпсан, аҳмоқ?! – қичқириб юборди у ва Кўлдошалининг қўлига чанг солиб. – Жинни бўлдингми? Чекни расво қилдинг-ку! – «Фолиб»нинг назарида Венага элтувчи йўлнинг устига тоглар қулагандек эди. – Мени бадном қилмоқчимисан? Мени Зальсбургда хотиним ва болам кутмоқда!

– Мени эса Ватан кутмоқда!

– Сени ўзим, мана шу қўлларим билан бўғиб ўлдирман!

– Мени ўлдириб нима фойда топмоқчисан? – жавоб қилди нафаси қайтган тутқун хириллаб. – Қаҳрамон бўлмоқчимисан? Биламан, менинг сирларимни олганингдан ёки ўлдирганингдан кейин ҳаётинг бошқача бўлади. Менга ваъда қилинган нарсаларга эгалик қиласан? Қани, ўлдир!

– Сен мана шу хонада итдек хор-зорликда, очлик ва ташналиқ азобида қийналиб ўлиб кетасан. Жасадинг курт-қумурсқаларга ем бўлади!

– Қабрда ҳамма teng!..

Вақт алламаҳал бўлиб қолганди. Ўз навбатида Кўлдошалининг кўзларидан ҳам уйқу қочганди. Унинг хира тортган хотирасида қаршисида ўтирган кимсанинг кимлигини билишга бўлган қизиқиши тинчлик бермасди. Эргашнинг шотирларини кўз ўнгига келтирди. Уларни кўрмаган бўлса-да, номларини эшитганди. Бўрон томонидан жўнатилган маълумотларда кўпгина жангариларнинг ҳаракатлари, феъл-атворлари, қиликлари,

рухий холатлари, одамлар билан муносабатда бўлиш усуллари баён этилганди. Ўша юртфурушларнинг орасида дикқатини кўпроқ Faфур тортди. Кўлдошли у билан учрашмаган, аммо у ҳақда етарли маълумотларга эга бўлиб, расмларини кўздан кечирганди. Махсус хизмат вакилининг хаёли айнан унда тўхтади. Гаплари, ҳаракатлари, ажнабийларга хизмат қилиши ўша сотқинни ёдга солди.

Нихоят «Бу – Faфур» деган тўхтамга келди. Унинг Москвадалигидан хабардор эди. Қандай қилиб бу ерга қайтиб келган бўлиши мумкин? Рўпарасидаги йигит айнан хаёлига келган Faфур эканлигига икрор бўлди.

Тун яrim бўлганди. Кўшни хонадаги тутқунлар қурқур йўтала бошлаганди. Кимнингдир оғриқдан инграши, йиғлаши, каламушлардан озор чекаётганларнинг қичкириги авжига чиққанди. Ташқарида итлар ув солярди. Кўлдошли бошини кўтарди ва ҳамон тош устидага мункайиб ўтирган ҳамхонасига юзланди:

- Нега ухламаяпсан? – сўради Faфурга қараб.
- Уйқум келмаяпти...
- Уйқунг келмаяптими ёки ўлдириб қўяди деб қўрқаяпсанми?

«Голиб» шеригига хўмрайиб қаради.

– Табиат менга одам ўлдиришдек қабиҳ ишдан жирканиш хислатини ато этган. Ёмон фикрни хаёлингга келтирма. Бемалол обғингни узатиб ётавер!

«Голиб» Кўлдошалининг сўзидан хотиржам тортиб узанди.

Тонг ёришди. Кўлдошли уйғонди. Кўзларини туйнукка қадади.

– Қара, – деди сим тўрдан тушиб турган қўёш нурларига боқиб. – Офтоб нурлари билан зулмат пардасини парчалаб ташламоқда. Хонани оз бўлса-да илитмоқда. Шу нурга тикилиб, бир нарса ёдимга тушди.

– Каллангга қандай бўлмафур фикрлар келди?

– Күёш нурлари билан зулмат пардасини парчалаб ташлагани мисоли тинчлик, барқарорлик ва озодлик учун олиб борилган кураш жамият ва инсониятга таҳдид солаётган ёвузыларни, уруш оловини ёқмоқчи бўлган кимсаларнинг фаразли мақсадларини парчалаб ташлайди. Инсон фарзандининг ягона тилаги, мақсади, орзузи, умиду армони тинчлик эмасми? Одамзод яралибдики, эзгулик мақсадида бунёдкорлик ишларини амалга ошираверади, тинчлик учун курашаверади. Керак бўлса, шу йўлда жонини фидо қиласди. Сени бу хонага киритган одамлар буни яхши билишади. Улар «Кимdir бизнинг ишларимиз ҳақида хукуматни хабардор қилмоқда, кўплаб одамларимиз қамоққа олинмоқда, тузган режаларимиз амалга ошмай шарманда бўлмоқдамиз» деб ташвишланишмоқда. Шунинг учун сени яхшигина тайёрлаб олдимга киритишган. Сен ўзингнинг ҳаракатларинг ва гапларинг билан юзингдаги никобни дастлабки сухбатимиз чоғидаёқ йиртиб ташлагандинг. Бу кеча мен сенинг кимлигингни билдим.

– Хўш, мен ким эканман, кимга ўхшатдинг? – овози титраб сўради «Голиб».

– СенFaфурсан!

Fафур тахтадек қотиб қолди, аммо таслим бўлишни истамади.

– Адашдинг! Мен «Голиб»ман! – деб тонди.

– Исмингни ўзгартирибсан, ҳатто башарангни ҳам одам танимайди. Аммо бошингнинг орқа томонини ушлаб кўр. У ерда операциядан қолган чандик бор! – Бу ҳақда Бўрон юборган маълумотлардан хабардор эди.

– Гапим ёлғон бўлса, бошингни ушлаб кўр. Жароҳат қаерда ва қачон олингандигини, ҳаётингни ким сақлаб қолганини айтиб беришим мумкин!

Fафур қаттиқ изза бўлди. Ер ёрилса кириб кетишга тайёр эди. Бироқ ўзини қўлга олди. «Кимлигимни билса билар, кимга ҳам айта оларди. Бу ердан тирик ҳол-

да қочиб кета олмайди-ку» деб ўйлади. Энг ёмони шунда эдики, Қўлдошли билан энди иш тўғрисида гаплаша олмасди. Ўрталарида девор хосил бўлганди.Faфур ўйинни бой берганини тушунди. У эшик олдига борди. Овозининг борича назоратчини чакирди. Бир оз ўтиб у келди.

– Мени бу ердан тезда олиб чиқиб кетинг! – деди тешикчадан унинг қораси қўриниши биланоқ. Нозир эшикни очди...

ЧЕЧЕНИСТОН

Расул иккимиз йўлга чиқдик. Тоғлар орасидаги сўқмоқ бизни шаҳар маркази томон олиб бораради. Бу ерлар сокин ва табиати гўзал эди. Атрофга боқиб кўз яйради. Шаҳарга яқинлашганимиз сайин бошқа манзараларга дуч кела бошладик. Уруш қолдирган изларни кўриш ваҳимали эди. Деворларга санчилиб қолган ўқлар, бузилиб вайронага айланган иморатлар, танасидан узилиб тушган ва ёниб қорайиб кетган дараҳтлар менга иккинчи Афғонистонни эслатди. Назаримда бу ерда давом этаётган уруш мен келган юртдагидан қолишмасди. Отилган ўқлар мамлакат аҳолисига нисбатан кўпроқ эди.

Йўлда бизни ҳеч ким тўсмади. Гоҳи-гоҳида юк машиналарида, БТРларда қуролланган аскарлар ўтиб туради. Уларни қаёққа ва нима учун кетишаётганини билиб бўлмасди. Кўчаларда одамлар сийрак, уларнинг аксарияти чол-кампирлар ва болалар эди.

Биз чошгоҳда пойтахтга кириб келдик. Кўп қаватли биноларнинг айримлари иккига бўлинниб, баъзиларининг тепа қисми қулаб тушган, ҳатто қийшайиб қолганлари ҳам кўп эди. Кўчаларда рус аскарларини учратиш мумкин эди. Чоллар ва болаларни қаёққа ва нима учун кетишаётганини сўрашарди. Бизни ҳам тўхтатишди. Мен Латифнинг топширифига биноан ўзимни соқов қиёфасида кўрсатдим. Ўрнимга Расул жавоб қайтарарди.

– Биз шаҳарга бобомнинг ҳолидан хабар олгани кетяпмиз, – деди Расул рус тилида. – Бу менинг акам, у соқов, гапиролмайди.

Боланинг рус тилида тутилмасдан равон сўзлаши аскарларда шубҳа уйғотмади. Улар бизни узоқ ушлаб туришмади. Ёнларимизни тинтиб, қўйиб юборишидди.

Рамазон бобонинг уйи олдига етиб келдик. Расул эшикни тақиллатди. Бир муддат ўтиб эшик очилди ва остоноада етмиш беш ёшлардаги қария кўринди. У ўзининг тилида шеригимга нималардир деди. Расул унинг сўзларига жавоб қайтарди. Чол менга қараб қўйди, кейин ичкарига бошлади.

– Сени кутаётган одамлар ҳозир Москвага жўнашга тайёргарлик кўришмоқда. Унгача менинг уйимда турасан, – деди чол ичкарига кирганимиздан кейин. – Қуроллар қачон келади?

– Афсуски қурол олиб келаётган одамларимиз форга киришганда ҳарбийлар вертолётда форнинг икки томонини портлатиб ташлашиди.

Рамазон столни муштлади.

– Чатоқ бўлибди! Бу хабар Зелимхоннинг қулоғига етиб борса, ақлдан озиб қолиши мумкин. Дала қўмондонлари қуролларга кўз тикиб туришганди. Ягона умидлари ҳам пучга чикибди...

Қария столга дастурхон ёзди. Чой-нон келтирди. Расул иккимиз тинимсиз йўл юриб чарчагандик. Бунинг устига эрталабдан бери туз тотмаганмиз. Енгилгина овқатландик. Кўзларимиз сузилиб турганини чол сезди.

– Ҳозир жой солиб бераман, ётиб дам олинглар!

У қўшни хонага жой қилиб берди. Ётоқхонага кирдик. Бошимиз болишга тегиши биланоқ кўзларимиз юмилди. Ярим тунда уйғониб кетдим. Шундоқ уйнинг олдида отилаётган ўқлардан еру кўк титрарди. Одамларнинг бақиргани эшитиларди. Уйнинг деразаларига

бир неча ўқлар келиб тегди. Ойналар синиб тушди. Биз бағримизни ерга беріб, қимирламай ётардик. Отишма узок давом этди. Күчадан ўтәётган танк, БТР ва машиналарнинг овози қулоққа чалиниб турарди.

Мен бундай даҳшатли отишмани Афғонистонда хам кўрмаганман. Эрталаб турганимда борлик жимжит, тунда ҳеч нарса бўлмагандек эди. Дераза ёнига келиб, ташқарига мўраладим. Кўчадаги манзарани кўриб юрагим орқага тортиб кетди. Конига беланган ўнлаб мурдалар йўлда, ариқ ичида чўзилиб ётарди. Ўқлар деворларни илма-тешик қилиб ташлаганди. Атрофда тирик жон кўринмасди. Фақат дайди итлар бурни билан ер исказб юрарди...

Бир оз ўтиб кўчаларда одамлар кўрина бошлади. Барчалари бошига оқ рўмол боғлаб олганди. Афтидан, улар бетараф бўлишса керак. Конга беланиб ётган жасадларни йиғишириб, машиналарга юклашарди.

Уй эгаси кўринмасди. Расул ухлаб ётарди. Қандайдир куч мени ташқарига тортарди. Рамазон оға қаерда қолди? Менинг етиб келганимни маълум қилиш мақсадида танишларининг ҳузурига кетдими? Омон бўлса қайтиб келар...

Остона ёнида учта жасад тўнтарилиб ётарди. Улар ўрта ўшдаги йигитлар эди. Кийимларидан шу ерлик бўлишса керак деб ўйладим. Нарироқда тағин бир жасад чуқурча ичида қўллари билан ерни чанглаб қотиб қолганди. Кийимларидан ҳарбийлигини билса бўларди.

Титраган юрагимнинг тўлқинини босолмай, мурдалар орасидан ўзим билмаган томонга юриб борардим. Қулоғимга кимнингдир инграгани чалинди. Овоз ён томонимдан келарди, қайрилиб қарадим. Икки қадам нарида ётган мурданинг қўли билинар билинмас қимирларди. Кўп қон йўқотиб ҳолдан тойган бўлса керак. Ундан диққатимни ололмай қолдим. Байроқча кўтаргандар жасадларни машинага юклаб, мен томонга

келишарди. Оралиқ әллик қадамча қолганди. Кийимлари қонга беланган бояги ярадор бошини хиёл күттарди. Шунда унинг тириклигини билдим. Ўқ чап оёғига теккан бўлса керак, орқага қайрилганди. Шимининг йиртилган жойидан қон оқар ва асфальтга ёйилар, ундан кейин ариқдаги сувга келиб қўшиларди. Соқол қоплаган юзидан чеченми, русми – билиб бўлмасди.

Ярадорни ташлаб кетишга қўнглим бўлмади. Ана вилар уни ўликлар сафиға қўшиб, машинага улоқтиришлари ҳамда қайсиdir чуқурга ташлаб, тириклай кўмиб юборишларини ўйлаб қолдим. Ярадор бошини қийшайтириб, нурсиз кўзларини менга тикканча турарди. Унинг кўзларидан ёрдам сўраётганини билдим. Олдига бордим. Шунда у ингради ва заиф овози билан ўзининг тириклигини билдиримоқчи бўлди. Музлаб қолган қўлидан ушладим. Ярадор кўзларини юмиб-очди. Уни мурдалар ичидан олиб чиқиб кетиш йўлини ўйладим. Уйга олиб кирсан Рамазон бободан бошим балога қолади. Ўлик юклаётганлар кўриб қолишиша шубҳалинишлари тайин. Нима қилиш керак? Кўзим йўлнинг нариги томонидаги деворларини ўқлар тешиб ташлаган кўп қаватли бинода тўхтади. Бомбами, снарядми тушиб ёнбошлаб қолганди. Эшикнинг ярмини шағал аралаш тупроқ босган, деразалари ёниб кетганди. Уйнинг ичida ҳам ёнғин рўй берган бўлса керак, қорайиб кетганди. Ер остига олиб тушадиган йўлакнинг ярмини тупроқ кўмиб ташлаганди. Ярадорни ертўлага олиб тушиб яшириш фикри хаёлимга келди. У эса ҳамон инграр, менга нимадир демоқчи бўларди. Машина моторининг гуриллагани унинг товушини ютиб юборди. Ярадорнинг қўлидан тутиб, бино томон судрадим.

Туйнук бизни ертўла ичига олиб тушди. Ичкари коронфи эди. Уйфонаётган қуёшнинг тафтсиз нурлари ичкарига тушиб турар ва бўйрадек жойни ёритарди. Ҳавода сассиқ хид айланарди. Бу жойга анчадан буён

одамзод тушмаган деб бўлмасди. Кирганлар ахлатларини қолдирганди. Ярадорни одамнинг назари тушмайдиган бурчакка – чикиндиларнинг ортига ётқиздим. Унинг тирик қолишига умид йўқ эди. Вужуди музлаб бораарди. Ўлим билан хаёт оралиғидаги лаҳзаларни бошидан кечираарди. Шундай бўлса-да, ташлаб кетишига кўнглим бўлмади. Ёрдам бериш керак. Виждонимнинг буйруғи шундай бўлди.

Ташқаридагиларнинг овози эшлилиб турарди. Улар мен турган бинога яқинлашиб қолишганди. Ўзларининг тилларида бир-бирлари билан нима тўғрисидадир баҳслashiшарди. Беш дақиқалардан кейин улар ўтиб кетишиди. Ярадорнинг ёнига тиз чўқдим. Шимини йиртиб, қайрилган оёғини тўғриладим. Ўқ болдирини тешиб ўтганди. Гўшт парчалари осилиб қолганди. Кўроғошин томиргага зарар етказмай чиқиб кетган, аммо ўзидан инфекция қолдирганди. Ярани сийдик билан ювиб боғладим. Кон оқиши тўхтади. Энди дори-дармон ичириш керак.

– Чидаб тур, дори олиб келаман! – ўзим сезмаган хамда қаердалигимни унутган ҳолда рус тилида сўзлаб юборганимни кейин билдим. Ярадор баттар сергакланди. Катта-катта очилган кўзлари билан менга тикилди. Унинг нигоҳларида мен тушуммаган маъно бор эди.

Ташқарига чиққанимда жасадларни ортган машина кўринмасди. Асфальт устидаги қонлар қуёш нурида жимиirlарди.

Рамазон оға ҳали ҳам уйга қайтмаган экан. Расул эса уйғонмаганди. Унга тикилиб ўғлимни эсладим. «Ҳозир у ҳам ухлаётгандир? Яраси битиб кетдимикин? Тушларига тоғорада олов тутган кимсалар кириб, тунлари чўчиб, алаҳсираб чиқмаяптимикин?» Ўғлимни соғиниб, юрагим фалати бўлиб кетди. Кўзларимдан оқиб тушган иссиқ ёшлар юзимга томчиларди. Тиз чўкиб, қўлларим билан Расулнинг пешонасини силаётганимни кейин бил-

дим. Ўн ёшга тўлган бу бола ҳаётини хавф-хатарга қўйиб нега мени уруш бўлаётган, инсонлар қони тўкилаётган жангтохга бошлаб келди? Онасининг яккаю ёлғиз фарзанди. Аёлнинг боласини қузатиш олдидағи ҳолати кўз ўнгимда умрим бўйи жонланиб турса ажаб эмас.

Кўзларимда аччиқ ёш айланди.

Рамазон оға соат ўнларда келди. Расул уйғонди. Бирга овқатландик. Кўчаларда ҳаёт жонланиб қолганди. Одамлар, машиналар ўтиб туради. Хаёлим ярадорда эди. Ўлиб қолмадимикин дея ташвишланардим. Тушдан кейин Рамазон оға кийиниб, уйдан чиқиб кетди.

— Качон қайтишимни билмайман, сизлар ташқарига чиқманглар! — деб тайнинлади чол кетиш олдидан.

— Мен уйга жўнашим керак? — деди Расул. — Онам тезда қайтгин деганлар!

— Сабр қил, хозир шаҳар нотинч. Тунда руслар шаҳарни босиб олишди. Ўзингни қўйиб юборолмайман. Эртага бир амаллаб йўлга солиб қўяман!

Рамазон оға боланинг пешонасини силади ва ташқарига чиқиб кетди.

Дераза олдига келдим. Қийшайиб, фиштлари бўлак-бўлак бўлиб кетган бино қўзимга бошқача кўринди. Ертўладаги ярадор йўлимга илҳақ бўлиб кўз тикиб тургандек туловаверди. Чолнинг ётоқхонасидан инфекцияга қарши дори топдим. Бир бурда нон ва баклашкадаги сувни қўйнимга яшириб ташқарига чиқдим. Расул қаёққа кетаётганимни сўради. «Тезда келаман» дедим унга. Кўчада одамлар боягидан сийраклашиб қолганди. Яширинча бир-бирларига хавотирли қараб қўйишарди. Ертўлага олиб тушадиган туйнук олдига келдим. Қуёш бинонинг орқа томонига ўтиб кетгани сабабли ичкари қоронги эди. Бирор кўрмаганига ишонч ҳосил қилгач пастга тушдим. Ярадор кўринмасди. «Қочиб кетибди-да» деб ўйладим. Унинг ўлмай қолганидан хурсанд бўлдим. Энди бу ерда қиласиган ишим қолмаганини,

тезда чиқиб кетишим зарурлигини тушундим. Туйнукка яқинлашганимда ўша таниш овоз қулоғимга чалиниб қолди. Күзларим билан ертўланинг қоронғи бурчакларини текшириб чиқдим. Тирик жон кўринмади. Орқамга қайтиб, овоз келган томонга юрдим. Бурчакда ахлатлар йиғиндиси ортида мен олиб тушган ярадор фужанак бўлиб ётарди. Иситимадан алаҳсиради. Вужуди япроқдек титрарди.

– Вода...ааа... – ярадорнинг кимлигини қулоғимга чалинган сўzlари фош қилди. «Шу ерлик руслардан бўлса керак» деб тахминладим. Мен учун унинг миллати эмас, инсонлиги мухим эди... Ярага тушган инфекциялар қучини кўрсата бошлаганди. Ёнимдан дорини олиб, икки донасини ичирдим. Шу пайт ичкари ёришиб кетди. Орқа томонда мен бехабар бўлган эшик бор экан. Қуёш нурлари ертўладаги қоронгиликни ютиб юборди. Остонада елкасига қурол илган одамларнинг шарпаси кўринди. Улар ўзларининг тилларида нималарнидир сўзлашишарди. Биттаси пастга тушди. Фонарни ёқди. Нурлар зулматни қувди. Шеригимнинг руслиги, менинг бегона одамлигимни билса, улар шу ернинг ўзида ёқ иккимизни отиб ташлашади. Омон қолиш илинжида ўзимни ерга ташлаб, ярадорнинг ёнига калтакесакдай қапишиб ётиб олдим. Қуролли кимса фонар билан ертўланинг бурчакларини ёритарди. Аксига олгандек bemor ҳамон ўз тилида «вода» дея алаҳсиради. Кафтимни оғзига босдим. У бўғилиб типирчилади. Ёруғлик худди олмос сингари тепамизни ёритиб ўтди ва биз яна зулмат пардасига ўралдик. Пастга тушган кимса шерикларига нималардир деди. Кейин ташқарига одимлади. Яратганинг ўзи бизни уларнинг кўзидан асраганди. Гурсиллаб ураётган юрагим жойига тушди.

– Во...да...а, – кафтимни оғзидан олишим биланоқ ярадор шу сўзни тилга олди.

Унинг қуруқшаб қолган лабларига сув тутдим. Оғзи-дан иссиқ ҳовур чиқарди. У икки қултум сув ичди-да, кўзларини очди. Қоронғида қорачиқлари чўғдек ялти-рарди. Руснинг ярасига малҳам суртиб боғладим. У бир оз ўзига келди. Чечен тилида нимадир деди. Сўзини ту-шунмаган бўлсам-да, раҳмат ўрнида қабул қилдим.

— Мана сенга нон-сув ва дори-дармон. Мен энди ол-дингга қайтиб келмайман!

Ярадор рус тилида гапирганимдан ажабланди.

— Нега менга рус тилида гапиряпсан? — сўради ташвишланиб.

— Исимада ўзингнинг тилингда алаҳсирадинг. Шун-дан руслигингни билдим, — дедим ва ўрнимдан турдим. Шу лаҳза ташқарида автомат сайради. Кимдир мени нишонга олиб ўқ узгандек ерга ётиб олдим.

— Кетма... — ингради рус.

— Нима дейсан?

— Сен кимсан?

Менинг соф рус тилида сўзлашим унинг ҳайратини оширганини тушундим.

— Кўриб турганингдек икки оёқли инсонман!

— Жиддий сўраяпман.

— Афонман.

— Толибонларданмисан?

— Шундай.

— Нега бу ерга келдинг?

— Мажбурлашди.

— Исминг нима?

Номимни яшириш хаёлимга келмаганди.

— Бўрон.

— Танишганимдан хурсандман. Рус тилида равон га-пиаркансан. Тилни қаерда ўргангансан?

Танишм мени гапга солишидан бирор мақсадни кўз-лаётганини пайқадим..

– Ўзим ўрганганман! Сен кимсан, исминг нима? –
гапни бошқа мавзуга бурмоқчи бўлдим.

– Чеченман! Исмим Нодир...

– Ишонди деб ўйлайсанг хато қиласан... Иситма ху-
ружида ётганингда руслигингни билгандим.

У жим қолди. Ўзини фош қилиб қўйганини тушун-
ди. Бироқ ниятим ёмон эмаслигини тушуниб, ялинув-
чан нигоҳ ташлаб деди:

– Ким бўлсанг ҳам раҳмат сенга! Ёрдам бермага-
нингда ўлиб кетардим. Мен ҳақиқатан русман. Исмим
Михайл, фамилиям Кутузов. Сен тўғрисини айт, аф-
тингдан аффонга ўхшамайсан. Уруш кўрган одамлар-
нинг бирортаси сенингдек раҳмдил ва меҳрибон бўл-
майди. Назаримда ўзбек ёки туркмансан!

Михайлнинг сўзларига жавоб қайтармадим. Ташқа-
рига қараб юрдим. Туйнуқдан бошимни чиқаришим бил-
ланоқ Рамазон оғанинг уйидан чиқиб келаётган тўртта
қуролли одамга кўзим тушди. Улар йўлнинг четидан,
мен яширинган бинонинг ёнидаги йўлакдан келишар-
ди. «Рамазон оғанинг шериклари бўлса керак» деб ўй-
ладим. Уларнинг гаплари қулоқларимга чалина бошла-
ди. Мен чеченлар деб ўйлаган одамлар ҳабашлар бўлиб
чиқди. Улар ўзларининг тилларида нималардир дейи-
шарди. Гапларини тушунмаган бўлсамда оҳанглари-
дан, бир оз асабийлашганларидан ичкарида қандайдир
нохуш воқеа содир бўлганини тушундим. Ҳабашлар
шошилинч ёнимдан ўтиб кетишди. Улардан бирининг
этигига қон доғлари кўринди. Ташқарига чиқдим ва Ра-
мазон оғанинг уйи томон чопдим.

Ичкарига киришим биланоқ кўзларим оёғим остида-
ги эски гиламга сараган қонга тушди. Бу изларни ич-
каридан чиқсан одам ўзининг оёқ кийимларидан муҳр
ургандек гиламга босганди.

Юрагим қинидан чиқаёзди. Бирор бўғаётгандек на-
фасим қисди. Эшикни очсан кўзим даҳшатли манзарага

тушишини сезардим. Қўрқув ва ҳаяжон билан эшикни очдим.

Ерда чалқанча ётган Рамазон оғани кўрдим. Унинг пешонасига ханжар санчилганди. Кўзлари очиқ қолган, жағи очилиб, сарғайған тишлари билан лабини тишлаганча қотганди. Ханжар санчилган жойдан сизиб чиқа-ётган қон ерга чакиллаб томарди. Чолнинг кўйлаклари йиртилиб кетганди. Афтидан, ўлими олдидан бояги одамлар билан олишганини атрофда синиб ётган чинни идишлардан, оёқ остидаги гиламнинг фижимланиб кетганидан билиш қийин эмасди. Расул қани? Боланинг номини тилга олишим биланоқ баттар қўрқиб кетдим. Онасининг ўғлини қузатиш олдидан бағрига босиб, кўз ёш тўкиб айтган сўзлари қулогум остида жаранглади. Наҳотки... Ўзимни бола ётган хонага урдим.

– Расул!! – овозимни биландлатиб қичқирдим. Жавоб бўлмади. Уй ичи одамни ютадигандек совуқ сукунат ичида эди.

– Расул!!

Кўшни хонага ўтдим. Ичкарига кирдим-у додлаб юборишдан ўзимни тиёлмадим. Кўксига ханжар санчилган бола ерда чўзилиб ётарди. Онаси йўлга чиқишидан олдин сандифидан янги кўйлак олиб кийдирганди. Ўша кўйлак қип-қизил қонга бўялганди. Ўзимни унинг устига ташлаб, ўқириб-ўқириб йифлаб юбордим...

КОБУЛ

Нозирнинг телефон орқали чақирирганидан кейин Жон Дэвид икки соат ўтиб қамоқхонага етиб келди. «Faфур барча гаплардан воқиф бўлган» деб ўйларди. Бироқ уни нозирнинг хонасида қош-қовоқларидан қор ёғилиб ўтирганини кўриб, умидлари чиннидай синди. «Наҳотки гапиритира олмаган бўлса?» деган совуқ фикр дилидан ўтди. Шундай бўлса-да, сўради:

- Хўш, юртдошинг билан гаплашдингми? Одамларининг кимлигини айтдими?
 - Ўликни гапиртиrsa бўлади, аммо уни гапиртириш азоб.
 - Демак, ҳеч нимани айтмабди-да?
 - Кўлимдан келганича харакат қилдим, афсуски иложини тополмадим.
 - Чекни кўрсатдингми?
- Faфур ҳамёнидан фижимланиб кетган қоғозни олди.
- Одам пулни топиши мумкин экан, аммо киндик қони томган юртни топиб бўлмасмиш!
 - Афсус, умидим сендан эди, топшириқни уddaрай олмабсан-да!
 - Энди нима қилишим керак?
 - Сен гапиртолмаган бўлсанг гапиртирадиган одам топамиз. Турмага тушган одам қандай қилиб бўлмасин бизнинг йўлимизга юришга мажбур ёки ўша ерда ўлиб кетади.
 - Демак, энди мен бўшман, хотинимнинг олдига кетишим мумкинми?
 - Сени Башир сўраяпти.
 - У менга ўлим фатвосини ўқиган!
 - Биз сенинг айбисиз эканлигингни тушунтирдик. Вольфович томонидан берилган пулларга хиёнат қилмаганингни айтдик.
 - Ишондими?
 - Эргаш раҳнамо томонидан одамларини кийинтириш, қуроллантириш ва озиқ-овқат учун ажратган уч миллион долларни Швейцария банкига қўйган экан.
 - Даилил талаб қилмадими?
 - Кўлимизда банкнинг хужжатлари бор эди. Кўргандан кейин попуги пасайди. Қолверса, сен ўғирлаб кетган деган юз эллик килограмм героиннинг қаерга яширилганлигини ҳам айтдик.

- Ишонган бўлса ҳозиргача тўдабошини тинчтарди.
 - Тўғри, ўша куниёқ отиб ташларди, афсуски ўрнига муносиб одам тополмаяпти.
 - Мирзаахмад-чи?
 - Эргашнинг одамлари борган куниёқ терисини шилиб олади.
 - Мен Баширнинг олдига қачон боришим керак?
 - Ҳозир жўнаймиз.
- Эшик олдида турган турма нозири Жон Дэвиднинг ишораси билан унинг олдига келди. У ҳамёнидан юз доллар олиб нозирнинг қўлига тутқазди.
- Қозини чақиринг, уни сўнгги бор сўроқ қилсин, шунда ҳам айтмаса, тўртинчи хонага ташланг. Энди у бизга керак эмас.
 - Тушундим!
- Жон ДэвидFaфурни ташқарига олиб чиқди ва машинасига ўтқазиб, Кобулга йўл олди.
- Тўртинчи қандай хона? – сўради Faфур машина жойидан жилгач.
- Унинг юзидағи белгилар бу шунчаки қизиқиш эканлигини билдириб турарди.
- Сен қамоқхона ортида итлар борлигини билдингми?
 - Туни билан ҳуриб ухлатишмади. Назаримда, улар оч эди...
 - Жониворлар ўзлари ёқтирган гўштни ейишмаса безовта бўлишаверади.
 - Итлар ҳам гўшт танлаб ейишадими? – ҳайрон бўлди Faфур.
 - Ўрганиб қолишган.
 - Ниманинг гўштини ейишади?
- Жон Дэвид мийифида қулиб қўйди.
- Хеч нарсани сезмадингми?
 - Йўқ.

– Қирқ саккиз соат турмада ётиб ҳеч нарсани сезмаган бўлсанг, сендан яхши айғоқчи чиқмайди.

– Тушунтириброқ гапиринг?

– Турмада кунига икки-учта одам ўлади. Эътибор берган бўлсанг, атрофида қабр йўқ. Нозирлар мурдаларни бўлакларга ажратиб, итларнинг олдига ташлайди... Жониворлар одам гўштига ўрганиб қолган.

– Нақадар даҳшат! – Faфурнинг бадани жунжикиб кетгандек бўлди.

– Урушнинг қонун қоидаларидан бири шу!

Faфурнинг вужудида енгил титроқ турди ва шаҳарга етгунча бошқа гапирмай тўрtingчи хонага ташланадиган Кўлдошлининг тақдирини ўйлаб борди.

Башир қовоқ-тумшуғи осилган холда уни кутиб олиб, худди боласини койиган отадек пўписа қилди.

– Нега менга учрамасдан қочиб кетдинг?

– Эргаш мени ўлимга маҳкум этганини эшитиб қолгандим...

– Кимдан?

– Вольфовичдан.

– У Англияда ўлиб кетди. Россия эшиклари сен учун яна очилди. Дўстларингни топ. Улар билан алоқани мустаҳкамла!

– Вольфовичнинг олдида мен ҳақ эдим.

– Ҳақлигингни билган экансан, менинг олдимга келсанг бўларди-да. Дўстларимиз русларнинг қўлидан қутқариб қолишмаганида, юрtingдагилар аллақачон ўлдириб юборишарди.

– Бу менинг хатойим, тақсир.

– Хатони такрорлашдан эҳтиёт бўл!

– Ишончингизни оқлайман.

– Сени Эргашнинг ўрнига қўймоқчиман.

– Мени лагердагилар қабул қилишмайди. Эргаш ҳаммага ёмонотлиқ қилиб бўлган.

– Уларнинг миясини ўзинг тозалайсан.

- Қўлимдан келмайди...
- Маслаҳатимга қулоқ сол. Бугуноқ лагерга жўнайсан. Ишончли одамларинг билан алоқага чиқасан. Улар атрофига содик йигитларни жамласин. Эргаш уларга тўланиши лозим бўлган пулларни хориждаги банкка қўяётганини айтсин. Шундай қилсанг, одамларнинг тўдабошибига бўлган ишончи йўқолади. Юракларида адоват уйғонади. Лагерда исён кўтарилади ва ўзлари Эргашни ўлдиришади. Ўйлайманки, одамларинг мен ўйлаган режани қойиллатиб бажаришади.
- Бунинг учун анча вақт керак.
- Узоги билан беш-олти кунда ҳал бўлади.
- Ундан кўра отиб ташлаганимиз маъқул.
- Бўлмайди. Уни отадиган бўлсак тарафдорлари сендан шубҳаланишади. – Алангани ўзидан чиқариш керак!

– Бу масалани ўзим ҳал қиласман. Эргаш ўлдирилган куни менинг одамларим лагердагиларнинг кайфиятини кўтариш мақсадида иккита машинада озиқ-овқат ва кийим-бош, ичимлик олиб боришади. Бир йилдан бери тўланмай келаётган ҳақларини тўлаймиз. Фурсатдан фойдаланиб, Эргашнинг хориждаги банкларга қўйилган маблағларини уларга маълум қиласмиш ва бу сизларнинг ҳақларинг эди деб айтамиш. Шу куни одамларим сени Эргашнинг ўрнига тайинлашади.

– Тушундим! Лагерда одамлар оз қолган, – деди Фафур унинг эътиборини қозониш мақсадида. – Борлари ҳам бизга иш бермайди...

– Одам сонини қўпайтиришнинг кераги йўқ. Уларни боқиши ва кийинтиришга сарф қилинадиган маблағ улар келтирадиган фойдадан қимматга тушмоқда, – деди Башир. – Ҳозир ғоялар, мафкурлар урушади. Кимнинг ғояси кучли бўлса, ўша сиёsat майдонида ғолиб бўлади. Биз ўзимизнинг мафкураларимиз ва ғояларимиз билан манаман деган қудратли мамлакатларни тиз чўк-

тиришимиз керак. Бироқ бу осон эмас. Фоялар билан мафкурлар жангидა ҳам қон тўкилади, қурбонлар ке-рагидан ортиқ бўлади. Зулм билан киритилган фоялар инсониятнинг онгига узоқ йиллар сақланиб қолади ва ҳаёт уларни кўркув, таҳлика остида яшашга мажбур қиласди. Иккинчи фояни қабул қилишдан доимо чўчиб яшайди. Буни Шўро давлатининг тимсолида кўриш мумкин... Лекин пул бўлса ҳар қандай фояни товар со-тиб олгандай сотиб олиш мумкин. Сенга яна бир гапни эслатиб қўйишим керак. Кенгаш барбод бўлди. Унинг аъзолари турли сабабларга кўра ўлди. Биз энди кен-гашни шу ернинг ўзида тузамиз. Сенинг одамларингни боқиши ва кийинтириш учун аввало маблағ зарур. Пул-ни ўзинг топасан. Сенга сармоя топиш мумкин бўлган эшикларни очиб берамиз. Менинг ҳисоб-китобларимга кўра ҳозир Эргашнинг қўлида беш юз килограммга яқин тоза героин бор. Уларнинг талон-тарож бўлишига йўл қўймаслигимиз ва чегарадан ўтказиб пуллашимиз керак.

- Бу ишни уддалайдиган одамларни топаман.
- Улар Россиядан ва бошқа мамлакатлардан ўзлари учун пулдор харидорларни излашсин.
- Сиз айтган одам Қозогистонда яшайди.
- Ишонаман, лекин сен бажарадиган яна муҳим топ-шириқ бор.
- Ишончингизни оқлашга ҳаракат қиласман.
- Ўзинг биласан, сенинг ҳукуматинг бизнинг кўплаб одамларимизни қамади. «Дори»ларимизни талон-та-рож қилди. Аммо «Ал-қасосу минал-ҳақ» дейишади. Биз аламимизни ичимиизга ютиб яшай олмаймиз. Улар-дан қасос олишимиз керак. Бунинг учун Ўзбекистон-нинг камчиликларини, нуқсонларини топиб дунёга жар солмоғимиз керак.
- Арзирли баҳона топилармикин?

- Топилади.
- Бу топшириқни мен бажаришим шартми?
- Ишни ўзимиз уddyлаймиз, аммо айрим масалаларда ёрдаминг керак бўлади.
- Сўранг! – Faфурнинг қизиқиши ортди.
Башир мақсадини айтишга шошилмади, гапни узоқдан бошлади.
- Биздаги маълумотларга қараганда, бугунги кунда кўплаб ўзбек ёшлари европадаги бир қатор мамлакатларга ўқиши ва ишлашга боришлоқда. Айримлари эса тижорат ишлари билан шуғулланишайти. Савдогарлар орасида содда ва ишонувчалари кўп. Мақсадимизни амалга оширишда ана ўшалардан фойдаланиб қолишимиз керак..
- Қандай мақсад йўлида? – ҳеч нарсага тушунмаган Faфурни қаршисида турган Баширнинг сирли сухбати тобора қизиқтириб борарди.
- Уларнинг ёрдами билан биз Ўзбекистоннинг халқаро майдондаги обрўсига жудда катта путур еткашишимиз мумкин.
- Сиз айтган савдогарлар бу ишда бизга ёрдам беради деб ўйлайсизми?
- Албатта!
- Савдогар халқи ҳалол ва имон-эътиқодли бўлади, лекин улар панд бериб қўйиши ҳам мумкин, – деди Faфур гарчи Баширнинг мақсадини тушуниб етмаган бўлса-да.
- Ҳаммаси ҳам эмас, улар ичидан ўзимиз излаган одамни топшимизга ишонаман. Биз уларни аввал Покистонга, кейин эса Афғонистонга олиб ўтамиш. Шу ерда бизга хизмат қилишади...
- Икки-учта йигитнинг қўлидан нима келарди? – Faфур ҳамон Баширнинг мақсадини англамади.
Башир тушуниришга уринди.

– Гап шундаки, мана шу икки-учта йигит сиёсат майдонида бизга қўл келади. Уларнинг ёрдами билан биз ўзимиз ўйлаб юрган мақсадларимизга етамиз.

Фафур савол бермоқчи эди, Баширнинг қўл телефони жириングлаб сухбатнинг белига тепди.

– Ярим соатда етиб бораман, – деди у қўнфироқ қилган одамга, кейин Fafurga юзланди.

– Гапларимни уқдингми?

– Тушундим, тақсир, – хозиржавоблик билан деди Fafur гарчи хеч нарсага тушуммаган бўлса хам.

– Унда оқ йўл, ҳозироқ лагерга жўна, одамларингни топиб ишга сол! Лагерни қўлга олганингдан кейин биз яна қўришамиз ва бу масалада гаплашамиз.

САМАНГАН

Дилмурод қандай қилиб бўлмасин, лагердан четга чиқиши йўлини изларди. Топшириқ олган қунидан бошлиб тўдабошига яқинлашишга, у томонидан бериладиган топширикларни вақтида бажаришга одатланганди. Лагерда бўлиб турадиган гап-сўзларни қулоғига етказарди. Нихоят тўдабошининг ишончини қозонди. Кунларнинг бирида Эргаш хонасига чақирди:

– Ишончли одамларингдан борми?

– Топилади, амирим! Нима хизмат?

– Ҳиротга боришинг керак.

– Ҳиротга? Тинчликми?

– Мұхим топшириқ бор. Шуни бажариб келасан!

– Жоним билан!

– У ерда Холид исмли савдогар танишим бор, шахар марказига бориб одамлардан «Холиднинг дўкони қайси?» деб сўрасанг ҳамма қўрсатиб қўяди.

– Тушундим, амирим. Унга нима дейман?

– Менинг саломимни етказасан, кейин тўртта автомат олиб келганингни айтасан. Ҳар бирига ўн минг дол-

лардан беради, кам берса олмагин. Ҳозир қуролнинг баҳоси осмонга чиқиб кетган.

– Тушундим, амирим.

– Қурол олиб кетаётганингни бу ердагилар билмасин. «Эргашнинг куни қурол сотишга қолибди» деб устимдан қулишади. Шерикларингга эҳтиёт бўл.

– Хўп бўлади, амирим.

Эргаш каравотининг остидан қисмларга ажратилган тўртта автоматни олиб, исқирт латтага ўради. Кейин қопга солиб, Дилмуродга тутқазди.

– Ҳозироқ йўлга чиқ!

– Амирим, балки Мозори Шарифдами, Қундуздами пулласак бўлмайдими? Ҳирот узоқда...

– Йўл ҳақи бераман. Мозори Шарифга бориб машинага ўтириб жўнайсанлар...

– Дуо қилинг, амирим.

Эргаш ҳамёнидан икки юз доллар олиб, Дилмуродга берди:

– Худонинг ўзи ёмонларнинг кўзидан асрасин сенларни!

Дилмурод ташқарига чиқиб яқин танишларидан иккитасини ёнига олиб йўлга тушди.Faфур томонидан берилган топшириқни бажариш фурсати келганидан мамнун эди. Эргаш ишонадиган баҳоналар топишни ўйларди.

Эртаси куни тушдан кейин Ҳиротга келишди. Дилмурод савдогарнинг дўконини сўроқлади. Кўпчилик уни беш қўлдек танир экан, кўрсатиб кўйишиди. Ҳолид автоматларни қабул қилиб олди. Бироқ пулига келганда узок тортишди.

– Ҳар бирига беш минг доллардан тўлайман, – деб қайсарлик қилди.

Дилмурод эски савдогардай савдолашди:

– Хўжайн ўн минг доллардан кам берса олмагин деб тайинлаганлар, – деди.

– Унда қайтариб кетавер!

Дилмурод олиб келган матоҳларини латтага ўради.
Савдогар типирчилаб қолди.

– Ҳай, шунча йўл босиб келибсан, олти мингдан ола
қол!

– Бўлмайди, амак, хўжайин айтган пулни олиб бори-
шим керак!

Дилмурод эшик томон йўналди. Савдогар ўрнидан
туриб, бир неча қадам эргашиб борди. Қуроллар янги
эди. Бунинг устига иккила магазин тўла ўқ эди.

– Балки етти мингта ташлаб кетарсан!

– Мен савдогар эмасман, амак. Амир айтган пулни
олиб боришим шарт, кам берсам мени жазолайди.

Холид бошини қашлади. Ноилож «Ичкарига кир»
деди. Пулни бериб, автоматларни олиб қолди. Дилму-
род шерикларини бошлаб чойхонага кирди. Тамадди
қилишди. Кейин ўзи ёлғиз шаҳар айланди. Бу шерик-
ларини чалғитиш мақсадида қилинган ҳаракат эди.
Кечки пайт орқага қайтишди.

Тўдабоши пулни кўриб ўзида йўқ хурсанд бўлди.

– Баракалла, менинг ишончимни қозондинг! Энди
сени ҳам яқинларимнинг сафига қўшиб оламан.

– Раҳмат, амиrim.

– Хўш, Ҳиротда нима гаплар? Бирор янглик борми?

Дилмурод ўйлаб юрган режасини фош қилди.

– Амиrim, – деди ташвишли қиёфада. – Шерикла-
римни чойхонада қолдириб, бозорда юрганимда ол-
димга бир йигит келди. «Кўзимга иссиқ кўринаяпсан,
кимсан» деб сўради.

– Менинг одамим эканлигингни айтдингми? – ранги
ўчиб кетган Эргаш шошиб сўради.

– Савдогарман, бу ерга тижорат ишлари билан кел-
ганман дедим.

– У сендан нимани сўради?

– Бир неча йилдан бери Мирзааҳмад исмли лашкарбошининг хизматида юрганлигини, зерикиб қочиб кетмоқчи бўлганлигини айтди.

– Мирзааҳмад, қайси Мирзааҳмадни айтди?

– Лашкарлар бошлиғи Мирзааҳмад исмли йигитни-да.

– У ўлган, шахсан ўзим бошини арқонга илиб, оғилнинг устунига осиб кетганман! – деди тўдабоши. Бу гапни ишонч билан айтишга айтди-ю, кейин иккиланиб қолди.

– Буни билмадим, ҳар қалай лашкарбоши Мирзааҳмаднинг номини тилга олди-ку.

Эргаш ўйланиб қолди.

– У қаерда экан ҳозир? – сўради бир оздан кейин.

Дилмурод ишонтира олганидан мамнун бўлди.

– Ҳиротда яшаяпти экан, атрофида ўттиз-қирқтacha одамлари ҳам бор экан.

– Ўёён, – тўдабоши ўйланиб қолди. – Ҳиротда?

Наҳотки тирик қолган бўлса? Йўқ, бошини ўз қўлларим билан сиртмоққа илганман. Ўлмай қолиши мумкин эмас.

– Балки бошқа Мирзааҳмаддир, – тасалли бермоқчи бўлди Дилмурод.

– Йўқ, гапингда жон бор, юрагим сезиб турибди. Бу ўша мен бошини сиртмоққа илган лашкарбоши бўлиши керак. Нега ишларим орқага кетяпти, нега Башир йигитларимнинг ахволидан хабар олмай қўйди десам, гап бу ёқда эканда? Лаънати шу ергача ортимдан қувиб келган. Энди уни ҳеч ким кутқариб қололмайди. Боши сиртмоқдан омон қолган бўлса, ханжар билан узиб ташлайман!

Тўдабоши ўтиrolмай қолди. Ўрнидан сапчиб турди.

Дилмурод Эргашнинг юрагига чўф солиб қўйганди. Ўз ёғига ўзи қовурилар, душманидан ўч олиш йўлларини изларди. Ичида ёнаётган олов тафтини босолмай, овоз чиқариб сўкинарди.

– Нега ўша итнинг шу ердалигини Башир менга айтмади? Яширишининг сабаби нимада? У менга дўст эмас! Менга қара, Дилмурод! Сен уни қаерда туришини, кимлар билан яшашини биласанми?

– Назаримда бозор атрофида турса керак.

– Менга мужмал жавоб қилма, анифини айт!

– Мен билан гаплашган йигит ўша томонга қараб кетганини ўз кўзим билан кўрдим.

Эргаш индамади. Бир оздан кейин каллакесар ёрдамчиларини чақиритирди. Уларнинг олдига ўн минг доллар ташлади.

– Мирзаахмаддинг боши учун! – деди уларга.

– Қайси Мирзаахмадни? – ҳайрон бўлишиб қонхўрлар.

– Менга жони керак бўлган Мирзаахмадни-да!

– Ахир унинг бошини ўз кўлингиз билан сиртмоққа илгансиз-ку, амирим?

– Шайтон ўша сиртмоқни узиб ташлаган экан!

– Бўлиши мумкин эмас!

– Афсуски, шундай.

Каллакесарларнинг қулоқлари тўдабошида бўлса, кўзлари пулда эди.

– Бу гал унинг калласини ўзимиз дорга иламиз!

– Дорга илишларинг шарт эмас, менга ўша бошни келтирсаларинг бас!

– Яшаётган жойини айтинг?

– Хиротда! Бозор олдидаги уйлардан бирида яшаётганмиш!

– Фотиха беринг, йўлга чиқайлик, – деди ханжарла-ри қонсираган жаллодлар.

Эргаш қўлларини кўтари, дуо қилди.

– Тангри мададкор бўлсин!

Каллакесарлар йўлга тушишибди. Кечки пайт шаҳарга кириб келишибди. Мирзаахмадни топиш қийин кечди. Топшириқни бажармасдан орқага қайтишолмасди. Икки кун бозор атрофини кезиб чиқишибди. Охири дара-

гини топишди. Сўраб-суриштирган одамларидан бири Мирзааҳмадни ярим тунгача бангихонада кайф-сафо қилиб ўтиришини, уйи шу атрофдалигини айтди. Каллакесарлар унинг йўлинни пойлашди. Мирзааҳмад ярим тунда уйига қайтди. Негадир шериклари кўринмас, ўзи ёлғиз келарди. Эргашнинг одамлари уни йўлда хам бўғизлашлари мумкин эди, бироқ бу ишни ичкарида бажаришни, ўлдиришдан аввал топган-тутган бойликлари бўлса олиб кетишни ниятлашгани учун ортидан изма-из кузатиб боришиди.

Каллакесарлар уйга киришиди. Ичкари қоронфи бўлгани учун ҳеч нарса кўзга кўринмасди. Улардан бири гугурт чақди. Шу пайт уйнинг бурчак-бурчакларидан ёриттичлар нур сочди. Атроф ёришиб кетди. Каллакесарлар тўрт томонларидан ўраб олган нотаниш одамларни кўриб қотиб қолишиди. Улар «мехмон»ларнинг кўлларидаги ханжарларни тортиб олишиди. Ўртада кўзларида fazab чақнаган Мирзааҳмад туради. Эргашнинг одамлари қопқонга тушганини билишиди. Дуч келган кимсалардан Мирзааҳмадни сўраб хато қилишганини тушунишиди. Мирзааҳмад уларни сўроққа тутди.

– Ким жўнатди сенларни?

– Эргашбой, – жавоб қилди улар. – Шайтоннинг бошини дорга илувдим, тирик қолибди, бориб узиб келинглар деб олдимизга ўн минг доллар ташлади. Бизни кечиринг!

– Кечиринг?! Нега кечиришим керак экан?! Сенлар тўғри олдимга келиб шу гапларни айтганларингда кечиришим мумкин эди.

– Унинг аҳволига ҳозир маймунлар йиғлайди, йигитлар оч, ҳамма норози. Бизни қўйиб юборсангиз уларни сиз томонингизга бошлаб ўтишга сўз берамиз!

– Яқинда итдай хор-зор бўлиб ўлади у! – деди лашкарбоши.

– Мұхтарам лашкарбоши, – ялинди яна бир тутқун.
– Бир қошиқ қонимиздан кечинг. Истасанғиз бугундан
эътиборан сизнинг хизматингизда қоламиз.

– Мен сотқинлардан ҳазар қиламан!

Мирзааҳмад шундай деб шерикларига юзланди.

– Буларни бошига қоп кийдириңглар, ғангиҳона
орқасидаги ахлатхонага олиб ўтиб, бўғизлаб ташлангар!

Лашкарбошининг одамлари тутқунларнинг боши-
га қоп кийдириб, ташқарига ҳайдаб чиқишидди. Улар
йўл-йўлакай ялиниб-ёлворишар, омон қолиш учун
баҳона излашарди.

– Рухсат берсанғиз Эргашнинг калласини ўзимиз
олиб келамиз! Фақат раҳм қилинг, бизларни ўлдир-
манг!

– Юм оғзингни! – аскарлардан бири жавраётган ким-
санинг бошига мушт туширди.

Ахлатхонага келишидди. Атроф жимжит эди. Ди-
моқларига сассиқ ис уриларди. Лашкарлар тутқунлар-
ни тиз чўқтиришидди. Шунда улар бошлирига қандай сав-
до тушганини сезиб, баттар кўз ёш тўкиб ялинишиди.

– Илтимос, ўлдирманг, бир қошиқ қонимиздан ке-
чинг!

– Худо умрингизни зиёда қилсин!

– Қиёматгача хизматингизни қиламиз!

– Алдасак жисмимизни нимта-нимта қилиб ташланг!

Бу сўзларни эшишиб Мирзааҳмаднинг кўнгли бўшади.
Тутқунларни ўзининг йигитлари ичига қўшиб қўйгиси
келди.

– Бўшат! – деди у ёрдамчисига.

– Нима, қўйиб юбормоқчимисиз? – ҳайрон бўлди ёр-
дамчи.

– Ёш йигитлар экан, адашган, алданган! Бир қошиқ
конидан кечдим.

– Эргаш бошингизни дорга илаётганда сизнинг илти-
жоларингизга қулоқ солғанмиди? Бу йигитлар биз беха-

бар бошингизни узиб боришганда, у бир ой тантана қи-
ларди. Ҳаммага мақтанаарди. Билиб қўйинг, у сизнинг
душманингиз. Бу юртда икковларингдан бирларинг
қолишиларинг керак. Бугун буларни қўйиб юборсангиз,
эртага бошқаси келади.

Мирзаҳмад ёрдамчисининг сўзларини тинглаб
оғилдаги воқеалар кўз ўнгидаги жонланиб, унинг ҳақли-
гига амин бўлди. Юрагидаги меҳр яна қаҳрга айланди.

Бошларига қоп кийгизилган, ерга тиз чўқтирилган
ва ўлимга маҳкум қилинган тутқунлар бўлиб ўтаётган
сухбатни эшишиб туришарди. Мирзаҳмадни қарори-
дан қайтганидан қанчалик қувонишган бўлишса, ёр-
дамчининг сўзларидан шу қадар ваҳимага тушишди.

Ўртага жимлик чўқди. Тутқунлар нафасларини
ичларига ютганча Мирзаҳмаднинг сўнгги қарорини
кутиб таёқдай қотиб туришарди. Бошларига қоп кий-
дирилганлиги учун улар лашкарбошининг одамларига
қаратса қўл силтаб қўйганини кўришмади. Уч йигит бир
пайтнинг ўзида тутқунларнинг бошини узиб ташлади.
Мирзаҳмад уларга тайинлади:

– Каллаларни қопга солиб Эргашнинг соқчиларига
топшириб келасанлар! Бундан кейин менинг олдимга
жўнатадиган одамларига нимани буюрган бўлса, ўша
нарсани ўзига қайтараман!

Улар қопни олиб Самангандаги жўнашди. Лагерга
яқин жойда Эргашнинг соқчиларини учратишли.

– Бошлиғингга Мирзаҳмаддан совфа! – дейишиди
уларнинг олдига қопни қўйиб.

Соқчилар «совфа»ни қўтариб, тўдабошининг ҳузу-
рига кириб келишиди.

– Нима бу? – сўради тўдабоши оёғи остига қўйилган
қопга ишора қилиби.

– Мирзаҳмаднинг одамлари ташлаб кетишли, –
деди ҳеч нарсадан бехабар бўлган соқчи.

Эргашнинг юраги орқага тортиб кетди.

– Оч!

Соқчи қопни очди. Ерга тарвуздек думалаб учта калла тушди. Бу ўзи жўнатган одамларнинг боши эканлигини тўдабоши таниди. Улардан бирининг қулоғига тиқилган қофозни олди. Унга шундай сўзлар битилганди: «Эргаш, кунинг битди. Бошингга мана шу одамларингнинг савдоси тушади».

Қалтираб кетган тўдабошининг тилига биргина сўз келди.

– Ярамас, ит! Мен қараб турадиган аҳмоқлардан эмасман.

* * *

Faфур Самангандга етиб келганида қош қорайганди. Кўчаларда одамлар сийраклашиб қолганди. Лагергача ўн олти чақиримча масофа қолганди. Йўллар нотекислиги сабабли эмас, балки бу ердаги жангарилалинг дастидан ҳайдовчилар у томонга қатнашдан юрак олдириб қўйганди. Эргашнинг одамлари қиёфаларини ўзгартириб, вақти-вақти билан яширинча бу ерларга келиб туришарди. Faфур шаҳарга келгандаёқ тўдабошининг одамларига рўпара келиб қолишдан чўчиди. Кийимини ўзгартиргани билан юзидан, юришидан таниб қолишлари мумкин эди. Шаҳарда Дўстумнинг аскарларидан ҳам эҳтиёт бўлишга тўғри келади. Бу ерлар унинг худудига киради. Қўлга тушгудек бўлса тергов қилиб ўтиришмайди. Кимлигини билишади ва кутурган итни отгандай отиб ташлашади.

Тонг ёришгунча лагерга етиб олиш керак. Ҳамма катнайдиган йўлдан юриш эса хатарли. Ҳар қадамда одамларга дуч келади. Уни кўздан асрайдиган бошқа йўл бор. Бунинг учун довондан ошиб ўтиш керак. Тик қоя, аммо масофа беш-олти чақиримга қисқаради, хеч кимнинг назари тушмайди. Сўқмоқни эса бир пайтлар Faфурнинг ўзи очган.

Faфур толибларга қарши қурашаётган кучларнинг ла-
герини четлаб ўтди ва тепаликка қараб юрди. Осмонга ой
чиққанди. Совуқ нурлари қояларни ёритарди. У тепалик-
ка қаердан чиқиши эслаб қолганди. Қийналмай топди.
Қорайиб турган қоя тик эди. Эхтиёткорлик билан ҳаракат
қилмаса, йиқилиб жон бериши ҳеч гап эмасди. Бироқ у бо-
шига тушиши мумкин бўлган фожиани хаёлига келтирма-
ди. Қандай қилиб бўлмасин, шу қояни забт этишга қарор
қилди. Вақт эса зик. Ҳадемай күёш уйғонади. Зулматнинг
қора пардасини кўтаради. Тун чимматини йиғиштири-
масдан қоянинг нариги томонига ўтиб олса бас, у ёқда ҳеч
ким унга таҳдид солмайди. Кўздан яширадиган тошлар,
ўр-жарлар, форлар бор.

Faфур ёлғизлиқдан зерикиб қолмай деб Самангандан кичкинагина радио сотиб олганди. Шу эсига тушиб қолди. Кўйинидан олиб мурватини буради. Дикторнинг «Тонгги концертилизни бошлаймиз» деган овози эши-
тилди. Куй янгради, унга ҳамоҳанг қўшиқ жаранглади:

*Андиз ўсган тоғларда,
Отлар бевақт ўлмагай.
Яҳши бўлса аёллар,
Эрлар юзи сўлмагай.*

Faфур яхдек тошларни бармоқлари билан чангаль-
лаб, баландлик сари тирмаша бошлади. Қачонлардир
бу жойда вулқон отилган бўлса керак, қизғиши тошлар
тегирмонда майдалангандек шағал ҳолига келиб қол-
ганди. Тошқин ва қор кўчкилари юқоридаги катта-ки-
чик харсангларни олиб тушганди. Ҳар жой-ҳар жойда
улар ўрнашиб қолганди. Оёқларини харсангга тираб,
бир оз нафасни ростлаб олиш мумкин эди. У харсанг-
лар томон талпинарди. Ҳофизнинг ширали овози бор-
лик узра таралиб кетар, Faфурнинг кўнгли бундан эриб
яйраб борарди.

*От минмаган от минса,
Чопа-чопа толдирап.
Бог күрмаган бог күрса,
Пайхон қиласар, сүлдирап.*

*Хүшёр бүлгин жон элим,
Элдай сақлагин элингни.
Ёвларингга қўл берсанг,
Паймонангни тўлдирап.*

Faфур калтакесақдек тошга ёпишиб, вужуди қўшиқдан кувват олиб йўлда давом этарди. Қояга чиқиши шу қунгача чеккан азобларидан оғир эди. Оёқ қўйиган жоийидан тош парчалари сидирилиб, шовуллаб пастга тушарди. Қоянинг юксаклиги юз метрча келарди. Ножўя қўйилган қадам истаган пайтда уни худди тарновдан тушган қор кўчкисидек пастга олиб тушиши мумкин эди.

Faфур майда-майдарни чангллаб, оёқларини эҳтиёткорлик билан ҳаракатлантириб қўшиқни тинглар, чарчоқни ҳис этмай тепалаб борарди.

*Бош кесилса ёронлар,
Сочга мотам тутилмас.
Кон қусилса ёронлар,
Ичар сувдай ютилмас.*

Тонг ёришиб борарди. Ҳофиз у билан ёнма-ён бораётгандек эди. Ёқимли овози тошларга урилиб садо қайтарар, кейин бўшлиқлар узра худди қуш каби қанот қоқиб, ундан йироқ-йироқларга таралиб кетарди. Бу пайтда Дўстумнинг аскарлари уйғониб, намоз ўқишга тараддуд кўришмоқда эди. Faфур лагерда ўрмалаб юрган одамларга қараб илжайиб қўйди. Ҳофиз эса хониши қиласарди.

*Қайси юртда чинакам,
Ботир бўлса йигитлар,
Ўша ернинг эллари,
Ёвларга қул бўлмагай!*

Бирдан у маъюс тортди. Қўшиқ радиодан эмас, шундай ёнида турган кўзга кўринмас одам томонидан унга қарата айтилаётгандек туюлди. Атрофга аланглади. Хеч ким кўринмади. Хофизнинг овози ҳамон жарангларди.

*Қайси юртда чинакам,
Ботир бўлса йигитлар,
Ўша ернинг эллари,
Ёвларга қул бўлмагай!*

Юрагига пичоқдек санчилган ва айни пайтда азоб бераётган оғрикни унтиш мақсадидаFaфур қўлидаги радиони пастликка қарата улоқтирди. У тошларга урилиб, парчаланиб кетди. Тошларни боягидан илдамроқ чангллаб чўққига интилди. Пастлиқдан йироқлагани сари тепаликни ишғол қиласидан масофа қисқариб, борган сайин энди уни қандайдир хатар безовта қиласиди. Хофизнинг қўшиғи қулоғи остида жаранглайверарди. Шунда... хеч кутилмаган ҳодиса рўй берди. Ер силкингандек шағаллар жойидан силжиб, қум каби шовуллаб кўча бошлади. Ўзи билан Faфурни ҳам пастга тортарди. У нима қилишини билмай қолди. Дуч келган нарсага чанг солар, афсуски, ушлагани жонига оро кирмасди. «Тошлар остида кўмилиб қоламан» деб ўйлади. Кўркувдан қўзлари чаноғидан иргиб чиқаёзди. Атрофда ушлайдиган бирорта харсанг кўринмасди. Эллик қадамча орқага қайтганди. Қорайиб турган жар тубида уни одамнинг қучоги сифмайдиган тошлар кутиб турганини эслаб қичқириб юборди. Кўркув акс этган овози

шовуллаб тушаётган тошларнинг шовқинига қўшилиб кетди. Шунда кутилмаган мўъжиза рўй берди. Кўзи яшин урган дарахтнинг илдизига тушди. Ана шу таҳликали онларда, қўзига ўлим кўринган лаҳзада, ҳаёт билан видолашиб палласида ҳофизнинг қўшифи қулоги остидан яна бир бор ел каби учиб ўтди.

*Ёвларингга қўл берсанг,
Паймонангни тўлдирад.*

Faфурнинг қўзига илдиз қўл чўзиб турган ҳофиз бўлиб кўринди. «Йўқ, мен ёв эмасман» дея қичқирди ва жон-жаҳди билан томирга ташланди. Уни ушлади. Остидаги тошлар қорнини шилиб ўтса-да, илдизни қўйиб юбормади. Бу унинг учун сўнгги нажот эди. Соатнинг капгиридек осилиб қолди. Шағаллар бир-бирига урилиб, шарақлаб, охири тўхтади. Faфур кўрқа-писа тепага, кейин оёғи остига қаради. Тубида харсангларга тўла жар худди ажал домидек қорайиб кўринарди. Илдиз узилиб тушса, чархпалакдек айланиб пастга шўнгийди. Боши тошларга урилади. Инграмай ўлади. Ўқлар ичидаги юрган бўлса-да, ўлим ҳозиргидек қўзига бу қадар кўрқинчли кўринмаганди. Юраги ҳозиргидек гурсиллаб урмаганди.

У йиғлаб юборди. Умрида илк бор қилган ишидан пушаймон бўлди, хатоларини тушуниб етди. Хотира-сига сассиқ ва ифлос ҳид уфуриб турган хонада ётган Кўлдошли келди. У нега ўлимдан кўрқмади? Ўлимдан баттар азобларни бошидан кечириб ётибди-ку! Беҳисоб пулларга сотилмади. Рухи ҳам тушмаганди. Ўлимининг муқаррарлигини билса-да, «Мени Ватан кутмоқда» деди. Ўша сўз ҳозир Faфурнинг қулоқларида қайта-қайта жаранглади. «Мени Ватан кутмоқда». Нега у ота-онасини, хотинини, болаларини эмас, айнан туғилиб ўсган, вояга етказган юртини эслади, унга тал-

пинди? Балки юрагидаги қўрқувни ҳайдаган ҳам шу умиддир?! Биргина сўз учун миллионларни ваъда қилди. Пулни олиб дунёнинг истаган томонида хавф-хатардан олис жойларда яшashi мумкин эди-ку. Алоқачини фош қилганини бошлиқлари билиб ўтирибдими? «Кўлга тушиб қолди» деса ишонишарди ҳам. Ахир одамзодни ишонтирадиган баҳоналар ер юзида қалашиб ётиби-ку! Буни унинг ўзи ҳам билади, аммо истамади. Роҳат-фароғатга әлтүвчи йўлни әмас, ажал кўриниб турган қонли сўқмоқни танлади.

Faфур кўз олдига келган даҳшатли манзарадан бадани жимирлаб кетди. «Ё Худойим-ей, ўзинг асрагин!».

Унинг ақли бир оз тиниқлашди. Аросатда қолганини, кимларнингdir қўлидаги қўғирчоқقا айланганини англали. У виждан ва ақл-идрок қийноқларида қовурила бошлади. Кўлдошли кўз олдидан кетмасди. Хофизнинг қўшиғи қулоғи остида жарангларди.

*Ёвларингга қўл берсанг,
Паймонингни тўлдирап.*

«Қандай қилиб Кўлдошалининг ҳаётини сақлаб қолиши мумкин?» деган савол миясига урилди. Бу тошлар орасида нотайин кимсаларнинг топширигини бажариб юргандан кўра, ҳаётининг сўнгти онларида юртига, юртдошига яхшилик қилиб жон беришни афзал билди...

Унинг зулмат қоплаган кўнгли бирдан ёришди. Намсиз лабларидан шундай сўз учиб чиқди:

«Ўлмасам сени қутқараман, Кўлдошали!» Унда умид кетидан сабр-тоқат, матонат пайдо бўлди.

Faфур олдидаги ягона йўл қолганини англали. Узилиб тушай деган қўлларини секин-аста илдиздан бўшатди. Эҳтиёткорлик билан тошлар устига оёқ қўйди. Шағаллар яна ҳаракатга келди. Оёғини кўтариб ёнбош томонга юрди. Жар остидан сув йўли ўтганди. Ҳозир қуриб

қолган бўлиб, айрим жойларда кўлмак ҳосил қилганди. Бир ярим қулоч келадиган тупсиз жойдан сакраб нариги томонга ўтди. Ақлдан озган ёки дунёдан умидини узган кишигина шундай қила олиши мумкин эди!Faфур қўлларидағи ва юзидағи қонни ювди. Чўп ёрдамида йиртилган қўйлагини ямади. Кейин ариқ ичидан кета бошлади...

МОСКВА

МАЪЛУМОТНОМАДАН (маҳфий)

Амир ибн ал-Хаттоб (ҳақиқий исми – Собир бин Со-лиҳ, ас-Сувайлим) 1969 йилнинг 14 апрелида, айрим ман-баларда – 1963 йилда Иорданияда бой оиласда туғил-ган. Етти нафар ака-укалари бўлган. Сингилларидан бири АҚШда яшайди. Уни «Кора араб» ёки «Аҳмад бир қўл» деб ҳам аташган.

Хаттобга нисбатан турли мамлакатларнинг халқа-ро террорчиликка қарши кураш олиб борувчи бўйимла-ри томонидан дунёнинг энг хавфли террорчиларидан бири сифатида қидириув эълон қилинганди. Афғонистонда (1987–1992), Яқин Шарқда, Ироқда, Тожикистонда (1993) ва Чеченистонда (1995–2002) ўзининг гапи билан айтганда «яшил байроқ остида» жанг қилган.

Ёшлигида физика-математика бўйича мутахассис бўлишни орзу қилган. 1987 йили яқинлари уни олий маълумот олиши учун АҚШга ўқишга юбормоқчи бў-лишган, лекин бу таклифни рад этган. Шариат қо-нуnlари бўйича газовот жангларида иштирок этиши мақсадида олисларга жўнаб кетган.

Хаттоб 1985 йилдан бошлаб Покистон маҳсус хиз-мат идорасига қарашли бўлган Афғонистондаги маҳ-

сус лагерда тайёргарликдан ўтган. У билан разведка бошқармасининг юқори мартабали зобитларидан бири Хоёр Арудин шугулланган. Кейинчалик Покистон разведкасининг Қирғизистондаги резидентидан керакли топшириқларни олиб турган.

1987 йили Афғонистонга келган ва бу ерда совет қўшинларига қарши курашда фаол иштирок этган. Жалолобод ва Кобул шаҳарларида жангларда мужоҳидларга намуна бўлган. Жанглардан бирида оғир яраланган. Кўлининг бир нечта панжаси кесиб ташланган.

1993 йили ҳокимият тенасига мужоҳидлар келгандан кейин у ўз уйига жўнаб кетади ва кўп ўтмай яна Афғонистонда пайдо бўлади. Тожикистон ва Ўзбекистонга қарши курашаётган қуролли тўдалар таркиби-га қўшилади. Унинг отряди Москва чегара қўшинлари-га қарали 12-застава ҳарбийларига қарши қуролли ҳужум ўюштиради.

1994 йил CNN радио канали орқали Чеченистонда уруш бошланганигини эшигади ва у 1995 йилнинг январида 18 нафар ҳаммаслакларини олиб, Грозний шаҳрига келади. Бу ерда бўлгуси қотиллар таълим оладиган лагерлар тармоғини барпо этади. Улар еттита бўлган. Жами ўн минг нафар жангари «таълим» олган. Асосий лагерга Хаттобининг ўзи бошчилик қилган. Одамларнинг бурни, қулоги ва бошқа тана аъзоларини кесиб ташлашда ўзи «курсант»ларга намуна бўлган. Қийнаб, азоблаб ўлдирилган инсонларни видео тасмага тушириб, уларни иқтисодий жиҳатдан қўллаб турган ҳомийларига юбориб турган ва бу билан уларнинг қалбида қўрқув ҳиссини ўйготмоқчи бўлган. Базанинг қолган олтита лагери террорнинг ҳар хил турларига ихтисослаштирилган. «Абу Жаъфар лагери» партизанлик урушига тайёрлаган, «Ёқуб лагери» оғир қурол-яроглардан фойдаланишни ўргатиш бўй-

ича таълим берган. «Абу Бакр лагери»да қўйпорувчи-ларни, «Давъат лагер»ида ташвиқотчиларни ва ёлгон ахборот тарқатадиган мутахассисларни тайёрла-ган. Мафкуравий кураш усууллари чуқур ўргатилган. Тайёргарлик базаларида Тожикистон, Ўзбекистон, Қирғизистон, Қозогистон, Шимолий Кавказ респу-бликаларидан келган «курсант»лар жанговар таълим олганлар. Улар қатл этиш усуулларини ўрганиб, ўз юртларига етарли тайёргарлик кўрган қўйпорувчи-террорчилар бўлиб қайтганлар. Бундан ташқари лагерда Иордания, Покистон, Саудия Арабистони, Хитой, Миср, Малайзия, Фаластин мухторияти ва бошқа ўлкалардан келган ёлланма жангарилар ҳам таълим олишган.

Хаттоб Чечен урушида фаол иштирок этган. Россия ҳарбийларига қарши бир қатор операцияларга бошчилик қилган. Хориждаги ҳомийларидан мунтазам равишда мадад олиб турган. Одамлари гиёҳванд-лик воситаларини сотиш билангина эмас, балки уларни етишириш билан ҳам шугулланган.

1996 йилнинг ёзида Россия ҳукумати раҳбарлари-га нисбатан сунқасд ўюштиришни режалашибирган. 1 ракамли террорчи ҳисобланган Шамил Басаев билан мунтазам алоқада бўлган. 1996 йили Догистоннинг Қадар ҳудудида яшовчи Фатима Бидагова исмли аёлга уйланган.

1992 йилдан бошлаб ўзининг Россия ҳудудидаги фа-олиятини жонлантирган.

Хаттоб Саудия Арабистони фуқароси Шайх ал-Федал Муҳаммад Ол Шайх билан алоқада бўлиб, унга лагерь қуриш, жангарилар тайёрлаш ва қурол-яроғ харид қилиш учун маблаг мўраб, бир неча бор му-рожаат қилган.

* * *

Мамлакатнинг марказида содир этилган иккита терракт Евтушенкони жиддий ташвишга солиб қўйди. Улар бир пайтда содир этилганди. Ўнлаб одамларнинг қони тўкилди. Шу куни унинг ходимлари метро бекатидан иккита қўлбола бомба топишиди. Хаттоб хориждаги радиостанция мухбирига берган сухбатида терракт унинг одамлари томонидан содир этганлигини тан олди. Кўнгилсиз воқеа таҳлил қилинмай, Улус-Керт қишлоғидан ноxуш бир хабар келди.

Псков дивизиясиغا қарашли десантчилар ротаси қишлоқни жангарилардан тозалаш мақсадида ташланганди. Кутимаганда пайдо бўлган жангарилар тепаликни ҳалқа шаклида ўраб олишиди. Отишма кечаю кундуз давом этди. Ёмғирдек ёғилаётган ўқларнинг ва снарядларнинг овози қулоқларни қоматга келтиради. Ярадорлар жон беролмай дод соларди. Алоқа узилганди. Техника воситалари ўрнатилган жойга снаряд тушиб, уларни майда-майда бўлакларга ажратиб тупроққа қоришириб ташлаганди. Десантчилар танг ахволга тушиб қолишиди. Уларнинг олдида ёлғиз йўл қолганди. У ҳам бўлса таслим бўлиш, эгаллаб турган тепаликларни жангариларга топшириш. Бироқ улар буни хоҳлашмади.

Жангарилар ўз фалабаларининг муқаррарлигига ишонишарди. Уларнинг сафини мунтазам қўшимча кучлар тўлдириб бораётганди...

Нихоят тепалик ишфол этилди. Жангарилар фалабаларини нишонлашди. Кейин тошлар устида қолиб кетган мурдаларни юрак ва мияларига ўқ жойлашди. Ярадорларни эса бир жойга жамлашди. Уларни сафга тизиб, бир-бирларига қаратиб худди қўй сўйгандек бўғизлашди. Лекин тантана узоққа чўзилмади. Осмонда пайдо бўлган вертолётлар уларнинг хурсандчилиги-

га эмас, балки ҳаётларига ҳам сўнгти нуқта қўйганди. Устма-уст ташланган бомбалар тепаликда тирик жонни колдирмади. Одамнинг қучогига сифмайдиган тошларни ҳам майдалаб, шағалга айлантириб ташлади.

Десантчиларнинг қисмати шахарда рўй берган иккита терактни таҳлил қилаётган Евтушенконинг қулогига ўша пайтнинг ўзидаёқ етиб келди. У зудлик билан ходимларини хонасига тўплади.

– Экспертиза хулосасига кўра, портловчи мосламава метродан топилган бомбалар айнан Чеченистонда тайёрланган. Видеокамералардан бири тасвирга туширган жиноятчининг шахси ҳам аниқланди. У Хаттобнинг «Абу бакр лагери»да маҳсус тайёргарликдан ўтган Миср Араб Республикаси фуқароси Абдулҳоди ибн Саид Аббос бўлиб чиқди. Ҳар икки теракт айнан Хаттобнинг кўрсатмаси билан амалга оширилган. У бошлиқ қилган отряд бугун тунда Улус-Керт қишлоғига ташланган тўқсон олти нафар десантчиларимизни битта қолдирмай қириб ташлади. Ярадорларни бўғизлашган. Хаттоб мамлакатимизнинг марказий шаҳарларида яна қўпорувчилик ишларини амалга оширмоқчи эканлиги тўғрисида хорижий давлат муҳбирларига баёнот берган. Бироқ мулоқот ҳозирча эфирга узатилмаган. Ходимимиз ана шу сухбат матнини бизга юборган.

– Хаттоб ўртадан олиб ташланмас экан, мамлакатимизнинг марказий шаҳарларида портлатишлар содир этила-веради, – деди подполковник Маслов. – Унинг одамлари шу йилнинг ўзида мамлакатимизнинг йирик шаҳарларида олтига портлатишлар содир этди. Улар қўп қаватли турар-жой биноларини, мактаб ва болалар боғчасини, кино театрларни нишонга олишмоқда. Афсуски, «Аҳмад бир қўл»ни қўлга олишнинг иложи бўлмаяпти. Биз олти нафар ходимимизни унинг отрядига киритиш учун жўнатгандик. Беш нафари бедарак йўқолди. Кутузов эса отряд ичига киришга муваффақ бўлди.

- Унга қандай топшириқ берилган?
- Хаттоб амалга оширмоқчи бўлган режаларини, четдан келадиган қурол-яроғлар ҳамда ёлланган жангарилалинг кириб келиш йўлакларини аниқлаш вазифаси топширилган.
- У билан алоқа ўрнатилдими?
- Бир маротаба алоқага чиқди. Кейин алоқа узилиб қолган.
- Сўнгти бор алоқага қайси кун чиққанди?
- Грозний ишғол қилинган тунда. Назаримда биз уни йўқотдик.
- Бошқа ходимларни ташлашга мажбурмиз. Грозний атрофида йигитларингиз борми?
- Олтин нафар ходим айнан Хаттоб жойлашган худуд чегарасида туришибди.
- Яхши, уларни турли йўлаклар билан отряд жойлашган худудга киритиш режасини ишлаб чиқинг.
- Тушунарли.
- Ўртоқ полковник, менда таклиф бор, – руҳсат сўради майор Иванов.
- Марҳамат.
- Хаттоб Грознийда содир этилган суиқасдан кейин ёнига яқинларини ҳам йўлатмай қўйган. Отряди жойлашган ерга бориш учун ўнлаб соқчиларинг қалқонини ёриб ўтишга тўғри келади.
- Таклифингиз?
- Яқинлари ичидан ишончли одам топишимиз керак.
- Бундай одамни топиш мумкинми?
- Ўрта Осиё давлатларидан бирининг маҳсус хизмат идораси айнан Хаттобнинг яқинларидан бири билан алоқада бўлган.
- Бу маълумотни қаердан олдингиз?
- Хужжатлардан.
- Улар уни бизга беради деб ўйлайсизми?

– Хаттоб истаган пайда уларга ҳам таҳдид солиши мумкин.

– Үнда бу ишни сизга топшираман, – деди полковник. – Зудлик билан ҳамкасбларимиз билан боғланинг. Вазиятни тушунтиринг. Ўша одам билан алоқага чиқиши учун бизга йўлак очишга ёрдам беришсин.

Евтушенко беш йил бурун «Аҳмад бир қўл»ни ўртадан олиб ташлаш мақсадида ўнлаб мергандарни жўнатганди. Афсуски, минг қадамдан тангани урадиган йигитларнинг қўлидан иш келмади. Ҳамиша ҳадик ва хавфда яшашга одатланган Хаттоб ўз жойини ҳар куни ўзгартириб турарди. Махфий зобитларнинг барчаси қўлга тушди. Хаттобнинг ўзи уларнинг кўзларини ўйиб, тилларини кесиб, бошларини дараҳтларга осиб кетди. Шундан кейин полковник қурбон беришни истамади. Бошқа тизим ишлаб чиққанди.

– Хаттоб яқин қунлар ичида четдаги одамлари билан алоқада бўлганми? – сўради у Масловдан.

– Мулла Умар ва Усама бин Ладен билан, – жавоб қилди подполковник. – Улар техника воситали-ри ёрдамида гаплашиб туришади. Бироқ сухбат иккича-уч дақиқадан ошмайди, шунинг учун алоқа жойини аниқлашнинг имкони бўлмаяпти.

– Хаттоб мактуб оладими?

– Одамларимизнинг маълум қилишича онасидан бир маротаба мактуб олган.

– Бунга анча бўлдими?

– Олти ой.

Евтушенко ўйланиб турди-да:

– Мактуб қайси йўлакдан ва ким орқали Чеченистонга кириши мумкин? – деб сўради.

– Хозирча аниқлай олганимиз йўқ, аммо вариантлар бор.

– Айтинг!

– Биринчиси – Афғонистондан, иккинчиси – Грузия орқали. Афғонистон орқали кириши ҳақиқатга яқинроқ. Бироқ мактуб ким орқали Чеченистонга киритил-

ганлигини аниқлашнинг иложи бўлмади. Одамларимизнинг маълум қилишларича, Хаттоб ҳар ойда бир маротаба онасидан мактуб олиб турган. Кейинги пайтда у кам ёзадиган бўлиб қолган.

– Хатни Иорданиядан Афғонистонга олиб келган одам уни кимнинг қўлига топширади?

– Менимча, «Аҳмад бир қўл»нинг ишончли одамларидан бирига.

– Яқин кишиси ким бўлиши мумкин?

– Бундайларни Мулла Умарнинг одамлари орасидан топиш керак, ўртоқ полковник.

– Алоқачи Хаттобнинг қўлига қуруқ мактубни топширмайди. Албатта Мулла Умар ёки Усама бин Ладен-нинг маҳфий топшириқларини ҳам қўшиб Чеченистонга олиб келишади. Шундай бўлгач, мактубдан албатта Мулла Умар ёки Бин Ладен огоҳ бўлади.

– Бизнинг катта камчилигимиз фанимларимиз ичida одамимизнинг йўқлигига!

Полковникнинг хаёлига Бўрон келди.

– Тошкент билан боғландингизми? – сўради у Масловга юзланиб.

– Боғландим.

– Бўрон масаласида гаплашдингизми?

– Афсуски, бундан бир ой муқаддам Эргашнинг омборидан олиб кетилаётган қурол-аслаҳалар ортган машина йўлда портлаб кетган. Толиблар Бўрондан шубҳаланиб, уни ўлдириб юборишган экан.

Полковник хаёлга толди. Кейин қарорини айтди:

– Хаттоб онасидан мактуб олганига бир ой бўлган бўлса, ҳозир у яна мактуб кутаётган бўлиши мумкин. Одамларимиздан бири ўша мактубни унинг қўлига топшириши керак. Ҳозирданоқ режа ишлаб чиқинглар. Ишончли одам топинглар. Бу ишни узоққа қолдириб бўлмайди. Топшириқни бажариш учун ўн беш кун муддат бераман!

– Тушунарли! – дейишиди ходимлар бир овоздан.

КОБУЛ

Хонада танҳо қолган Қўлдошли ўзини нималар кутаётганини биларди. Бироқ кун бўйи олдига ҳеч ким кирмади. Эрталаб уйғонганида хонасида беўхшов, офтобда куйиб жизғанаги чиққан, пахмоқ соқоллари ўсиб кетган бир нусха кўзларини чўғдай ёндириб, қашқирники сингари сарғайган ўтқир тишларини кўрсатиб турарди.

– Нозир сени сўроқ қилиш учун қозини чақиртирди. Айтишича, у сен билан охирги маротаба сухбатлашаркан. Айтганини бажармасанг, сени тўртинчи қафасга ташлашармиш. Маслаҳатим, ҳали ёшсан, уларни ҳам, ўзингни ҳам қийнама. Нима сўрашса тўғрисини айт. Тўртинчи қафасда одамни қандай жазолашларини биласанми? – деди бандига раҳми қилгандек ачиниб.

– Йўқ, – жавоб қилди маҳбус.

Назоратчи бош силкитди.

– Билмаганинг учун гапларимга аҳамият бермадинг. У ерга ўлимга маҳкум қилингандар ташланади. Уларни қандай азоб ва қийноқлар билан ўлдиришларини эшитгандирсан?

– Афсуски, бехабарман.

Назоратчи ерга тупурди.

– Айтсан юрагинг ёрилиб, шу ернинг ўзида ўлиб қолласан!

– Одамзод бари бир ўлади, ярим соат қийнашар, бир соат қийнашар, жонимни оғритишар, кейин ўламан-ку! Ўлим олдидаги азоблар ҳам роҳат!

Назоратчининг лабларида мудхиш табассум пайдо бўлди.

– Улар сени шунчаки ўлдиришмайди...

– Дорга осишадими?

– Бошингни арқонга илишса жон дегин, отишса ҳам бир ўқ билан тинчийсан!

– Зиндонбанд қилишадими?
– Асло!
– Каламушларга талатишадими?
– Бу енгил жазо-ку!
– Унда қандай ўлдиришади, айт!
– Итларга талатишади, – қамоқхоначининг лабларида сезилар-сезилмас ғолибона табассум ўйнади. – Улар одам гүштига ўрганишган! Одамхўр итлар кечадан бери оч, атайин овқат беришмаяпти. Сени уларнинг олдига киритишса, тириклай ғажиб, гўштингни нимта-нимта қилиб ташлашади. Аллоҳнинг ўзи асрасин сени!

Назоратчи хонадан чиқиб кетди. Ташқаридан итларнинг хургани эштилди. Уларнинг очлиги товушларидан билинарди...

Кўлдошлининг юрагини саросима ўртади. Бу ердан тирик чиқиб кетишидан умидини узган бўлса-да, аммо ажали итларнинг ихтиёридалигини хаёлига келтирмаганди.

Пешиндан кейин эшик очилиб, узун бўйли, қотмадан келган одам Кўлдошлининг қаршисида пайдо бўлди. Қоп-қора юз-кўзлари унинг ўта бераҳм ва шафқатсизлигини фош қилиб турарди. Хонадаги сассиқ исга чидамай, оғзи билан нафас оларди. Бу қози эди.

– Ақлинг кириб қолган деган умиддаман. Шунча кундан бери тош устида ётиб ўзингнинг қадрингга етган бўлсанг керак. Биз сенга ёрдам бермоқчи ва юрtingга қайтармоқчи эдик.

– Аллоҳ дилингизга яхшилик ва эзгулик соганидан хурсандман! – жавоб қилди Кўлдошли.

– Мабодо таклифларимни рад этадиган бўлсанг, сен билан тортишиб ўтиришга сарфлайдиган вақтимни ҳувога совурмай, ҳозироқ ортимга қайтганим маъқул.

– Мендан нима истайсиз, таксир?

– Сендан кўп нарсани талаб қилмайман. Сўрайдиганим битта. Ростини айтсанг, Худони ўртага қўйиб қасам ичаманки, ҳозироқ бу хонадан иккимиз чиқиб кетамиз.

– Сиздек шариат пешвосининг гапига ишонсам бўла-
дими?

– Аллоҳ йўлида қилинган ишнинг савобини ҳеч қандай
мезон билан ўлчаб бўлмайди. Тангри ҳар биримизни эзгу-
лик ва яхшилик сари етаклайди. Дилларимизни нураф-
шон этадиган нарса ҳам эзгулик ҳамда яхшиликдир.

– Ҳақ гапларни айтдингиз. Яратган эгам барчамиз-
нинг қалбимизга тинчлик, барқарорлик, инсон инсонга
нисбатан яхшилик қилиш, бошига мусибат тушганда
ёрдам бериш туйғуларини солган. Уруш, одам ўлди-
риш, қон тўкиш, юртни вайрон қилиш динимизда қат-
тиқ қораланган. Зеро ҳадиси шарифда «Одамларнинг
энг яххиси одамларга манфаати этадиганидир» дейил-
маганми, таксир?

– Илмли йигитга ўхшайсан.

– Илм олиш фарз. Зеро илмли кишилар ҳамиша
жаҳолатга, ҳақсизликка қарши курашиб келганлар!
Адолат тарафида турганлар!

Қозининг чўзинчоқ юзида фазаб тўнфиди. Кўзлари ча-
ноғидан чиқиб кетадигандай олайди. Ҳозироқ ўзининг
хукмини ижро этишга тайёр эди, бироқ ҳеч ким уdda
қилолмаган, ҳаттоқи беҳисоб бойликлар билан йўлига
сололмаган қайсар бу йигитни ширин сўз билан, алдов
ва ваъдалар билан таслим қилмоқчи бўлганди. Ахир
бу ишни шунчаки зиммасига юклangan вазифа тақозо-
си илинтиrsa, ҳаммани қизиқтириб келаётган сотқиннинг
кимлигини била олса бас. Башир ва Жон Дэвид анча-
дан бүён шамол ўтиб юрган бўм-бўш чўнтагини ҳисоб-
сиз пулларга тўлдиришади. Мавқеи ошади. Каттароқ
ва нуфузлироқ мансабни эгаллайди. Янги барпо этила-
ётган ҳокимиятнинг бош қозиси бўлади. Шу орзулар,
шу истаклар, шу умидлар уни фазаб отидан тушириб,
захарханда юзига нотабийй табассум ато этганди. Бир
сўз билан айтганда, юрагидаги қаҳр ва фазаб қанчалик

жўш урмасин, уни ичига ютишга, заҳар томиб турган тилидан фақат бол сўзлар учиб чиқиши, шу йўл билан рўпарасида масхара қилиб турган маҳбуснинг қўнглига йўл топишни мақсад қилди. Лекин калласи бўум-бўш эди. Хаёлига дурустрок ўй-фикр келмасди. Аникроғи, қозининг маҳбуслар билан ишлаш, уларни сўроқ қилиш борасида тажрибаси етарли эмасди.

– Сен гумроҳлик қилма, бўтам, – дея сўз бошлиди қози қизариб кетган юзини буриб. – Сен тенги йўқ қудратли Мулла Умар ҳазратларининг қўлига тушгансан, ана шу зотнинг темир қўли сени халос этмоқчи, бундан фойдаланиб қол. Сен қилич билан ўйнашма, гап яширма. Ҳазратимнинг қаҳрини қўзғатадиган бўлсанг, додингни Худога айтсанг ҳам бу ердан чиқиб кетолмайсан! Танлаган йўлингнинг поёнида факат ажал кўринаётганини ўйла. Ёшгина умринг завол бўлишини қўз олдингга келтир. Ҳаёting ҳали олдинда. Сени порлоқ келажак кутмокда.

– Мендан нима истайсиз? Сўрайдиганингизни тезроқ сўрай қолинг! – яна бояги саволини такрорлади маҳфий хизматчи.

– Бетоқатланма, шошмасанг ҳам айтаман. Сендан кўп нарсани талаб қилмайман. Сўрайдиганим бир оғиз сўз. У ҳам бўлса сенга маҳфий маълумотларни етказиб турган айғоқчининг кимлигини билиш. Айт, ким эди у? Эргашбойнинг одамлари ичидамиди?

– Айғоқчи? Қанақа айғоқчи?

– Ўзингни гўлликка солма, бўтам! Агар сенинг ўрнингда у бўлганида бошингдан кечираётган азоб-уқубатларнинг бирортасига чидамай, аллақачон бизга барча гапларни айтиб берган бўларди. Ҳамманинг жони ўзига ширин. Ҳўш, унинг исми нима эди? Ўша бадбаҳт Эргашбойнинг тўдасидами?

– Кўйни ҳам оёғидан осадилар, тақсир, – деди Кўлдошли фоят осойишта ва дадил туриб. – Мени бу ерда

хеч қандай танишим, ҳеч қандай махфий маълумот билан таъминлаб турадиган одамим йўқ.

– Беъмани гапларни айтиб, отанг тенги қарияни лақиллатма! Ичингдагиларни кўзларинг сотиб турибди. Биз бугун бўлмаса эртага уни топамиз, – деди тақаббур қози. – Одамларимиз ҳозир Эргашбойнинг ла-геридагиларни биттама-битта элақдан ўтказишмоқда. Мирзаҳмаднинг йигитларини ҳам ўрганяпмиз.

– Ҳукмингизни ўқинг, бундай тухматлардан зерикдим.

– Сени роса ўқитишибди, кийноқ ва азобларга кўнижтиришибди. Афсуски, бизнинг қонунларимизни ўргатишмаган экан. Шундай усулларимиз ва қийноқларимиз борки, унинг биттасини қўлайдиган бўлсак, дунёга келганингга пушаймон ейсан!

– Мен инсонни қонун химоясига олган юртда туғилиб ўсганман. Қонун кучи одамзод томонида бўлиб келган. Қонун одам ўлдиришни эмас, балки тарбиялаш, тўғри йўлга солишини буюради. Аммо сизнинг қонунларингиз инсониятни худди бўғма илон каби бўғиб ўлдиради. Одамларни ҳеч қандай суриштирувсиз авахтага тиқади. Судсиз қамоқхоналарда ўлиб кетишади. Минглаб бегуноҳ инсонлар айбсиз отиб ташланмоқда. Уларни каламушларга талатиш, очлик азобида қийнаш ёки калтаклаш қайси давлатнинг инсоният устидан чиқарган қонунларида бор?

– Ҳар бир янги ҳукумат давлат тепасига келиши биланоқ ўзининг янги қонунларини ишлаб чиқади, – босиқлик билан гапида давом этди қози. – Биз давлат тепасига келдикми, демак, ўзимизнинг қонунимизни ишлаб чиқаришимиз лозим эди. Ишлаб чиқсан қонунларимиз эса бугун ўзининг кучини кўрсатмоқда. Инсон устидан ҳукмронлик қилмоқда. У шу қадар қудратлики, одамларни таҳликага солиб қўйди. Инсоният ундан қўрқиб яшайди ва бизга сидқидилдан хизмат қиласди.

– Агар сиз тузмоқчи бўлган хукуматни ҳукумат деб аташ мумкин бўлса, у инсон хукуқларини, эркини, баҳтини, орзу-истакларини худди мөгор босган буюмдек оёқлар остида пайпасламоқда. Қотилларнинг қўлига курол тутқазмоқда. Миллионлаб инсонларни оғу билан заҳарламоқда. Қонунларингизнинг қучи шу бўлса, мен унга тупурдим.

– Шаккоклик қилма! – деди титроқ босиб ияги қалтираётган қози. – Бундай дабдабали гапларни йигиштир!

– Тузган қонунларингиз билан мени қўрқитолмайсиз. Бундай қонунлар олдида таслим бўлмайман. Боя айтганимдек, мен инсон хукуқлари, қадр-қиммати юқори баҳоланганд, инсониятни азиз ва мукаррам деб билган улуф юртда туғилиб ўсганман. Ватанни сотиб, унга хиёнат қилиб, хоин деган тавқи лаънатни пешонамга битиб озодликда яшагандан кўра, сиз айтмоқчи мана шу ахлат иси анкиб турган авахтада ўлганим афзал. Тинчлик, барқарорлик байробини баланд кўтарган юртга содик ўғлон бўлиб ўлишнинг ўзи шараф! – Кўлдошли ўзининг «Озодлик декларацияси»ни баён этди.

– Менинг юзимга шундай гапларни айтишга уялмадингми? – деди қози гердайиб.

– Агар сиз чинданам қози бўлсангиз, бегуноҳ ўлаётган одамларни золимларнинг ўқидан, зулмидан асранг. Уруш қилаётганларга, қон тўкаётганларга, оғу етиштираётганларга қарши чиқинг. Бу хунрезликларнинг олдини олинг. Одамлар уруш кўравериб, қон кечавериб, кунига биттадан жигаридан жудо бўлавериб юракбағри титилиб кетган. Улар тинчликни, мустақилликни, озодлик ва эркинликни соғинган. Улар фақат тушларидагина жилмаяди, тушларидагини осойишталик баҳтидан масрур бўлишади. Сиз халқингизга қаратада шундай хитоб қилингки, ёмонлар қўлларидаги куролларни ташласин! Шум ниятда келганлар азизлар яшаб ўтган муқаддас бу заминни тарқ этишсин. Одамлар қўл-

ларига кетмон олиб, бомба ва ўқлардан бағри титилиб кетган ерни боғу роғларга, фаллазорларга айлантиришсін. Ерга бир ховуч дон сепишса, бутун бир халқни түйдіриш мүмкін. Шунда эл сизнинг номингизни шон-шарафларга буркайди. Шунда сиз Аллоҳнинг олдида хам, виждонингиз қаршиисида хам бурчингизни ҳалол адо этган бўласиз! Ахир ҳақиқий қозининг вазифаси, бурчи юртда адолат ва ҳақиқат ўрнатиш эмасми, тақсир?!

Деразадан мўралаб турган қуёшнинг бир чимдим кизғиши нурлари маҳбуснинг соқол босган қорача юзини ҳамда fazab ва изтиробдан ёнган кўзларини ёритиб турарди. Кўлдошалининг сўzlари ва харакати қозининг рухиятига қаттиқ таъсир қилди.

– Бас! – қичқириб юборди у. – Отанг tengi одамга бу қадар беадаблик қилгани уялмайсанми, нобакор!

Кўлдошали сўzlари нишонга текканини билди. У аччиқланмади. Юзини буриб, туйнук олдига келди. Ундан кираётган тоза ҳаводан симириб-симириб нафас олди. У қозининг чиқиб кетишини кутарди.

Қози хонани тарқ этмади. Ичиди қандайdir куч исён кўтариб, ваъда қилинган бойлик ва амал уни жаҳл отидан тушишга, муросаю мадора йўлини ихтиёр этишга, муҳими, йигитнинг кўнглига йўл топишга ундарди. «Наҳотки биргина сўзни айттириб бўлмаса? Агар Башир билан Дэвидга ваъда бермаганимда, аллақачон бу бадбахтни ўлимга маҳкум этган бўлардим».

У сўнгги имкониятни ишга солди.

– Мана бу китобни ушла! – деди қўйнидан китоб олиб унга узатар экан. – Агар ҳақиқий мусулмон бўлсанг, рост гапни айтасан. Шунда сенга ишонаман. Шу муқаддас китобни қўлингга олмас экансан, демак, сен айғоқчининг кимлигини биласан. Ундан маълумот олиб турганинг ҳақ бўлиб чиқади.

Кўлдошали китобни қўлига олди.

– Сўзларимга ишонасизми? – сўради қозидан.

— Ахир мусулмон одам қўлига муқаддас китобни олгандан кейин ёлғон гапирмайди. Худонинг фазабидан, икки дунёси куйиб кетишидан, қиёматгача дўзах оташда ёнишдан қўрқади.

Қўлдошли китобни олди. Унинг қалин муқовасини пешонасига босиб, кўзларига суртди. Қозининг кўзлари чақнади, юзи табассумдан ёришди.

— Ҳақ гапни сўзла, бўтам! Айт, шайтон йўлдан оздирган, сенинг бошингта бу балоларни солган ўша бадбаҳт ҳозир қаерда? — фазабини ичига ютиб, мулойим овозда сўради қози. — Унинг исми нима?

— Шу китоб хурмати айтган гапларимга ишонасизми? — яна бир бор сўради юраги зада бўлиб кетган банди.

— Мусулмон банда ёлғон гапирмайди, гуноҳи азимга ботмайди. Дўзах азобларидан қўрқади!

Қўлдошли ноилож китобни кўкрагига босди:

— У кўксимда, уриб турган юрагимда!

Козининг юзи қўкариб кетди.

— Сен дахрийсан, сен диндан озган жоҳилсан! Худонинг қаҳрига дучор бўлғайсан!!! — фазабли оҳангда қичқирди қози.

Козикалон йигитнинг қўлидаги китобни юлиб олди. Қўлдошининг туриши, овози, кўзи ва ҳаракати унинг рухиятига қаттиқ таъсир қилганди.

— Ҳамтовофингнинг номини айтишдан кўра ўлимни афзал билдингми? Унинг номини ўзинг билан нариги дунёга олиб кетмоқчимисан? Нима ҳам дердим? Мен сенга ўзимнинг сўнгги қароримни айтдим. Энди қайтиб қўришмаймиз.

Кози бу ерда ортиқ қололмаслигини ва маҳбусдан сўз ололмаслигини тушуниб етди. Эшик ортида турган соқчига қўли билан «Эшикни оч» деган ишорани қилди.

— Бу ақлдан озган банда ўлимга маҳқум этилди! — топшириқ берди у эшик олдида турган соқчига ва ўзи илдам қадам ташлаб хонадан чиқиб кетди.

Икки нафар соқчи ичкарига кирди. Улар юзларининг ярмини қора мато билан тўсиб олишган, фақат ялтираб турган кўзлари кўриниб турарди.

Улар Кўлдошалининг қўлларини қайириб боғлашди, кейин қўлтиғидан кўтариб, ташқарига олиб чиқиб кетишди. Бу пайтда айрим хоналарда оғриқ ва очлик азобига чидаёлмай ётган тутқунларнинг оху зорлари авжига чиққанди.

Махбусни тепага олиб чиқишиди. Ташқаридаги кун ботиб, аста-секин қоронфилик чўкаётганди. Ҳовлида соқчилар юришарди. Бандини қамоқхонанинг орқа томонига олиб ўтишди. Бу ерда ўнга яқин темир қафас ичидаги маҳсус боқилган итлар сақланарди. Ҳар бир қафаснинг тепасига рақамлар ёзиб қўйилганди. Итлар бегона одамни кўриб, тирноқлари билан қафасга ёпишиб ириллашди. Тўртинчи қафас олдига келганда соқчилар тўхташди. Ичкарида ўзининг катталиги ва баҳайбатлиги билан ҳар қандай одамнинг эсхонасини чиқариб юбориши мумкин бўлган иккита ит ётарди. Булар катталиги шердай келадиган, бақувват, даҳшатли итлар эди. Уларнинг тумшуғидан қон иси анқирди. Чуқур ва вахший кўзларининг атрофи бамисоли ўтли гардиш билан ўралгандек кўринарди. Уларга яқинлашишга одамнинг юраги бетламасди.

Улар бандини кўриб оғизларини хиёл очиб, ўткиртишларини кўрсатиб ириллашди. Оғизларидан кўнгилни ағдаргудек бадбўй ис билан ҳовур чиқди. Баланд ва узун бўйлари, ичига ботган қоринлари, чақнаб турган юмалоқ кўзлари уларнинг очлигидан далолат берарди. Итлар одамни кўриши биланоқ ҳуришдан тўхтаб, олдинги оёқларини темир панжара устига қўйди. Бошлигини баланд кўтарган махлуқлар оғизларини хиёл очиб, қип-қизил тилларини чиқариб ўлжага термулиб туришарди. Одатда улар ўлжани кўришлари биланоқ,-худди бир-бирларидан қизғанишгандек ириллашарди.

Лекин хозир димоқларига урилган қандайдир таниш ис уларни fazabdan туширди ҳамда ўлжага ташланиш ўргина ортга чекиниши.

Кўлдошли қишлоқда катта бўлган. Болалигидан ит боқкан. Бу жониворларга меҳри бошқача эди. Уларнинг руҳиятини яхши биларди. Қаршисидаги итлар одам гўштини еб катта бўлганини бир боқишаёқ сезганди. «Наҳотки жонимни шулар олса?» деб кўнглидан ўтказди. Ичкарига кирганда ҳам ўзини йўқотиб кўймади. Итларнинг кўзига тик боқди. Шунда ҳамма кутган хол содир бўлмади. Мўъжиза рўй берди. Итлар одамнинг юз-кўзларидан қўрқув ва саросимани сезишмади. Хуришдан тўхташди.

Козининг юрагидаги умид шами ҳали ҳам лишиллаб турарди. Маҳбусни тўртингчи қафасга олиб боришганда «Балки қўрққанидан таслим бўлар» деб ўйлаганди. У панжарали деразадан маҳбусни кузатиб турарди. Соқчилар эшикни очишиди. Шунда тутқун орқасига қайрилди. Нигоҳлари темир панжара орқасида ёниб турган бир жуфт кўзга тушди. Бу қози эканлигини дарров таниди. Кейин у худди хонасига кириб кетаётгандек қафас ичига қараб юрди. Қози деразадан қўзини олиб, нозирга юзланди.

– Ўлимга тик боқкан одамлар ҳақида эшитгандим, аммо кўрмагандим, – деди. – Каранг, худди кулбасига кириб кетаётгандек ўзини ажал чоҳига ташлади-я!

– Нимасини айтасиз, – деди бунга жавобан нозир. – Биз уни овқатдан ҳам, сувдан ҳам маҳрум қилгандик. Ўзим олдига тушиб, икки бор яхши гап билан ҳам, ёмон гап билан ҳам, ҳатто мана бу резина таёқ билан савалаб ҳам гапиртира олмадим.

– Ҳақиқатан ҳам ҳайратланарли ҳол!

– Иродасининг бу қадар мустаҳкамлиги мени ҳайратга солди. Аслида уни дастлабки куниёқ отиб ташлшимиз керак эди. Бироқ Башир жаноблари «Қандай

қилиб бўлмасин, гапиринглар, маълумот етказиб турган одамнинг кимлигини билишимиз керак» деб туриб олдилар.

– Маҳбус Башир жанобларидан ҳам кўпроқ Дэвидни қизиқтириб қолганини тушунмадим. Эргашга кимлар ёрдам берётгани, кимлар маблағ билан таъминлаб келаётгани ва унинг ютидаги одамлари фош бўлаётган бўлса унга нима? Бунинг учун у жавоб бермайди-ку?

– Уларнинг ўртасида бўлаётган ишлардан афсуски, биз бехабармиз, – деди овозини пастлатиб нозир. – Назаримда уларнинг ҳаракатидан Қўлдошлига маҳфий маълумотларни етказиб берётгани одам жуда кўп нарсалардан воқиф бўлса керак. Улар бекордан-бекорга уни қистовга олиб, сиз билан мен тасаввур қилолмаган маблағларни ваъда қилишмайтган. Бахтга қарши, уни гапиририш ҳеч биримизнинг қўлимиздан келмади. Айғоқчининг номини ўзи билан нариги дунёга олиб кетадиган бўлди.

Бу пайтда Қўлдошли итлардан бирининг жунлари ҳурпайиб кетган, хумдек келадиган калласини силарди. Бу унга хуш ёқди ва бошини орқага ташлаб фингшиди ва олдинги оёқларига тирадиб керишиб қўйди. Қўлдошли иккинчи итнинг бошини ҳам шундай алфозда силади. Ўзининг жониворларга бўлган меҳрини қўллари орқали уларнинг юрагига етказганди. Турма нозири ҳам маҳбуснинг итлар томонидан ўлдирилишини томоша қилиш мақсадида дераза олдига келди.

– Қаранг, итлар негадир бурчакка қисилиб олишибди. Бундай ҳолни биринчи қўришим, – деди чанг босиб қолган ойнадан қафас ичидага турган маҳбусга қараб.

Қози бош ирғаб қўйди.

– Ўтган хафтада бир маҳбусни айнан шу қафаста ташлатгандим, – дея гапида давом этди нозир. – Ичкарига кириши биланоқ итлар бир пайтнинг ўзида унинг бўғзидан тишлаб ерга ётқизиб, ҳаш-паш дегунча қорни-

ни ёриб ичак-чавогини чиқарип ташлашганди. Ўшанда унинг гўштини икки кун ейишганди. Уч кун муқаддам яна бир маҳбусни тўртингчи қафасга ташлашга қарор қилгандик. Бечора қафас олдига келиб, итларинг ва-жохатини кўрибок ўтакаси ёрилиб жон берди. Назаримда уларни фавқулодда маҳлук деб ўйлаган бўлса керак-да.

– Балки ҳозир итларингиз тўқдир? Одам гўштини ейиш жонларига теккандир?

– Бундай бўлиши мумкин эмас, қози. Итларим икки кундан бери ҳеч нарса татишмаган... Қараб туриング, яна икки-уч дақиқадан кейин уни ғажиб ташлашади. Итларда шундай феъл бор, аввалига индамай туришади, кейин оч қолишилари бирдан эсларига тушиб ўлжага ташланишади. Кўзингизни очиб юмгуниңгизча ҳар қандай тирик жонни тилка-пора қилишади.

Улар деразадан итларга тикилиб туришли.

– Итларингиз ажойиб. Афтидан булар хориждан келтирилган бўлса керак? – сўради қози.

– Буларни Дэвиднинг бошлиқлари бизга совфа қилишган. Ҳаммаси ҳам одам гўштини еявермайди. Бешинчи қафасдагилар қочоқлар изидан қувишса, биринчи қафасдагилар туни билан қамоқхонани қўриқлаб чиқишади. Иккинчи қафасдагилар эса қочиб кетган маҳбусларни тутиб келади. Ўта ақлли жониворлар!

– Қўлдошалини нима учун емаганини билдингизми?

– Гўшт ейиш жонига теккандир-да?

– Фикрингизга қўшилолмайман-у, аммо бир нарсани аниқ айтаман. Менимча, маҳбусда файритабиий қудрат бор.

– Файритабиий қудрат?

– Шундай. У еган калтакларни бошқа одам еганда, азоб-уқубатларга бардош бера олмай ўлиб қоларди. Ёки ваъда қилинган бойликлардан боши айланиб жинни бўларди. Дэвид уни сотиб олиш учун одам боласи-

ни ҳайратга соладиган бойликларни ваъда қилди. Бари бироз рози бўлмади.

– Қанча ваъда қилди? – қизиқиб сўради қози нозирга юзланиб. Пулнинг дарагини эшитиб, унинг кўзлари соққадай ўйнаб кетганди.

– Кўлига чек тутқазиши ва хоҳлаган пулинни ёзиб олишни ихтиёрига берди!

– Наҳотки?!

– Гапимга ишонаверинг, тақсир!

– Нақадар улкан имконият! – хўрсиниб қўйди қози.

– Назаримда у катта бойнинг ўғли бўлса керак!

– Фикрингизда жон бор. Балки унинг кўнглига йўл топа оладиган бошқа нарса ўйлаб топиш керакдир! Башир жаноблари билиши керак бўлган сирни ўзи билан нариги дунёга олиб кетишига йўл қўймаслигимиз керак.

– Ундан сир олиб бўлмаслигига сиз ҳали ҳам ишонмаяпсизми, тақсир?

– Пулдан юз ўтиргани мени ажаблантирмоқда, Собир афандим. Ахир қайси аҳмоқ чекка хоҳлаган миқдордаги долларни ёзишдан бош тортади. Менга қаранг, балки мен яна бир бор уриниб кўрарман. Агар уни йўлга сололсам, сизнингча, Дэвид пулнинг қанча қисмини менга беради?

– Бир миллион етадими?

Қози типирчилаб қолди.

– Ҳазиллашманг...

– Ишонмаяпсизми?

– Ишоняпман, аммо...

– Лекин сиз уни қанчалик авраманг, қанчалик муғом-бирлик ишлатманг, бари бир ундан гап ололмайсиз. Чунки унинг қалбида ўз юртига бўлган меҳр-муҳаббат, садоқат кучли. Қайсиdir китобда ўқиганман, «Кимники қалбида ўз ватанига меҳр-муҳаббати кучли бўлса, уни ҳеч ким таслим қила олмайди».

Қози гап тополмай қолди. Шу пайт телефон жиринглади.

* * *

Йўлда Faфурни миршаблар тутиб олишди, афт-ангорини кўриб шубҳаланишди. Идораларига олиб кетишаётгандада у бошлиқнинг қўлига юз доллар қистирди.

– Таксир, сиз ҳам бола-чақали одамсиз, умид билан кўчага чиққансиз.

– Эс-хушиңг жойида кўринади, – деди миршаб пулни ҳамёнига жойлар экан. – Уйимга кетяпман де. Бундай ахволда ота-онанг кўрса сени танимайди-ку, баччагар!

– Таксир, дўкондан кийим сотиб олмоқчиман.

– Пулинг борми? – сўради кўзларини ўйнатиб миршаб.

– Топилади...

– Кўрсат!

Faфур ҳар эҳтимолга қарши иккинчи чўнтағига эллик доллар солиб олганди. Пулни кўриб миршаб кўзларининг пахтаси чиқиб кетди.

– Пулни менга бер. Ҳозир сенга ажойиб кўйлак тошиб бераман!

У қўйнига қўл солиб, тунда мурдалардан бирининг устидан ечиб олган кўйлакни олиб Faфурга узатди.

– Кийиб ол!

Миршаб пулни олиб, шерикларини эргаштириб жўнаб кетди. Faфур четга ўтиб кийинди. Кейин кирақаш машиналардан бирини ёллаб Кобулга жўнади. Хаёлини «Қамоқхонага қандай қилиб кириш мумкин» деган фикр банд этганди. Соқчиларни ишонтирадиган баҳона излади. Машина Кобулга етиб келганида Faфур бошида оғриқ турғазган саволларга жавоб топгандай бўлди. Жон Дэвиднинг телефонига қўнғироқ қилди. Девид ўтган сафаргидек куттирмади. Тезда гўшакни олди.

– Эшитаман!

– Дэвид, бу мен, Faфурман!

– Каердасан?

– Аввалги учрашган жойимизда.

– Нега қайтиб келдинг?

Faфур «Башир мени Саманганга жўнатганини айтибида-да» деб ўйлади. Демак, улар бир-бирлари билан боғланишган. Лекин ҳозир Faфур бу ҳақда бош қотирмади. У ўйлаган мақсадини Дэвиднинг қулоғига етказишга шошилди.

– Зудлик билан сиз билан учрашишим керак.

– Тингчликми?

– Кўришмасак бўлмайди?

– Гапинг шунчалик муҳимми?

– Афтидан, мен Кўлдошалининг алоқачисини билиш йўлини топдим!

– Баширга айтмадингми?

– Қайтиб келганимни ҳозирча унга айтмай турганингиз маъқул.

– Бугун сен билан қўришолмайман, вақтим зик. Бир жойга боришим керак.

– Ташрифингизни икки соатга кечиктирсангиз.

Дэвид жим қолди ва кейин шундай жавоб қилди.

– Яхши, ҳозир етиб бораман.

– Сизни кутаман!

Вақт шом бўлганди. У Дэвидни сўзларига ишонтира олсагина уни қамоқхонага олиб бориши мумкин, шубҳаланса шу ернинг ўзида хайрлашади. Қайтиб келганидан Башир хабардор бўлса, иш чаппасига кетади. Балки ҳозиргача Кўлдошалини ўлдириб қўйишгандир. Қамоқхонада маҳбусларни бекордан-бекорга ушлаб туришмайди.

Дэвид келди.

– Хўш, нима гап? – сўради Faфурни кўриши биланоқ.

– Мен тутқундан сир олиш йўлини топдим.

– Қандай йўл экан?

– Ҳозироқ мени унинг олдига бошлаб боринг.

- Ўйлаб топган режангни айт.
- Менга ишонинг, ярим соат ичидаги айгоқчининг кимлигини билиб чиқаман.
- Қандай қилиб?
- Фафур ёлғон гапиришга мажбур бўлди.
- Мен унга ярим миллион ваъда қилгандим. У эса бир миллион талаб қилганди.
- Аҳмоқ! Сўраган пулига нега розилик бермадинг?
- Сизнинг маслаҳатингизни олай дегандим.
- Бу гапни ўша куниёқ айтишинг керак эди.
- Ёдимдан кўтарилибди. Кейин у Башир билан учрашмоқчи эканлигини ҳам айтганди.
- Ҳозир Башир ишхонасида эмас, эрталаб қандайдир иш юзасидан идорасидан чиқиб кетган.
- Кетган бўлса қайтиб келади. Ҳозирча бу ҳақда унга индамаслик керак. Аввал кўндирай. Башир билан учрашишга рози бўлса кейин сизга айтаман.
- Дэвиднинг юрагида умид уйғонди.
- Турма нозири шу пайтгача топшириқни адо этган бўлса-чи?
- Ўлдиришни буюрганмисиз?
- Ушлаб туришим керакмиди?
- Фафурнинг вужудини совуқ тер қоплади.
- Балки тирикдир, улгуармиз, – деди.
- Дэвидтурма нозирига қўнфироқ қилди.
- Бизнинг меҳмонимиз тирикми?
- Яқинда уни тўртинчи қафасга ташладик.
- Демак, бориб унинг суякларини кўришимиз мумкин экан-да?
- Дэвид, биласизми, мен қамоқхонада ўн йил ишлаб, ўнлаб маҳбусларни тўртинчи қафасга ташлаб, ҳайтимда илк бор мўъжизами ёки Худонинг қудратими, хуллас гаройиб ҳолга дуч келдим.
- Нима бўлди, очикроқ айтинг, ёки қочириб юбордигизми?!

- Айтсам ишонмайсиз. Балки келиб ўзингиз қўрар-сиз.
- Юрагимни ўйнатмай тезроқ айта қолинг!
- У итларни худди ўзининг дўстларидек қучоқлаб ўтирибди!
- Ҳозироқ уни хонасига олиб киринг!

Дэвид билан Fafur қамоқхонага йўл олишди. Кун кеч бўлганди. Йўлларда толибларнинг соқчилари пайдо бўла бошлишганди. Улар ўтаётган машиналарни назорат қилишар, кимга тегишли эканлигини сўраб-сурширишар, шубҳали кимсаларнинг машиналарини тортиб олиб, ҳайдовчиларни ўз идораларига олиб кетишарди. Дэвиднинг машинасини ҳам икки жойда тўхтатишиди. У толиблар етакчиси томонидан берилган рухсатномани кўрсатиб, постлардан ўтиб кетди. Машина қамоқхона дарвозасининг олдида тўхтади. Ичкаридан нозир чиқиб келди.

- Маҳбуснинг ахволи қандай?
- Хонасига олиб кириб қўйдик.
- Ҳозироқ бу йигитни унинг олдига киритинг.
- Янглишмасам, бу йигит икки кун бурун унинг олдидан чиқиб кетганди.
- Адашмадингиз.
- Сиз маҳбусни тавбасига таянди деб ўйлайсизми?
- Тавбасига таянмаган бўлса-да, бу гал унинг юрагига йўл топгандаймиз!
- Худо омадингизни берсин... Сизга очифини айтадиган бўлсан, маҳбусингизда қандайдир файритабий қудрат мавжуд. Одамларим уни тўртинчи қафасга олиб кетишаётганда кўзларида заррача қўрқув хиссини сезишимади. Хонанинг эшиги очилганда одатда кўплаб маҳбусларнинг юраклари бардош беролмай, ҳушдан кетиб йиқилиб қолишар, айримлари дод-вой солиб еру осмонни ларзага келтиришар, баъзилари эса таслим бўлишарди. Аммо сизнинг маҳбусингиз ходимларимни

зўрлик ишлатишини кутмасдан, ўзи қафас ичига кириб борди. Мени ажаблантирган нарса шуки....

– Бу хақда кейин гапириб берасиз, Собир. Ҳозир бу йигитни унинг хонасига олиб киринг. Ярим соат сухбатлашиб, биз учун муҳим бўлган маълумотни билиб беради.

– Шундайми? – Собир анча нарида турган соқчини чакирди. У шу захотиёқ бошлигининг олдида ҳозир бўлди.

– Буни тўртингчи қафасдан олиб чиқилган маҳбуснинг олдига олиб кир!

СоқчиFaфурни бошлаб ичкарига кириб кетди.

– Агар вақтингиз бўлса, менинг хонамга кирсангиз, бир пиёла чой билан меҳмон қиласардим...

Дэвид соатига қаради. Ярим соатни ташқарида тик турган ҳолда ўтказиб бўлмасди...

* * *

– Мени кўриб нимага қайтиб кирдийкин деб ўйлаётган бўлсанг ажаб эмас, – Faфур тошсупада ўтирган Қўлдошлига шундай сўзларни айтиб хонага кириб келди.

– Акаларинг ўргатган бирорта муҳим гап ёдингдан кўтарилиган бўлса керак-да! Ахир сен қандай қилиб бўлмасин, ўзингга берилган топшириқни бажаришинг керак-ку, – деди бепарволик билан .

– Ажалга дуч келсанг, ақлинг киаркан. Лекин мен бу гал бошқа одам бўлиб олдингга қайтиб келдим.

– Бошқа одам бўлсанг нега афт-ангординг ўзгармаган, кийимнингни ўзгарибибсан, холос. Аслида юзингга бошқа никоб тақиб олишинг керак эди.

– Кел, баҳслашиб ўтирмайлик. Вақт тифиз. Бу ердан чиққанимдан кейин мени Эргашнинг олдига жўнатишганди. Йўлда ўлиб кетишимга бир баҳя қолди. Арчанинг кичкинагина томири ҳаётимни сақлаб қолди. Унда

осилиб турар эканман, кўп нарсаларни хаёлимдан ўтказдим. Сўзларингни эсладим. Хатоларимни англадим.

– Наҳотки англаб етган бўлсанг?

– Ҳа, кеч бўлса ҳам англадим.

– Нега унда яна бу ерга қайтиб кирдинг?

– Айбларимни сени бу ердан озод қилиш билан ювмоқчиман.

– Мени қутқарганинг билан юрагинг пок бўлармикин?

– Қилган хатоларимни ҳукумат кечирадими, йўқми – буни кейин гаплашамиз. Ҳозир қандай қилиб бўлмасин, сени бу ердан олиб чиқиб кетишни маслаҳатлашиб олсак.

– Мени қутқариш қўлингдан келармикин?

– Йўлини топдим. Бунинг учун фақат менинг гапимга қулоқ солишинг керак.

– Эшитаман!

– Сен Дэвидга бир миллионга рози бўлганингни айтасан...

– Дэвид ишонади деб ўйлайсанми? У сен ўйлаганчалик аҳмоқ эмас.

– Ишонмаганида мени бу ерга бошлаб келмасди.

– Мен нима қилишим керак?

– Башир билан учраширишини талаб қиласан.

– Нега энди Башир билан учрашар эканман?

– Үнга айтадиган муҳим гапларим бор дейсан.

– Ўша сўхтаси совуқ мени қабул қиласмикин?

– Гапимни бўлмай тур. Биз йўлга чиқамиз. Табиийки, соқчилар ҳам бизни кузатиб боришади. Йўлда нима қилиш кераклигини менга қўйиб бер.

– Борди-ю сен ўйлаган режа амалга ошмаса-чи?

– Ошади, мен бунга ишонаман. Қолаверса, Дэвиднинг мақсади қандай қилиб бўлмасин, сендан маълумот олиб турган одамнинг кимлигини билиш.

– Кейин нима қиласман?

– Сени юрtingга кузатиб қўяман.

– Ўйлаб топган режангни мұваффақиятли чиқишига унчалик ишончим йўқ. Миллион долларга рози бўлганимга Дэвид ишонар, аммо Башир билан учрашишга йўл қўймаса керак.

– Улар сен ўйлаганчалик эмас. Ҳар иккиси ҳам оғзингдан чиқадиган бир оғиз сўзингга маҳтал бўлиб туришибди.

Қўлдошли қандайдир томондан Faурнинг хақлигига ишонгиси келди. Аммо бари бир Баширнинг олдига олиб боришларига у қадар ишонмади.

– Балки уни шу ерга чақиришар.

– Чакиришадиган бўлса, яна бир баҳона ўйлаб қўйганман, – деди Faур. – Сен ўша маълумот бериб турган одамнинг исмини билмайман, аммо кўрсам танийман. У билан эртага учрашишим керак эди. Ҳозироқ мени лашкарбошининг олдига олиб боринглар деб талаб қил.

– Билганингни қил, менга ўлим хукми ўқилганини унутма. Сен ўйлаган режа амалга ошмаса ёки хийла эканлигини билиб қолишиса, сени ҳам менга қўшиб терингни шилишади.

Faур айтган муддат тугаганди. У эшикни тақиллади. Соқчилардан бири келди.

– Бизни назоратчининг олдига олиб чиқинг!

Соқчи эшикни очди ва иккисини назоратчининг хонасига олиб киришди. Дэвид шу ерда эди. Қўлдошлини кўриб, «Кўндирибди» деб ўйлади.

– Бир миллионга рози бўлди, – деди Faур Дэвидга яқин келиб. – Лекин у Башир билан учрашиши лозим экан.

– Башир билан?

– Шундай, унга айтадиган мухим гапи бормиши.

– Баширни бу ерга чақиролмайман.

– Унинг талабини бажаришимиз керак.

– Унда мен Баширни хабардор қиласман, балки унинг ўзи келар.

– Йўқ, олдига борганимиз маъқул. Эртага махфий маълумотларни бериб турадиган одам билан кўришиши керак экан.

Дэвид ўйланиб қолди. Кейин Faурга қаради.

– Яхши уни олиб борамиз, – деди ва нозирга юзланди.– Бизга иккита соқчи берсангиз.

– Улар тезда қайтиши керак.

– Хавотир олманг, у ерга борганимизда бизга Баширнинг одамлари ёрдам беради.

Улар бирин-кетин ташқарига чикишди. Дэвид ҳар эҳтимолга қарши Кўлдошалининг қўлига кишан солишни буюрди. Соқчиларнинг ҳамроҳлигига пойтахтга йўл олишиди.

Ташқарига росмана қоронфилик тушганди. Осмон булуатли эди. Совуқ эпкин эсади. Faур ўйлаган режасини амалга ошириш учун пайт пойларди. Дэвиднинг олдида соқчилардан бири ўтиради. Орқа томонда яна бир соқчи келарди.

Биз илгариги бобларимизда айтиб ўтганимиздек, Faур анча абжир ва қўл жангидан яхшигина хабардор эди. Бир ҳамла билан машинадагиларни тинчтиб қўйиш қўлидан келарди. Лекин пайт керак эди. Йўлда толибларнинг иккита пости бор. У ерда қуролланган соқчилар ўтган машиналарни назорат қилишади. Ундан ўтиб олишгач у ёғига етти-саккиз чақирим масофа колади. Шундан фойдаланиб қолиш лозим. Улар постдан ўтишди. Соқчилар Дэвиднинг машинасини таниб қолишгани учун йўлни очиб беришди. Постдан ўтишлари биланоқ Faур ҳаракатга тушди. Олдин у кимга зарба беришни ўйлади. Соқчиларнинг иккиси ҳам қуролланганди. Кўлларида автомат, белларида пичоқ ва тўппонча. Кўлдошли Faурнинг қарашини тушунди ва соқчига яқинроқ сурилди. Шундай қилганида унинг автоматини олишига халақит қилган бўларди. Faур биринчи бўлиб олдиндаги соқчининг бошига мушт ту-

ширди. Дэвид шеригига нима бўлганини тушуниб етмай, энсасига келиб тушган зарбадан ёнбошлаб қолди. Орқадаги соқчи автоматни қўлига олишга улгурмади. Қўлдошли тирсаги билан соқчининг биқинига шундай ўхшатиб туширди-ки, қуролини ташлаб, оғриқ турган жойни чангллаб додлаб юборди. Fafur машинани тўхтатди. Бу орада Дэвид бир оз ўзига келганди. Ёнидан қуролини олишга чоғланаётганда яна бир зарба миясьининг қок ўртасига тушди ва узоқ муддат ўзига келмайдиган бўлди. Олдиндаги соқчи ҳушини йўқотганди. Fafur Қўлдошалининг қўлидаги кишанинни ечди. Машинани вайронага айланган уйнинг олдида тўхтатди. Учалаларини кўтариб пастга туширишди. Қўлдошли соқчиларни ўзига келиб қолиши мумкинлигини ўйлаб қўл-оёқларини боғлаб ташлади.

– Олдимизда яна битта пост бор, – деди Fafur Дэвиднинг ерга тушиб кетган телефонини олар экан.

– Айланма йўл йўқми?

– Билмайман.

– Унда олға!

Fafur машинани ҳайдади. Икки чақиримча юришгандан кейин постга келишди. Ўнга яқин толиблар гулхан атрофида чой ичиб, айримлари наша тортиб ўтиришарди. Улардан бири йўлнинг ўртасига чиқди ва қўли билан тўхташ ишорасини қилди. Бу ердан хужжатсиз ўтиб кетишнинг иложи йўқ эди. Қўлдошли автоматни қўлига олди. Fafurнинг қуроли ҳам отишга шай турарди. Соқчилардан бири автоматнинг учини уларга қаратиб турарди.

– Кимсизлар?

– Биз қамоқхонадан келяпмиз.

– Кимнинг одамисизлар?

– Башир оғанинг!

– Хужжатларинг?

Соқчи яқин келиб қолғанди. Қўлдошли кўз қири билан унинг шерилариға қаради. Улар нима ҳақида-дир баҳслашиб ўтиришарди. Қўлдошли автоматнинг тепкисини босди. Faфур ҳам қуролини ишга солди. То-либларнинг бирортаси ўрнидан туришга улгуролмади. Қўлдошли тезликни ошириб, қоронғида кўздан фойиб бўлди. Лекин соқчилардан бири ўзини панага олишга улгурғанди. У машина ортидан ўқ узди. Ўқлар ҳавода пушти ранг из қолдириб визиллаб ўтарди. Faфур маши-нанинг чайқалиб бораётганини сезиб қолди. Қўлдоша-лига қаради. Ўқлардан бири унинг елкасига текканди. Faфур тормозни босди. Ярадорни орқага олиб, ўзи рул-га ўтирди. Шаҳарга кириб бўлмасди. Ҳар қадамда то-либларни учратиш мумкин, қолаверса, уларни шаҳар-да қиласиган ишлари ҳам йўқ. Faфур машина рулини Мозори Шарифга бурди. Қўлдошининг аҳволи оғир эди. Оғриқдан инграрди.

Эрталабга яқин улар шаҳарга етиб келишди. Бу ёғига пиёда юриш керак эди. Одамлар уйғонишган. Кўчалар-га қуролли одамлар чиққан. Истаган пайтда тўсишлари мумкин. Faфур машинани қир томон бурди. Қачондир бомба тушиб хандақقا айланиб қолган чуқурга туширди. Қўлдошини кўтариб пастга олди.

- Аҳволинг яхшими?
- Ўлмагудекман..
- Бир оз чидаб тур, ярангни боғлаб қўяман.
- Менга телефонни бер!
- Аввал ярангни боғлаб қўяй!
- Телефонни бер дедим!
- Тонг сахарда кимни безовта қилмоқчисан?
- Айтганимни қил! – Қўлдошининг овози жиддий эди. Faфур Дэвиддан тортиб олган телефонини унга узатди.
- Энди ўн қадам нарига бориб тур, – ярадор автомат-нинг учини шеригига тўғрилади. Faфур бир неча қадам ортга тисарилди. Қўлдошли керакли рақамларни тер-

ди. Бир оздан кейин гўшакни олган одамнинг «Эшитаман» деган сўзиFaфурнинг қулоғига ҳам етиб келди.

– Иккинчи манзилда... учинчи тирик...

– Уни кўрдингизми?

– Xa!

– Иккинчининг манзилини айтинг?

Кўлдошалининг жавоб қайтаришга ҳоли қолмаганди. Кўлидаги телефон тушиб, тупроқ устида сирпаниб анча нарига бориб қолди. Ундан ҳамон нотаниш кимсанинг овози келарди.

– Алло, мени эшитяпсизми? Алло!

Faфур телефонни қўлига олди. Кўлдошли автоматга интилди. Бироқ унинг қувватсиз ва қалтироқ қўллари куролга етиб бормади.

– Мен одамингизни қамоқхонадан олиб чиқдим. Уни юрга қайтармоқчи эдим. Бироқ йўлда бизни толиблар ўққа тутишди. У елкасидан яраланди. Ҳаёти қил устида турибди. Ёрдам беришнинг иложи йўқ.

– Сиз кимсиз, исмингизни айтинг?

– Мен Faфурман!

– Faфур?! Хозир қаердасиз?

– Мозори Шариф яқинидаман.

– Манзилни айтинг?

Faфур турган жойини яхши биларди. Айтди.

– Йигитларингиз яқинлашганда шу рақамга қўнғироқ қилишсин! Мен ҳамиша шу телефонда бўламан!

– Одамимизни чегарага олиб кела оласизми? Бунинг учун истаган талабингизни бажаришга сўз бераман!

– Бунинг иложи йўқ. У кўп қон йўқотди.

– Тўхтанг, бизнинг одамларимиз боргунча унинг олдида тура оласизми? Беш соат уни назорат қилиб туришга сўз беринг!

Faфур бир оз ўйланди. Кўлдошалини олиб кетиш учун келган одамлар, албатта уни таниб қолишилари мумкинлигини ўйлади.

– Яхши, мен унинг олдида тураман. Бироқ одамларингизнинг қораси кўриниши биланоқ фойиб бўламан.

– Сиз кўрқманг, одамларим сизга тегишмайди. Балки ҳамкорлик қиласиз!

– Менинг оёғимдан бошимгача гуноҳ. Ҳамкорликка рози бўлиб, ўзимни сизнинг қўлингизга топшириб қўймоқчи эмасман. Бу ерда бажарадиган муҳим ишларим, тузатадиган хатоларим бисёр!

– Хатоларингизни бирга тузатамиз.

– Буни ўзим уддаломақчиман. Аввал Эргаш билан ҳисоб-китоб қиласман, кейин Мирзаҳмадни тинчитаман.

– У лар бизга тириклиайн керак.

Фафур бир оз ўйланиб турди-да:

– Мирзаҳмадни қўлингизга топширишга сўз бераман, аммо Эргашни қайтариш қўлимдан келмайди.

– Нега?!

– Унга ўлим ҳукми ўқилган.

– Ким ўқиган ўша ҳукмни?

– Керакли пайтда ўзим сиз билан боғланаман!

Фафур телефонни ўчириб қўйди. У бундан кейин бажарадиган ишлари ҳақида ўйлади...

ЮРТДА

ХАБАРНОМАДАН

Шошилинч топшириқномага биноан қўйидагилар аниқланди:

Юсуф Аҳмад 1981 ва 1985 йилларда маҳсус топшириқ билан Пешовардаги Бадабер лагерида бўлган. Кўлга олинган Афғонистон ва Шўро аскарлари билан ишилаган. Лагерда жанговар тайёргарликдан ўтиш мақсадида келган хорижлик жангариларга қўпорувчиклик ва диверсия ишларидан сабоқ берган. Асиirlардан олинган маълумотларни ўз идорасига узлуксиз жўна-

*тиб турган. Лагер портлатиб юборилгац Юсуф Аҳ-
мад бошлиқларининг топшириги билан Қандаҳордаги
лагерда ишни давом эттиради. 1985 йилнинг 23 де-
кабрида самолётдан ташланган бомба остида қолиб
халок бўлади. Шу сабабли маълум қилинган шахснинг
ҳаётига оид маълумот олиш имкони бўйлмади.*

Махмудов Покистондан жўнатилган маълумотномани
Қодирнинг хужжатлари орасига тикиб қўяр экан, имко-
ниятлардан яна бирига қизил қалам тортишга мажбур
бўлди. Энди унинг қўлида иккита козер колганди. Кучлар
баробар. Қайси бири шубҳаларини асослайди, қайси бири
шубҳаларига нукта қўяди. Лекин орадан ҳеч қанча вақт
ўтмай иккинчи умид ҳам сўнди.

Махмудовнинг умиди ёлғиз Faфурдан эди. Сўнгги
бор Қодир билан учрашган, уни яқиндан билган шу.
Тақдири ҳақида бирор нарса билиши аниқ. Агар у ҳам
бирор фикр айттолмаса, шу пайтгача қилинган ишлар-
нинг бари самарасиз якун топади. Faфур афонда тўрт
йил юрди. Эргашнинг ёрдамчиси сифатида мамлакат-
нинг қўпгина шаҳарларида жангарилаш тайёрлаш
лагерларида бўлган. У ерда кимлар бор, қаердан ке-
лишган, нима ишлар қилишади – буларнинг бари унга
аён. Мухими, бирга хизмат қилиб, у ерда қолиб кетган
собиқ афончиларни танимаслиги мумкин эмас.

Махмудов қўшни давлатлардаги ҳамкаслари билан
боғланиб, Faфурни қўлга олишга ва Ўзбекистонга қай-
тариш тўғрисида топшириқномалар жўнатган бўлса-да,
ҳозиргacha жавоб бўлмади. Демак, Faфур у айтган мам-
лакатларга ўтмаган. Бошқа қаерга бориши мумкин.
Ўлмаган бўлса шу пайтгача хабари чиқарди. Балки
Қирғизистонда қолдими? Махдийнинг одамлари сафи-
га қўшилиб кетмадимикин?

Махмудов айни пайтда Қодир ҳақида маълумот-
ларни жамлашни давом эттиради. Ходимлари «Ол-
тинтопар» қишлоғида бўлиб, Қодирнинг шахсига оид

кўпгина маълумотлар келтиришди. Уларда фақат со-
бик афғончининг яхши фазилатлари кўрсатилганди.
Ўртоқлари, ҳамқишлоқлари қаҳрамон йигит билан
фаҳрланишларини айтишарди. Ижобий маълумотлар
Махмудовнинг руҳига таъсир қила бошлади. Жангчи-
нинг жангда халок бўлганига ишончи ортиб борарди.
АгардаFaфур топилмаса, у билан алоқага чиқишининг
иложи бўлмаса, Қодир учун очилган ишни ҳаракатдан
тўхтатишга мажбур.

Эшик тақиллади. Махмудов қофозларни йиғиши-
риб, «Киринг» деди. Ёрдамчиси кирди.

- Кўлдошли алоқага чиқди, ўртоқ полковник!
 - Тирик эканми?
 - Яраланибди. Биз билан гаплашаётганда халок бўлди.
 - Халок бўлди?
 - Шундай. Чегарамиздан ўттиз чақиримча ичкарида.
 - Қамоқдан қандай қочиби?
 - Қидиувдаги Faфур қутқазган. Йўлда уларни то-
либонлар ўқقا тутишган. Кўлдошли яраланган. Кўп
кон йўқотиш натижасида халок бўлган.
 - Faфур тирик эканми?
 - Шундай!
 - У Афғонистонда бўлиши мумкин эмас, қандай қилиб...
 - У биз билан боғланди!
 - Мени ҳозироқ у билан боғланг!
 - Бунинг иложи йўқ, ўртоқ полковник. Алоқа воси-
таси узилган, аммо керак пайтда ўзим сизлар билан
алоқага чиқаман, – деди.
 - Унинг алоқага чиқишини бир соат ҳам кутолмай-
ман. Менга сув билан ҳаводек зарур! Қўнфироқ қилиши
билан мени боғланг!
 - Тушунарли, ўртоқ полковник!
- Махмудовнинг юрагидаги сўнган умид яна уйғонди.
Кўлидаги жилдни архивга эмас, пўлат сандифига солди.

ЧЕГАРАДА

Ёрдамга келаётган жангариларнинг ўқقا тутилиб, ўйқ қилинганини эшитган Маҳдийнинг рухи тушиб кетди. Алам устида чой ичиб турган пиёласини тошга уриб синдириди. Гарчи бақирмаган бўлса-да, пиёланинг овозини эшитган шериклари унга хавотирли қарашди. Маҳдийнинг кўзлари фазабдан чақнаб турганини кўриб, қандайдир кўнгилсизлик бўлганини ва бу кўнгилсизликнинг оқибати яхшиликка олиб келмаслигини тушуниши. Биргина пиёланинг синиши кўпчиликнинг юрагида қўркув ҳиссини уйғотганди. «Бизни пайқашибди» деб ўйлашди улар.

Маҳдийнинг боши қотди. Орқага қайтадиган йўл ёпилганди. Тошлириқ бажарилмаса, Башир унга омонлик бермайди. Қундузга эмас, икки ой яшаган форга ҳам сифмайди. Олдинга юришнинг иложи йўқ. Олтмишта одами бутун бир армияга қарши чиқолмайди. Нима қилиш керак?

Маҳдий узоқ мулоҳазадан кейин Чимёнга кириб боришига қарор қилди. Ахир бу ерда уни қўллайдиган, кутуб оладиган, муҳими, унинг учун қўлига қурол олиб жанг қиласидиган одамлар бор. Маълумотларда улар кутишаётгани айтилган.

Чегарачиларга жангарилар ўтадиган йўлак эмас, балки уларнинг қаерда туришгани ҳам маълум эди. Маҳдий бошлиғи билан алоқага чиққанда ҳарбий алоқа бўлими ходимлари уларнинг сұхбатини тутиб олишган ва Маҳдийнинг турган жойини аниқлашган эди. Ватан химоячилари жанговар тайёргарликда туришарди. Маҳдий чегарани бузиб ўтиш йўлини ўрганди. Ҳозирги ўрни ичкарига кириб бориш учун қулай эди, бироқ тепаликнинг орти яssi текислик, пастга тушаётган одам олисдан кўзга ташланиб қолиши мумкин эди. Маҳдий бошқа жой излади. Ярим тунда одамларини эргашти-

риб йўлга чиқди. Жойнинг ўзгартирилиши ҳам жангарилардаги шубҳани кучайтирди. Улар икки кун йўл юриб, довонлардан ошиб янги манзилга етиб келишди.

Маҳдий шубҳа билан яшашга одатланганди. Йўлга тушишдан аввал иккита жангарини аввалги жойида қолдирганди. Улар икки кундан кейин, белгиланган соатда пастга тушишлари ва аскарларни ўққа тутишлари лозим эди. Улар катта қийинчиликлар билан бўлса-да, Маҳдийнинг топширигини бажаришди.

Тун қоронғи ва майдалаб ёмғир ёғиб турган бўлишига қарамай аскарлар чегара бузувчиларни пайқаб қолишиди. Отишма бошланди. Жангарилардан бирига ўқ тегди, иккинчиси ортга қайтди. Бу пайтда Маҳдий чегарага етиб келганди. Биринчи вазифаси озиқ-овқат захирасини кўпайтириш, кейин эса уни қўллаш мақсадида бўлган қишлоқдаги танишлари билан алоқага чиқиш эди. Яйловларда мол-қўйлар ўтлаб юрарди. Жангарилар уларни бўғизлаб, этларини ўзлари билан тоғлар ичидаги кароргоҳларига олиб кетишиди. Ўт-майсалар устига тўкилган қонлар аҳолида шубҳа уйғотди. Буни яхши ниятдаги одамлар қилмаганини билган одамлар чегарачиларни огоҳлантиришди.

Эртаси куни Маҳдийнинг одамлари ярим тунда засставага ҳужум уюштиришди. Маҳди одамларига аскарларни ва зобитларни асирга олиш, штабдаги қуроляроғларни қўлга киритиш вазифасини топширди. Лекин кутганидек бўлмади. Чегарачилар жангариларнинг ҳужумини қайтаришди. Маҳдий орқага чекинишга мажбур бўлди. Одамлари йўлда учраган биноларни, кўприкларни портлатиб кетишиди. Шу тариқа тоғлар ичидан кўздан фойиб бўлишиди. Жойлашган манзиллари икки давлатнинг оралиғидаги тоғлар эди. Душман изидан қувган аскарлар ичкарига киришолмади. Орадан икки кун ўтказиб, Маҳдий яна чегарага ҳужум уюштири-

ди. У қандай қилиб бўлмасин, танишлари билан алоқа ўрнатиши зарур эди. Улар Маҳдийни қўллаб-қувватлаши, озиқ-овқат билан таъминлаши, одамлари сафига қўшилиб жанг қилиши керак эди-да. Бироқ уни қишлокда ҳеч ким қарши олмади. Ташкилотдан катта миқдорда маблағ олиб турган кимсаларнинг ваъдалари пуч эканлиги маълум бўлди. Бу Маҳдийнинг ишончини ва умидини ер билан битта қилиб ташлади.

Тошлар орасида беркиниб ётган Маҳдийнинг юраги худди сихга тортилган этдек қовуриларди. Кўлида чегара атрофидаги муҳим қурилишлар ва обьектларнинг чизмалари бор эди. Уларни портлатиш тўғрисида топшириқ олганди. Энди у ана шу топшириқни бажаришга қарор қилди. Бунинг устига қўшни Қирғизистон ҳам аскарларини чегараларига келтирган, осмонда ҳарбий самолётлар, вертолётлар пайдо бўлиб қолганди.

Чорвоқ сув омборини портлатишга Маҳдийнинг ўзи раҳбарлик қилди. Ярим кечада олти нафар жангариларни эргаштириб омборга жўнаб кетди. Омборда икки миллиард куба метр сув захираси бор эди. Тўғонлар портлатилса, сув йўлида учраган ҳар қандай биноларни теккислаб кетиши ва шаҳар йигирма беш метр сув остида қолиши мумкин эди. Жангарилар тўғонни гранатометлардан ўқса тутишди. Бироқ туғон мустаҳкам бўлгани учун тирноқдек тош ҳам кўчмади. Кейин кўлбола миналар ўрнатишиди, бу ҳам натижа бермади. Кейинги режаларини амалга оширолмадилар. Аскарлар етиб келишди. Маҳдий одамлари ни эргаштириб тоғ томон қочишига мажбур бўлди. Йўлда қишлоқ одамларидан икки-учтасини асирга олди. Кечки пайт ҳарбийлар жангарилар жойлашган худудни ўраб олди. Қишлоқ аҳолиси худуддан олиб чиқиб кетилди. Отишма бошланди. Қирғизистон ҳукумати жангариларни Кўктош довонидан ўтиб кетишлари мумкин деган тахминда бу ерга катта куч ташлади.

Маҳдий ёрдамчиларини тўплаб, чегарачилар ҳалқасини ёриб ўтиш мақсадида маслаҳатлашди. Тонгда зас-тава биносини ишғол килишиб олинди.

Бир пайтлар жангарилалинг оч қолдирганликда айбланган ошпаз йиғилиш тугашини кутарди. Маҳдий холи қолгач унинг ҳузурига кирди.

- Мен сени чақирмагандим, нега кирдинг?
- Ҳисоб-китоб қилиш учун чақиришингни кераги йўқ!
- Қанақа ҳисоб-китоб!
- Хотиранг ўтмаслашиб қолибди-да! Мени ноҳак ўғирлика айблаб, кўпчилик олдида дўппослаганингни унудингми, ит?

Ит деган сўз Маҳдийнинг нафсониятига ўқдек ботди ва ошпазни ёмон ниятда кирганини тушуниб қўлини пастга туширди. Унинг пажналари тўппончага юрганини сезган ошпаз қуролининг тепкисини босди. Ўқ Маҳдийнинг кўкрагига қадалди. Бир неча қадам нарида турган жангариilar тарсиллаган овозни эшитиб ўринларидан туришди. Етиб келишганда Маҳдий тошлар устида чўзлиб ётар, ошпаз эса аллақачон фойиб бўлганди...

Маҳдийнинг ўз одами томонидан отиб ўлдирилиши тўдани баттар ташвишга солди. Унинг ўрнига тайинланган Абдурашид одамларни эргаштириб, Кўктош довони томон қочишига мажбур бўлди. Жангариilar аскарлар ҳужумидан қочгани билан осмонларда пайдо бўлган вертолётлардан омон қолмасликларини билмасдилар.

Еттинчи китоб тугади

МУНДАРИЖА

Шошилинч хабарнома	3
Кобул	3
Олтнитопар қишлоғи	14
Саманган	19
Юриш	29
Кобул	33
Дубай	60
Юртда	73
Кобул	79
Юртда	89
Шоҳимардон	100
Чегарада	110
Чеченистон	123
Кобул	126
Юртда	142
Кобул	145
Чеченистон	154
Кобул	163
Саманган	170
Москва	184
Кобул	192
Юртда	216
Чегарада	219

Адабий-бадиий нашр

ИСОҚЖОН НИШОНОВ

**АФФОН ШАМОЛИ
ҚОРА АФФОН**

*Роман
Еттинчи китоб*

Тўлдирилган қайта нашри

Муҳаррир
Жаҳонгир ЖЎРАЕВ

Мусаххих
Мадина МАҲМУДОВА

Бадиий муҳаррир
Уйғун СОЛИХОВ

Саҳифаловчи
Суннат МУСАМЕДОВ

Техник муҳаррир
Умидбек ЯХШИМОВ

Лицензия рақами: АI № 252, 2014 йил 02.10 да берилган.

Босишга 2016 йил 29.08да рухсат этилди.

Бичими 84x108¹³².

Босма табори 7,0. Шартли босма табори 11,76.

Гарнитура «Peterburg». Офсет қофоз.

Адади 5000 нусха. Буюртма № 175.

Баҳоси келишилган нархда.

«Янги аср авлоди» НММда тайёрланди.
100113. Тошкент, Чилонзор-8, Қатортол кўчаси, 60.

Мурожаат учун телефонлар:

Нашр бўлими – 147-00-14; 129-09-72;
Маркетинг бўлими – 128-78-43; 397-10-87;
факс – 273-00-14;
e-mail: yangiasravlodi@mail.ru